

2  
THOMÆ BARTHOLINI  
**EPISTOLARUM**  
MEDICINALIUM  
**CENTURIA IV.**

**Variis Observationibus**  
curiosis & utilibus re-  
ferta.



---

**HAFNIÆ,**  
*Typis* MATTHIÆ GODICCHENII.  
Sumptibus **PETRI HAUBOLD,** Acad. Bibl.  
ANNO cId Idc LXVII.

*MUSARUM DELICIO*  
**PETRO SCHU-**  
**MACHERO**

**SER. REG. MAJEST.**

**DAN. ET NORWEG. ETC.**

**A SECRETIS ET ARCHIVIS,**  
**POLYHISTORI ET POLY-**  
**GLOTTO**

**QVI SUPRA ÆTATEM AD**  
**MAGNA SURREXIT**  
**CUM QVO PALLAS DE**  
**INGENIO**

**APOLLO DE LAUDE**  
**CERTAVIT**

**AMICO CONSTANTI FI-**  
**DE COLENDO SUAS ET AMI-**  
**CORUM EPISTOLAS ANI-**  
**MI AMICI TESSERAS**

**L. M. Q. D.**

**TH. BARTHOLINUS.**

TH. BARTHOLINUS  
Lectori S.

**P**ergimus in suscepto Epistolarum argumento, quartamque Centuriam tanto promptius exhibemus, quod priores lectæ sint cum applausu & expetitæ. Benevolentia eruditorum, qui meas nugas aliquid esse putant, omnia adscribenda, nihil mihi. Respicio enim quid non sum, mecumque habitare scio. Magnorum Virorum amicitis, quibus gratiores mihi dies eunt, publico placere studeo, operisq; tenuitatem excuso. Hinc fructum amicitia perdidisse me existimarem, si familiares Epistolas tam nitidas, tam eruditas, & non uno genere  
X 2 splen-

## PRÆFATIO.

splendidas solitudini tineisq; servarem. Privatas Principum epistolas inter linteos libros olim servatas, exemplo D. Valeriani apud Vopiscum didicimus. Ego principum amicorum literas, amoris officiiq; & eruditionis instrumenta, in publicum profero, æternitati sacra, quæ suo cocco rubent, etsi inter mea sint, ad nigram culinam aut cucullos damnanda:

— alios commendat epistola.  
Peccat

Qui commendandum se putat  
esse suis.

Spondeo autem, si verum fatearis, lassum Te ad secundas Epistolas non perventurum. Varia enim artis secreta & Naturæ miranda



## PRÆFATIO.

randam passim prostant, quæ nollem diutius carceres morderent. De reliquis dissertationibus, quas epistolæ continent, & cum fama authorum & rerum Natura deliberandum. Quicquid ultro citroq; tabellariorum manticas oneravit, Tuum erit, sola iudicii æquitate redimendum. Nisi fata intercesserint, Centurias plures, ad prælum paratas, posthæc expecta. Possem quidem tandem desinere: at animus curiosus in ocio senescente, opere pascitur, ut reliquam vitæ partem, si quæ futura, illis impendamus ad quos jucundum erit temporis negotiosi iacturam pervenisse.

INDEX AMICORUM

à quibus vel ad quos

EPISTOLÆ

In Centuria Quarta

scriptæ.

**A** Dolphus Vorstius Med. D. & Prof. Leiden.  
Angelicus Aprosus Vintimiglia, Augustinian.  
Vicar. General.

Antonius Deusingius Med. D. & Prof. Gröning.

Arnoldus Sengverdius Med. D. & Prof. Amstel.

Carolus Dati Ser. Ecur. Magni Ducis Consiliat.

Carolus Offredus Medicus Patavinus.

Christianus Fossius Med. D. & Canon. Lundensis.

Christianus Muller Patritius Hafniensis.

Daniel Puerarius Med. D. & Prof. Genevensis.

Eccardus Leichnerus Med. D. & Prof. Erfurdensis.

Franciscus Muller, Patritius Hafniensis.

Fridericus Hammericus Med. D. & Poliater  
Helsingorensis.

Georg. Frid. Laurentius Med. D. & Poliater Lub.  
olim Archiater Seren. Danor, Principis.

Georgius Segerus Med. D. & Poliater Thorunensis.

Guido Patin Med. D. Prof. Regius Parisiensis.

Henricus Eyssonius Med. D. & Prof. Gröning.

Jacobus Holstius Med. D. & Poliater Tönnia-  
gensis.

Joh.

**Job. Dan. Horstius** Med. D. & Archiater  
Darmst.

**Joh. Jac. Wepferus** Med. D. & Poliater Scaphus.

**Johannes Schefferus** Argentor. Prof. Upsaliensis.

**Joh. Theod. Schenckius** Med. D. Prof. Jenensis.

**Joh. van Horne** Med. D. Profess. Leidensis.

**Martinus Bogdanus** Med. D. & Med. Bernensis.

**Martinus Schoockius** Med. D. Profess. Francof.

Honorar. & Ser. Elect. Brand. Consil.

**Matthias Jacob. Matthiades** Profess. Hafniensis.

**Nicolaus Cornelius** Nob. Panormitanus.

**Nicolaus Hoboken** Med. D. Ultrajectinus.

**Nicolaus Stenonis** Hafniensis Med. D.

**Olaus Borrichius** Med. D. & Profess. Hafniensis.

**Paulus Barbette** Med. D. & Poliat. Amstel.

**Philippus Jacobus Sachs** à Lewenheim Med. D.

Poliat. Uratislav. & Colleg. Acad. Nat.

Cur.

**Reimundus Maria de Pistorinis** Med. D. & Prof.

Bononiensis.

**Thomas Bartholinus.**

*Amplis*

*Amplissimo & Excellentissimo*

V I R O

DN. D. THOMÆ

BARTHOLINO,

In Regiâ Acad. Hafn. Professori Hono-  
rario & Facult. Medicæ Decano perpe-  
tuo, Collegæ honoratissimo.

*Cum suas, Amicorumq; Epistolas Me-  
dicas publicaret.*

**U**T doctum implesti meritis ingentibus  
orbem,

*Et via, quâ licuit crescere, nulla fuit;  
Crescis inexhaustis, dū crescere cogis Amicos;*

*Quos tecū in fama publica, sponte levas;  
Dum secure Tui trabis in consortia laudum,*

*Quicquid Apollineâ nomen ab arte meret.  
Pellao atq; Tibi par gloria: solus ut ille*

*Sol fuerit, comites, astra minora, tulit,  
Perdiccasq; Clytosq; Hephestionasq; Cle-  
andros,*

*Et Polypercontas, Parmeniosq; suos.  
Sed nimia est Bartholine Tui vicinia Phæbi,*

*Quem propius stella dum venerantur,  
hebent.*

Olaus Borrichius.

TH.



TH. BARTHOLINI  
EPISTOLARUM  
MEDICINALIUM  
CENTURIA QVARTA.

---

EPIST. I.

*Cur Nicotiana pulvis oculos clariores  
reddat? De Lactea gelatina observatio.*

THOMÆ BARTHOLINO

Hafniam.



Vo majori me voluptate ult-  
timæ Tuæ bearunt literæ; eo solli-  
citum magis reddiderunt, quæ à  
respondendo huc usq; detinuerunt  
impedimenta; spero nihilominus conjunctis-  
simum mihi Matthiadem, quæ nos inter fuit  
familiaritas, proxenetæ munere functurum,  
si quæ aliàs intercessione opus apud illum, cu-  
jus humanitas cum ejusdem eruditione toto or-  
be decantatissima de palma contendit. Disci-  
puli scripta Collegis Tuis, imo Regi nostro cle-

mentissimo commendando placuisse Tibi eadem non verbis magis, quam re ostendisti. Latum me reddit non tam Tua in me laudando facundia, quæ tenuitatis propriæ conscio ruborem incutit, quam propensus, unde amicissimum illud prodiit iudicium, animus. Vera quidem à laudato laudari laus est, & quis Te plures in Medicina laudis titulos meritis? Ego verò licet à Candore Tuo fictum omne alienissimum esse sciam, novi tamen Præceptorum Te consuetudini hac in parte morem gerere. Laudant illi discipulorum labores, non ut istò præconiò dignos, sed quo animum illis addant, & ad altiora accendant. Sic licet, quæ omnibus admirationi est, Tua in secando dexteritas facile videat conatus meos & labores in re tenui & olim tantum non ab omnibus neglecta fuisse occupatos, ut tamen concepta semel spes alatur, tuis ad majora laudibus stimulantur. Sed & digna Cedro monumenta Tua meo, quam Whartonianò, vasculo meliorem pollicentur fortunam; scilicet parum Tibi videbatur nostris me hominibus laudasse, nisi & universo literato orbi notum reddidisses nomen meum. Ne vero summa Tua benevolentia quicquam relinqueret intactum, etiam id egisti, ut de Clementia Regis securus essem. Sane, quocumque

quotiescunq; hæc omnia mente revolve, in contrarias partes divisus animus nescit, majoremne ex lætissimo hoc nuntio perceperit voluptatem, an ex imbecillitatis propriæ consideratione dolorem. Unicum tamen solatium mihi reliquum, quod sperem, quas meæ opis non est referre, grates cœlum relaturum, quod tot tua promerita summa gloria & omni felicitatis genere compensabit. Quod D. Blasium spectat, ingenuè profiteor summâ me tristitiâ affectum, cum ab hujus loci Professoribus audirem, quæ illis per Juniolem Blasium à Seniore nuntiata; non causæ gratia, quandoquidem tot se mihi illico offerrent argumenta, ut vel accusatoris arbitrio electus judex quicumq; salva conscientia illam damnare non potuisset; Sed ipsius nomine, quo cum ea de re mihi certandum: adeoq; ut nihil naturæ meæ magis adversum quam stylum contra illum arripere, sic nec gratius quicquam erit, quam si tota res Te arbitro posset componi. Norunt hoc illi quibus mea contra D. Blasium nota argumenta, qui me licet gravissimè ab ipso apud Præceptores acculatum, licet amarulentissimis literis provocatum, ex tanta argumentorum segete non nisi unicum ab ipso scriptis mihi suppeditatum proposuisse sæpius mirati sunt. Mihi

verò nec mordaces ejus literæ, nec conviti-  
orum plaustra tanti visa sunt, ut eorum nomine  
modestię limites transgrederer. Nec Deusin-  
gii opprobria moror, qui me modestiam do-  
cebit: Scilicet illam ex prodromo ejus discam,  
ubi se non Bilsii fautorem modo, sed & vitio-  
rum convitiarumq; ejusdem imitatore[m] ma-  
nifestissimè prodit. De modo, quo Nicotianæ  
pulvis imbecillitatem visus emendat, multa  
meditari temporis angustia non permisit: aliis  
enim inserviando, nobis, ut par est, non vaca-  
mus. Quod si autem in arena capiendum con-  
siliu[m], &, quæ sub manu scribentis nascun-  
tur, tuo sistenda conspectui, veniam dabis si  
in quibusdam à vero transversum egerit præci-  
pitan[tia]. Cum calor sit minutas & faciles mo-  
tu partes, quâ data portâ, diffundere, cumq;  
Nicotianam subtilissimis scatere particulis ma-  
nifestissimu[m] sit, non dubito, quin impulsi in  
nates pulveris vires una cum subtilissimis efflu-  
viis non modo per excretorios lymphæ ductus  
(qui in naribus ut copiosissimi, ita & brevissi-  
mi) conglomeratas glandulas tunicæ narium  
substratas subeundo sanguinem aggrediantur,  
crassosq; in eo & viscidos humores incidendo  
ad excretionem aptos reddant, sed & per con-  
tinuum punctis lacrymalibus canalem sursum  
lata



lata palpebram inter oculiq; globum se influent, ibiq; si non aliud peragant, saltem obductam corneae visciditatem sensim fluidiorem reddant. Nec enim semper ea humoris palpebras interius oblinentis est limpiditas, quin aliquando immixtae crassiores viscidioresq; particulae tunicis oculi adhæreant, discussis tenuioribus: id quod beatæ memoriæ Parenti, contigit sæpius, qui Zingiberis radicem saliva humectatam oculis admovendo post uberem humoris effluxum brevi pristinam oculis aciem restituebat. Scilicet subtiles, acutæ & calidæ Zingiberis particulae & membranas stimulando lachrymas provocabant, & crassum, qui membranis obductus erat, humorem incidendo attenuandoq; liberiorem radiis aperiebant ingressum. Quid si quis opinaretur tenuissimas medicamentorum istorum partes ipsam corneam penetrare, humoresq; attenuando depurandoq; transmittendis radiis aptiores reddere? Credidere multi in fascinatione ex infecti corde ascendentes spiritus per ejusdem oculos una cum radiis in alterius oculos penetrare, sanguiniq; se jungere, adeoq; similem ibi morbum producere, id quod in Liliâ Gyraldi Dialogis me legisse existimo, ut alios, quorum nomina festinanti non succurrunt, si-

lento involvam. Quid quod & acutissimus Cartesius per easdē membranas lachrymis exitum patere in suo de homine tractatu voluerit? Quod si ergo hic lachrymis egredientibus, veteres autem ingredientibus noxiis spiritibus perviam putaverint corneam, non absolum esset subtilissimis medicamentorum particulis eandem ingrediendi facultatem tribuere; maximè cum nulla sit membrana adeo densa quin infinitis fere poris sit pertusa. Mittam tamen hoc, cum nec illa de fascinatione sententia omnibus satisfaciatur, nec Cartesii lachrymas explicandi modus licet ingeniosissimus, detectis novis lachrymarum ex utraq; oculi glandula prodeuntibus rivulis, ullā nitatur necessitate, nec membranae licet porosae, subtilioribus quibusvis promiscuè recipiendis aptae reperiantur. Suffecerit Nicotianae Pulverem efficacissimā sui parte tum per lymphæ ductus narium excretorios in sanguinem viam quærere, tum per *ρημάτων* continuationem ad exteriorem corneae superficiem ascendere; cum ex hisce duobus res tota possit explicari: namq; & cornea inde munda redditur & per venas ad cor demissum medicamentum per arterias inde omnes in partes propulsum etiam ad interiora oculi defertur, & per vasa tum sclerodem inter-

cho.

choroidemq; delata, tum in fundo oculi ipso-  
que retinæ centro conspicua non ipsam mem-  
branæ pellucidæ substantiam modo puriorem  
reddit, sed & contentos tunicis humores lim-  
pidos magis efficit. Et quid amplius ab isto  
pulvere poterit desiderari, quam ut & tunicae  
& humores depurentur, crassa attenuentur,  
turbida clara fiant? Requiritur quidem & con-  
veniens cristallini humoris figura, situsq;, & hi-  
scæ respondēs pupillæ amplitudo pro lucis ma-  
jore minoreve intentione varianda; sed cri-  
stallini figuram vix medicamentum facilius æ-  
tas mutabit; situs verò ejus pro vitrei copia,  
ciliariumq; motu varius est: Foramen autem  
uveæ consuetudini potius certa intuendi obje-  
cta; quam certorum medicamentorum viribus  
parebit. Sic minutiora legere, propius oculis  
objecta admoveere assveti remotiora non di-  
stingvunt; nautæ contra remota semper pro-  
spicientes subtiliora, repente oblata vix di-  
gnoscent, hinc ferunt myopes, si iter facturi  
semper locum unde egressi, respexerint, tan-  
dem naturæ vitium emendaturos. Scilicet  
musculi naturam uvea æmulatur, quæ tamen  
radiorum lucis imperium potius, quam volun-  
tatis sequitur; quandoquidem & in me & in  
aliis observaverim admotâ candelâ, vel radiis

Solis admissis constringi eam nobis etiam reluctantibus. Sed quid hæc ego multis? Nempe discipulorum est sententiam suam Præceptorum iudicio submittere, ut, sicubi Præceptorum rationes non fuerint assequuti, in viam reducantur. Idem mihi à Te polliceor, Clarissime Vir, ut si vel à vero aberravero, vel distinctè parum hæc proposuero, Te monente, meliora sequar. Antequam autem hæc missa fecero, pauca de re in propriis observata oculis subnectam. Meminit in Peireskii vita Gasfendus ipsum Peireskium observasse oculos suos exceptas rerum imagines diutius asservare, maximè cum à somno, ut ille refert, humescerent. Simile quid etiam mihi non ita pridem contigit, cum una cum nobil. Gerstorphiis meis fallendi temporis ergo vitro utrinq; convexo radios Solis colligendo imaginis varietatem pro vario vitri situ observarem. Suam namq; oculis imaginem fortiter adeo impresserat igneus ille Solis discus, ut in obscurius recedenti cubiculum & umbrosam parietem respicienti ipsissimus ille ignis in pariete rutilare videretur, sensim tamen evanescens. Nec unica tantum Solis in oculo relictæ idea, sed quot nobis ab inspectione Solis in aëre volitare circuli videntur tot ardentes notare licet globos, si unò

si unô evanescente alterum prosequutus fueris, donec se in pariete stiterit visum egregiè fallens flamma. Quod si vero luce illustratus fuerit paries, alii præter rutilum apparebunt colores, non jam integrum orbem, sed exteriorum orbis limbum, vel annulum referentes. Existimarem hic resiliences ab illustrato pariete radios id agere, ne impressa ante idea distinctè ita observaretur, ut solet aliàs, cum umbrosum, quippe nullos reflectentem radios, aut sane paucissimos, locum intuemur. Sed verèor ne nimis multa de oculo; addam duntaxat unam alteramve in abdomine canis non ita pridem secti oblatam mihi observationem. Venarum mesaraicarum trunci singuli circa intestina utrinq; proximo continuati liberum sanguini ex uno trunco in alterum dabant regressum, istaq; venarum anastomosis vel potius continuatio perfecta in toto mesenterio conspiciebatur, ita tamen ut ex istis intermediis ductibus suos intestina omnia rivulos acciperent, in eodem cane inter renes versus receptaculi finem albissima se gelatina in asserini ovi magnitudinem accumulaverat, quam detractâ nondum communi peritonæi tunica, chyli receptaculum esse cum admiratione suspicabar, mox verò cum nudata omnibus invol-

lucris materia non deflueret, agnovi errorem, remotoq; glutinoso humore ipsum suo locò chyli receptaculum inveniebam. Plura hisce adjungerem nisi tum epistolæ limites transgredi tum Tuâ in tyrociniis meis relegendis patientiâ abuti viderer. Quem desideras, libellum meum à Matthiade tibi jam tum oblatum spero una cum Rulandi Sturmii de Febri-fugo pulvere tractatu, Vale Clarissime Vir, & favere perge                      discipulo

Leidæ 21. May  
An. 1662.

Tibi  
addict.  
Nicolao Stenonis.

## EPIST. II.

*Quare lumen intensum oculis officit? De  
Secundinis cum fetu prodeuntibus.*

NICOLAO STENONIS

Leidam.

**N**Ec dum pro lectissimis Tuis observatio-nibus meoque nomini inter alia inscri-ptis gratias egi, quas meretur & rei novitas & tua diligentia & affectus candidus. Utinam occasio se tandem aliquando offerat, ut testa-ri possim publicè & privatim quantum tibi hoc nomine debeam, quod & Rem. Anato-micam

micam felici cultro & calamo augeas, & me  
 ames. Quæ de nasi ductibus commentaris,  
 parum à vero aberrare videntur, viamq; no-  
 bis monstrant ad problemata quàmplurima  
 solvenda, inter quæ id unum putavi, quod  
 Nicotianæ pulvis oculorum vitium emendet,  
 si per nares attrahatur. Videmus enim pul-  
 vere illo attracto serum copiosum exstillare,  
 oculos lacrymare, & tractu temporis clariores  
 evadere, id quod in me sum expertus. Cujus  
 rei ratio evidens ex Tuis inventis, & ut video,  
 eandem in erudita tua ad me Epistola, doctò  
 quoq; illustras. De speciebus lucidis in oculo  
 tuo remanentibus post solem visum, quæso  
 diligentius cogita, ne cum famæ lucidæ aug-  
 mento, innatum lumen imminuatur. Crebris  
 lucubrationibus accenduntur spiritus, quos  
 animales vocamus, ignescunt, unde lucis qui-  
 dem augmentum, quod subinde à cognato  
 solis lumine rapitur, & extra diffunditur, sed  
 tandem malo aliquo lucentes mulctat, quod in  
 fulgoribus oculorum, quos *μαρμαρύγας* ap-  
 pellant, observavit in Epidem. *Hippocrates*.  
 Vides magnæ famæ detrimenta, quæ & sani-  
 tati officiunt, & quieti. Modum igitur serva,  
 & oculis parce, ut multorum annorum studiis  
 sufficiant. Expertus loquor, qui in eandem  
 cha-

charybdis incidi. Nec parum cadaverosi halitus oculis, cerebro, & pectori officiunt, quos crebris animalium sectionibus pleno gurgite haurimus.

*Ipsa sua Dido concidit usa manu.*

Idem ille oculorum affectus spiritibus retinæ tunicæ insertis tribuitur à *Plempio* lib. 4. Ophthalm. Probl. 20. apud quem latius invenies, quomodo objecto remoto, quidpiam in visu remaneat. Mihi verò commodè explicari posse videtur per lapidem Bononiensem, qui calcinatus recipit lumen solis & aëris illuminati, concipitq; splendorem, quem deinde in obscuro loco exserit instar carbonis accensi, quod non semel vidi, & rem totam ejusq; causas fusè describit *Licetus* l. de Lap. Bonon. seu Litheosph. Forsan inæqualitati asperæ tunicæ retinæ phenomenon hoc adscribendum, quia in speculo catoptrico glabro nullæ objectorum species hærent, sed cum ipsis objectis statim recedunt. Plura aliàs, ubi ortum fuerit. Jam enim funeralibus vacare debeo, quia inopinatam mortem fratris meæ charissimæ Catharinæ Bartholinæ lugeo. Post colicam difficilem gravida foetum nuper masculum feliciter exclusit, qui suis membranis involutus erat, uterino hepate medium corpus



cingente, quæ parte in foetu copiosæ venæ eminebant. Tam verò imperita erat obstetrix, ut quid esset, ignoraret, donec membranæ involventis rupturam svaderem, per quam foetum sanum prorumpentem vidit, vix respirantem, quia diutius suis involucris fuerat clausus. Rediit tamen respiratio, ejulatus & suctio, ut ad quartam horam supervixerit. Postridie Mater puerpera sudore frigido comprehensa cum extremarum frigore, ut circa meridiem beatam animam emiserit, nihil conqvesta, nisi quod in dextro latere dolorem, quasi ex utero, senserit. Aliqui sinistrè suspicabantur uterum cum foetu excidisse, ex inde decepti, quod secundinæ cum foetu simul prodierint, id quod non rarò incolumi puerpera evenit, unde mulieres nostræ vocant, *Barnet met Juset* / seu foetum cum suo domicilio. Aliqui ab esu largiore fragorum hæc symptomata lethalia provenisse crediderunt, nam eo tempore malè cessit quibusdam fragorum esus. Nec mirum, diuretica enim sunt & foetum pellunt. Præterea ob ætatem præter solitum æstuantem acriori succo prædita, colicam hic excitare potuerunt, sicut in aliis diarrhæam. Ego verò malignitatem quoq; adfuisse non dubito, quod febres malignæ passim in urbe audiantur.

Qvic-

Quicquid sit, optimam feminam amisimus, quæ triste superstiti marito; *M. Alberto Bartholino*, fratri meo, nobisq; cæteris sui desiderium reliquit. Da veniam luctui, Ignosce quod paginam hanc mœrore plenam Tibi offeram. Scio Te nostro luctu affici, quem igitur reticere non potui Tibi amantissimo. Vale, mi Stenoni, & susceptum Anatomæ studium, cui natus videris, porro more tuo, hoc est, fervide urge in mortalium ægrotantium commodum, sed ea tamen temperantia, ne longæ vitæ, quam opto, luminibusq; officiis. Hafniæ V. Aug. c10 Ioc LXII.

T. T.

Th. Bartholinus.

## EPIS. II.

*Librarium munus.*

THOMÆ BARTHOLINO

Hafniam.

NICOLAUS HOBOKEN.

S. P. D.

Quæ mihi cum lucubrationibus & æternitate dignissimis scriptis tuis intercedit familiaritas, me eò audaciæ provehit, ut tuos cognitioni humanæ porro locupletandæ sacros,

cros, & desideratissimos labores interpellare his instituiam; ex ignoto (si per humanitatem tuam licet) notior tibi magis magisque fieri desiderans. Ejusque voti exprimendi prima hæc copia datur per affinem tuum amicissimum Cl. D. Blasium, cujus curâ benevolâ adjunctum munusculum Academicum (solidioribus putâ, turæq; claritatis conspectu dignioribus, si Deus voluerit, subsecuturis præmissum) ad tuas pervenit manus. Quam itaque, clarissime Domine, habe animi mei meritò officiosissimi, tuo ut limatissimo, ita æquissimo judicio submisit objectam notulam: & ita, prospera tibi tuisque ex voto omnia apprecatus, impræsens desino. Festinanter ex Musæo meo Ultrajecti, XIV. Calend. Majas anni M. DC. LXII.

---

### EPIST. IV.

*De sexu discernendo in utero. De partus temporibus. De salivalium ductuum inventionem.*

NICOLAO HOBOKENIO

Ultrajectum.

**B**Enè precabor nostro amicissimo *Blasio*, quo paratio tuam amicitiam amica manu & men-

& mente oblatam merui. Tibi verò, Vir  
Clarissime, benè quoque ominabor, qui virtute  
tua & eruditione tot speciminibus publicis  
spectata eruditorum amicitias ambis, quibus  
quanquam adnumerari non possim, gratissima  
tamen mihi est voluntas tua, quæ & eruditis  
me adjungit & amicitia sua dignum judicat.  
Ego quid benevolo affectui rependam, inve-  
nio nihil, nisi parem animum, quem si amas,  
integrum Tibi spondeo. Legi inauguralem  
Disputationem, oppidò eruditam. In *Corolla-  
riis Physiologicis* observo, ex circulatione inventa  
omnem delectum venarum brachii in V.S. tolli  
& aboleri; qui tamen delectus etiam ante cir-  
culationis initia fuit abrogatus, & ab *Higbmoro*,  
accurato circulationis assertore reductus l. 2.  
Disq. Anat. part. 2. cap. 2. Deinde nullam  
prædictionem fieri posse de Fœtus in utero  
existentis sexu, scilicet si ex *Hippocratico* Apho-  
rismo 48. Sect. 5. ex uteri parte fiat conjectu-  
ra; alioqui novi prægnantes quæ sequiorem  
sexum se gestare indubiè sciunt, quando pe-  
jus habent, gravius solito est corpus, & alia  
frigidioris habitus indicia sentiunt. Tertiò,  
septimum tantum mensem & nonum pro na-  
turalibus partus temporibus æstimari, quum  
non nonus mensis, sed decimi initium ab  
omni

omni antiquitate laudetur pro frequentiore partu. Notum illud *Virgilii* Ecl. 4.

Matri longa decem tulerunt fastidia menses.

Et decem mensibus gigni hominem à Decem Viris proditum, teste *A. Gellio* lib. 3.

Noct. Attic. cap. 16. In quam sententiam ita eleganter, more suo, *Tertullianus* l. de Anima c. 37. loquitur: *Legitima nativitas ferme decimi mensis ingressus est. Qui numeros tutiocinatur,*

*& decuriale numerum, ut exinde reliquorum parentem colunt. Ego potius ad Deum arguentabor hunc modum temporis, ut decem menses decalogo magis inaugurent hominem, ut tanto temporis numero nascamur, quanto discipline numero renascimur.* Non progrediar ad menses se-

quentes, qui etiam suos fautores habent, ut verus esse credatur *Plinius* l. 7. c. 5. hominem toto anno & incerto gigni spatio, cui antea *Aristoteles* l. 7. Hist. Animal. c. 4. præluxerat.

IV. In chyli motu & lymphæ lymphaticorum nostrorum esse nos *ὑποψήφως*, Tibique pro veritate & natura defensa gratias deberi amplissimas. V. In ductuum salivalium inventionem prima, nimium tribui amico nostro communi *Cl. Blasio*. Nihil doctissimo Viro detraho, quem amo laude dignum: Cæterum, ille Ductuum salivalium maxillæ inferiori in-

fertorum repertor primus dici non potest, nec unquam pro sua ingenuitate voluit, quippe qui Cl. *Whartono* eam prærogativam nunquam fecit dubiam, de Ductibus salivalibus in maxilla tantum superiori loquutus pag. 64. Medicin. General. De quorum Ductuum inventionem prima certat *Stenonius* noster. Ego hujus litis arbitrium semper declinavi, quia uterque mihi amicus, tentaviq; offensos urriusque animos potius amicam concordiam componere quam irritare; sed irritum hætenus meum fuit votum, nescio cujus culpa. Bella enim hujusmodi inter Anatomes Scriptores geruntur

— nullo habitura triumphos.

Forſan ſi reviviſcerent *Abenſina*, *Haly Abbas*, *Iſaacus*, apud quos horum Ductuum, inprimis *Whartonianorum*, veſtigia manifeſta comparent, aliquid authoritate ſua & eloquentia ad conciliandas eruditas hæce pennas poſſent conferre, quibus tamen & ipsis illud *Senecæ* De Conſol. ad Polyb. c. 36. pro amicis noſtris occinerem: *Virtus in medio poſita eſt, neminem dedignatur, qui modò ſe dignum illa judicat.* Quod & de Te, Clariffime Vir, dictum velim, qui excelſo ingenio excelfa Reip. noſtræ literariæ promittis & ardua, Deus conatibus fa-  
veat,

veat, detq; annos illis pares. Reliqua non tango, quæ transmisisti, ne in alterutrum amicorum videar injurius, nec interim inanes literas remittere volui, ne in nascentem amicitiam peccarem. Ita vale, & me amare perge. Raptim Hafniæ IV. Jun. clō Iōc LXII.

T. T.

Th. Bartholinus,

## EPIST. V.

*Calculi ex urethra sectio.*

THOMÆ BARTHOLINO

Hafniam.

**P**ECCAREM in Te nisi ultimis meis die 28. Januarii Basileæ datis has ipsas subjungerem. Imò non tantum in Te sed & in magnum meum amicum quem inter Societatis Jesu Theologos reperi hoc in loco. Postquam enim præterito mense Martio almæ Basileæ valedixi, atq; per Burgundiam utramq; (ubi in transitu Dolæ Stephanum Willet Foetus mirabilis Dolani Præconem salutare animus erat, irritò tamen conatu, cum paucis ante septimanis à nimia curâ, quæ foetum suum (ita mihi referente Typographo Dolano, fovit,) superatus, unâ cum

curâ vitam quoq; deponere coactus fuit) saluus  
cum Amicis hic appuli, non tantum in Medi-  
corum quorundam sed & aliquot dictorum Pa-  
trum notitiam veni. Ex iis Joannes Berter,  
Vir humanissimus, multifariæ literaturæ, im-  
primis verò orientalium lingvarum & Mathe-  
seos peritissimus, quem magnis seculi nostrî  
Mathematicis ipse quoq; Gassendus jure annu-  
meravit, non tantum amicissimè me excepit,  
sed & quam grata sibi essent scripta Tua pluri-  
mis exposuit. Factum est inde ut crescente  
quotodie nostrâ amicitia, per eam ipsam me  
hisce diebus obtestatus sit, ut primâ occasione  
ex Te sciscitarer, utrum Tychonis Brahæi  
observationes, quarum mentionem aliquam  
ab Excellentissimo Dn. Erastio Fratre Tuo in  
præfatione quadam factam esse referebat, pre-  
lo jam sint commissæ, aut quando eædem pre-  
lum sint subituræ, & cujus operâ. Ego sanè  
cum Viro Humanissimo omni studio satisfacere  
intendam, ejus petitis lubens annui nullus  
dubitans quin simili facilitate mea sis admissu-  
rus petita, quibus duæ vel tres satisficient  
lineolæ. Et sanè quò velocius hæ ad me pro-  
perabunt, eò quoq; citius amici desiderium  
explebunt. Sed ad Medica. Inter morbos chi-  
rurgiam expetentes, quos in Nosocomio hu-  
jus



ius loci amplissimo tractat Medicus Experientissimus, Dn. Joannes de la Moniere Magnus meus Amicus, eodem invitante sequentem vidi, quem Tibi, Vir summe, communicare dignum judicavi. Adolescens quidam 18. annorum, ab ipsis ferè incunabulis tumore circa penis radicem duro, dolorifico, crescentibusq; annis ibidem crescente laboraverat. Continebat quippe calculum, qui progressu temporis ab affluente semper materia auctus, eam tandem ante menses aliquot nactus est magnitudinem, quæ ad omnimodam Urethræ obstructionem sufficiebat. Secuta est inde dolorifica eaq; difficilis urinæ excretio, egrediente solum urinâ per foramen sinuosum in ipsâ calculi medietate excavatum. Quare mulierculæ uberiores feri excretionem molituræ, nasturtii herbas ægrotantis applicuere aqvaliculo. Irritata diuretico hoc potenti natura; ruptis subtus ad radicem penis, & hujus, & urethræ membranis, ipsisq; communibus integumentis, suppressæ urinæ præter priorem aliam adhuc monstravit viam, eamq; cum per calculi foramen & penem, tum per apertum ulcus deinceps expulit. Hinc sub initium Aprilis anni hujus 1662. in Nosocomium istius Urbis deductus æger, curæ Excellen-

tissimi Monierii commissus est. Iste postquam sectionem omninò necessariam esse cognovit, præparato debito more corpore ægri, operationem Exercitatissimo Nosocomii Chirurgo Dn. Poulet commendavit. Hic factâ præsentè Medico subtus in pene circa radicem oblongâ incisione, scrotum quoq; ex parte attingente, calculum oblongum, sinuosè pervium, ovicolumbini magnitudinem pollicisq; crassitiem longè superantem, & unciaæ mediæ pondus æquantem, callosâq; membranâ undiq; cinctum, feliciter extraxit, hospitemq; istum, præter hospitis voluntatem satis diu molestum, cum summo ægri solamine impolsterum exesse jussit. Ego tertio post sectionem die, cum primâ vice à Cl. Monerio invitatus Nosocomium intrarem, agrum benè constitutum vidi, nec ullum accidens hætenus eum afflixit. Vultus jam ferè coaluit, callositate dictâ oleo Nitrî Cl. Medici jussu ferè absumpta, ita ut spes citæ sanationis supersit amplissima. Figuras utriusq; lateris calculi, amicâ manu delineatas, hisce cape. Miræ sane est res, calculum adeò grandem non in vesica sed extra eam in urethra pro ductum esse. Cl. Monerius credit adesse vitiosam urethræ conformationem, vultq; à primo ortu sinum quendam in urethra  
effor-

efformatum fuisse, cui se urina (quam cum Helmontio calculi causam esse credit) sensim sensimq; insinuarit, & coagulata in lapidem degenerarit. Ego quamvis Amicissimi Viri sententiam nunquam reprobarim, pro sinu tamen illo porum Prostatae dextrae, in urethram ad penis radicem circa vesicae sphincterem patulum haud absurde substitui posse conjeci, ob commodiorem materiae calculosae (quaecunq; tandem illa sit) delitescentiam. Sed nimius fui in enarranda historia, talis tamen esse volui cum rara mihi sit visa atq; insolita. Salutant Te officiosissime Viri Cl. Monierius & Meyssonnierius, quorum iste Elementa sua Medicinae Tibi mittenda mihi concredidit. Vale Patrone Colendissime, & observationum Braheanarum memor mihi fave. Dabam Lugduni ad Ararim die 24. Maii 1662.

Excellentissimi atq; Magnifici No-  
minis Tui

Cultor indefessus

Georg. Segertus.

b 4

EPIST.

## EPIST. VI.

*De Observationibus Tychoonis. Sedes calculi  
in urethra. Hemicranæa in nephritide.*

GEORGIO SEGERO

Lugdunum.

**Q**uanquam ubi pedem jam figas, ex quo Basileam, humanitatis sedem, reliquisti, ignorem, committere tamen non volui, ut responsio differretur, quam urges in gratiam Celeberrimi *Berteti*, immensæ pariter & profundæ eruditionis Viri, scias igitur Observationes *Tychoonis Braheï*, Atlantis nostri, manu propria exaratas propediem lucem visuras ex Museo Augusto Serenissimi Regis nostri operâ fratris mei *D. Erasmi Bartholini*, Matheseos & Medicinæ Professoris Regii. Ingens diuq; desideratum opus penè periisset, nisi in Augustas has manus incidisset. Fama fert alibi incoëptum esse simile opus, sed cum hoc Manuscripto conferri non posse, quod eapropter magno desiderio à curiosis cœlestium rerum amatoribus expectatur. Spero prima occasione jussu Regio fratrem laudatum commissi operis initium facturum, ut ab interitu vindicetur immortale multorumq; annorum elaboratum vel congestum volumen. Magni erit laboris vastos istos libros MStos, lituris hinc

hinc inde lectu difficiles, & confusos, in ordinem redigere, & describere. De felici tamen eventu dubitare nemo debet, quia fratri in his sacris versatissimo, nihil tam arduum quia perficere possit. Cœpit cum Bibliopolis transigere, & cum Typographo calculum ponere. *Joannis de la Moniere* amicitiam Tibi gratulor. Vir est in Medicis Observationibus diligens, sicut ex libello ejus olim edito *de Fluxu Dysenterico* perspexi. In casu vero proposito calculi in urethra contenti, juxta tecum non credo sinum à primo ortu efformatum fuisse, potius à calculo productum qui sensim increfcens spatium sibi idoneum confecit, sicut in aliis corporis partibus, in quibus calculos observamus. Causa autem hujus calculi, non est urina, sed Tartarus in urina contentus. Sine sinu naturali in urethra posse calculum detineri, docemur exemplis cottidianis. *Zacutus* observationem suam addit l. 2. Prax. Adm. Obs. 67. Chirurgus enim quidam peritus impacto in medio virgæ lapide 15 diebus habuit urinam suppressam, quæ nullis auxiliis potuit effluere. Post mortem, secto pudendo, inventus est lapis magnus, rotundus, durissimus, rubri coloris, aculeis undiq; in orbem constans, pondere granorum 45. qui larga prius sequuta hæmorrhagia.

rhagiâ, hominem jugulavit; quæ sangvinis effusio sequuta non fuisset, si in sinu aliquo calculus delituisse. Beneficium laborantis lotii fuit, quod per apertum ulcus fluere potuit. Solent eo loci in calculosis ulcera nasci. *Platero* enim teste l. 3. Obs. sectio facta eo in loco, ubi calculi è vesica extrahuntur, desperata ulcera sordida in penis ductu interno patefecit. Ibidem natura viam exituro lotio pandit. *Horstio* enim Seniori si credimus l. 4. Obs. Singul. p. 2. Obs. 16. infans penem perforatum non habens, urinam per foramen à natura sub scroto, eo loci, ubi calculi vesicæ per sectionem eximuntur, efformatum, voluntariè emisit. Tua quoque conjectura explodi non debet. Porus enim Prostatae ampliatus potuit & calculum continere & urinam suppressere. Observavit quippe *Riolanus* l. 2. Anthrop. c. 28. in suppressione urinæ glandulas Prostatas tumefactas, vel scirrhusas. • Et *Rhodius* noster Gent. 3. Obs. 27. cum *Fabricio Bartholeto* Pisus vidit in corpore glanduloso à semine retento genitum fuisse calculum, quo vesicæ orificium comprimente, urina fluere desit. Imò in ipso testiculo calculum invenit *Platerus* lib. 3. Obs. Sed quia circa calculosos versamur, miror observatam in nonnullis hic Hafniæ calculosis ejus-

ejusdem lateris hæmicraneam; qua parte ren-  
 num calculus se urinæ iis opposuit doloremq;  
 fecit. Vidi id apud amicos duos. An sero in  
 caput restagnanti id imputandum, vel mem-  
 branarum ejusdem lateris ille sit consensus,  
 non vacat jam expiscari. Convulsionem mi-  
 natur *Hippocrates* l. 1. Præd. §. 120. si vesica  
 sit intercepta cum capitis dolore. Forsan quia  
 nervorum principium serum interceptum  
 inundat. Alibi quoq; idem §. 106. lumbo-  
 rum & capitis & oris ventriculi dolorem jun-  
 git. An membranarum ibi sit vel nervorum  
 consensus, ipse divinabis, cui genius Coi est  
 notissimus. Cl. *Meyssonnerium*, amicum ve-  
 terem, officiosè saluto, cujus *Elementa Medi-*  
*cinae* nervosissima advenient cum applausu.  
 Magnos Viros *Bertetum* & *Monierum* magni-  
 facio, & diu valere jubeo. Tu quoq; , mi Se-  
 gere, optime vale, & quocunq; iveris, ito bo-  
 nis avibus. Hafn. XX. Jun. clō Idc LXII.

T. T.

Th. Bartholinus.

EPIST.

## EPIST. VII.

*De Thermis Germaniæ.*

THOMÆ BARTHOLINO

Hafniam.,

**I**N culo Germaniæ (ignoscant Najades!)  
 Iob valetudinem sinistram Conjugis meæ di-  
 lectissimæ constitutus, & à vaporibus tepidis  
 lassus penitus, convalui, viresq; & animum  
 recepi ad adspectum Excellentissimi Ostenfel-  
 dii, Viri optimi & seriò docti, atq; pensacula-  
 tius eruditi. Amicum colloqvium, Tuq; Sa-  
 lutatio amica suppetias tulerunt refocillationi,  
 maximè qvòd ex voto usus thermarum Do-  
 mino Ostensfeldio succedat, cui suavor sum, ut  
 absoluto hoc labore ad acidas Swalbacinas  
 veniat & viscera refrigeret ac alteret, cum  
 non rarò atoniam videamus partium sequi  
 balnea. Nuper casum singularem polutionis  
 misi T. Excell. an acceperit, aveo scire. Sum  
 enim & maneo addictiss.

Embs. 29 Maj 1662.

J. D. Horstius.

EPIST.



## EPIST. VIII.

*Aquarum damna.*

JOH. DAN. HORSTIO

Embsium.

**G**audio quod tantos meos amicos Najades junxerint, multumq; illis debebo, si saluum sanumq; utrumq; remiserint. Ut & Tibi & Ostenfeldio nostro salutaris sit usus aquarum ex animo voveo. Nobis quidem aquarum est copia, sed sapius in illis suffocamur. Nuper enim Medicus Nidrosiensis D. *Janus Naschovius* in puteum delapsus obiit. Vestrae Najades salutari vos aura afflant & unda perluunt, quibus perpetuitatem opto. Pro *Stransfii* Appendice gratias ago per Hauboldum missa. Casum polutionis singularem, necdum accepi, forsan in itinere adhuc hærentem. Gratus nobis omnibus erit adventus filii Tui, quandocunq; suscepti itineris ratione ad nos pervenerit. Feriamur penè donec ad editionem Epistolarum circa Autumnum nos Typographus vocaverit. Mense Septembri in publica Auctione distrahentur libri b. m. *Bangii*, quibus Cl. *Rhodii* plures accedent. Nudius tertius dissectioni Aneurysmatis interfui. Eodem ferè die cadaver puellæ lustrabatur, quam largior Aquæ Cephalicæ Carolinæ potus jugularat.

larat. Hisce vale cum optimo nostro Affine  
& Collega D. D. Ostenfeldio, meq; amare  
perge. Raptim [Hafn. XIV. Jun. clō lcc LXXII.

T. T.

Th. Bartholinus.

## EPIST. IX.

*Pro Hepate Defuncto gratia-  
rum actio.*

THOMÆ BARTHOLINO

Hafniam,

**E**Xoptatissimas pridem à T. Excell. literas  
accepi, ingenui quo refulges candoris tes-  
tes, quas intimo animi affectu excepi, exoscu-  
latus humanitatem: Gratisimum quoq; fuit  
eruditum illud tuum Hepar Defunctum, quo  
meo nomini affudisti splendorem. Ut illis in  
Tuæ amicitiae sinum me humaniter excipis, sic  
erudito hoc scripto improbum illum ac per-  
sonatum Defensorem Clarissimi nominis Vi-  
rorum, defensoribus id genus haud quaquam  
indigentium, in suo scelere confundis. Nil  
gratius mihi potuisset accidere præ tanto be-  
neficio, quo mei defensionem abundè præsti-  
tisti, ac doleo ex animo, quod paria non in-  
veniam,

veniam, quibus quæam ex voto amicitiae illi  
Tuæ candidissimæ respondere. Saltem animus  
non deerit, qualem quæas desiderare; quodque  
operi negatum, id affectus supplebit. Si animo  
mecum amicitiam metiaris (quæ genuina hu-  
jusce mensura habenda est,) allaborabo pro  
viribus, ne amicitiam me vincas; si veritas in-  
quirenda, à Te, Vir Inclyte, longè malo superari,  
quam cuiquam videri pertinaciæ studuisse.  
Nec sanè quicquam ulterius adderem Defun-  
cto Hepati, nisi candidum me ipse esse juberet,  
qualem hætenus observasti; nisi ipse censes  
amicitiam nequaquam indagine veritatis inter  
Bonos turbari; nisi me dissentire porro jube-  
res, pro veritate quærenda, illas à amicitiam.  
Parui ergo Amico, ac dubia nonnulla in ma-  
jorem ipsius gloriam notavi, quæ Typographi  
culpa Exc. Tuæ nondum exhibeo, hoc agere  
studui, ne videar cuiquam in Bilsii gratiam,  
(cum quo mihi hætenus ne literarium qui-  
dem commercium intercescit,) vel cujusquam  
mortalium, à magno Bartholino dissentire vo-  
luisse, cui præfero nihil ad Rempublicam no-  
stram literariam attinens, præter unam veri-  
tatem, si quæat inveniri; quam Deo vicini-  
simam præferre rebus mortalibus soles. Odi  
genus id hominum, idque Tecum detestor, quod  
ob

ob studium veritatis, in veritatis studiosos, si forte ipsorum ingenio non congruant, acerbè invehitur: A fonte Veritatis id longe remotum est! De personato Blottesandæo, ac sociis illius, (quamvis unus famosi Libelli sit Autor) non est quod Tibi, Vir Excellentiss. multa commemorem: Autoritate publica infamis declaratur, ut ex adjectis cognosces; ac vidisti infamis Autoris imaginem, ipsius manu depictam, quam certè nec ipse Apelles exprimeret accuratiore penicillo. Qui ejus Libellum famosum volverunt Viri cordati; uno ore pronunciant, esse probum Nebulonem, qui vivat in Mundo sine Deo sine conscientia. Responsum is quidem nequaquam mereretur, nisi res sacras profanaret, atq; impii oris fædisimis sordibus ipsimet veritati officere nebulam pro virili allaboraret. Eatenus retundendus est: quod larva ipsi utcunq; detractâ præsentibus hisce, quæ offero, aggressus sum. Parata jam pridem sunt reliqua omnia, prælumq; expectant. Dabis veniam, Vir summe, quod tardius respondeam. Sensisti procul dubio multoties meum animum T. Exc. præsentem: Sed manum cohibuit occasionum defectus. Speraveram primum Nobiliss. & Ampliss. Dn. illum, qui Tuas attulerat,

rat, ex Anglia hac ad vos rediturum; Sed frustra speravi: Post incio me planè D. D. Romelingius discessit. Interim animum Tibi, Excellentissime Vir, ac colendissime Amice in amicitiam inviolabilem sacratissimum gessi: quam velut à Tua amisi dextera; sic mentis indicè hac dexterâ sincerâ Tibi vicissim obstringo. Vale, inclytum decus Reipublicæ literariæ, Candidissime Fautor, & Amice suspiciende; ac, quod agis, porrò favere perge tuo

Excellentiæ Tuæ

Gröning. Cal. Jun.  
1662.

omni fide, observantiâ,  
studio ac candore devincitissimo

A. Deusingio.

## EPIST. X.

*Responsio consolatoria.*

ANTONIO DEUSINGIO

Gröningam.

**N**imio officio me dignaris & honore, ut nesciam quibus verbis id rependam. Amicè me in Dissertatione eruditissima de Hepatis officio in arenam provocasti, amicè ego, sicut par erat, provocatus respondi, & si ma-

c

ledicta

ledicta rependissem pro amica Tua voluntate & sincero affectu, qui ubiq; eluxit, maledictis omnibus dignus essem. Non ea est, fuitve mea indoles, ut amicos ulla injuria afficerem, aut dato studio inimicos venarer. Sponte sua inimici luxuriant, sicut in hortis artice, curiosisq; artibus advocandi non sunt, sed depellendi. Verum enim est Italorum proverbium: un inimico è troppo, ma cento amici non bastano. Magnos thesauros colligunt quibus plures amicitiae, earq; haud fucatae. Tu vero, Magne Deusingi, magno beneficio me beasti, quia amicum Tibi esse voluisti, & majori, quod candidum esse credidisti, nec falsas suspensiones admisisti illorum, qui de mea integritate fortasse sinisterius judicarunt. Cruce infelici digni sunt, qui amantes non redamant, vel qui sub amicitiae specie odia foveant. Bonum igitur factum, quod amicitiam mutuam sinceritate stabiliamus, valeantq; qui inter nos diffidia volunt, nulli profutura. Nam si rectè calculum ponimus, pretioso tempori tempora nostra debemus, ne utiqvam altercationibus sed rebus seriis impendenda. Nollem Te, mi Deusingi, nimium defatigari prolixioribus Apologiis. Majoribus es natus, & utilioribus præclara Tua penna inserviat. Impera Tibi  
ipfi

ipsi constantiam, & animum firmum. Quod tantò majore fiducia Tibi svadeo, quanto innocentiorē credo amicum illum meum, quem sub anagrammate suspectum habes, singulari eruditione & modestia mihi perspectum. De reliquis securum Te esse jubeo, constantem me futurum in amicitia & candore, nec unquam commissurum, ut cum opinionum diversitate dissentiant quoq; officia: quanquam nec opinionibus ullus futurus sit dissensus, si quicquam ex eruditionis Tuæ penu depromseris, quod Hepati inserviat. Nunquam tanti mihi erunt Hepatis partes, ut vel veritati obstrepem, vel Te amicum omni officio demerendum offendam, si quidem offendere sit dissentire. Plura adderem, sed excludor angustia paginæ, pluribusq; & gratias agerem pro eruditi Oeconomi erudita Apologia, & pro dextra in fidem perennaturæ amicitiae mihi tradita, sincera mente mihi semper exosculanda, sed quod chartæ deest, supplebit animus Tibi Tuisq; virtutibus addictissimus

Hafn. XV. Jul.

Tui

clō Ioc LXII.

Th. Bartholini.

Impress. Gröningæ 1662.

## EPIST. XI.

*Anatome rustici ex pugno pectori  
inflicto mortui.*

THOMÆ BARTHOLINO

Hafniam,

**E**X Hauboldi subolfeci literis, quare ad me-  
as non dederis responsum, ne forsan nuni-  
cium triste diceres, quo tamen ab Hauboldo  
non sum perturbatus. Refert meam chartace-  
am supellectilem belli tempore Helsingoræ à  
Magni nominis Sueco Ministro directam. Si  
factum est, fateor jure factum esse. Justum ut  
pœnæ partem exsolvam, quod apud vos pecca-  
vi. Leve est, quod Deus misericors mea tan-  
tum censuit levissime, nec me ipsum corripuit.  
Si indicas istius Suecici ministri nomen, non  
deerit in talem in commoda materia animus  
vindex. Transmisi tibi Decadem observatio-  
num Chirurgo medico-anatomicarum, indi-  
gent luce, retine inter lares privatos. Com-  
municavi Doctis Viris casum alium nostri Ma-  
gistratus jussu, sed qui respondeat, nemo domi  
est. Habes exemplar. D. Segerus hac de causa  
cum hic degeret, convenit meos Collegas,  
opusculum hac de causa conficio. Discessum  
luxisti mei Fuirenii publicè, istum lessum &  
Disputationes me absente à Te editas adde Hau-  
boldo



boldo cum inaugurali D. Olfenfeldii Disputatione, libentissime exemplar etiam ad has oras debet transmittere. Segerus à me habet monstrum depictum pro Fe, aliud addidissem, sed properabat. Legi tuam Epistolam contra Zassium Bilsii mangonem. Ego propediem sub salis hepatici nomine hanc rem tractabo, & sulphuream cordis *αιματηνισον* defendam. Mumias etiam servandas indicabo. Polypus cordis iste optimam præbet occasionem, in utroq; ventriculo visus. Habemus in Bongarsii Bibliotheca mumiam Fabricii Hildani, quæ venas arterias cum valvulis, & nervos totius corporis non in tabula monstrat, sed libere cum cerebro, corde, hepate &c. modum nescio, cum tamen inquiri, & si inveniam in scrinio ejus, propalabo ipsum. Extant Opera Ruffi Ephesi Græcè MSS quadratis literis in dicta Bibliotheca Bongarsii. Si habes ea impressa, indica ubi & quando. Vidi Turnebi apud Stephanum Parisiis, sed non habeo. Paro ex tua Reformata Anatomia quid anonymi in anatomicis, & alia plura, sed praxis ista impedit, quod rescies ex D. Segero. Affligit nos Petechialis epidemica, pestem veremur, si Ephimerides quas paro bene calculum ponunt. Salomon Rex te salutat. Nemo vestrum re-

spondet, nec D. Hessius nec Meibomius. Vale cum tua nobilissima familia prosperrimè in Deo, & fave etiam meæ ad rigidas Alpes, quæ te salutatur, & Deum orat ut te orbi literario servet sospitem diutissimè. Bernæ 10. Junii 1662.

T. T.

M. Bogdanus.

### Casus.

**A**nni 1662. Martii 26. ante meridiem hora nona Peter sum Kreuz rusticus Ebrius, ætatis consistentis, ex pugno pectori inflicto, supinus sternitur. Ex templo conqueritur de frigore, dolore lumborum, ita ut ægre deambularer, attamen ejus diei vespera extra urbem ad suam familiam se confert, quæ sesquihora distat. Decubuit, sanguinem sput, punctio- nibus gravissimis in utroq; latere excruciatu, sitis ingens, & tandem mentis vacillatio adfuit: quam excepit convulsio, & Mors 30. Martii hora ipsa meridiana.

### Visitatio.

Jussu nostri Illustriss: Magistratus Bernensis cadaver inspeximus, & quid exterius, quid interius apparuit hoc modo notavimus.

Dorsum

Dorsum à scapulis ad lumbos lividis longiusculisq; maculis quasi vibices verberum essent notamus, quæ novacula incisæ, nulla vestigia suffusi sanguinis, & ideo coagulati præbebant. Pudenda livida etiam gangrænam quandam innuebant. In sinistro cubito circa Olecrani protuberantiam ex ecchymomate sanguinis, quod ex baculo ferebatur adesse, livor, sine tamen ossis fractura, luxatione articuli, & carnis difissione. Fœtor tantus, qui nec suffitu odorifero, nec igne inflammante poterat emendari.

Aperto abdomine, hepar, lien, stomachus, renes & intestina omnia salva lustravimus, in figura, colore & situ, nisi quod intestina flatibus turgebant.

In thorace externè sub mammilla dextra uncialis nummi macula livida, ex memorato pugno aderat, sine effusione sanguinis itidem, vulnere, fractura, sine luxatione costæ, sine totius compagis quæ sternum dicitur, læsione. Dum intimum thoracis claustrum inspicimus, omnia contenta, quasi fumo fusca forent, visa sunt, & utriusq; lateris pleuræ pulmonis lobi firmissime hærebant. Pulmo siccus, & lividis notis interstructis in superficie. Intus putidus, & quasi pus siccatum apparebat,

Cor vitæ princeps & moderator, illæso pericardio & ejus aqua, omnino flaccidum. Cum dextrum ventriculum ferimus, apparet materia subalbicans, pancreati omnino similis, dum istam trahimus, semiulnam vel quinqve digitorum latitudinem æquat & duos transversos latitudine. Sangvini coagulato qui ex vena pertusa in sanis & pelvi exceptus concrevit similis. Cum tamen simile quid veræ pingvedinis interspersum esset, cum tenacitate, quod nec unguibus cedebat, diversum quid judicavimus. Ventriculus iste præterea sanguine putrido, id est sine fibris scatebat. Dum sinistram cordis foveam scrutamur, siquidem dextro thalamo ipsa nobilior audit, etiam parem in ea materiam & longitudine, & visciditate reperimus. Ex his cordis polypum dicimus, & uterq; ponderabat ad minimum uncias quatuor. Caput etiam apertum, sed nulla offensionis nota, vel in cute vel pericranio, vel ipso cranio & meningibus comparuit.

#### Quæstio.

An jam iste Peter zum Kreus propter verbera, vel ex eorum casu, vel morbum secutum mortuus sit.

Respon-

## Responsio.

Si ætas, temperamentum siccum, vita laboribus rusticis assveta & dedita, calidior veris præsentis constitutio, & in hoc casu ebrietas & dispositio nobiliorum viscerum expenduntur, sine ullo vulneris lethalis indicio, & circumstantiis incognitis, incusare morbum malignum pectoris possumus, qui pleuropneumonia dici potest ob *συνδραμὴν* symptomatum. Etsi supinus ex percussione cecidit, & extemplo dolorem utroq; in latere pungentem cum lassitudine spontanea percepit, cum tamen nec consilio, nec auxilio Medici usus sit, sed frigoris molestiam symptomata narrata cumularunt in Ebrio irato, indignabundo, vindictæ cupido, difficulter proxima mortis causa à nobis potest definiri, vel ex his certa nota, quæ vel reum vel mortuum ipsum inculparet. Viscera pectoris omnimode læsa, etiam à majori tempore causam indicant. Sit causa concomitans lapsus, Ebrietas, iracundia, vindictæ cupido, quæ omnia facile abditas & latentes causas irritarunt & explicarunt: attamen intollerabilem foetorem, vibices in dorso sine sanguinis coagulati præsentia, & pudenda livore circumfusa, neutiquam nudius tertius

potuerunt caufari. Equidem olecrani regio suffufa quidem fanguine erat, & ictum majorem quam ullibi monftrabat, eft tamen fine luxatione fractura, & vulnere, nec cum his, tanti habenda efferet, præfentibus. Quot hujusmodi plagas non fufferunt, fine discrimine vitæ? Itaq; dictus putor ex maligna putredine pullulavit, ejusq; characteres maculæ lividæ quæ etfi in nullo ægrotantium adhuc à nobis obfervatæ funt; forfitan fummo cum infortunio fe primum in hoc mortuo explicarunt. Hujusmodi pleuropnevmonia Medicis maxime cognita eft, quæ neutiqvam præfupponit ejusmodi procatarcticas caufas; fed contagium aut victum, aut cœlum hac hyeme huic regioni diverfum; & pro fynectica habet peculiarem malignitatem, & fanguinis corruptionem. Optime hic memorandum quod Valerius Maximus lib. IX. c. XII. reliquit: Fine namq; vitæ noftræ variis & occultis caufis expofito imprimis quædam immerentia fupremi fati titulum occupant, cum magis in tempus mortis incidant, quam ipfam mortem accerfant. Itaq; putamus quod verbera & lapfus, dici poffunt mortis caufa fed remota: aft primaria & proxima neutiqvam. Nulla obfervata eft fractura, contufio, vulnus, nec fanguinis aliqua profufio.

ſio in cavitare Thoracis. Materia (ſeu purulentam ſeu polypodeam vocamus) in Corde à nobis animadverſa, alicujus venæ diaireſin teſtari poſſet, ſed omnes venas cordis ſalvas vidimus, tum etiam eas quæ in modum coronæ cor ambiunt. Itaq; coagulatio iſta à Caloris p.n. vehementia provenit, ſeu ut clarius ex neotericis dicamus, abſumpto ſulphure ob tantum febris æſtum, non tantum fœtor & putredo excitata, verum etiam ſal coagulandi virtutem exercuit. Hac de cauſa ſanguis reliquus ſine fibris lychnum vitæ alere non potuit, quod, cum ſal omnis ad cor confluxerit, quo reliquæ partes deſtitutæ, huiusmodi fœtorem conceperunt, & exhalarunt. Pulmonum lobi, utriq; lateri aſſixi non per fibras, ſed per gluten, intus purulenti, exſucciq; eandem pleur opnevmoniam confirmant, & ex eadem deliria ſeu paraphrenitin, convulſionem & ſuffocationem. Hoc modo juſſi caſum ex noſtræ medicinæ fundamentis exponimus, & ſi opus duxerit Illuſtr. Magiſtratus etiam ſcholiæſtæ aderimus. Neutiquam, quo leges hujus reipubl. præoccupemus, vel ſapientiſſimorum Patrum hujus Urbis prudentiam & quantum mores valeant præpondere- mus: Sed quo cujuſvis conſcientiam firme- mus; præſertim noſtram. Quam etiam Do-  
ctio.

etiorum censuræ, & vestræ Illustr: Patres ante omnes cum hoc scripto subdimus, Bernæ Helvetiorum 4. Aprilis 1662.

Joh. Christ. Wilhelmi, M. D.

Mart. Bogdanus M. D.

Abraham Andres Chirurgus.

## EPIST. XII.

*De editione Ruffi Epbesii. Et alia.*

MARTINO BOGDANO

Bernam.

**A**Mo Te, quod aurem ad scribendum vellices. Segnior subinde est calamus, non animus, Tibi semper addictissimus. Chartaceam tuam supellectilem Helsingoræ nonnihil imminutam mihi conquerebatur Bramii in thalamo successor, à nescio quo Sueco in comitatu Illustrissimi Senatoris *Rosenhavi*. Transmissæ observationes Chirurgo-Anatomicæ gratissimæ venerunt, commodeq; inter Centurias meas locum inveniunt, quia limatæ & eruditæ, h. e. *Bogdano* meo dignæ. Casus à Te & Cl. *Wilhelmo* signatus accuratè, pro vero se facile commendat. Sæpe enim externa accidentia



dentia internas causas fuscitant, quod prioribus annis hic vidimus in tabro *Gyldenlovii*, cujus mentionem feci in *Cista Medica*. Monstrum depictum procurante *D. Segero* nostro, qui *Lunæburgi* adhuc commoratur, rectè cum tabelatio accepi. Quæ de cordis *αἰματισμοῖς* meditaris, digna erunt publica luce, rogoq; ne diu institutum hoc differas. Nuper in *Zelandia* monstrum natum sine corde & cerebro, unde aliquid pro hepate ibidem meditatur *D. Everardus*, eo quod ad hepar ejusdem duobus ventriculis instructum, venæ omnes commement. Sed non credo exinde quicquam posse effici, si quidem monstrum est, & hepar monstrosum cavitates à corde videtur mutuatum. Quæ de novis ductibus salivalibus & narium commentatus est *Stenonius* noster, sine dubio vidisti. Bononiæ *Malpighius* in Observationibus novis, pulmonum substantiam infinitis vesiculis constare docet. Quartum jam Anatomix Reformandæ accingor, expectantq; Bibliopola Belgæ magno desiderio correctum à me exemplar & novis nostris observationibus accommodatum. Ex *Ruffo Ephesio* quædam habeo *MSta*, ex Bibliotheca Medicæorum Florentina, ubi nonnulla sunt quæ differunt ab illis quæ edidit *Turnebus*, nonnulla prorsus sunt inedita.

Ex

Ex editis nihil penes me est, præter illa quæ operi Medicorum Principum Parisiis apud *Stephanum* annectuntur. Turnebi editione adhuc careo, quæ prodiit Parisiis 1554. in 8. Eiusdem de Appellationibus Partium Corporis librum à *Junio Crasso* latinitate donatum Venetiis 1552. in 4. editum Bibliothecæ publicæ legavit beatus noster *Fuirenus*, cum reliqua suppellectile libraria, cujus Catalogum beneficio *Th. Fuireni*, cum aliis per *Hauboldum* mitto. Nos quod concernit, benè adhuc valeamus cum familia tribus filiis aucta, totidemque filiabus. Ad plures verò abierunt *Bangius*, *Spormannus*, *Pfeiffius*. Te valere & sedem Bernæ elegisse omnes lætamur amici, qui Te cum familia & amico veteri *Salomone Rege*, ut & *Cl. D. Wilhelmo* officiosè salutamus. Frater *D. Erasmius* hisce diebus filium suscepit, ideò respondere non potest. *Dn. Meibomius* Bibliothecæ Regiæ præest, nuper auctæ Libris Gerstorphanis. Urgebo tamen responsum, quamprimum licuerit. Hisce vale, amicissime *Bogdane*, & me prorsus ruum, amare perge. Hafn. 22. Aug. clō lōc LXII.

T. T.

Th. Bartholinus.

EPIST.

## EPIST. XIII.

*De Liene magno Comitissa.*

THOMÆ BARTHOLINO

Hafniam.

Singularis humanitas Exc. T. qva olim Patavii prolixè fruebar, & qvam nuper Scaphusii apud me communis noster Amicus Exc. D. D. Segerus abunde deprædicavit, tantum mihi nunc animi addunt, ut Exc. T. tanta locorum intercapedine disjunctam & gravissimis negotiis occupatam incomptis literis compellare aulam. Idq; majori fiducia facio, qvòd mihi Exc. T. pietas perspecta sit, quæ ægris, cæteris hominibus miserioribus & succurrere novit & reipsa prompta dexteritate facilem manum præbet. Illustrissima Domina Comitissa Francisca Elisabetha à Furstenberg: Illustrissimi Domini Ferdinandi Friderici Conjux circa 30 ætatis annum Anno 1655. Mens. Sept. Viennæ post largiorem melonum esum, insuper epoto vino glaciato, cui tamen assueverat, incidit in febrim intermittentem nullos certos typos observantem, nunc enim simplicis tertianæ modo, nunc duplicis, nonnunquam quotidie bis paroxysmus invadebat. Post aliquot septimanarum decursum febris evanuit: at remansit Tumor in hypochondrio sinistro indolens

lens locoq; mobilis. Judicabatur ejus generis tumor, qualis post febres, imprimis anomalas, in hypochondrio dextro ab epota largius frigida deprehenditur, quem quibusdam in locis Epatis placentam vocant, atq; hoc nomine tumor iste non magni fiebat neq; ab Illustrissima Domina neq; à Medicis, imo penitus, quod equidem sciam negligebatur. Biennio à febre depulsa elapso denuo concepit, nam aliquot prolium mater est; Circa medium gestationis tempus diu maximo labore, singulis mane pituitosa copiose evomit; quin etiam cum temporis menses impetuose satis eruperunt, ut omni ingenio supprimendi tatusq; conservandus fuerit. Dum factus in utero crevit, tumor sursum costas versus adactus fuit, non sine dolore, qui saepe tantus erat ut lectum petere cogeretur: quamprimum recubuit dolor protinus evanuit. Stato partus tempore promptius ac unquam puellam enixa est, quæ adhuc sana & vegeta vivit. Excliso fætu & secundinis, tumor iste cum impetu quodam deorsum pubem versus ruebat, ut Illustrissima Domina vel Uterum prolapsum vel peritonæi processibus laxatis herniam intestinalem sibi obtigisse vereretur: Verum illa in lectum collocata nihil tale nec

tunc

tunc nec hactenus animadversum fuit. Lochia rite fluxerunt. Post puerperium aliquandiu menses inordinate & cum fatore emanarunt Anno 1660 post dies caniculares Thermas Helveticas adiit: earum usu finito mensium fluxus debitus rediit ac paulo post iterum concepit. Verum nondum finito quarto mense, ob casum, abortum passa est. Ab illo tempore sentit tumorem crescere citra notabilem actionum læsionem aut manifestum aliquod deterioris valetudinis indicium. Anno 1661. Æstate acidulas Riplisavienses bibit, cum ex Celsi sententia ferrata lienem imminuant; Earum potum commode pertulit, indeq; spem integræ valetudinis concipiebat: Verum nondum finito potandi tempore, cum gelidam fontanam æstuante corpore avidius bibisset, in Colicam incidit, quæ tamen congruis adhibitis, utcunq; sævissima fuerit, brevi sublata fuit. Ab illo tempore ad hunc usq; diem sat bene se habuit; nullum vitium in actionibus notatu dignum observatur: habitus corporis est obæsus: facies rosea, cætera cutis candida: statura mediocris. Pridem crebro sanguinem tenuem ex utraq; nare & fere quotidie exstillavit. Post usum splenericorum hæmorrhagia rarior & parciore est.

d

Urinam

Urinam copiosius & potum quantitate superantem, sed pallidiorem, nunc emingit. Tumor quoque horum usu aliquantulum decrescit. Ejus facies, dum hæc scribo, talis est: Sub costis nothis in sinistro latere incipit, definit prope os pubis: Si supina jaceat lineam albam non transcendit, sed tamen fere proxime attingit, vacuum spatium inter costas & spinam Ilii implet: si dextrorsum corpus volutet, illuc prolabitur, imo manu facili labore eousque adigi potest, ejus terminos circa lineam albam, similes lingvæ bubulæ, non semel tactu explorare potui. Ego tumorem hunc semper Lienem magnum credidi, ejus sc. affectum à Scirrho prorsus diversum: ut mecum quoque Dodon. in Prax. Medic. sentit: tumor enim attactui mollis & quasi fungosus tangenti manui occurrit. Eoque lubentius id existimo, quia ante aliquot annos quendam magno Liene defunctum aperui, in quo, dum vivebat, eadem tumoris ratio erat: post mortem v. exsectus Lien plane mollis erat instar spongiæ madidæ; ingrediebatur illum insignis magnitudinis arteria splenica, egrediebatur major vena: tunica admodum densa cooperiebatur; Parenchyma absolvebant fibræ mire inter se contextæ, & sanguis valde serosus cavernulas,

ex mira fibrarum contextura enatas adimplens. Sangvinem hunc penitus non solum in hoc, sed haecenus in pluribus lienibus, non magno labore, detracta tunica, elui posse didici. Fibrarum iste contextus expressa aqua admodum contrahitur & e. g. respectu splenis bubuli, minima ejus portio adparet: aqua vero immersa protinus mire secundum omnes dimensiones dilatatur, instar spongiae aqua praegnantis. Similem fibrarum contextum in Epate uterino humano, in uteri substantia parrui vicinarum, & in reti mirabili bovino video. An sangvinem qualitate aliqua imbuat? an vero solum curium ejus remoretur, vel aliud beneficium conferat? non definio. In Illustrissima igitur domina spleneticas fibrarum cavernas admodum seroso sanguine impletas existimo, fibras v. arbitror tonum suum & robur ob annuam p. n. expansionem tantum non perdidisse, atq; ob hanc causam tanto tempore molem Lienis eandem permanere. Exc. T. summopere rogatum Illustrissimae Dominae nomine velim, quid de affectu hoc sentiat. Certe sum magnos lienes Exc. T. notissimos, cum in oris illis vivat, ubi frequentiores sunt quam in his regionibus. Humorem melancholicum multi accusant: at penes Illustrissimam Dominam

nam nulli hujus humoris effectus apparent: Si molem splenis excipiam; quæ tamen æque ab aqua, forte Hippocr. & Aristot. faventibus, accidere potest. Deinde ex Exc. T. quæro, quid de diureticis in hoc morbo sentiat? Antiscorbutica laudantur, quæ pleraque talia. Scultetus in Armament. Chirurg. ad *περινεύλην* commendat rad. Ononidis pulverem: Illustrissimæ Dominae pulverem non neglectis universalibus, dedi, inde tumor imminui videtur: certè hæmorrhagia narium cessavit: An pergendum? Quid de topicis Exc. T. sentiat E. gr. de Empl. Cicutar. Hild. scire averem? Et hæc sunt, quæ ad Exc. T. perscribere ausus sum, conscius incomparabilis humanitatis ejus, ac quam primum licuerit responsum exspecto. His Exc. T. Reipub. Medicæ bono ad Nestoreos annos vivat, valeatque feliciter & faveat

Scribebam festino Calamo ad Fontem Danubii d. 15. Jun. 1662. in Arce Donescingen.

Exc. T. Devotissimo Cultori

Joh. Jacobo Wepfero Med. D.

EPIST.



## EPIST. XIV.

*De lienis magni curatione. Velt-  
husius refellitur.*

IOH. JAC. WEPFERO Schaphusium.

**Q**Uam grata mihi fuit veteris amicitiae re-  
dintegratio, tam ingrata accidit tabella-  
rii mora. Enim verò metus est, ne mihi ne-  
glecti officii culpa imputetur, quia ad casum  
propositum illustrissimae comitissae statim non  
 respondi, & prœnum Tuum affectum, quem  
tot annis sartum mihi conservasti, pari prom-  
ptitudine non excepi. Crede tamen tam mihi  
charum esse amico Tibi gratificari, quam tibi,  
me amare. Vitium illustrissimae Dominae quod  
signasti, aliud esse non credo, quam lienis  
magnitudinem excedentem, sive nativam sive  
adscititiam. Nativam quum dico, nolo ea  
magnitudine natum lienem, quia Historiae  
Tuae id repugnat, sed quod justo laxius ejus  
parenchyma fuerit prima origine, adeoq; ap-  
tius ad imbibendas humiditates, quas vel mor-  
bus præcedens per *μεταστάσις* deposuit vel  
sanguis arteriosus, quo lien abundat, plus æ-  
quo fluidior, vel deniq; lymphatica vasa sub-  
ministrare potuerunt. His modis magni lie-  
nes sunt, & sine magno incommodo à pluri-

mis geruntur. *Marcellus Donatus* l. 6. Hist. Med. mir. c. 3. quendam mulierem scribit lienem adeo ingentem habuisse, ut universum abdominis spatium occuparet, quo tamen non obstante, plures filios peperisse, optimè formatos. Vidi ego non pauca exempla. Uxor mea Suavissima post quartanam aliquot abhinc annis, magnum lienem recepit, qui etiam tactu deprehensus est sinistram abdominis partem universam occupare. Angebar animo, & superveniente Ictero, omnia conclamata credidi. Sed præter spem largis evacuationibus biliosi seri per vomitum, alvum & urinam, succedentibus brevi convaluit, ut nec vola nec vestigium lienis exinde superfuerit, & plurimorum, liberorum elegantissimorum Mater sit. Fratri quoq; meo Charissimo non semel lien intumuit sed per vomitum largissimum cruenti seri, detumuit. Quod si verò nimia morâ fibræ lienis laxentur, ut collectum in spongioso parenchymate serum exprimi non possit, scirrhus incurabilis oritur, tunicâ externa etiam ita condensata, ut corium bubulum crassitie æquet, quod in splenetico hic à me secto observavi. In alio Romæ vidi à compressione tumidi lienis constrictis intestinis deglutiendi sublatam facultatem. Ita obstructū lienem in vetulâ

exemit *Fioravanti*, posseq; lienem innoxie excindi in homine vulnerato narrat *Ballonius* lib. 2. *Ephem.* & nos hic in canibus experti sumus. Humidi copiosi proventum hic recte cum *Hippocrate* incufas, qui in hujusmodi hominibus sputo se prodit, & hæmorrhagiâ, ut mirer *Lamb. Velthufium* in nupero opusculo de Liene c. 3. negare liquidiorē sanguinem vel chylum ad lienem ferri. Rationes quibus movere nos conatur, tanti non sunt, ut à recepta sententia dimoveamur. Non enim ad temperiem siccam potius quam humidam labitur, nisi phlegmone urgeatur, qualis erat lien quartanarii apud *Carolū Pisonem* in *Præf. de ser. Colluv.* Revera verò serum ibidem p.n. cumulari, in suspenso deprehendit *Volcherus Coiter* obs. *Anat. Chir. Misc.* Vesica enim duorum pugnorū magnitudine aqua plena lieni adhærebat. Quod deinde lienosi nonnunquam sicco sint ore, nec superfluo humore multum turgeant, hæc ratio est, quia serum à liene intercipitur & cumulatur, unde nec ad ductus salivales confluere potest, nec ad reliquas corporis partes, quanquam frequentius eveniat, ut & sputatores insignes sint scorbutici, & reliquo corpore sudore diffuant, secus ac *Velthufio* visum. Illustrissima Domina vestra lienem simili sero di-

stendi, indubiè credo, & quia ab utero compressus sursum adscenderat, descenderatq; tumor ejus, spero prolapsus non esse, aut utero annatum, quod in Comitissa de Boizeon observavit *Riolanus* lib. 2. *Anthropog.* cap. 23. De diureticis porrò & emplastris quod meum assensum expetas, modestiæ Tuæ adscribo. Non possum non in illorum delectu Tuum judicium laudare, & Illustrissimæ Dominæ de tali Medico gratulari. Per lotium hujusmodi serum in liene congestum commodè posse evacuari, natura monstrante viam didicimus. Notus sine dubio Tibi eruditissimo est religiosus ille lienis tumore, & gravitate hypochondrii à *Valetio* exerc. 40. ad *Holler.* de Morb. Inter. notatus, qui urinis nigricantibus atramento simillimis per 5, vel 6. dies erumpentibus, pristinam incolumitatem adeptus est. Medicus Naturæ est imitator & tuto illam sequitur, si assequi possit. Laboramus enim defectu diureticorum sine nausea promptè & certò operantium. Variis salibus, lixiviiis, decoctis, aquis, pulveribus, hydropicorum aquas per vias urinæ aliquoties tentavi educere, sed non nisi semel in juvencula successit. Non semel verò per sudorem sive laconico sive Unicornu nostro provocatum feliciter ægros restitui, in  
quem

quem prouiores quoq; sunt scorbutici nostri, & anti-scorbutica non infelicitè eo collineant. Sed hic & ubiq; Naturæ via pertentanda, ut illâ insistamus, quam elegerit, quod frustra Tibi exercitatissimo occino. Ad Scorbutum nos singularem trifolii aquatici virtutem probavimus, præter morum Norwagicam, cochleariam, nasturtium, &c. Pulverem rad. Ononidis ante *Sculptetum Matthiolum* commendavit, quo & ego in Sarcocole Advocati usus sum, sed sine magno successu. Emplastrum ex Cicura *Hildani* magni facio, & ejus continuatum usum dissuadere non possum. Hoc consilio in Emplastro nostro splenetico *Dispensatorii Hafniensis* reliquis cicutam adjeci, nicotianam & Ebulum. Sed quo prolabor? Dum officiosus esse volo, molestus sum, Tibiq; forsan longo responso onerosus, qui & ægris tuæ curæ conceditis, & libris vacas. Observationes Tuæ de Apoplexia oppido placuerunt, & optarem plures à tua penna exarari similes, quibus Reipublicæ Medicæ ingens & solidum accederet incrementum. Eleganti Tuæ de liene observatione *Diatribem* meam exornavi, quam de *pulmonum substantia* nuperrimè conscripsi. Non committam, ut præclara Tua Virtus & medica eruditio, pro veteris amicitiae necessitudine,

d s

data

data occasione in monumentis nostris silentio transmittatur. Et si quid ultra possum, id totum Tibi offero, cum voto omnis felicitatis perennaturæ, quam Tibi tuisq; ex animo precor. Vale, mi Wepfere, & publico bono diu vive, meq; amare perge. Raptim Hafniæ VII. Mart. cl. loc LXIII.

T. T.

Th. Bartholinus.

## EPIST. XV.

*De Collegio Naturæ Curiosorum  
in Germania.*

THOMÆ BARTHOLINO

Hafniam.

**I**llustrissimi Tui Nominis Fama instar splendidissimi solis totum Eruditum illustrans orbem & certis includi terminis nescia jam dudum è septentrione mare prætergressa Occidentem adimplevit, Orientem usq; penetravit. Gratulatur sibi non immeritò Dogmatica Medicinæ de Magnif. Exc. T. quasi Jove suo Statore & Sospitatore, utpote quæ variis Empiricorum astutiis & artibus pressa Te Promacho quasi vitam & sanguinem recipit. Gratulatur sibi

sibi Anatomia de tanta felicitate, quod non solum Mag. Exc. T. illius theatra frequenti & curiosa sectione illustraverit, sed & inventionem vasorum Lymphaticorum miris modis auctiorem reddiderit, adeoq; quas olim Magno Tuo Parenti ob indefessos Sectionum labores egit gratias, Tibi certè, Vir Magnifice, Magni Patris, magno Filio, immortales & æternas jure meritò offert, debetq;. Quid referam de curiosis sparsim editis Philologico-Medicis scriptis, quæ undiq; quidem anxie conquiruntur vix tamen ac ne vix quidem, Bibliopolarum incuria impetrari possunt.

Illustrissimi ergo Nominis Tui splendor haftenus perstrinxit animi mei aciem, ut in plenâ luce cœcutire, nec tantum solem (Phæronteum aut Icarium metuens casum) adire ausus fuerim. Sed præter spem felicior lux meis arrisit votis. Postquam etenim præteritâ hyeme Dn. Schoebelio Vratislav. conterraneo, consanguineo, Juris Studioso Hafniæ moranti litteris mandassem, ut Magn. Exc. T. curiosa scripta (quibus adhuc Bibliotheca mea cum damno caruerat) conquireret, mihiq; Hamburgo Vratislaviam transmitteret; is M. Exc. T. invisens felici sorte non solum aliquot Scriptorum Exemplaria (quæ eo cariora & rariora quod

quod ab ipso Authore donata) sed & facilem  
aditum colloqvii litterarii impetratum esse sig-  
nificavit. Quam felicitatem ambabus ample-  
xus manibus Epistolæ partum maturavi, eo  
quod M. Exc. T. curiositatem meam ingenuam  
non displicuisse ex adhortatione per Schæbe-  
lium factam senserim. Calcar addidit Curiosi-  
tas quæ me ut naturâ, sic nunc voto & lege  
obstrictum tenet. Pauci abhinc præterierunt  
anni ex quo Medici quidam laudabili Curiosi-  
tate ducti locupletâdi Medicas ex Naturæ pene-  
tralibus Gazas Collegium aliquod more Aca-  
demiarum in Italia solemnum instituerunt, ut  
admissi Collegæ in excutiendis singularibus  
Naturæ ex Regno Minerali, Animali, Vegeta-  
bili occupati, Reip. Medicæ commodum pro-  
virili curarent. Animum fugit an hujus pro-  
nascentis Collegii Curiosi Nomen & Incu-  
nabula M. Exc. T. innotuerint; ea propter  
ipsius Curiositati non ingratum fore duxi, si  
instituti Collegii rationem & leges typis divul-  
gatas offerrem, atq; hoc leviusculo munere eo  
liberiores aditum impetrarem. Addidissem  
his pagellis Comitum Ampelographiam seu  
Curiosam vitis Viniferæ ejusq; partium con-  
siderationem Physico-Philologico-Historico-  
Medico-Chymicam quam ad normam Colle-  
gii Cu-



gii Curiosi (cujus membrum ut me nominare possim Dn. Collegarum effecit Humanitas) præterito anno typis divulgatam Eruditorum judicio submisi & exposui. Sed cum occasio transmittendi nunc temporis mihi præcisa sit, insimul hæream an forte, fortunâ magis quam merito, opusculum hoc M. Exc. T. limen antea intraverit, transmissionem hæc vice differo. Certò tamen sibi persvadeat, si vitis hæc chartacea M. Exc. T. Bibliotheca adhuc exulet me imposterum proximâ occasione ad nuntium M. Exc. T. transmissurum, utinam M. Exc. T. arri-deat Collegii Curiosi Institutum, quod plurimis celeberrimisq; Medicis non displicuisse ex adjunctis intelliget schedis. Speramus indies fertiliorum fertilissimorum Ingeniorum messem & majorem numerum qui nobiscum decurrant hoc stadium. Confecta viticulturâ Astacus & Gammarus, ut curioso secetur oculo, mente, manuq;, meam jubente & annuente Collegio exposulavit operam. Nullus dubito quin M. Exc. T. in locis maritimis degens (mare enim septentrionale ut olim Africa semper aliquid novi exhibet) de hoc Animalculo singularia enarrare posset, quæ Curiositati exasse satisfacerent. Rogatum itaq; impetratumq; desidero, ut Curiosa de Cancris (qualia quæ-

qvædam Cent. 6. obs. 57. exhibet) transmittē-  
re, adeoque labores meos radiis suis illustrare  
dignetur, sentiet profecto non in ingratum  
collocata fuisse beneficia.

Responforiis si Tenuitatem meam dig-  
nari lubidò fuerit, Hamburgum Mercatori  
has Hafniam deferenti, transmittat illas, sic  
absque naufragio salvæ & incolumes me Vra-  
tislavia Silesiorum metropoli morantem invi-  
sent, & placidissimâ fronte à me suscipientur.  
Vale interim Vir Magnif. ad Reip. Medicæ in-  
crementum nate quam longissimè quam feli-  
cissimè, & fave T. Eruditionis & virtutis Ad-  
miratori & cultori indefesso, qui summi ho-  
noris agnoscat loco si infimo Tuorum Clie-  
ntum subsellio collocetur. Vale.

Magn. Ex. T.

Cultor Devotissimus

Vratislav, Siles. è Mu-  
seo 25. Jun. St. N.  
1662.

Philipp. Jacobus Sachs  
à Lewenheim Ph.  
& Med. D. Acade-  
micus Curiosus.

EPIST.

## EPIST. XVI.

*De Collegiis rectè instituendis. De Gam-  
mato multa. De cancellis in conchis. Ex can-  
cris non nasci Scorpiones.*

PHILIP. JACOBO SACHS      Uratislaviam.

**O** Blatam amicitiam & amplissima officia,  
gratà mente amplector, daboq; operam  
ne tuo favore indignus censear. Perplacet stu-  
dium Naturæ Curiosorum, quod ex transmis-  
sa Epigraphe mihi innotuit, & bene coeptis  
perpetuitatem voveo. Magni *Verulamii* hoc  
olim fuit institutum, & nuper in Anglia Claris-  
simorum Virorum *Digbæi, Boylei, Villisii, Glissonii,*  
*Charletoni* curæ & labores eodem tédunt, quorū  
ductu Collegium instruitur, publicis sumptibus  
perficiendum. Hisce experimentis rectius ad  
Naturæ penetralia pervenitur, & multa in aper-  
tam lucem protrahuntur quæ vel occulta ha-  
ctenus vel falso credita. Si hac via ad verita-  
tis semitam grassamini, immortalem laudem  
merebimini. Experimentis hic opus est plu-  
ribus, haud fallacibus, quibus Naturam quasi  
blandâ arte sollicitamus. Opus est Magnatum  
favore & impensis, ut felicius cuncta succe-  
dant. Tardius enim, nec tutò satis privata  
industria quicquam perficiet. In Ampelogra-  
phia

phia verò tua, quam in Bibliopolio nostro vidi, omne punctum tulisti, hocq; culta

— largo pubescit vinea foetu.

Lecto eleganti & musteo libro, gratior mihi visus est flos ille nectareus, quem tuis manibus dedit uva pressa, quam hactenus omnia vineta, etiam cultissima, tulerunt, ut rectius Tu, quam vina, coronam merueris. Auges publicum beneficium novo de Astaco & Gammaro argumento, quod meditaris, recteq; Ampelographiæ Tuæ subjungis, quia difficilior astacorum caro & ventriculo molestior sine vino. Rectè enim *Platina* l. X. Tuend. Val. caneros difficillime concoqui, coctos asthmaticis & phthisicis prodesse scribit. Non ab igne culinario tantum difficulter coqvuntur, sed & ab illo, ejus beneficio noster ventriculus gaudet. Ita *Ægineta* l. i. c. 91. gammari, paguri, cancri, locustæ, & squillæ concoctioni repugnant, sed alimentum præbent, & ventrem comprimunt, si in aqua dulci sæpius decoqvantur. Cur tum sint ἐφαπτικὰ, ipse divinabis, & ostendit ante *Sethus* de Alim. quia sal deperditur. At remedio erit tua Vitis, quæ tenori tenorem addit, ut loquitur *Aretæus* l. i. Acut. c. i. Alio quoq; nomine rectè viti cancrum addis. Nam caneros fluviatiles in sarmentis albæ vitis cremari svadet

svadet *Dioſcorides* l. 7. c. 3. ad canum morſus, quanquam in ſola patella ætis rubri *Galenus* l. XI. ſimpl. Med. Fac. præceptoris *Æſchrionis* authoritate uſſerit. Quid ſit, quia ad canum morſus cancerorum cinis confert, etiam recentiorum obſervatione, de quâ videndus *Rhodiſ* noſter in *Scriben.* Comp. 171. Tu certe, mi *Sachſi*, ab invidentium morſu ſecurum Te præſtabis non cineribus ſed iſſis cancris erudita tua penna reviviſcentibus. Et, quia id argumentum tractas, quaſo preſſius ad examen voca antipathiam, quæ eſt inter gamma-ros & ſues. Noſtrorum enim experientia obſervati ſunt mortui, quandoquæ ſues curum, quo gammari vehuntur, pertransierint. Cætera quæ de genere hoc dici poſſunt, non tangam, partim quod à Te accurato labore hæc aliæque expectemus, partim quod à *Gesnero*, *Aldrovando*, *Nierenbergio*, *Rondeletio*, *Jonſtono*, *Schonfeldio*, *Wormio* noſtro petantur rectius. Unum alterumque adjungo, ne tuæ petitioni amiciffimæ videar deeſſe. Ex intima tunica chelarum gammari, cosmeticum inſigne digitis contrita confici, nuper me monuit D. *Moinichenius* noſter, ex Italia redux. Cur verò pleraque hæc cancerorum genera, quæ nigricant, externâ cruſtâ, quando coquuntur, evadant rubi-

rubicunda, difficile dictu est. Tibi forsan, Naturæ amico, causa innotescet. Nonnulli gammari tandem quoq; ruborem omnem deponentes, albicantes fiunt. Monstruosas chelas habeo duas. Altera major Astaci obtusa est, lato fine pilisq; obsito, cujus pars media rubet, media nigricat. Gammari altera pars prorsus jam candicat, cujus una chelis particula bifurcata cernitur. Rubent verò crustæ magis, si in falsa aqua coquantur, vel in cerevisia, unde in falsæ aquæ defectu, aniculæ feruntur squillas in lotio coquere, ut rubicundiores videantur & elegantiores. An ad illustrem colorem sal aliquid conferat, Naturæ curiosus curiosè inquireret. Nec indignum erit tuo ingenio perspicaci, si nos docueris, an cancelli illi qui in conchis reperiuntur, ibi reapse generentur tanquam in proprio domicilio, an nudi nascantur, purpurasq; & Turbines è suis conchis pellant, ut eas inhabitent. Plerique credunt alienas casas inhabitare. Quod & subtilissimus *Cardanus* admisit l. 7. de Rer. Var. c. 38. deceptus autoritate *Rondeletii*, ante quem *Plinius* l. 9. c. 31. de Pinnothere refert, sollertiam illi esse inanum ostrearum testis se condere, &, cum accréverit, migrare in capaciores, Vix ego inducor, ut id credam. Singulare

lare enim est gammari genus, ab aliis diversum, quæ conchis carent, cauda enim mollis est, & certum indicium præbet in conchis suis esse genitum. Nec visi hi cancelli sine conchis suis. Neq; injuriam hanc in illis admiserit *Plinius*, ut aliarum concharum incolas devorent, quippe ob exilitatem opportunus injuriæ est ipse Pinnotheres. Imo nunquam, quod ego viderim, in majoribus observati conchis. Varia infecta in conchis nascuntur, ut mirum non sit his sui generis innaschi cancellos. Duorum generum conchas habeo, in quibus cancelli sunt quoq; generis latent. Una turbinata, ex qua eminent cancelli pedes quatuor exiles, cum duabus chelis, sed parvis. Altera elegans varioq; colore nitens ex genere umbilicarum cochlearum, cujus ingressum una sola cancelli chelis obstruit, adeò lata ut superare videatur universam corpusculi molem, qua tamen sublatâ reliqui pedunculi intus conditi comparent. De aliâ quoq; fabula judicium Tuum accipio. *Plinio* enim l. IX. c. 31. narrante, cancerorum corpus, cum exanimati sunt, transfigurari in Scorpiones narrabatur in sicco, quod *Ovidius* l. XV. Met. fab. 30. ita describit:

Concava littoreo si demas brachia cancro;  
 Cætera supponas terræ; de parte sepulta.  
 Scorpius exhibit: caudâq; minabitur unca.  
 Hanc metamorphosin sine examine, quasi ve-  
 ram; admisit quoq; *Manffetus* l. 2. Insect. c. 19.  
 rationemq; superaddit *Licetus* l. 3. spont. Viv.  
 Ort. c. 55. Sed pro fabula reputo, & *Plinii*  
 candorem laudo, quod ex narratis reulerit ut  
 rem incertam. Cancrorum apud nos ingens  
 copia. Putrescunt nonnunquam & in sterquiliniis  
 abjiciuntur. Nunquam tamen exinde visi  
 scorpiones enasci, quos etiam prorsus ignorat  
 regio nostra septentrionalis. Rarò res putre-  
 facta in similem speciem commutatur. Nun-  
 quam ex humano cadavere putrido, statim ho-  
 mo emergit, sed ignobilia insecta prodeunt,  
 Apes ex vitulis, ex equis crabrones, ex mulo  
 locustæ, scarabæi ex asino, ex médulla huma-  
 na angues. Paguri autem species est utraq;, de  
 qua loquimur. Nisi hic eam metempsychosin  
 esse existimemus, de qua *Borellus* Cent. 4. Obs.  
 34. qua ex cineribus suis cancer resurgit, salis  
 beneficio, quo vegetabilia iterum repræsen-  
 tari possunt. Valdè tamen dubito successu-  
 rum istud de cancris experimentum, nisi mo-  
 dus operandi nobis apertius indicaretur. Vi-  
 tium



tium enim est plerorumq; Scriptorum, arcana revelantium, ut amplissimis promissis mancas descriptiones ornent, sicq; lectores vanâ spe lactent. Nolim hæc de *Borello* suspicari, quem satis apertum deprehēdi, sed ea fide hanc transmutationem retulit, qva accepit. Tantum autem abest, in noxium scorpii animalculum putridus cancer convertatur, ut non solum in ventriculo concoctione velut putrefactus, salutare nutrimentum corpori nostro suggerat, sed hystitia sua palato grata inde plasset & formet gulæ Magister *Apitius* l. 2. de Re Culin. c. 1. Singulare est, qvōd de Paguris fluviatilibus narrat *Simeon Sethi* lit. π. 8. ulceribus pulmōnū prodesse, vesicæ verò obesse. Pro pulmōnibus facilis ratio occurrit, qva gainmari asthmatis & phthisi medentur. At quid de vesica dicendum? Forſan caro crassior segnius lotium inficit, viasq; urinæ obstruit. Alioquin oculi gammarini, particulæ illæ cancerorum optimæ, calculum potenter movent, urinæq; ductus aperiunt. Ut hoc addam, illi iidem oculi, aceto impositi, eodem modo, sicut lapis stillaris, circumrotantur. Tu rerum harum abditas scrutare causas, publicum docēs, & me, qvem Tibi amicum optasti, amare perge.

Vale, Vir eruditissime, & publico diu vive.  
Hafn, 16. Aug. clō lōc LXII.

T. T.

Th. Bartholinus.

Impress. Vratisl. 1665.

## EPIST. XVII.

*De Deusingio nonnulla. De Frundekii Oleo  
& Sale ex igne extrahendo. De Burrhi liquore  
oculari. De Mercurio nonnulla. Canis Anatomia.  
Item Cadaveris humani Sectio, & quæ ibi obser-  
vata. De Calculi exsectione, deq; Li-  
thotomis. Vitulus monstrosus.*

THOMÆ BARTHOLINO

Hafniam.

**S**Vavissimis literis Tuis, & eruditionis, amo-  
risq; in me sinceri plenissimis supra modum  
recreatus, responsorias hæc adeo differre non  
potui, ut etiam ante plenam scribendi materi-  
em inventam è manibus meis evolarint. Quod  
Dn. Matthias Jacobæus etiam domi amicitiae  
nostræ memoriam conservet, agnosco can-  
dorem amicissimi pectoris, & ad paria officia  
arctius obstringor. Deusingius Blottesandæo suo  
adhuc imminet; emissio etiam secundo contra  
illum

illum Alvares scripto, eoq; uti genius est Viri, mordacissimo; in quo, à nescio quibus calumniatoribus instigatus, me quoq; ceu Authorem præfationis obliquè ferit; respondi per epistolam suspicacissimo homini, & culpæ suspicionem amolitus sum; nec tamen illos ipsos Authores, Cartesii, Voetiiq; discipulos nominare placuit, quòd falci meæ nihil cum alienâ fegete. Vindicent sese, quos urit Deusingianum virus, &, si sit fides relationi nuperæ, vindicabunt. Superiori mense contra Digbæum se armavit Deusingius, ejusq; pulverem sympatheticum novo volumine infestavit, in quo etiam in fronte operis, Cacodæmonis operâ absolvi illas medicationes contendit, quas Digbæus Naturæ assignaverat. Tale sc. est ingenium viri, cujus scripta pæne apud omnes in contemptû sensim deveniunt, ut felle oppidò rumida, experientiæ præfidiis admodum vacua: Bartholinum tamen vellicare hætenus non sustinet veritus Riolani fata, & reliquorum hostium suorum memor; hinc in ultimo illo scripto suo Epistolam quoq; Tuam publicavit, in candorem, ingenuitatemq; Bartholini effusè liberalis, utinam ex animo. Quid contra vindicias Tuas moliatur, nondum liquet; illæ ipsæ vindiciæ simul cum cistâ Medica (pro utroq;

liberali dono officiosè gratias ago, habeoq; )  
cupidissimè hic à doctis leguntur non sine ac-  
clamatione veteri : bellè, pulchrè, sapi-  
enter ! Dn. D. Payngkii laboribus Chemicis ex  
animo gratulor ; unum addo, vivere Amstel-  
redami Dn. Frundekium clari nominis Chemi-  
cum, mihi familiarem, qvi in Collegio, qvòd  
his mensibus aperuit, publico programme-  
discipulos invitat, inter alia, ad præparationem  
olei & salis ex igne extrahendi inspiciendam.  
Legi id ipsum programma, atq; rem illam ul-  
tro citroq; cum Frundekio discussi, tandemq;  
post velitationem cognovi bonum Frunde-  
kium illud igni attribuere, qvòd cespitibus,  
carbonibusq; debebatur, nihilq; esse aliud illud  
oleum & salem, quam germanum fratrem fu-  
liginis, unde & oleum & sal facile exprimun-  
tur ; tale quiddam D. Payngkio accidere no-  
lim tamen suspicari. Id planum, omnes in erro-  
rem labi, qvi vitrum carere poris existimant ;  
proinde si quid in Retortâ deprehenderint,  
non ante immissum, illud pro igneâ agnoscunt  
substantiâ, cum tamen sali volatili cespitum  
bituminosorum non sit arduum, per poros vi-  
tri quasdam sui particulas tenuiores ingerere,  
id qvòd non mihi tantum, sed & Dn. Sylvio de-  
prehensum, qvi ingesta in Retortam ponde-  
rans,

rans, & egesta iterum ad libram vocans observavit egesta pondere superare. Sed hæc aliàs. De liqore oculari Dn. Burrhi omnia certissima sunt, & pluribus jam confirmata experimentis, nondum tamen factum in homine periculum. Liqvor ipse subalbicat, diaphanus tamen, nec inducor, ut credam metallici generis esse; concrescit autem in triplicem substantiam (idq; iteratâ etiam sectione) plane referentem tres illos ordinarios oculi liqvores, tum figurâ, tum consistentiâ. Res mira videtur, quia hætenus ab aliis non attentata, forsan admirationem exueremus, si veteres quicquam de eo tradidissent. Quid si exprimatur ex oculis mactatorum animalium liqvores omnes, & si, sive singulari coqvendi ratione, sive benigno quodam menstruo adhibito, ex omnibus unum liqvozem diaphanum præparat, qui post in oculos aliorum animalium infusus iterum concreseat in pristinas figuras? quid si, cicatrice beneficio hujus liqvoris solidatâ, ex arteiis sensim aliquid depluat in vacuum oculi, & naturâ operatrice concreseat in similes deperditis substantias? Quicquid sit, spero curiosum aliquem & curis vacuum inquisitorem tentando eò non difficulter perventurum, ut dexteritatem illam imitaretur. Succum ulmi aliquid

posse, exemplum ab Henr. ab Heer allatum factis ostendit, ita. tamen ut huic moli non sufficiat. Schowii oculum laborasse ab aliquot annis mihi satis exploratum, convaluisse sponte natura & miror, & gaudeo hodieq; monstrari in morbis. Censuram Facult. Medicæ D. Swabium inter & M. Jonam cupidè legi, observaviq; magno judicio monitum esse, tam Mercuriali aqvâ, quam Mercurio præcipitato circûspectè utendû esse, veluti enim Mercurius provide præparatus divinæ manus instar est, ita improvida præparatio via proxima solet esse ad superos. Fæmina hic in Belgio ob febris curam nobilis multos sanavit Mercurio præcipitato etiam ad scrup. j. & ultra quavis vice propinato, idq; sæpe feliciter, temeritate rationis vicem supplente, tandem cognita medicamenti basi, deserta est, & ad colum iterum ablegata; Mihi nihil certius, quam Mercurium quovis modo vulgari præparatum, levi negotio ad ingenium redire, præsertim nisi vasa eum continentia firmissimè ocludantur. Redegi ego nuper Mercurium sublimatû, Mercuriû vivum, & stannum Anglicanum simul mista in oleum, oleo olivarum quâ colorem, quâ consistentiam simillimum, cujus usus in externis creditur nobilis; ego tamen vel eodem cautè  
uten-

utendum existimaverim. Dn. Wormium, Paullinumq; ad cathedram Acad. vocatos esse gaudeo; nec, si tandem aliquando locus Stenonio nostro posset aperiri, futurum id esse, ut spero, cum detrimento Divæ Anatomæ, cui alacriter mecum infudat. Nuper in cane valido celeri manu enecto observavimus, inflatâ arteria cœliacâ (ligaturâ tamen prius injecta, quâ cor spectat) primò intumescere liem, inq; eo & venas & arterias, hinc hepatis, unâ cum tum portæ, tum Cavæ ramis, imò & trunco cavæ universo; demum lymphatica ex hepate egrediuntia, tandem reliqua lymphatica ad receptaculum chyli tendentia, deniq; ipsum ductum thoracicum manifeste flatu distendi, id quod forsitan non ita hæctenus observatum. Quam autem lucem illa synanastomosis venarum in hepate cum lymphaticis afferat, malo à Tua Clar. audire, quam ipse persequi multis. Inprimis jucundum visu fuit, eodem flatu arterias, venasq; cordis coronarias admodum tensas fuisse, & venas coronarias multiplicibus osculis in se hiare, adeoque potuisse ex unâ venâ in aliam mutuo pressu transire sanguinem, & rursus in suum canaliculum retrudi, ut videantur illæ coronariæ venæ forsitan prorsus carere valvulis. In renibus  
etiam

etiam flatus per arterias intrusus regrediebatur manifestè per venas, sed tamen non nisi post moram aliquam in inflatione consumptam. Deprehensæ nobis itidem sunt 4. glandulæ subcœruleæ (nescio an descriptæ hæcenus) succo pane nigro refertæ quæ jam in multis subjectis conspectæ sunt incumbere pulmonibus; duæ quidem majores asperæ arteriæ adjacent; quæ parte in pulmones incipit divari-  
cari, duæ minores vicinis adhærent bronchiis. Cum inflantur, aut premuntur venæ mesarai-  
cæ (quod in alio subjecto nobis observatum) sanguis promiscue ab unâ labitur in aliam, in-  
flataq; venâ ibi unâ, simul inflantur omnes, & inflando quasi rosæ figuram jucunde expri-  
munt. In Harlemensi viro post mortem nuper  
fecto deprehensum, renem sinistrum totum in  
putrilaginem abiisse & per vesicam fuisse excre-  
tum, dextrû ureterem calculo fuisse obstructû,  
hinc misero primum obortam urinæ suppressi-  
onem, inde hydropem, urinâ (cum in vesi-  
cam via negaretur) in abdomen se effundente.  
In sinistro cordis sinu deprehensus polypus va-  
riis radicibus vasis adhærens, chirurgi vermem  
vivum fuisse prædicabant, sed ego in corpore  
isto glutinoso nec verè caput, nec vitæ indicia  
observare potui. Dn. Lytzevius noster litho-  
tome



tomo cuidam Harlemensi secundum obtulit corpus, ut calculum eximeret, sed nullo hactenus successu, quod lithotomi digiti calculum rite prehendere nequeant, & Lytzevius apparatus canaliculati catheteris abhorreat; ego Amstelredamensem præfero Lithotomum Rochum van Diik, cujus expeditas in sectionibus manus sæpe observavi, & nuper admodum in XXX. annorum Eunucho (cui jam ab infantia nullum testiculorum usquam indicium, nec vel in mento, vel pube pili) cui per immixtum catheterem striatum, illique inflicto scalpelli ictum more Paræano subuenit, & calculum ovi gallinæ magnitudine extraxit. Eunuchum tamen illum paulo post superveniens febricula sustulit è numero vivorum, nullo Rochi dedecore, sed ex reliquis, quos secuit, paucissimi alioquin solent perire. Circumferuntur hic jam multa de quodam Castrensi in Galliis Chirurgo, ac si supra os pubis facta incisione calculum dexterrimè eximat, sed, fateor me nondum capere quæ id fieri commodè possit, tot obstantibus ubique, vasis; ut taceam vesicæ vulnera ab Antiquis incurabilia censer. De Burrho omnia solita: affuit ipsi & Guldenlovius noster, & Dn. Hannibal Scheftedius, officiosè uterque; exceptus; quid si contingat aliquando  
Daniz

Daniæ nostræ vultum ejus coram videre, quo plura vota tendunt. In nundinis nostris nil pane in naturalibus rarum occurrit, præter vituli bicipitis ex utero secti exuvias, quas mecum Dn. Resid. Charisius inspexit. Excreverat in utero vitulus iste in justam magnitudinem, amphibænæ similis, quippe alterum illi caput ordinariâ sede, alterum loco caudæ, utrumq; crassum & validum; sex illi pedes eo ordine dispositi, ut primus capiti supponeretur primo, duo sequentes vicino trunco, quartus alteri capiti, duo reliqui vicino illi trunco; duo in latere caudæ eminebant, truncus totus aptissimè sibi invicem connexus, ut unum animal omnes crederent, duo tamen ei corda fuisse & reliqua interiora duplicata, imo in altero maris, in altero fæmellæ delituisse patrimonium constantissime asseveravit redemptor qui nobis ostendebat. Spem præter prolixè me diffudi; contraho vela, & Te Virorum opt. maxime cum nobili familiâ, Collegis svavissimis, Dn. Jacobæo, &c. Deo immortalî commendo, me autem sveto tuo favori & candori. Vale Lugd. Bat. Anno 1662. 25. Jun.

Excell. Tuæ Studiofiss.

Olaus Borrichius mm.

EPIST.

## EPIST. XVIII.

*De Paralyfi Scorbatica, Iſchuria. De  
glandulis pulmonariis.*

OLAO BORRICHIO

Leidam.

**I**Terum ad vos venturam *Jacobæum* nostrum,  
tuo favori solito & amicitiae commendo.  
Prorsus tuus est, & magni tuam familiaritatem  
æstimat, nec inter amicos tuos poteras magis  
sincerum & constantem adoptare. Rerum no-  
strarum statum ille rectius narrabit, quam à me  
scribi possit. Nuper duos Collegas amissimus,  
*Brochmannum* & *Pfeiffium*, utrumq; eloquen-  
tissimum, hunc in sacris, illum in profanis,  
hunc in suggestu Ecclesiæ, illum in Cathedra  
Academica. Utrumque similia symptomata  
quædam jugularunt, sed à diversis causis.  
*Brochmannum* Scorbaticum post vehementes  
animi motus paralyſis inferioris corporis à  
diaphragmate ad extremos pedes comprehen-  
dit, cum omnimoda sensus & motus ablatione  
in partibus dictis tam internis quam externis.  
Unde ablatae functiones omnes earundem par-  
tium, & quod mirum, suppressio urinæ & al-  
vi seqvuta, quum in aliis resolutionibus harum  
partium, laxato sphinctere involuntariæ sole-  
ant esse excretiones lotii & fæcum. Suspicio  
autem

autem & hæmorrhagiâ largâ, quæ proxime præcesserat, & translatione materiæ scorbuticæ ad nervos dorsi & ossis sacri, interceptam fuisse & lotii & alvi materiam vellicantem, feriq; biliosi defectum obstructions procurasse. Inunctionibus dorsi, fomentis, aliisq; internis, quibus antiscorbutica miscuimus, nihil profecimus, nec alvus laxari potuit clisteribus, statim refluentibus, nec urina fortioribus diureticis elici, quin sensim abdomine in tumorem aucto, opprimente cor, paralytiq; sensim ad superiores partes serpente, ante vivendi finem faceret, quam octo soles numerassemus. Non profuit ultimò illi exhibitus cum magnis promissis, quanquam non malo animo, à Vito alio Clarissimo Lapis Lyncis cum pulvere Bezoartico, quem in tanta viscerum obstructione frustra offerri prædiximus. *Pfeiffius* verò calculos in renibus aluit, ureteres obstruentes, ut ischuria molesta magis quam dolorifica successerit ad 14. diem usq;, quo convulsiones supervenientes à feri in corpore cerebroq; coactione, mortem accelerarunt. Quod tot diebus vita potuerit illi esse superstes, feri viis prorsus obstructis, in causa fuit alvus præter solitum laxa & lubrica, quæ naturæ beneficio & enematis sollicitata, cottidie copiosissimè  
serum

ferum expurgabat. Aliàs ischuriæ rarò septimum diem superant, si nempe reliquæ viæ sint obstructæ, quibus interea vel per sudores vel per alvum vel vomitum humiditates evacuentur. In salutem amici ægri nihil non tentavimus, etiam illa quæ rarò fallere solent, sed in cassum omnia. A diuretico potentissimo, aliquoties quidem unum alterumq; cochlear lotii elicuimus, sed morbo interim vires fumente, nulla remedii fuit utilitas. Cæteri urbis incolæ sani degunt, nisi quod unus vel alter febre pericthiali occubuerit cum fluxu cruento. Securitatem hoc autumnino nobis ausim polliceri. Quæ de synanastomosi vasorum cum lymphaticis flatu observasti, lymphæ ex arterioso sanguine originem egregiè illustrant, quo etiam collineat ductus thoracicus eodem Spiritu ex arteriis inflatus, quippe lymphæ recipiendæ quoq; destinatus. Sed non capio, quo modo eodem flatu arteriæ cordis coronariæ potuerint extendi, quum fatearis ligaturam Te arteriæ cœliacæ injecisse quæ cor spectat, nisi venas coronarias penetraverit spiritus, quod circulationi adversatur. Glandulæ illæ subcæruleæ in divaricatione trachææ prope pulmones à vobis observatæ, hætenus ob exilitatem neglectæ videntur, nisi ex illo ordine sint cujus breviter

f

viter

viter meminit *Whartonius* c. XIX. è gutture ad diaphragma usq; secundum vertebra thoracis descendens. Industriæ tamen vestræ debebitur porro, si alium usum habeant, quam communem glandularum à *Vesalio* Magno l. 3. c. 4. designatum, quod tanto credo certius, quod nigrum pænè succum ibidem inveneris. An humectationi soli inserviant, non ausim divinare, quanquam sicca pulmonum substantia indigeat humectatione. Auget suspicionem quod nuper observatum sit Bononiæ à *Malpighio*, pulmonum substantiam præter innumeras vesiculas membranosas esse nihil. Contuli istas observationes cum pulmonibus domesticorum animalium. In agnino pulmone tuberculis obsito per siphonem immisso spiritu vidi vesiculas exterius elevatas, quæ humore crasso scatebant in morbidis, an verò glandulas vestras hæ imitentur, accuratius explicabis. Castrensis ille Lithotomus supra os pubis incisionem nullam facit, quanquam ea sectio probeatur *Rousseto*, & nonnunquam *Hildano*, ubi nempe grandior est calculus; sed in perinæo sine apparatu magno, solis digitis post sectionem adhibitis. Plura addere pagina vetat. Igitur vale, mi *Borrichi*, & hanc cum salute effigiem

giem à D. Simone Paulli accipe. Hafniæ 8.  
Sept. clō Iac LXII.

T. T.

Th. Bartholinus.

## EPIST. XIX.

*In nova calculi sectione Lithotomi Castrensis, non sufficere solas manus.*

CHRISTIANO & FRANCISCO MULLERIS  
Lutetiam.

**G**Ratissimæ mihi fuerunt literæ vestræ politissimæ, duplici nomine, & quod sincerum vestrum affectum mihi confirmarint, & rem in Medicina raram mihi communicarint. Pro utroq; gratias vobis ago amplissimas, quovis officio tanta officia demereri allaboraturus. Quod spectat relationem Medici Castrensis, de qua iudicium meum per vos exquirat Cl. *Iustellus*, quanquam difficile sit de non visis sententiam scribere, quantum tamen ex missa mihi schedula potui assequi, solâ manuum promptitudine artificiosus ille lithotomus se commendat. Utinam manus sufficeret in huiusmodi operationibus; nec opus esset aliorum instrumentorum ope & auxilio. Cæte-

rum cur in securâ calculi exsectione manus solæ pares esse nequeant, hanc credo esse rationem, quod ita accuratè comprehendi & constringi vix queat calculus, ut stabilem securumq; locum incidendum cultro offerat. Præterea negotium manibus solis committere, in calculi expressione per exile vulnus, nescio an tutum satis sit futurum, quia primò calculus subinde adeò est grandis, ut nisi instrumentis in vesica comminuetur, exire nequeat sine magna partium sensibilibum dilaceratione & symptomatum graviorum metu. Viam autem calculo per vim expressi calculi facere, periculosam, facile enim non solum vicinæ partes, sed ipsa quoq; vesica disrumpitur. In nostra manu situm est vulnus novaculâ inflictum, ac exprimenti calculo vulneris magnitudinem committere, periculosæ aleæ plenum opus. Nec capere possum, quo modo hujusmodi vulnera citius curentur, quam illa, quæ cultro infliguntur. Non una enim experientia repugnat. Nec deniq; assequor, quæ dexteritate inflictum in perinæo vulnus procuretur, ut dictum factum consuetas mejendi vias per urethram lotium repetat. Sectionem hanc Castrensis Lithotomi, minoris apparatus, seu sine instrumentis, *Celfo & Gaidoni* laudatam scimus, sed in duobus



bus differt à Raousiana, primò, quod in folis  
puëris proposita fuerit, deinde quod in majori  
calculo uncus adhibeatur. Quod si in adul-  
toribus hominibus, in calculis grandioribus,  
frequentiori experientia hanc sectionem com-  
probaverit Dn. Raous, magni Magistri titulum  
merebitur, de mortalium salute optimè me-  
ritus. *Celso* enim hæcenus credidimus, ex lib.  
7. c. 26. sectionem hujusmodi 1. in pueris  
tantum commendari. 2. festinanter in hac re  
agendum non esse, sed ita ut quam maximè  
tutò fiat. 3. Pro calculi figurâ variâ variè esse  
digitis calculum compellendum. 4. Plagam  
paulò majorem, quam sit calculus, esse debere.  
5. Perniciosius esse si calculus, præsertim asper,  
cum vi premitur, iter sibi faciat, ex quo & sang-  
vinis profusio, & distentio nervorum. 6. Pa-  
tentior fore fistulam ruptâ cervice, quam  
incisâ. 7. Si major calculus, injiciendum ei  
esse uncum. Certè nec uncus satis, nec tena-  
cula ab *Hildano* descripta nonnunquam suffici-  
unt, sive pro calculo grandiori comminuendo,  
sive pro eodem eximendo, ut mirer quomodo  
digi soli utroq; munere defungi queant,  
Glandibus haud libenter vescimur, inventis  
frugibus. Magnam interim promptitudinem  
laudati Medici deprædico, crebris exercitiis

acqvisitam, & mortalium uſibus addictam, quam in majus extollerem, ſi Medici cujuſdam exercitati teſtimonio ea confirmarentur, quæ Tholoſani Parlamenti Conſiliarius Illuſtris de amico teſtatus eſt. Fama ad nos pertulit, laudatum Medicum Caſtrenſem, ſectionem calculi non in perinæo, ſed in regione pubis adminiſtrare, quod tamen ex Relatione mihi miſſa non liquet. Quidquid ſit, ſi ea felicitate ſine itinerario, ſine retinaculis, aliisq; inſtrumentorum apparatibus calculus eximi poteſt, carnifex ille corporis noſtri, omnium calculos niveos author obtinuit. Vos interim, amiſſimi Affines, Clariffimo *Guſtello* plurimam ſalutem meo nomine dicite cum promptâ officiorum oblatione. Valete & me veſtrum amare pergite. Raptim Hafniæ 16. Julii. cl. lcc LXXII.

V. T.

Th. Bartholinus.

EPIST.

## EPIST. XX.

*De agyrta Aubrio, & Cystotomis Parifensibus, variisq; libris novis.*

THOMÆ BARTHOLINO      Hafniam.

**A**pprime gaudeo serioq; lætor, Vir Cl.  
 quod mei memineris: fecerisq; ut de va-  
 letudine tua gratum nuntium acceperim pe-  
 eam quam ad me scripsisti, ante 4. menses,  
 ab 8. tamen duntaxat diebus acceptam pe-  
 qvendam Germanum, qui eam Bruxellis à no-  
 bili Dano mihi reddendam acceperat: neque  
 enim usq; in hanc urbem pervenit Vir tuus do-  
 ctissimus, *Casp. Kōlichen*: Sed ejus causam pla-  
 nè nescio: doleo tamen quod eum non vide-  
 rim, utpote qui de Te plura me docuisset. Va-  
 les igitur, & utinam diu vivas, & valeas, quod  
 hætenus fecisti in publicum bonum cum tota  
 tua familia. Pro Panegyrico tuo gratias ago,  
 quam possum maximas. Cistam tuam Me-  
 dicam, & Epistolarum Centurias uti-  
 nam videam, inter quas utinam legatur  
 nomen meum, ut inde posterius intelli-  
 gant, me Tibi amicum vixisse: & par pari  
 postea reddam. De Aubrio agyrta Monspeli-  
 ensi, pauca dicam, sed vera, & Sibyllæ foliis  
 certiora. Olim fuit ille, adhuc juvenis, barbi-

f. 4.      confor

tonfor in urbe patria; ex necato quodam homine in caupona, fugit in Italiam, ut laqueum effugeret: ibi se Monachum fecit: post triennium abjecta cuculla, militem egit: confecto bello, Monachus iterum fuit: postea sacerdotem se finxit, ac pro adulterina moneta fuit in carcerem conjectus: unde liber factus venit. Parisios, ubi quam multis novæ cujusdam reformatæ & mysticæ medicinæ prætextu, fucum fecit, speciosis pollicitationibus suis, præsertim vulgo imperito, tunicatoq; popello: Sed tandem fraude detecta, extinctaq; ejus medicinæ fama, ne fame mala miserè periret, lenonias artes amplexus est, & in extremo Divi Germani suburbio, prope Mendoricum cum quæstuariis mulieribus & diobolaribus scortis aliquo tempore vixit: hodie verò ubinam sit, vix quisquam novit. Habes historiam & summam vitæ maximi nebulonis, nequissimi bipedum, & impudentissimi Circulatoris: quam pene totam habeo à D. *Franc. du Bosquet*, Episcopo Monspeliensi: scias verò velim, miserum istum agyrtam nihil plus videre aut scire in medicina, quam ego in pictura: est enim omnium bonarum artium planè rudis & ignarus, & miserè asinus ad lyram. Cystoromi nostri ad extractionem calculi vesicam non secant ad pubem,

hem, sed in parte sinistra perinæ: à quibusdam tentatum fuit ad pubem, verum non successit, nec respondit eventus: ideoq; abjecta fuit illa cogitatio, etiam à quibusdam Medicis, qui eam proposuerant. *Risum* illum, alterum ardelionem, ac insignem novatorem, ne dicam nugatorem, parvifacio, imò nihil æstimo. Quatuor è nostris nuper obierunt, inter quos eminebat *Jo. Gorraeus*, sed valdè senex, anno nempe ætatis 86. Faxit Deus ut in tot annos superstes vivas, sanus & incolumis. Dnos Fratres tuos saluto. Vale, Vir Cl. & me ama. Parisiis 24. Aug. 1662.

Tuus ex animo

Guido Patin, Doct. Med. & Prof. R.

**D**E secunda ad pubem vesica, Thesin composuit in scholis nostris olim agitatam, Vir maximus ac insignis doctrinæ, Mag. *Nicolaus Pietreus*, quam veluti vitiosam & multis nævis ac erroribus Anatomicis refertam graviter improbabat *Jo. Riolanus*, Pietrei ex sorore nepos. Si velis eam videre, facillè mittam. Vidistine librum nuper editum de Cerevisia, mihi dicatum à *Mart. Schoekio*, Phil. Prof. in Acad. Groningana? Intra mensem alterum

f s

ejus

ejus librum expecto de Fermentatione. Lugduni Gallorum brevi prodibunt omnia Opera *Cardani*, XI. Tomis in folio. Lugd. Batav. adornatur nova editio *Hipp.* Græco-Latina, cum Notis *Jo. Ant. van der Linden*. Londini, *Sam. Bochartus* de Animantibus sacrae scripturae: & *Diogenes Laertius*, Græco-Latinus, cum Notis *Aldobrandini*, *Casauboni*, *Menagii*, & aliorum eruditorum. Francofurti, *Petronius Lotichii* in fol. Genevæ *Oeconomia Hipp. Foëssi*. Antverpiæ, *Historia scriptorum Soc. Jesu.* fol. Roterodami, Opera omnia *Des. Erasmi*, sumptibus civitatis Roterodamenfis, 7. Tomis in folio. Lugduni, *Annales Ecclesiastici Card. Baronii*. Romæ, *Ciacconius* de Vitis Pontificum Roman. & Cardinalium, tribus tomis in folio. Parisiis *Procopii* Opera omnia Græco Latina cum versione & Notis, Patris *Maltrait*, Jesuitæ Tholosani. Alter Lugdunensis, dictus *Theophilus Raynaudus*, multorum librorum Author, scripsit quendam librum valdè Satyricum, ta cito nomine proprio, adversus Cyriacos: quo nomine Dominicanos intelligit, inquisitionis Romanæ magistros, ac ejus potentia nimis abutentes, magno Jesuitarum dolore. Ad cujus refutationem ac responsionem sese accingunt Dominici, & ex illis Pater *Combefis*, vir

eru-

eruditionis non vulgaris: Tandem videbimus bellum Monasticum. Vale, Vir Cl. meq; quod hactenus fecisti, amare perge.

Parisiis 26. Aug. 1662.

G. P.

## EPIST. XXI.

*De Sectione Franconiana. Urinae suppressio ad XIV. dies.*

GUIDONI PATINO

Lutetiam.

**A**ubrium graphicè descripsisti, aliis coloribus inter nostros depictum. Miracula enim præstare posse, ex Germania nobis narratur. Nec desunt qui ad quamvis agyrtæ famam aures arrigant. Calculi ex ingvine sectionem vestris Lithotomis non probari video, quam tamen tantopere laudat *Roussetus*, ex *Franco* quodam, à quo sectio illa Franconiana illi dicitur, in pueris præsertim. Nec *Hildano* displicet in grandioribus calculis, qui ad perinæum perducì non possunt, minori enim cum dolore ac periculo hæmorrhagiæ ibi extrahi. Vesicæ consolidatio illum non terret, quia fibras carnosas habet, quarum beneficio calor ejus  
inna-

innatus foverur, & vulnera curantur. Certè vulneratam vesicam sæpe contra *Hippocrati*, prognosticum feliciter curatam memini, & passim exempla in observationibus signata testantur. Et quum ipse ventriculus, uterusque sine damno & vulnerentur & sanentur, quid in hac vesicæ sectione periculi subesse possit, non video, si exercitata manus accesserit. Non scio quid me abstertere debeat, nisi quod vestris Cystotomis non successerit ista operatio, quorum aliàs in operationibus hisce dexteritas nota est. Doleo magnum vestrum *Gorream* excessisse, ingens medicinæ columen. Sic pereunt magna nomina. Ut nobiscum quoque doleas, periit & nuperrimè Collega quidam noster, cujus fatum Tibi perscribam, ne nihil scribere videar. Vir Reverendus M. *Daniel Pfeffius*, Collega noster eruditus, sanguineus & boni habitus, sed nephriticis doloribus non rarò vexatus, ætatis anno XLIV. in ischuriam repente incidit ipso Augusti mense, cum dolore obtuso sinistri lateris, ubi calculus hæere putabatur, nam ex dextri lateris uretere nullum existimavit sibi subsidium ad lotium reddendum; hinc suppressio urinæ totalis, nisi quod guttula una vel altera materiæ albæ, non fatentis, excerneretur, alioqui nihil profusus min.



minxit. Alvus tamen fluxit & clisteribus irritata & sponte sua, multisq; liquidis ejectis, non nihil alterius viæ urinariæ defectum solabamur. Vomitus semper urgebat, hærentis calculi in renibus signum. Evomebat verò bilem porraceam. Nullis remediis seu externis seu internis, etiam validissimis ex arte & amicorum consilio præscriptis potuit calculus loco suo depelli, vel lotium promoveri, nisi sola cantharidum infusione à me descripta, qua ter cochleare unum vel alterum lotii emisit. Sed suppressa mansit urina, quia causa obstruens amoveri non potuit, nec calculus prope ureteris exitum impactus sinistro reni stationem deferere voluit. Toto autem suppressionis tempore nullum dolorem acutum sensit, fortasse quia calculus pituitâ obductus non vellecibat, quod etiam in D. Nivelles Castrensi annotavit *Borellus* Cent. 2. Obs. 63. & in matrona illustrissima *Willis* l. de Urin. Pubis regio prorsus flaccida, & vesicam vacuum syringa confirmavit. Protracta fuit lotii suppressio ad tertium & decimum diem, quo convulsiones leves apparuerunt cum larga narium hæmorrhagia, propter seri restagnantis copiam, qua & diaphragma pressum, unde dyspnœa, & langvis attenuatus, & cerebrum tentatum; quanquam

quam enim per alvum adundè serū, eliminari  
mansit tamen plus iusto in venis, impedito  
per ureteres exitu naturali, quod etiam stupore  
se exseruit digitorum extremorum statim in  
medio morbi cursu. Pulsus, quod miratus  
sum, semper sibi constitit. Decimo quarto  
die, qui erat XVIII. Augusti, convulsus obiit.  
Urinam per undecim dies suppressam pertulit  
Jo. Bapt. d' Ornano Marecallus Galliaē vestrae,  
sicut testatur *Scipio de Pleix* in Hist. Gall. In  
mercatore duodecim dies observavit Jo. Petr.  
*Lotichius* l. 4. Obs. cap. 5. Obs. 11. Ischuriam  
intra diem septimum occidere *Lommii* est Pro-  
gnosticum l. 2. Obs. Med. cujus exemplum  
habet *Beverovicus* de Calc. c. 9. quem tamen  
terminum non paucos transgressos esse, hi-  
storiarū aliarū testantur. Ad quartum, quintum,  
decimum diem protractam annotavit *Forestus*  
l. 25. Obs. 12. 17. 18. Octo dies & sexdecim  
numeravit *Schenckius* in Obs. Octo & decem  
*Tulpius* l. 2. Obs. c. 45. qui tamen post un-  
decimum diem nullos vidit evasisse. At *Ca-  
rolus Piso* Obs. 125. decimo nono curatam  
sudore observavit. Per sex menses suppres-  
sam urinam *Fonsæca* Tom. 2. Cons. Med. 96.  
memorat, &, quod magis, annos duodecim  
addit *Ruffus Ephesus* de Ves. Aff. c. 8. No-  
ster,

Hæc æger beatus tot dierum moras vivus per-  
 tulit beneficio alvi semper quasi lubricæ, sicut  
 alii, quos ultra processisse dixi, sudore adjuti  
 fuere. Incusabat autem inter vitæ tædia Tin-  
 cturam Solarem Amelungi, quæ nuper per  
 ora hominum vulgari magnis encomiis ce-  
 perat, in pellendo calculo à nonnullis lauda-  
 ta, ab aliis rejecta. Nolui ego de remedii  
 præstantia sinistrius judicare, quod ex metho-  
 do præscriptum obesse non potuit. At æger  
 noster forsitan impuro existente corpore, gut-  
 tas numero plures amicorum quorundam,  
 quorum præceptis solet esse in laudandis novis  
 remediis officium, biberat, hincq; præcipita-  
 ta ex corpore calculosa materia & ipso cal-  
 culo antea quieto ad uretèrum orificia vehe-  
 mentius propulso obstructionis facillima oc-  
 casio emerfit. Peccant non rarò mortales  
 præpostero rerum etiam utilissimarum usu, au-  
 thorq; amicis meis esse soleo, ne in prandio illa  
 vel edant vel bibant, quæ ad vias urinæ præ-  
 cipitant chylum necdum satis coctum, unde  
 graves calculosis obstructiones metuendæ.  
 Calculosis quippe tanto magis omnis obser-  
 vatio necessaria est, quanto magis obnoxia  
 offensis est infirmitas, quod ad ægros fuit  
 consilium *Celsi* l. I. Sæpè et sanè de urinæ sa-  
 pore

porę conqverebatur æger, quia scilicet ex sale Armoniaco, Nitro & Antimonio secretam illam Tincturam Amelungi constare extra dubium credimus. Deus Te aliosq; amicos ab hac similiq; carnificina præservet. Vale, Vir Summe, ut bene tecum amici valeamus. Hafniæ XXV. Sept. clō Ioc. LXII.

T. T.

Th. Bartholinus.

## EPIST. XXII.

*An Hernia inguinalis in adultis curabilis. De brevitate penis.*

NICOLAO CORNELIO Fanormum.

**I**Pso hoc momento lectis tuis literis perquam officiosis miratus sum, quod tantum mihi præ reliquis terræ vestræ Medicis tribuas, ut parem esse credas solvendis dubiis majoris momenti. Ne igitur spem tuam destituere videar, quanquam expectationi Tux forsan haud possim satisfacere, ad proposita dubia respondebo. Herniam inguinalem in adultis pro incurabili non habeo, si vel recens sit, non inveterata, vel imperfecta tantum sit, tunica vaginali nonnihil dilatata.

Utroq;

Utroq; enim casu non difficulter primò reponendum est intestinum, deinde pars emplastro adstringente & vinculo munienda, in reliquis inveteratis & perfectis, sectioni locus, quisqvis eam voluerit experiri. Brevitatem τὸ αἰδοῖσθαι quod spectat, impedire illa potest conceptum, nisi vel ejaculatio fortior, vel calor uteri attrahentis, mulierisq; vehementiori desiderio prolem exoptantis, sit robustior. Addunt aliqui, promoveri citius conceptum in tali casu virgæ brevioris, si concubitus more brutorum fiat. Hæc breviter, Tibi ut morem gererem, urgente abitu tabellario, ad dubia proposita reponere volui. Vale, & diu vive. Hafn. V. Augult. clō Ioc LXII.

T. Th. Bartholinus

# EPIST. XXIII.

*De monstro Medioburgensi, & gemellis  
Danicis ex umbilico per partes pro-*  
*deuntibus.*

ANTONIO DEUSINGIO Grōningam.

**Q**uanquam nuperrimè literæ meæ ad Te  
commearint, nolui tamen scribendo de-  
fati.

fatigari ; quia in amore & benevolo affectu Te video perennare. Nuper scilicet tuam Apologiam Antiblottesandæam cum amicis literis accepi. Respondi statim & meritis gratias egi. Rursus hisce diebus literæ cum Dn. *Paullo* scriptæ offeruntur. Quid plura? Officiis certas, quibus paria facere omni studio allaborabo. Igitur cum urbem vestram transiturus sit Præstantissimus L. *Fossius*, Affinis meus & amicus dilectus, Magni quondam apud nos Medici filius haud degener, illo quoque interprete testari volui quanti Te Tuamque amicitiam faciam, & quam gratum mihi sit à Te amari. Gaudeo quod paratam Responsionem habeas ad mea dubia, nec dubito quin talis sit futura quæ & veritatem illustret, & amicitiam firmet. Neque enim alia mihi de Tuo calamo promittere ausim, quam docta, quam amica. Audio Medioburgi natum esse infantem monstruosum sine corde & cerebro, hepate amplis cavitatibus instructo, ex quo Cl. *Everardus* Tuus pro Hepate reducendo aliquid meditatur. Non spero tamen monstrum monstruosumque hepar, magnas mihi pariturum difficultates, præsertim quia cordis cavitates nactum fuit, sine quibus cordis vicarias operas in sanguine conficiendo exercere non potuit, de quibus plura ad Te perferi-

feribam, ubi historiam pressius ad examen vocavero. Multas enim vias eligit Natura p. n. quando impeditæ sunt ordinariæ. Ut interea subtile Tuum ingenium pascas, in rei fidem historiam signabo apud nos actam. Ingera Erasmi Jani uxor A. 1643. imprægnata gemellos gestare visa est. Instante partu post duorum dierum labores, nihil comparuit, sedatisq; doloribus, iterum post sex hebdomadas, motum embryonum persensit, qui deinde quinq; annorum spatio perduravit, ita tamen ut sensim observaverit constringi eos & imminui. Posteaquam mortuos illos esse erat suspicio, intumuit umbilicus, disruptusq; fuit, & primis diebus aqua limpida, mox sanguis & pus effluxit, cum officulis nonnullis. Per idem umbilici foramen, spatio 7. vel 8. annorum patulum quamplura officula sensim prodierunt. Hujus loco successit aliud foramen infra umbilicum, ex quo alia officula infantis magno cum dolore adhuc quotidie exprimuntur à Natura. Ipsa hæc officula numero plura in Musæo servo. Quid Tibi perspicacissimo de insolita hac Naturæ via videatur, datâ opportunitate significabis, & me amare perges, ex asse Tuum. Vale, mi Deusingi, & magnos Collegas

Tuos *Maresium*, *Eysenium*, *Schoackium* ex me saluta. Raptim Haf. XV. Aug. clō Iōc LXII.

T. T.

Th. Bartholinus.

## EPIST. XXIV.

*Mirum in sanguine phenomenon.*

ECCARDO LEICHERO

Erfortum.

**D**ilatæ hucusq; scriptionis culpam Bibliopolæ Hamburgensi imputabis, qui promissa à Te folia necdum, quanquam interpellatus, misit, ut ea propter de laudabili tuo instituto adhuc certus non sim factus. Non tamen dubito, quin ea in publicum meditatus sis, quæ demorsos ungves sapiant. Nescius interim sum & dubius, cui ea commendare debeas, adeò ubiq; ferè gentium Musæ pretium sui amiserunt. Prudentiæ Tuæ relinquo ad quos miseris. De nostris Mecænatibus multum Tibi alijsq; sponderem, si in alia tempora incidissent. Magnificus Cancellarius *Lente* ad Thermas Spadanæ abiit. Reverso literæ Nobilissimi Hartmanni, tuo nomine, tradentur. *Christophorum Frise*, quando advenerit, Tui causa



causa amabo, & pro viribus annitar si qua in re officia mea ipsi prodesse queant. De *Come-nio* idem haftenus suspicati sumus, quod Tu times. Inter dissidentes tamen, literariae amicitiae exercentur. De sanguine olim inter nos actum memini. Nunc mirum ejus phaenomenon accipe. In sanguine puellae hoc ipso anno mense Junio, visa est à Chirurgo quodam, urbis hujus, species hominis capillati & feminae coronatae sibi obversa, quae tertiâ hora evanuit. Suspicio verò à sanguine vario efformatas fibras variam speciem oculis exhibuisse. Varius autem hujusmodi sanguis plerumq; in scorbuticis nostris observatur, quorum ingens apud nos numerus. Hisce vale, Vir celeberrime, & de publico porro mereri benè perge, meq; amâ tui amantissimum. Hafn. XV. August. clc lxc LXII.

T. T.

Th. Bartholinus

## EPIST. XXV.

*Sylvæ Epitbalamica laus.*

CAROLO DATI.

Florentiam.

**G**Ratissimas Tuas literas X. Aprilis scriptas rectè accepi. Pro affectu, quem ex illis

perspicio, amplissimas gratias ago, & oblata officia gratâ mente manuq; amplector. Spero jam traditum vobis esse meum librum, Magno Duci submissè dedicatum, & per mercatores Hamburgenses missum. Placuit multis argumentum, mihi verò tum deniq; placebit, ubi Magno Duci placuisse verbulo rescripseris, Silvam Tuam Epithalamicam, cujus exemplum communicavit *Seavenius* noster tanta aviditate perlegi, ut universam devorasse viderer. Tanta majestate verba copulasti & acutos sensus, ut cunctos in admirationem conjece-  
ris, etiam illos, qui præclarissimæ lingvæ vestræ obsequio pollent. Nec credo nostro seculo futurum, qui paria tecum in hoc genere sit factururus. Nihil de auribus, iccirco nec plura addam. Optimè vale, Vir illustrissime, & orbis literati bono, diu vive, meq; amare perge, semper Tuum. Hafn, XXX. Aug. clæ loc LXII.

T. T.

Th. Bartholinus.

EPIST.

## EPIST. XXVI.

*Observationes Anatomica in avibus  
& cuniculo.*

THOMÆ BARTHOLINI

Hafniam.

Cum pauculas meas luci publicæ exponerem observationes, decreveram repositō in commodiora tempora cultro Anatomico Geometricum radium tantum non abjectum resumere; ne omne oleum & operam perdidisse viderer, si omnino defererem studium, cui non paucas olim impendi horas, quodq; non ut primariū sed ut unicū tractassem nisi angusta domi res utilia jucundis præferenda non tam syalisset, quam imperasset. Sed vix purgati sanguine digiti jucundissimo illo pulvere leviter erant perspersi, cum Virorum Clarissimorum partim minæ satis acerbæ, partim scripta parum amica, meamq; sententiam sensu non meo proponentia desideratam diu felicitatem mihi inviderent, & ut respondendi, sic quoq; ad sangvinarium illud exercitium revertendi imponderent necessitatem. De Clarissimo Blasio nostro nil dicam, qui cum ex illo tempore intra privatas se literas continuerit nec ego publicè quicquam judicavi movendum: & spero eandem illam humanitatem tuam, quæ Te  
medi-

medium in illa causa promisit, etiam id effecturam, ne & ille animo tantillum forte commoto habenas laxans sibi ipsi obfutura sit propositurus (id quod ab illo privatim jam tum factum demonstrare possem, si scribendi desiderio flagrarem) et ego rem totam candidi Lectoris oculis subicere coactus bonas horas collocare tenerer in re famæ quidem innocentiam spectante, ad studia verò vel publica vel privata ne tantillum conferente. Deusingius vero noster quò fervore Clariss. Dn. van Horne agressus sit, quibus me titulis ornaverit, rem Tibi non ignotam existimo. Quod si ut in invehendo in alios facundiâ nemini cedit, sic in demonstrando de veritate cum Mathematicis certaret, omnibus eadem cum illo non sequentibus castra, esset terrori; sed jam de telis ejus dicere licet, quod olim de Jovis fulmine apud Lucianum Timon: ἔτω δαλὸν τινα ἐπὶ νατείνασθαι δεκῆς αὐτοῖς, ὥς πῦρ μὲν, ἢ καπνὸν ἀπ' αὐτῶ μὴ δεδιέναι, μόνον δὲ τῶ πῦρος ἀπὸ λάνειν τὸ τρέμματ', ἐπὶ ἀναπληθύνονται τῆς ἀσβόλης. Sanè nisi id agendum esset, ne aliorum silentium suam interpretaretur victoriam, paterer ipsum impune convitari. Ut mysteriis plenissimus tandem impleretur numerus,

merus, accessit etiam Antonius Everhardi Medicus Medioburgensis Clarissimus. Hic modesti reliquos superans, ut à convitiis abhorret, sic & abstinet à rationibus, non tamen ab experientia. Edidit paucos ante diestra tractatum, cui hic est titulus. Lux è tenebris affulsa, ex viscerum monstrosi partus enucleatione; in quo post descriptionem monstri capite & pectore carentis, primo hepar velut inutile pondus à quibusdam frustra proscribi conqueritur, cum ejus eadem quæ cordis sit necessitas: (viderat quippe in hoc monstro duo corcula hepatis tanquam appendices ad utrumque; latus adjuncta: ) hinc me in scenam producit & dari vasa lactea succum lacteum in partum spermaticarum vulgo dictarum nutrimentum ablegantia, id quod ego tum rationibus tum experimentis impugnaveram, suorum se oculis demonstrasse credit. Sed aut me oculi fallunt, aut Zelandicis cuniculis dedit natura, quod Hollandicis denegavit. Aperui seniorum cuniculorum abdomina, juniorum exta inspexi, fætatum & ubera examinavi & uterum, sed necdum licuit mihi esse tam oculato, ut alias præter mesentericas & thoracicam, quæque ex nammarm glandulis ortæ ad papillam lac dederunt, observarem lacteas: sed nec in iisdem

frustra unquam vel in hepate, vel in collo vel infra capsulam, vel in inguinibus lympham quæsiui, testibus Viris Clarissimis Sylvio & Borrichio, qui suâ sectiones meas præsentiam fere semper ornarunt. Non ita pridem quæ infra receptaculum decurrunt vasa omnia uno vinculo constrinxi ratus fore, ut nulla vasa lactea ibi essent, suo se proderent indicio; sed à ligatura illico quicquid vinculum inter & capsulam erat evanuit, cum ultra vinculum magnus vasorum numerus in maiorem molem magis magisque sensim attolleretur præter limpidissimam lympham nihil omnino continentium. Sed de re à prima lymphaticorum inventionem tibi notissima plura si adderem, inepti nomen nulla ratione possem evitare. Cum itaque hoc, ut vides Excellentissime Vir, modo Clarissimorum Virorum partim privatae literæ, partim publica scripta ad Anotomica me exercitia iterum retraxissent, ne frequens ejusdem rei indagatio fastidium pareret, in varietate delectationem judicavi quærendam: quo fine cum varia ad partes vocarem animalia, in corvo aquatico skolser vocant Belgæ, quædam vidi in aliis animalibus mihi necdum observata. Præ cæteris mirabar elegantes admodum vasorum biliariorum pancreaticorumque in

in intestina insertiones : namq; & bilis per duos distinctos ductus, quorum alter à vesicula, ab hepate alter oriundus in intestina se effundebat, & pancreaticus succus per totidem canales medio inter prædictos ductus loco egrediebatur, ita ut pancreatici ductus à se mutuò digitum distarent, & ab illis utrinq; bilarii ad sesquidigiti distantiam essent remoti : omnia verò quatuor ostia pylorum respiciebant, quem inter & proximum fellis canalem interseptum spatium spithamam excedebat. Gratum hoc spectaculum ad aliarum avium viscera examinanda me invitavit : & ecce casu se mihi offerentem anatem, cujus intestina totidem quidem tum bilarios tum pancreaticos excipiunt ductus orificiis tamen minime & ut in priori distinctos : omnibus quippe quatuor ductibus unus idemq; in intestina est ingressus, & ut per pancreaticos inserti stili pylorum respiciunt, sic per bilarios demissi contrarium obtinent situm, ut adeoq; in ipso exitu se intersecantes setæ crucis formam imitentur. In canibus vidè ex eodem pancreate duos ad intestina ferri ductus, nondum tamen, nisi unicâ viâ bilem eo deferri observare licuit. Piæ memoriæ Parens Clarissimi Viri meminit in Anatomicis institutionibus, communem ductum aliquando bifidum

dum repertum, ubi tamen, diversane fuerit utriusq; origo an eadem, non additur. Sed ut ad corvum nostrum redeamus: vesicula fellis non accumbebat hepati, sed per mediam pinguedinem ad trium fere digitorum latitudinem extensa venæ portæ truncum & situ, & obiter inspecta etiam colore referebat, amplitudine verò major utpote auriculari meo crassitie non cedens. Quâ hepati jungebatur, tres ejus observabantur ramuli, unus, qui in hepar ascendens infinitos emittebat furculos; alter minor & transversim versus hepaticum tendens; tertius, ante nominatus intestina versus descendens. Inflatâ vesiculâ in intestinale ductum vento via patuit, aliâ non licuit in hoc subjecto penetrare, an quod nullis in hepar vel hepaticum pateret ingressus valvulis viam præcludentibus, an quod bilis crassior, meatus obstruxisset? Hæc aliaq; examinantes ad elegantius spectaculum langvescens cordis motus invitavit. Erat enim huic pullo cor adeo vegetum, ut micationes ejus ad secundam usq; ab apertione horam ne tantillum quidem vel à celeritate suâ, vel à robore remitterent, ut adeoq; ne otiosi essemus spectatores, non modo prædicta bilis vascula interea observaverimus, sed & varia alia, ut membranas diaphragmatis



10 matis munere ex Harvæi sententia fungentes,  
 12 renes cum suis ureteribus, ureterumq; egressu,  
 14 ventriculi figuram, situm, tubulos circa fini-  
 16 strum orificium plurimos, jucundissimam ven-  
 18 triculî superficiem interiori adhærentem viridi-  
 20 tatem, & quæ alia in abdomine contenta nec  
 temporis nec chartæ angusta spacia modo re-  
 censere patiuntur, quæq; præterea in aliis Tibi  
 subjectis sæpius visa. Corde itaq; jam tandem  
 deficiente, ut eo oculos mentemq; verteremus  
 author erat Clarissimus Sylvius (accesserat ille  
 cum celeberrimo Pisone, & Medico Gedanen-  
 si Clarissimo Dn. Gottwaldo, licet Dominum  
 Pisonem urgentia quædam negotia Amstelo-  
 damum revocantia non diu mihi summi viri  
 præsentiam indulserint) qui sæpius à se in ca-  
 nibus observatum dixit, non cor sed proximam  
 cordi cavæ partem ultimo mori: cujus obser-  
 vationis veritatem etiam nostra hæc avis con-  
 firmavit. Corde namq; rarius micante, & au-  
 riculæ patuit motus, & cavæ à motu cordis  
 manifestissimè distinctus: qui corde jam omni-  
 no emortuo ad duodecimam usq; meridianam  
 (hora enim nona matutina aperiebatur pe-  
 ctus) continuavit in ramo cavæ descendente,  
 ipsa cordi jungitur, & auriculæ parte, quæ ca-  
 væ proxima; sed & auriculâ munus suum tan-  
 dem

dem intermittente, sola cava etiam post secundam pomeridianam visa est moveri: & resecto dextro cordis ventriculo, omniq; qui hepar inter & cor in cava erat, sanguine exhausto, videbatur nihilominus in concidentibus in se cavæ tunicis fibrarum transversarum unius alterâ excipientis intumescencia superiora versus ascendens. (Dissecto hinc corde in dextro ventriculo præfixam auriculæ valvulam vidi unicam tantum, eamque carnosam, qualem etiam in Gallina inde observavi.) Idem in aliis inde subjectis quæsitum, sed successu non eodem. Namq; cavæ quidem motum omnium esse postremum, in quatuor, quos inde secui, cuniculis observavi, fibrarum autem cavæ motum in eorum nullo notare contigit. Sed & hoc cuniculis peculiare, quod ut aviculæ cava qua ramum descendente pulsat, sic in illis soli ascendentes rami se per intervalla constringerent. Ascendentium autem sinister in cuniculis à cava proxime supra auriculam exit & hinc transversim ad basin cordis sinistrosû latus tandem rectâ ascendit: atq; ita ad auriculam dextrâ tres cavæ rami confluunt, descendens puta & ascendentiû uterq; aut si secundû sanguinis motum describenda vasa, descendentiû uterq; cum ascendente, qui tantum unus. Primus  
eorum,

orum, in quibus primum movens quæsi-  
æ tantum exhibuit: deficiente cum corde  
uriculâ quinqvies, sæpe sexies pulsabat cava,  
antequam vel semel auricula micaret; educ-  
tione sanguine cessarunt omnia. Paucis inde diebus  
iter in scenam protractus cuniculus, in quo  
emittente tantillum auriculæ dextræ recipro-  
catione distinctius cavæ tum dextro tum fini-  
tro in ramo motus conspiciebatur, qui tunicis  
icet ad tactum frigidis nihilominus continua-  
vit, nec resectio cordis mucrone cessavit, sed  
novo sanguine, post priorem exhaustum ex  
cepate propulso de novo sibi restitutus non  
minori ac ante vi tuniceas per intervalla stringe-  
bat: etiam ad tertiam à sectione incepta ho-  
ram, cum post ligatum cavæ truncum ascen-  
dentem, expressumq; omnem sanguinem la-  
tera vasorum sibi mutuo incumberent otiosa,  
resecto iterum vinculo, iterum pristinus rediit  
notus. Quæ in tertio cuniculo nobis visa, di-  
stinctius observabantur: in auriculæ limbo  
motus notabantur contrarii, modo enim ab  
inferiori angulo superiorem versus moveba-  
tur, modo contrario ritu à superiori versus in-  
feriorem quasi repere quid conspiciebatur:  
cumq; limbus jam plane esset emortuus vide-  
batur nihilominus in medio quasi plano fibra  
quæ-

qvædam sua contractione vitæ indicia edere. Non hic apicem cordis, ut in priori refecui; sed per exiguum admodum foramen vix aciculæ caput admittens, cum ramis cavæ tam ascendentibus quam descendenti vincula injecissem, sanguinem eduxi, & illico quievire omnia sed cum illæsa cordis vascula novum suppeditarent, brevi rediit motus licet satis exiguus, qui tamen solutis omnibus vinculis momento quasi invaluit. Circa vespertinam sextam aperueram animal, & nihilominus post horam mediatam nonam micabat cava, quæ interea temporis sæpius, ob repetitas ligaturas, non paucas micationes intermiserat; & jam ultimò vincula removeram, cum manifestè admodum & distinctè viderem in ipso angulo, quo loco cum ramo cavæ inferiori superiores concurrunt, tunicam quasi momento in arctum contrahi, & post secundum quemlibet hujus anguli ictum ipsos ramos ascendentes moveri. In quarto nihil à reliquis diversum notavi, quod cordis aut cavæ motum spectaret. Et hæc sunt, Clarissime Vir, quæ mihi de parte ultimo omnium monente licuit observare: de causa motuum horum modoque necdum vel cogitare ausus sum, cum quod rei istius difficultas exigit tempus alia negotia mihi invidcant, & rem viribus  
meis

meis majorem esse ingenii imbecillitas persua-  
deat. Quod si placeret humanitati tuæ summi  
& divini sui judicii sententiâ me informare,  
maximus pristinis Tuis in me beneficiis acce-  
deret cumulus. Prodiit hisce diebus Carterii  
tractatus de homine una cum figuris à Floren-  
tio Schylio inclytæ urbis Sylvæ Ducis Senato-  
re, & ibidem Philosophiæ Professore editus,  
in quo figuræ conspiciuntur non inelegantes,  
quas ex ingenioso cerebro prodiisse certum est,  
an vero tales in ullo cerebro conspiciendæ val-  
de dubitarem. Sed nimis diu Clarissimum Vi-  
rum detineo: cujus tempus gravioribus curis  
sacrum. Vale itaque Clarissime Vir & favere  
perge

Dabam Lugd. Batav. Tibi addicto  
An. 1662, 26. Aug. discip.  
Nicolao Stenonis,

## EPIST. XXVII.

*De pancreate & biliari ductu in corvis.  
Lymphæ stillicidium ex variis partibus.*

NICOLAO STENONIS Leidam.

**G**Estit animus videre Lucem illam novam  
e tenebris Medioburgi affulgentem, an  
h levem

levem flatum perferre queat. Quantum ex relatione intellexi, vel uno halitu spirituq; extinguetur. Quid enim ex monstroso partu conficiet author? Certè præter monstrosas consequentias nihil. Et duo ventriculi cordis, monstroso hepatis insculpti, satis evincunt, cordis hic negotium agi, non hepatis, quod hujusmodi cavitatibus solet carere. Lacteas quasdam ad mamillas recta sursum tendere vidit *Jo. Theod. Schenckius* l. 1. Exerc. Anat. 7. Sect. 2. c. 32. Sed talem furculum seu canaliculum lacteum ex thoracico ad musculos thoracis, & exinde ad ipsa ubera furtim serpere observavit *Pecquetus* Exper. IV. contra *Riolanum*. De ramulis quibusdam ad uterum quoq; *Deuslingius* in Inst. Anat. monet. Ut verum fatear, visum sum mihi videre non semel fibrillas candicantes hinc inde commeare, quas tamen non ausum pro lacteis salutare. Nolim tamen capropter aliorum diligentiam damnare si oculis magis lynceis viderunt, quæ nostros oculos subterfugerunt. Miror quod in cuniculis ea non observaveris, quæ *Everardus* tanta fiducia lectoribus commendat. Difficile tamen est iccirco hominem de ponte dejicere, quia non rarò levis circumstantia rem totam variat, sæpeq; evenit, ut casu in rem aliquam incidamus,  
nulla

nulla postea industria iterum inveniendam, id  
 quod in chymicis operationibus perquam fa-  
 miliare. Magna autem nobis spes affulget,  
 certam ex tuo cultro orituram experientiam,  
 quem in perniciem animalium sed artis incre-  
 mentum saepe acuis. Corvus tuus multa ape-  
 ruit, quæ curiositate se commendant. Orifi-  
 cium ductus pancreatici sursum spectans, *Rio-  
lani* usum confirmat, ut scilicet facili vomitu  
 pancreas expurgetur, præsertim in febribus  
 malignis & chronicis. Rarum est, quod vesi-  
 cula fellis hepati accubuerit. Sed non capio,  
 cur statim subjungas, tres observatos esse ejus  
 ramulos quæ hepati jungebatur. An diverlum  
 credis jungi & accumbere? Cur non accum-  
 bere debeat hepati, hæc me judice ratio est,  
 ne cordi sit impedimento, nam ex observatio-  
 ne *M. A. Severini* part. 4. Zootom. p. 340. je-  
 cur corvi paucò aut ferè nullo intervallo distat  
 à corde. Quod de bifido ramo annotaverat  
*Parens* in Instit. Anat. cum *Baubino*, ad finem  
 restringit *Veslingius*, adeoq; originem unum in-  
 nuit. A vena cava motus initium esse, *Walaus*  
 ante observaverat Epist. 1. etiam corde rese-  
 cto, ideoq; circa cor carneas adesse fibras,  
 alibi in cava haud conspicuas. Nec mirum hic  
 motus initium & finem quærendum, si quidem

universus corporis sanguis hac via cor ingreditur salvo animali, vel ingredi conatur, etiam illo deficiente. Et ne hepatis hinc cristæ exurgant, rectè *Walæus* in vivis canibus observavit à jugulo quoq; eundem motum cavæ, quod in corvo tuo etiam deprehensum scribis. Cæterum an vesiculæ biliaræ profundior situs corvum aquaticum ad crebras alvi excretiones sollicitet, ut eapropter ingratiissimæ naturæ dicatur *Olao Magno* L. XIX. c. XX, quia stercorebus egestis cortices ac arborum ramos, ubi habitat, imò gramina subjecta, inficit, ipse accuratius expendes, antequam pro assiduo officio funus innumeris exequiis aliti celebres cum Populo Romano apud *Plinium* l. X. c. 43. tibiq; cum corvis sua gratia referatur. *Blasius* noster longo jam tempore silet. Ex quo melitis arbitrum obtuli, nihil responsi tuli. Interim mallet inter vos concordiam, quam præteritarum injuriarum oblivione utrinq; reducere. Ductuum salivalium vestigia cottidie latius serpunt. In studioso domestico, si linguam mane attollat, ductus ille sublingualis apparet, lympham copiosam, rivuli instar extra os profundens. Per alias quoq; vias insuetas lympham emanantem observavi. In duobus vidi pone aures assidue stillantem fontanellæ in morem.

In



In alia femina non ex aurium tantum regione, sed infra mammas manat serum magno Catarrhi molesti emolumento, sive quod lymphatici rami ad has corporis oras pertingant, sive quod per vasa sanguinea exstillet lymphæ, per patulos poros expurganda. Penè memoriæ excidissent Observationes Malpighianæ, de quibus scripsi ad Cl. *van Horne & Borrichium*. Tu diligenter inquire, quid natura hac parte condat, & quid Tibi de his videatur. Vale, & me ama. Hafn. VII, Sept. cl. lxxc lxii.

T. T.

Th. Bartholinus.

## EPIST. XXVIII.

*De statu Jenensi, & variis eruditis.*

THOMÆ BARTHOLINO

Hafniam.

**P**udet me in superioribus ad vos meis mentionem fecisse Exercitationum Anatomicarum, quas præter expectationem meam bibliopola domi reliquit. Ne videar autem promissis malè sterisse, ecce eas nunc offero, annexa prece, ut & mihi & mendis quibus scatent, ignoscatur. Cæterum bis mille civibus auctam

h 3

Aca-

Academiam nostram scias, & numerum studiosorum artis brevi centenarium suppleturum, hicq; is est fructus, qui profligatis istis pessimis moribus, qui pennialistici audiunt, nobis arrisit. *Rolfincius & Mæbius* Collegæ amicissimè vos salutant, quorum scripta propediem ad manus vestras pertingent. Sub prælo est hystoria Humorū Generalis, item Exercitationes nonnullæ brevi luci dabuntur de Natura mineralium. Reliquas exercitationum mearum quamprimum convaluero & valedixero muneri Magistratus publico, una cum prioribus correctis, sum typis commendaturus. Hic nihil, nisi quæ veritati congrua tum utilia sunt pertractantur. Tractatum istum vestrum *De Luce Animalium* à nemine impetrare possum, cujus videndi copia mirificè teneor. *Sylvii* Leidenensis opiniones de sede causisq; morborum apud nos non merentur laudem, meræ hypotheses sunt. Approbatur iudicium *Bartholinianum*, sobrium placidumqve. *Deusingius* polemicus rectius faceret si non omnibus tam acriter se opponeret, vir alioquin laude dignus. Interea ex tot Dissentientium capitum arbitriis plurima bona arti Medicæ accedunt. Vos talentum vestrum non sepelitis. *Bilsius* inter barbaros refertur.

Plura

Plura alio die. Deus sanitati & felicitati vestræ diu multumque præsit. Cursim Jenæ d. 3. Septemb. 1662.

Nobiliss. & Excell. nominis vestri  
adorator devotus

J. Th. Schenck.

## EPIST. XXIX.

*De Mesenterii & ventriculi gangrana.*

JOH. THEOD. SCHENCKIO

Jenam.

**P**roximitatem, qua in responsoriis meis anno superiori datis, usus sum, brevitate jam compensabo, non quod in affectu Tibi Tuisque meritis debito quicquam exinde remiserim, sed ne multiloquio tua tempora publicis rebus destinata morer. Dubia Tua erudita expendi, quo successu, malo à Te rescire, quam divinare. Pro Exercitationibus Tuis ingenio & ampla eruditione expositis, gratias ago, quamquam eas antea à Bibliopola nostro precio indicto emerim, nec enim carere diu possum his aliisque in arte nostra novis, quæ vel Tu, vel Collegæ Tui, vel alia seculi nostri decora in publicam lucem emittunt. Rogo ut coeptam telam

h 4

per-

pertexas, addasq; quæ ad huc desiderantur.  
 Humorū Historiā prolixè Tibi publicum ob-  
 stringes, in primis si *Helmontium* debellaris, ju-  
 ratum Scholarum hostem. Ex nostris offici-  
 nis prodierunt Centuriæ duæ priores Epistola-  
 rum Medicinalium. De Pulmonum substantia  
 & Motu quoq; aliquid commentatus sum. Sub-  
 stantiam merè vesicularem microscopia obser-  
 vavit *Malpighius* Bononiensis, quem pro virili  
 auxi & illustravi. Motum consuetum contra  
*Helmontium* & *Cartesium* vindicavi. Hujus de  
*Homine* nuperum scriptum si vidisti, miraberis  
 ingenium Viri ex cerebro suo cerebrum for-  
 mantis. *Bisius* adhuc tacet. *Deusingius* autem  
 censorium calamus contra *Digbeum*, *Boyleum*,  
*Blottesandæum* exercet. Ad Hepar meum  
 defunctum aliqua respondit, quæ anxie expe-  
 cto. Noster *Stenonius* Ductum salivalem con-  
 tra *Blasium* Clarissimum, *Deusingium* exercita-  
 tissimum, & *Everardum* tuebitur parata respon-  
 sione, quam brevi habebimus. Reliqua quæ  
 in oculis brutorum observata vasa publicè non  
 ita pridem descripsit, in homine manifestè  
 quoq; hac hyeme notavit, tum ex glandula  
 oculi exteriori in tunicam palpebræ superioris  
 interiorem pergentia, tum à punctis lachryma-  
 libus patentia in nares, & alia curiosa pariter  
 & uti-

& utilia. Noster quoq; in Theatro destinatus  
successor Jac. *Henricus Pauli* Simon, filius, ope-  
ram haut infelicem huic studiorum generi na-  
vavit. Labyrinthum Bilbianum in collo ani-  
malium aliâ formâ invenit, quam nobis depin-  
xit ille. De insolitis partus humani viis nata  
mihi sub manu Dissertatio, data per gemellos  
occasione, qui exiliis & umbilico mulieris no-  
stratis per partes multorum annorum decursa  
prodierunt, quæ forsan ad Nundinas Autum-  
nales lucem videbit. Hinc ad novam Anato-  
mes Reformatæ editionem serâ curâ accingar,  
quam seriò urgent Belgæ, qui promptius id pe-  
tunt, quam ego perficio. Libri mei de Luce  
Animalium extincti prorsus videntur, quia  
nusquam prostant, nec luci redonare eos pos-  
sum quia obruor aliorum multitudine. Plura  
alia supersunt majoris momenti, quæ libentius  
perficerem antequam hinc migrarem. Interim  
hunc casum mitto, ut ponderosior sit Epistola  
amica. Lustrarunt 3. Febr. anni hujus novi  
Chirurgi nostri urbani cadaver servî cujusdam  
Cæmentarii, violentâ morte pridie extincti, &  
sequentia notarunt. Caput intumuerat & fa-  
cies nigricabat, circaq; collum papulæ fuscæ.  
Scrotum cum reliquis partibus vicinis tumore  
inflatum, nigricans, gangræna oblitum. Crus

dextrum nigricans cum hydatidibus, sinistrum nonnihil sanioris erat coloris, sed hydatides ovi gallinacei magnitudinem superabant. Vulnus ex crure sinistro ad dorsi regionem penetrarat. Aperto abdomine visum est vulnus penetrasse intestinum rectum & mesenterium, cujus vasa læserat, unde ingens illa sanguinis profusio, & ex residuo cruore stagnante gangræna, quæ mesenterium occuparat, maximamq; intestinorum partem dextri lateris, & dextrum ventriculi latus infecerat. Non igitur dextræ partes sinistris fortiores, sicut vulgo creditum, adeoq; affectis partibus sinistris, dextri lateris quoq; habenda est ratio. Tu verò, mi Schencki, carum nomen, feliciter vale cum Clarissimis tuis Collegis *Rolfincio & Mæbio*, meq; ama quem Tuum esse crede constanti amore perennem. Vale, Hafniæ raptim IV. Mart. clō lōc LXII.

T. T.

Th. Bartholinus.

EPIST.

## EPIST. XXX.

*Resolutio Historia Partus Infelicitis  
gemellorum.*

THOMÆ BARTHOLINO Hafniam.

**A**micissimas denuo abs Te literas accepi,  
 Excellent: Vir 15. Aug. Hafniæ datas,  
 allatasq; Groningam per Virum præstantiss. D.  
 L. Fossium T. Excell. Affinem; at quem vider  
 e, ac coram salutare, ob præcept. ejus iter  
 mihi hætenus non licuit: Ad scapham festi  
 nans, per internuncium sui præsentiam polli  
 citus est intra paucas septimanas, quam avide  
 exspecto. Frequentia literarum me vinces for  
 tasse; quod rarior mihi occasio suppetat; at  
 certè nequaquam multitudine præsentia, quâ  
 animus tecum est, dum sæpius Tua eruditissi  
 ma volvit, nec affectu & candore, quantum  
 vis hunc sane in nemine mortalium candidio  
 rem suspiciam; quam in candidissimo Bartho  
 lino. Quod nondum, quæ pridem pollicitus  
 sum offeram, Typographi est culpa, qui lente  
 procedit: Interim fidem Tibi facio, non alium  
 animi proditura affectum, quam ipsemet geris,  
 quàm ipse exspectas. Veritatis studium, (quan  
 tumvis cum multa cespitatione conjunctum)  
 veritatis Amico, tam candido, tam ingenuo,  
 haud

haud quaquam displicebit. De Monstro humano (cujus injeci mentionem) sine capite ac cerebro, sine thorace, atq; adeo sine Corde ac Pulmonibus Medioburgi genito, atqve à Clariss. D. *Everhardi* descripto, tractatu quem *Lucem è tenebris* vocat, actum à nobis in *factus Muscipontani secundinis*, (ut voco.) quæ itidem lentè sub prælo procedunt. Nequaquam ex eo sangvificationis perfectæ officium Hepati existimem asseri, cum fabrica cordi analoga corpori Hepatis ad fuerit, sine qua circulatio sangvinis nulla potuisset adesse, nec adeo monstrosus ille foetus nutriri, atq; nutrimento augeri; neq; adeo vivere, ne quidem vitæ infimo illo gradu: veruntamen liquet ex illo animante, quod & folliculo fellis carebat, & canale bilario, referente D. D. *Everhardi*, nequaquam hunc esse Hepatis usum primarium ac principalem, ut bilem secernat, (quâ hoc monstrum carebat, sat vastâ Hepatis mole, pro Corporis ratione instructum) sed potius ut sangvini conficiendo contribuat subsidiariam opem, eamq; non contemnendam; vereque Cordi sangvinem præparet, actuandum spiritu vitali in Corde, ac quoquo versum vi cordis pulsifica propellendum. Sed hisce nunc missis, consideratione dignissimus casus, à T. Excell. commemoratus, qui ita habet.

Inge-



Ingera Erasmi Jani Uxor A. 1643. imprægnata gemellos gestare visa est, instante partu, post duorum dierum labores nihil comparuit, sedatisq; doloribus iterum post sex hebdomadas motum Embryonum persensit, qui deinde quinq; annorum spatio perduravit, ita tamen ut sensim observaverit constringi eos & imminui. Posteaquam mortuos illos esse erat suspicio, intumuit umbilicus, disruptusque fuit, & primis diebus aqua limpida, mox sanguis & pus effluxit, cum ossiculis nonnullis. Per idem umbilici foramen spatio 7. vel 8. annorum patulum, quam plura ossicula sensim prodierunt. Hujus loco successit aliud foramen infra umbilicum, ex quo alia ossicula infantis magno cum dolore adhuc quotidie exprimuntur à Natura.

Cum exigas à me Vir Excellentiss: judicium de hoc casu, in Tui obsequium quid sentiam depromam. Varia eqvidem hic possunt in considerationem venire. Nam 1. Dubium fortè potest videri an ullo signo gestatio gemellorum (quos eventus in hoc casu arguere videtur) colligi queat? Utiq; ipse abdominis tumor gemellos minimè comprobatur, utpote qui nonnullis unum fœtum gestantibus major esse potest, quàm aliis quidem gestantibus gemellos:

mellos: nec certi quid arguit protuberantia in latera, qui quandoq; ex æquo ab uno itidem foetu contingit utrinq;, ac ubi gemelli gestantur fieri potest, ut protuberantia in alterutro latere major sit. *Hippocratus* quidem effatum novimus aph. 48. sect. 5. *Fœtus mares dextra uteri parte, fœminas, sinistrâ magis gestari*: quæ pridem quoq; *Parmenidis* & *Empedoclis* opinio fuit: at quam nec Rationi nec Experientiæ congruere, ab *Aristotile* ostensum 4. de gen. anim. cap. 1. Et Experientiæ quidem id ipsum sæpius contrariû esse confirmat *Harvæus* de gen. anim. Exerc. 69. comprobaturq; idem à T. Clar. Cent. 5. obs. 88. Quin & ipse *Hipp.* in lib. de superfœtatione. Si semen viri sit bene concoctum, calidum & robustum, & illud in duos sinus uteri distribuatur, in duobus illis sinibus mares duos gemellos concipi ait. Certe multa hæc opinio supponit vel falsa, vel saltem incerta. De feminis virilis quoad corpulentiam in uteri cavum ingressu refutato ab *Harvæo* (de quo & à Nobis in *Microcosmi Genesi*, eidemque adjectis *Curis secundis*) impræsentiarum nihil dicam: Saltem perperam & contra *autoψίης* certitudinem uteri humani cavo duo sinus tribuuntur, cum sola lineola cavitatis unius ejusdemq; regionem utcunq; distingvat; ac fœtus

con-

contentus totum uteri cavum ex æquo undiquaq; adimplere deprehendatur. Loquor de utero humano: Nam alia est ratio uteri Brutorum viviparorum, quæ pleraq; uterum in cornua utrinq; habent diductum sitq; horum conceptus non in uteri propylæo, seu potius non fit in cavitate communi, sed in cornibus uteri, & quidem sæpius mares in sinistris, foeminæ in dextris (vel saltem promiscuè) ex *Harvei* observatione. A ratione id quoq; alienum censemus, esse dexteras partes sinistris calidiores; atq; à dextra parte calidius utero semen obtinere. Nec quicquam huc facit, quod vena spermatica dextra à cava, sinistra ab emulgente originem ducat; hæc enim persuasio ex ignorance circulationis sanguinis est genita, quâ constat non per venas, sed per arterias, (quæ utraq; ab aorta procedit) sanguinem spirituosum ad testes deferri: ut adeo & illa *Heurnii* correctio sit vana & inutilis, quæ in *comm. ad aph. alleg.* quibus dextrum vas spermaticum à renali, inquit, & sinistrum à vena cava descendit, iis sinistrâ mares, dextra vero uteri parte potius foeminæ gestantur. Sed circa ipsam quoque seminis materiam fortasse non omne dubium expeditum est. Fallacia mammarum indicia nunc mitto,

2. Hoc

*incert. temp. part.* Ac *Harv. Exerc. de partu* exemplum refert foetus ultra sedecim menses in utero gestati; quin imò viginti tres menses, item duos atq; etiam quatuor annos gestatorum mentionem facit *Hieron. Mercurial.* in *Consil.* Sed circa tales si quidem vivi nascantur in lucem, plerumq; id putem locum habere, quod statuit *Hipp. lib. de Natura pueri*: *Nim.* Si quæ ultra decem menses utero gestare sibi visæ sunt, eas hoc modo fallere: Cum uteri, inquit, à ventre flatum suppeditante spiritu distenduntur, & intumescunt, tunc mulieres se concepisse existimant: Et si menses minime prodeuntes longiorem moram fecerint, &c. tunc in tumorem sublati uteris mulieres utero sibi gestare videntur: &c. At ubi post conceperint, harum rationum ac rerum ignaræ, eo tempore se concepisse reputant, quo menses suppressi erant, & uteri intumuerant. Eadem mens est *Arist.* qui ideò 7. *Hist. anim. cap. 4.* circa eos qui undecim Mensibus diuturniores sunt, mulierem sui conceptus initium latuisse contendit: Latet enim mulieres, inquit, Conceptus initium, si, cum ante inflatus fuerit uterus, ut sæpe accidit, post coierint, & conceperint. Hoc enim principium esse sui conceptus existimant, quod simile indicium attulit.

Quam-

Quamvis igitur ante decimum mensem (quod  
 ordinarium tempus est) vitales partus fiunt  
 aliquando septimo, octavo, nono mense ut  
 inculcat *Arist. loc. cit.* quin imo & quandoq;  
 quinto vel sexto mense, si vera sunt exempla  
 quæ refert *Harvæus de partu*, ex *Vales. Spigelio*,  
*Avicenna* (de qua re pluribus in *Microcosmi Ge-  
 nes. part. 3. S. 2. §. 83. & seq.* disserui) an tamen  
 æq; post ordinarium tempus, quod decem  
 mensium definit *Hipp.* partus in longius tempus  
 dilati vitales existant, id majorem forte diffi-  
 cultatem involvit: Equidem censui ego *alleg.  
 loc. §. 94.* Ordinario quidem tempore illo  
 Naturam crisin, quæ ad partum tendat, mo-  
 liri solere, sive ea perfecta, sive imperfecta  
 succedat, sive ad salutem, sive ad mortem;  
 fieri autem posse quandoq; ut post tentatam  
 crisin non succedente foetus exclusione, mater  
 & foetus in vivis supersint; at hæreat etiam-  
 num ad tempus in utero foetus, donec novam  
 excretionem Natura molliatur, foetusq; cum  
 Natura conamen intendat: Sed addidi, id eo  
 duntaxat casu evenire posse, (meo quidem ju-  
 dicio,) cum etiamnum copiosi humores intra  
 Amnion circumfluunt foetum, ipsamq; libe-  
 riorē Respirationem arcent, quam exur-  
 gentem, absumpto intra Amnion liqvore,

impo-

imponere sensim necessitatem partui, exposui *ibid.* §. 71. & seq. Utiq; pater ex iis, quæ illuc declaravi non posse Fœtum respiratione care-  
re, simul atq; cœpit respirando aërem in pul-  
mones adducere; ac rarefcentibus pulmoni-  
bus necessario liberiores Respirationem affe-  
ctare, vel in utero emori. An autem possit post  
decimum mensem (cum copiosiore Fœtus ali-  
mento jam indiget,) per multas hebdomadas  
tantum in Amnio humorum superesse, quod  
omnem plane respirationem impediat, id jure  
merito tale crediderim, de quo possit dubita-  
ri: Nec sineratione mihi quidem videtur, post  
varia diducta, definitum à *Paul. Zacchia Qvæst.*  
*Medico-Leg.* lib. 1. tit. 2. Qvæst. 6. supra decem  
dies ultra decimum mensem vix unquam por-  
tari posse fœtum vitalem.

Sed 3. Posito, quod forte in casu præsen-  
ti vixerint Fœtus ad sex septimanas, post tem-  
pus partus legitimum & ordinarium, ut adeo  
iterum post sex hebdomadas à prioribus labo-  
ribus, (seu duodecimo mense gestationis) sub  
secundo conamine, motus novus infantum in  
utero contigerit; qui potuit ille quinq; anno-  
rum spatio perdurasse? qui potuit fœtus præpe-  
ditus in exitu tam diu in corpore materno vi-  
xisse? Plures æquidem historias fœtuum, qui

biennio, triennio, quadriennio in utero materno fuerint gestati, commemorat *Zachias* loc. alleg. §. 2. à *Schenck* lib. 4. *Observ. tit. de partu* allegatas; sed eas fabulis & portentis annumerat? ac pari illas loco constituit cum fabula illa apud *Trigant.* lib. 1. *de Christ. exped. apud sim.* cap. 10. quâ fabulantur Chineses, quendam eorum Philosophum nomine Lauzu, octuaginta annis in parentis alvo fuisse gestatum. Crediderim ego illum motum partim ex fermentatione quadam vitiosorum humorum, partimq; ex flatibus excitatis fuisse obortum. Ita refert *Harvæus* Exerc. de Partu, se novisse matronam nobilem quæ plus decies enixa fuerat, quamq; menstruorum suppressio citra prægnationem nunquam fefellerat; postea autem alteri denuptam præter alia signa solita, ex motu quoq; (quem ipsa, sororq; ejus juxta cubans, sæpe noctu sentiebant,) sese gravidam judicasse, neq; ab ea opinione ullis argumentis dimoveri potuisse, donec tandem spes omnis in flatus & pinguedinem facesseret. Simile exemplum refert ibidem juvenulæ, quæ symptomata omnia prægnantes comitari solita experiebatur, ipsumq; in utero motum, jam indicia imminentis partus adq; esse, rata, cubile, incunabula, cæteraq; ad partum necessaria, in

in procinctu habuit : Sed frustra omnia ; motus enim cessasse, & ventrem detumuisse, absq; ulla ægritudine. Similem juvenculam ante biennium hîc ipse sub cura mea habui, quæ omnia ad partum, jam jam imminentem, ut putabas ipsa, pararat, at cujus spes omnis in flatu evanuit.

4. Sed si ergo foetus, in præsentî nostro casu, credendus videatur non amplius vixisse, dum motus ille quinquennalis perduraret, quid accidit circa foetum, vel potius gemellos, quos utero gestasse prægnans videtur ? Veri simile existimo, sub secundis laboribus, (qui tempore legitimo, ac Naturæ consveto, sc. sex septimanis post priores illos præmaturos sedatos, denûo, fuerint exorti) cum iterum hîc irritus, ut ante, esset exclusionis conatus suo motu infantes validiores tandem perripisse ipsum uterum, atq; in abdomen proruisse; ibidemq; extinctos (vel quod abruptus umbilicus cum sanguine vitam ipsam profuderit, vel quod requisitæ respirationi commodus locus deesset,) in putrilaginem temporis tractu abiisse. Sic in utero quoq; foetus extinctos in putrilaginem abire, exempla testantur. *Perrere intus conceptum, inquit Harvey Exerc. de Partu, & in putrilaginem versum sensim indies*



dies (tanquam fluores albos,) emanare, nonnunquam observavimus, tum in mulieribus, tum etiam in aliis animalibus. Erat non ita pridem Londini mulier, inquit, quæ post ejusmodi abortum, concepit denuo, debitoque tempore infantem peperit; postea vero interpositis aliquot mensibus, dum consveta obitunia, sine dolore & ægritudine aliqua insigni, prioris abortus ossicula nigra frustulata eiecit, &c. In *Harvæi* equeidem isthoc exemplo dubitari potest an mulier illa bipartitum fortè uterum habuerit; velut dubitat *Bauhinus* in *append. ad lib. Roussæti de part. Cæsar.* itemque *Theatr. Anat.* lib. I. cap. 38. pag. 127. an mulieres quæ superfoetare solent, aut plures foetus quàm duos generant, bipartitum uterum habeant, ut canes, lepores & similia animalia, quæ multos generant foetus? cujusmodi muliebrem uterum aliquando inventum commemorat *ibid.* In præsentî nostro casu putrilago effluere, ipsaque ossa prodire per muliebria nequivere, utpote in ipsa abdominis capacitate (dum uteri hiatus coalesceret denuò, quod facile fieri à *Roussæto* de partu Cæsareo aliisque per exempla ostenditur,) undiqueque conclusa: quæ postmodum factò ad umbilicum sponte naturæ foramine, pro exitu contentorum, per id ipsum  
ema-

emanarunt. Sic & materiæ purulentæ in pectoris cavitate longissimo tempore conclusæ exempla sunt obvia, nobisq; non uno casu observata, ad quos aphor. 1 §. f. §. non videbatur pertinere, non nisi ad illos qui ex pleuritide empyi fiunt referendus quod etiam Gal. in *comm.* insinuat. Prout autem corpora infantum abdomine matris inclusorum, sensim in putrilaginem abierunt, ipsaq; ossa eorundem sensim propius ad invicem collapsa sunt, quin & materiæ contentæ portio aliqua forsan calore dissipata est, vel intra vasa absorpta, ac sensim à natura quibuscunq; tandem viis expulsa, ita sensim gestans observavit molem in abdomine contentam constringi & imminui. In difficili equidem partu disrupti quandoq; ipsam uteri substantiam, ac foetum prolabi in abdominis cavitatem, nec alienum à ratione est, nec caret id ipsum evidenti experientia: Quod tamen in foetu Mussipontano (cujus casu pronuper Celeberrimus D. *Straussius* exhibuit cum erudita Resolutione,) nequaquam potuisse locum habere, ostendi pluribus in tractatu quem *Fœtus extra uterum in abdomine geniti secundinas* libuit inscribere, Sect. 20. nec non in *Fœtus ejusdem Vindicium*, (adversus Tenebrionem qui *Blottesandæi* nomine ficto varia nostra

arrodere instituit,) Sect. 3. Unde in consideratione Physico-Anat. Casus illius à D. *Straussio* exhibiti, ostendere conatus sum, Foetum illum extra uterum in abdomine genitum fuisse, nempe in uteri Tubis, quam item fuisse Tuæ Excell. sententiam, in judicio lato circa casum eundem, ex iis cognovi, quæ postmodum Celeberrimus D. *Straussius* collegit, ac deniq; Tua Excell. *Hist.* 72. *cent.* 6. Cæterum aliàs sapius in partu difficili, vel & alio casu, fuisse uterum disruptum, ac foetum prolapsum in abdominis cavum, ibidemq; sensim in putrilaginem abiisse, sicq; ipsam semiputridam, vel materiam purulentam, ipsaq; ossa tandem affectatâ per abdomen via prodiisse, liquere potest exemplis allatis à D. *Baubino* in *append. ad Roussetum de part. Casario*, *Histor.* 5. & 6. quorum prius item commemorat *Platerus* *obs.* lib. 1. *Tit. part. defect.* ut nunc prætermittam *Salmuth*, *obs.* *med. Cent.* 1. *obs.* 16. *Sennert. lib.* 4. *prax. part.* 1. *f.* 2. *cap.* 17. aliosq; plures aliorum exempla referentes, itemq; *Albucasin*, *Marcellum Donatum*, *Marsilium Cognatum*, *Jo. Langium*, à Te allegatos prædicta *Hist.* 91. *Cent.* 6. Nec mirum utiq; Naturam hic foetum putrescentem, vel ossa ejusdem, per abdomen excludere, quæ aliàs passim materiam quamvis irritantem sibiq;

sibiq; molestiam creantem protrudit ac propellit, ac propellendo materiam eidem interim exitum parat. Sic ossium fragmenta, utut ipsis vulneribus vel ulceribus occlusis, per carnes sanas à natura protruduntur, atq; ad exitum urgentur. Sic refert *Hildan. Cent. 1. obs. 54. & Cent. 5. obs. 75.* à *Laurentio Jouberto* ostensum fuisse cultellum obtusum, qui panno obductus ab Opilione alteri cuidam vi in os ingestus & per gulam dimissus fuerit, totoq; biennio in corpore delitescens, tandem abscessu in ingvine factò, fuerit excretus, ipseq; æger curatus, qui per septennium supervixerit. Historiam refert *Sennert. lib. 5. pract. part. 4. cap. 5.* Studiosi cujusdam cui cum vulnus cultro infligeretur ad nasi radicem, internumq; oculi angulum, cultri vi fracti dimidia pars, digiti fere longitudine inibi infixæ hæserit, quæ post anni quadrantem juxta columellam in faucibus prodijt, ibidemq; à Chirurgo exempta est. Simile exemplum hîc quoq; Groningæ contigit ante aliquot annos, ut nempe homini cui culter per os syncipitis fuerat adactus, longè post tandem à vulnere sanato diffracta cultri pars media circiter juxta columellam prodiret, ibidemq; eximeretur. Aciculam aliquando, quam deglutiverat puer, per Scrotum prodijisse, me-

morat *Heurnius*. Plura id genus exempla prætereo. Certè foetus illi in nostro Casu extra uterum prolapsi in abdominis cavitatem, molestiam ibidem Naturæ creârunt, ipsaq; ossa pungendo, ac moles premendo, dolores continuos in abdomine excitârunt, quæ adeo Natura, quâ potuit commodè propellere instituit, foramine facto in ipso umbilico prius intumescente, pro exitu putrilaginis atq; ossium foetus unius forsan, alteroq; vicino, pro exitu ossium foetus alterius. Interea hi foetus disruptis membranis atq; uteri substantiâ in abdomen prolapsi, nullo illic involucri fuere investiti; alioqui nequaquam per partes prodiissent: at aliter ille *Mussipontanus*, intra uteri cornu perpetuò conclusus, cujus tunicam crassiorem pro involucri habebat: hi nullis ligamentis alligati, ullis partibus vicinis; at *Mussipontanus* peritonæi productiones, ipsum uteri cornu huic inde necantes, pro ligamentis quasi habere videbatur: Hi in locum alienum cum violentia prolapsi, subitoq; extincti, non potuere non in putrilaginem abire; at ille in loco sui conceptus remanens conclusus, cum vita sensum est exutus eâ corporis dispositione, quâ ad putredinem inclinaret sensumque lapidescens, sicq; à putredine immunis redditus, eodem sta-

tu permanſit, eodem loco naturæ minus incommodo detentus, quo nempe ab initio fuerat conceptus. Dehiſcente autem in præſente Caſu præ tumore umbilico, primum aliquot diebus, dum ſcilicet nondum eatenus pateret umbilici foramen, (quod moliebatur natura,) ut contenta in abdomine materia promanaret, aqua limpida prodiit, fortalſe ex nonnullis lymphaticis Tuis, vel fortè roriferis Biſſi dimanans, vel ipſe ſerofus ſanguinis humor, ſive ordinarius ſive ſuperfluus (nam & diuturno morbo cachecticam pridem evaſiſſe mulierem veriſimile videtur) facilius epidermide per umbilici tumorem ruptâ exſudans, ut ſolet paſſim poſt veſicationes aut excoriationes cutis accidere: At foramine magis patulo evadente, ipſaq; carne dehiſcente, ex ruptis vaſculis ſanguis porro profluxit; donec tandem hiatus in abdomen pateret, ac contentæ materiæ ſanioſæ ac purulentæ exitum daret; poſtquam offiſcula præter naturam contenta, naturâ heterogeneam hanc molem reſpuente, longo tempore prodibant, ipſumq; foramen apertum ſervabant; Quod cum poſt plurium annorum lapſum fuit tandem occluſum, nondum omni materia moleſtante excluſa, vel quod foetus alterius offiſcula forſan alioſum divergerent, pro  
ration

ratione loci in quo computruerat, his aliud à natura foramen est factum, quo exitum invenirent. Sic equidem Natura sibi eligit vias, pro expellendis præter naturam contentis, ad quas ipsa contenta, quæ urgent naturam, imprimis inclinant. Hæc paucis volui ad casum à Tua Excell. memoratum, Tuo judicio submittere: Nequaquam quod putem, me videre hic posse, quod ipse non videas exactius & perspicacius; sed ut promptissimum ad obsequia Tui Tibi comprobem animum, moremque tuis desideriis geram. Vale, amicissime Bartholine, ac, quod eandem agis, deinceps porro amare perge

Tuum omni studio ac cultu,

Gröningæ 16. Sept.

Ann. 1662.

A. Deusingium.

## EPIST. XXXI.

*De iisdem gemellis dubiis expenduntur.*

ANTONIO DEUSINGIO Gröningam.

**F**elix est etiam inter maxima tormenta Ingera nostra, mirabilis partus mater misera, quod celeberrimo tuo calamo nobiliteretur & illustretur, solatiumque ingens sentit, si quidem bona sua norit, quia curæ Tibi fuit infelicem illius historiam expendere. Ego verò illu-

illustria amoris tui & affectus documenta exosculeor, quia eruditione varia & constanti benevolentia amici partibus tam strenue semper defungaris, ut mirari satis nequeam tam promptum Tibi esse ingenium ad dubia ventilanda, & tam prouidum animum in officiis amicorum. Album calculum merentur omnia quæ nervosè pariter & doctè de Ingera nostra commentaris. Ægrè tamen non feres, si in nonnullis hæsitem, neutiquam ut dissentiam, sed ut veritatem abditam provocem. Nolim enim inter eos numerari, qui apud *Plinium* nunquam idem censent, ne videatur accessio alterius. Quid de istius feminae partu mirabili sentiam, publica Dissertatione prodidi. Jam exlecta Tua Disquisitione seu Responsione ad Epistolam meam prorsus docta & accurata, nonnulla ruminabo, quorum è succo, ut cum *Lucretio* loquar, mihi voluptas est in fine palati.

Principio quæris, an ullo signo gestationem gemellorum colligere potuerit Ingera nostra? Suspicio ex eventu ita rem geri divinasse, quippe ossium excretorum numerus, quorum apud me magna pars servatur, de duplici foetu certiores facere potuit. Contuli ego inter se ossicula quæ penes me sunt, vidiq; nonnulla duplicia, in primis cranii, quanquam  
plura



plura adhuc apud puerperam perierint, antequam à Pastore loci religioso & docto colligerentur mihi transmittenda. Alia signa gemellorum fallere solent, sicut rectè monuisti. Tumor enim sæpe major in simplici partu quam gemellis, quod sæpe observavi, sive quod copia humiditatum ibi major sit, sive quod foetus simplex nonnunquam gemellos vel æquet vel superet. Duplicem in abdomine lineam aliqui pro indicio habent gemellos gestari utero, sed in uxore mea id non successisse animadverti. Motuum vel diversitas vel vehementia suspicionem firmiorem subministrat, exemplo Rebeccæ *Genes.* 25. 22. 23. 24. quæ tamen de suspicionem dubitasset, nisi DEUS eam confirmasset. Sanè non paucas gravidas novi, quæ in hoc signo falsæ sunt, uniusq; foetus diversum validumq; motum sentientes. Singulare experimentum affert *P. Packevius* obs. 45. ad *Riverium*, ultimis nempe mensibus tibias & pedes inflari. Quod verum deprehendimus in omni ferè gestatione, etiam simplicis foetus. Femellæ id signum veteres crediderunt. Ita *Plinius* l. 7. c. 6. ingestabile onus, crurum & inguinum levis tumor. Magnus *Salmasius* suspicatur legendum, *inguinis levi*, nulla, ut puto, necessitate, quippe utriusq; inguinis in utroq; sexu tumor observatur,

tur, nititurq; illa emendatio Viri summi antiquæ Medicorum sententiæ quæ, præeunte *Hippocrate*, existimavit feminas sinistra magis gestari, quod experientiæ repugnat. Obstetrix nostra Hafniensis junior imprægnationis suæ certum indicium exinde desumit, quando pedes nigricant. Ad diem partus iste color permanet, postea sensim naturalis color & facies in pedibus redit. Causa sine dubio in venis isto tempore obstructis quærenda, quæ hujus loci non est.

Ad alteram difficultatem quod spectat, credo relationi feminæ, legitimum maturi partus terminum fuisse quo dolores utero oborti. Frustrato vero partu, non credo ad duodecimum mensem requiescere potuisse fœtum in vivæ matris utero, sine aliquo vitæ indicio, quod nullum fuit, nisi flatus huc advocentur, quibus sæpe decipiuntur prægnantes, ut olim *Hippocrates* advertit loco in Dissertatione mea adducto, Tibi quoq; notato. Illustrat sententiam meam *Horatius Augenius* l. 2. de Hom. Part. cap. 26. in Consultatione de Lucretia Amici Scalini Camertis nepte.

In tertio dubio amicus inter nos est consensus. Neq; enim per quinque annos in utero superstes fœtus esse potuit vitalis, quanquam id  
sibi

sibi perſuaserit Ingera, rerum Naturæ ignara. Igitur motus quem interea in utero ſenſit prægnans, partim ex fermentatione quadam humorum excrementitiorum, partim ex flatibus excitatus fuit, ſicut præclare ſuſpicaris: quanquam nobis videamur in *Differtatione* propius ſcopum ferire, quando ebullitionem à putredine carnoſarum partiùm hic deduximus, tamdiu obſervata donec ſola oſſa ſicca relinquerentur.

In quarto diſſentire nonnihil cogor, incolumi amicitia. Niſi enim fallit conjectura, in utero extincti gemelli manſerunt, donec apoſtemate ruptus uterus oſſicula reſidua per umbilicum & ilia expelleret, quod fuſius demonſtravi in *Differtatione* huius argumenti: Non enim video neceſſarium ſignum vulnerati ſeu rupti uteri, nec cauſam vehementem quæ id efficeret in utero ſatis capaci. Symptomata læſæ ſeu percuffæ vulvæ à *Celſo* l. 5. c. 26. reſcenſita, in noſtra Ingera non fuerunt obſervata, quanquam dolores acerbiffimos ſenſerit quum per apoſtemata ſucceſſivè uterus & vicinæ partes exulcerarentur. Vulnus hoc uteri, quod ab interna cauſa fit, gravius eſt, quam ſi ab externa infligatur, graviuſq; eſt, quia ſubito & magna vi, à cauſa magna, magnam vim  
ſecura

fecum trahens, quam si sensim ab ulcere aper-  
riatur, quod hic factum suspicatus sum. Ute-  
rus quidem feminae Lipsiensis in difficili partu  
ruptus ad ilion dextrum prope cervicem ad di-  
midiae spithamæ longitudinem narratur à *Sal-  
mutho* Cent. 1. Obs. 16. & *Knoblochius* Epist.  
*Horst.* Sect. 17. similem rupturam infante ex-  
tra uterum posito observavit. Sed Mater super-  
stes esse non potuit. De ulcere verò uteri lo-  
quuntur historię à *Platero* l. 1. Obs. & *Baubino*  
ad *Ross.* hist. 6. 7. adductæ, quo ulcere succes-  
sivè factò, ex utero effluxere ossa perq; muscu-  
los abdominis exulceratos permearunt, quod  
etiam confirmant *Albucasis*, *Benedictus*, *Corde-  
us*. An autem foetus interea in abdominis cavo  
hæserint, vel in utero remanserint, non ad-  
dunt, ut de posteriori major sit suspicio, quia  
in simili casu verè id contigisse vidit notavitq;  
*Hor. Augenius* l. 2. de Part. c. 27. Justa diligen-  
tia rem hanc universam persequutus sum in  
*Dissertatione* de Insolitis partus Viis, quam in  
publicum emisi. Nolui tamen differre ad Te  
respondum, ne abuterer tua patientia, quan-  
quam prima occasione ipsum illum meum  
abortum sis visurus, vel expositurus, quia pro  
partu legitimo tolli non meretur. Qvicquid  
sit, etiam immaturi partus parentum miseri-  
cordiam

cordiam commovent, & amicorum, inter quos Te principem colimus. Utinam ad annorum miriades tanto Viro fruamur, qui nos amat, & scriptis, etiam abortivis, favere solet. Quod ut facias, fac ut valeas. Hafniæ

T. T.

Th. Bartholinus.

## EPIST. XXXII.

*Scirrhusa durities pedum & ventris  
in hydrop.*

GEORGIO SEGERO

Lunæburgum.

**M**olesto itinere Te expeditum esse gaudeo. Monstrum ἀκίφαλον, & Elementa Meyssonierii per tabellarium accepi, tibi pro navata opera gratias agens. Lautam cathedram tuæ virtuti debitam gratularer, si merita tua respexerit fortuna, quæ hoc seculo eruditos varia exercet. De patria tamen tandem erit cogitandum; cui omnes nati sumus. Belli fortunam non est quod Medicus timeat. Sæpe enim Bellona arti nostræ, quam Minerva, faventior. Sub prælo fervent Centuriæ Epistolarum ad nundinas Francofurtenses proditura. Diatribe  
quod;

quoq; de Pulmonibus celerrimo calamo conscripta idem fatigat. De vesiculis pulmonariis quæ observavit *Malpighius*, non dubito quin similia innuerit *Hippocrates* l. de Carnibus, qui alterius parenchymatis carnei mentionem nullam fecit, nec hic nec alibi. *Blottesandæus*, quem expetis, hic non prostat. Quisquis author sit, eruditus videtur, si mitius cum *Deusingio* egisset, qui acri Apologia se vindicavit. Amicas idem ad meum Hepar Defunctum Responsiones meditatur, quas brevi videbimus. Rectè verò facis, quod longo itinere defatigatum corpus aliqua quiete reficias. Quædamna longæ difficilesq; per Alpes & alia loca frigida, peregrinationes inferant, nemini ignotum. Nuper curæ meæ subjectus mercator Hamburgensis commiserationem nostram meruit, in cujus, jam Hydropici, sanitate procuranda omnia in cassum tentata. Ex fortissimis hydragogis nullum serum elicere potuimus, sed solam pituitam crassam & lentam. Nec tamen venter detumuit, magno ægri nostroq; tædio. Advocavimus validissima lixivie urinas ducentia, sed nec ipso cantharidum infuso quicquam præter consultam mensuram eduximus, quanquam à medicamenti color urinæ mutatus, titillationesq; in cole animadversæ. Neq; balnea aut

Iaconica Ascitidis augmentum inhibuerunt. Translatâ demum ad scrotum materia, pedes detumuerunt, sed qui antea copia feri molles fuerant, mox tantâ duritie nobis, nativi coloris defectu, offerebantur, ut lignum solidum tangere nos crederemus; scirrhusa hæc durities ad ventrem quoq; serpere visa, qvale exemplum apud *Schenckium* semel legimus, contractum à frigore & mala diætâ, quam causam etiam in ægro nostro agnovimus in Succia variis itineribus hybernis & victu pravo, qui felicem curationis successum jam elusit, debilitato. Tibi meliora opto, etiam publicæ Rei Medicæ gratia, quam diligentia tua semper auges & illustras. Vale igitur, mi Segere, & feliciter diu vive. Raptim Hafn, XI, Oct. clc Ioc LXII.

T. T.

Th. Bartholinus,

## EPIST. XXXIII.

*De Dysenteria effectu vario.*

THOMÆ BARTHOLINO

Hafniam.

**N**uper ad Te scripsi, nempe 14. Sept. & tamen iterum scribo: rogoq; ut per Te intelligam quid nobis sperandum supersit de

Corn.

*Corn. Celfo Jo. Rhodii*: Possumusne novam ejus editionem à vobis expectare? Supremamne manum tanto scriptori putas impositam à Viro optimo, qui pessimo literarum fato nimis immaturè diem suum obiit? Quid novi moliantur vestrates Typographi, scire velim: certè nostri admodum frigent, tam ob bellum nuper pacatum, & subsequutam annonæ caritatem, quæ adhuc viget; quam ob immodicum chartæ pretium, ex quo Typographi egregiè fament, propter vectigalia chartæ imposita. *D. Fleischer*, popularis vester, paulò melius habet; ejus dejectiones sunt magis laudabiles, & ad naturæ legem facilius accedunt; minus sunt cruentæ atq; torminosæ: Febris penè nulla: Somnus recurrit cum appetentia laudabili: omnium deniq; symptomatum insignis remissio proximam salutem nobis pollicetur. Optimè nosti, Vir Cl. in hoc affectu familiare esse, ut desinat vel in galgrænosin intestinorum, vel in *ἀσπύλας* hepatis, quæ statim degenerat in fluxum hepaticum, natura sua planè & prorsus *ἀνίατος*, quippe qui pendeat à pura meraq; privatione: hic utrumq; metuebam, aut saltem unum ex duobus, neutrum tamen singulari Dei beneficio contigit, de quo valdè lætor. Epistolæ Tuz Medicæ quandonam prodibunt? Paralyticos



tuos N. T. in fasciculo tuo non deprehendi, nec unde eos habere possim, novi: eorum itaq; memento fodes, qvum aliqua mittes in posterum: ut & libelli *Cornari* Veneti, de Vita sobria: & tuorum Epigrammatum: ut & Disput. Medic. de Pleuritide, variolis, secundinis, &c. Indies belle procedit negotium D. *Flescheri*: alvus ejus feliciter depletur, & liberatur multis excrementis varii generis atq; coloris: quorum proventu sensim facto penè obruebatur calor nativus, qui miserè gemebat sub pondere tam malignæ materiæ, & ad cujus coëffusionem, dum vires finiunt, interdum repurgatur ex med. cassiæ, paucis foliis & Syr. de cichorio comp. cum rheo. Eum tandem spero convaliturum. Vale & me ama, Parisiis 20. Sept. 1662.

Tuus ex animo

Guido Patin.

P. S. Svavissimam tuam accepi, Vir Cl. per D. *Wormium*, 29. Aug. datam priori meæ responforiam: Sed à mense, & ab accepto tuo fasciculo, alias scripsi, tum ut Tibi gratias agerem tum ut monerem Te de morbo acerri-  
mo, nimirum affectu dysenterico D. *Flescheri*,  
cujus melior valetudo in dies firmatur: Dysen-  
teria

teria planè cessavit, adhuc tamen remanente Diarrhæa: quæ corpus tam multis ac variis excrementis refertum felicissimè deplet. Nosti axioma *Hipp.* A dysenteria Diarrhæa. Postquam fuerit tanta eluvie corpus repurgatum, spero futurum ut restituatur, ac in meliorem statum reducatur: tunc verò cogitare illi licebit de repetenda patria: cujus antea non est tuta cogitatio, quia nondum desit morbus: quo finito vires erunt reparandæ; & incumbendum neoterismo, per usum lactis asinini, & aliorum analepticorum. Postremâ meâ rogabam Te, si quid mittas in Galliam, ne omitas Tractatus tuos. Tu verò pro tot beneficiis, indica mihi quid velis ut mittam. Vive, vale, & me ama, meoq; nomine D.D. Fratres tuos, ut & D. *Scavenium*, J. C. mihi notum, saluta. Parisiis 29. Sept. 1662

Tuus ex animo

Guido Patin.

## EPIST. XXXIV.

*De secunda vesica ad pubem. De excrementis dysentericis. De Rhodii Celso.*

GUIDONI PATINO:

Lutetiam.

**O**fficio & diligentia me superas, ruboremque suffundis quod segnior nonnunquam

sim in respondendo. Quatuor literas abs Te accepi per Clarissimos *Wormios* nostros missas, quibus una hac pagella respondeo, gratias agens pro affectu quem abunde experior, & quod libros à me missos hilari adeo fronte exceperis, ut de aliis remittendis seriò cogites. Quicquid verò ex vestrorum Medicorum laboribus placuerit transmittere, pergratum erit, magna enim est eruditio Medicorum Parisiensium, ut nihil prodeat ex officinis illorum, quod non demorsos ungues sapiat. Nihil ex *Petiti* opusculis adhuc vidi. *Aretæus* viri ingenium & Doctrinam nobis propalabit, cujus in se curam suscepit. *Hæschelius* enim post largam messem, spicilegium illi reliquit. *Goræi* excessum iterum iterumq; deploro, & ut tantorum Virorum fata retardentur, voveo. Thesin de secunda ad pubem vesica *Pietrei* impensè desidero, ut videam quibus ibi modis anxie calculosorum expectationi satisfiat. Plenis buccis, sicut nuper scripsi & ipsemet nosti, eam sectionem laudat *Roussetus* in Part. Cæk & *Hildanus* prorsus damnare ausus non fuit, eamque fusius describit, ductum sequutus Chirurghi cujusdam, à quo Franconiana dicitur. In calculo prægrandi percommoda foret sectio, ubi per collum vesicæ angustum difficilior periculosiorq;

loſiorq; tranſitus. Sed quia veſtris Cystotomis ſectio illa familiaris non eſt, credo aliis difficultatibus premi. Sectio Cæſarea illis haud ignota, & memini meo tempore de cujuſdam Chirurghi uxore narratum, ſapientius nec alio modo partus ſuos enixam. Magna hic fama eſt Cystotomi cujuſdam Caſtrenſis, qui ſine apparatu magno in perinæo ſecat, cujus nuper in calculo veſicæ permagno extrahendo dexteritatem Nobiliſſimus quidam Vir in patria noſtra dicitur expertus, cujus felicem reditum indices expectamus. *Aubrii* vita à Te fideli narratione conſignata perculit animum illorum quos grandia illius promiſſa typis divulgata inſcarrant, adeò ampullatæ fuerunt paginae ex Germania ad nos miſſæ, ut *Æſculapium* vel *Hermetem* redivivum ſponderent. Ita ſæpiſſimè fama mendax. An *Oeconomiae Hippocraticæ Foëſſi* aliquid acceſſerit, non ſcribis. Si nulla parte auctior prodit, præferrem editionem *Francofurtensẽ*, quæ hactenus uſi ſumus, quia erroribus ſcatent officinæ *Genevenſes*, & *Chartathuri piperiq;* digniore quam bonis authoribus. Jam in *Epistoſis Medicinalibus* *Typographus* noſter occupatur. Aliquot *Centurias* conſectas habeo, quas amiciffimis tuis & eruditione ſemper plenis illustrabis. Egregium

specimen artis consummatæ edidisti in curati-  
 one dysentericiæ *Flescheri* nostri, de cujus in-  
 flammatoria mesenterii dispositione rectè ju-  
 dicas, mihiq; in memoriam revocant ea quæ  
 in apertis dysentericorum cadaveribus obser-  
 varunt *Marcellus Donatus* l. 4. Hist. Med. cap. 7.  
*Bontius* obs. 7. Med. Ind. & alii. Eadem pror-  
 sus excrementa æruginosa vidi in filiola mea,  
 natu secunda 1652. quæ tamen evasit, natu  
 majore filia extincta, cui sincera excrementa  
 magis fluxerant. Credo cum sinceris nonnun-  
 quam Epidemium quid conjungi, & mortem  
 accelerare, sicut in illa istius anni constitutio-  
 ne evenit. Hoc verò anno vidi in nonnullis  
 dejectiones cruentas indemnes. Gaudeo verò  
 quod extincta jam febre & fluxu materiæ ma-  
 lignæ convalescat æger vester, at noster popu-  
 laris, quem reducem optat senex Pater morti  
 vicinus. De Cornelio Celso *Rhodii* nostri quid  
 sperandum sit, indicabo. Suppellex Viri bea-  
 ti transit in possessionem *Thomæ Bangii*, Affinis  
 illius, Academiæ nostræ Professoris meritissi-  
 mi, qui mihi tradidit & concedidit quicquid  
 inter reulas ejus inveniri potuit ad *Celsum* spe-  
 ctans. Habeo igitur *Rhodii* Varias Lectiones  
 in *Celsum*, ejusdem Notulas, & Lexicon penè  
 absolutum. Promisi me in ordinem cuncta re-  
 ductu-

ducturum, ubi per ocium licuerit, ne tanto thesauro & indefesso labore privetur Respubl. Literaria. Sed magno mihi labore stabit, quum confusè pleraq; sint scripta. Possideo & ejusdem *Rhodii* Varias Lectiones, Notas & Lexicon in *Vegetium* Mulomedicum. Forsan manum his admovebo. Sed vix tot oneribus sufficio. Pervenitne ad vos Homo Cartesius? Mihi quidem Homo Platonius videtur, & in Republica ejusdem quærendus. Paralyticos meos N. T. Basileæ recufos vidi. Primæ editionis exemplar mihi superest nullum. Nec spicilegium Primum habeo. *Cornari* Vita sobria in usus vulgares lingua vernacula prodiit hic mea operâ, quam Tibi mittere supervacuum credo. Disputationes de Pleuritide, Variolis, & secundinis viliores sunt, quam tuam Bibliothecam ingrediantur, rarioribus libris destinata, quorum Tu ingens es helluo & possessor. Plura scribam alia occasione. Vale, Vir Magne, & me ama, ut soles. Salutant Te officiosè Fratres mei, ut & Cl. D. *Simon Pauli* noster, qui Te plurimum æstimat, *Riolani* tui prædecessoris discipulus dignissimus. Vale. Hafn. XVIII. Oct. cl. loc LXII.

T. T.

Th. Bartholinus.  
EPIST.

## EPIST. XXXV.

*De Collegio Curioso.*

THOMÆ BARTHOLINO

Hafniam.

**A**ppulerunt tandem faustis avibus quædam M. E. T. eruditissima scripta Hafniâ mihi Uratislaviam procurante Schoëbelio nostro transmissa, quæ ut gratissima sic auro mihi chariora, quod M. E. T. gratiosâ manu sub-signata, & hilari fronte oblata fuisse intellexerim, imò quod testes sint & obsides, quibus me M. E. T. jam ex assè obstrictum & devinctum sentiam. Ingressus nuper audaci consilio transmarinum iter & præterito mense Junio litteras ad M. E. T. directas Hamburgum indeq; Hafniam transferendas Oceano commissi, procellas & turbulentos Austros metuerem, nisi M. E. T. favorem Favoni auram quæ omnes Bonæ Mentis filios prosequitur mihi aspiraturam, certo certius persuasum haberem. Audax consilium nominare possem, quod ipse scribendi prurigne incitatus interstrepem anser. Oloribus; nisi curiositas non tam innata quam ex voto Collegio Curioso obstricta stringentem & stridentem calamum excusaret. Pari itaq; ardore Responsorias ad novissimas meas expeto, posco, efflagito, præsertim quid de instituto.

tuto Collegii Curiosi pronascentis & Patronos ubiq; terrarum poscentis sentiant, imò an præmaturus meus partus vel abortus potius Ampelographia Curiosa M. E. T. limen intraverit, quod si adhuc exulet ut nuperrimè quoq; promissi omnem moverem lapidem ut exemplar illius per mercatores Hafniam deferendum procurarem. Ex M. E. T. anxie desidero (sed ob exemplarium penuriam ferè despero) scriptis tract. de Unicornu, de Monstris in Natura, de Angina puerorum, de Armillis veterum, & præprimis Orationem de Reip. Christianæ Morbis & placidis illorum remediis, quam posteriorem si vel calamo descriptam obtinere possim, lubentissimè sumtus refunderem, faceretq; mihi rem gratissimam omniq; officiorum genere demerendum. Vale interim Vir Magnif. & vive quam felicissimè, & me T. erudit. & virtutis cultorem & admiratorem fovere ne cessa.

M. Exc. T.

Uratislav. Siles. 1662.

deditissimus

14. Octobr.

Philippus Jacobus Sachs  
à Lewenheimb.

EPIST.



## EPIST. XXXVI.

*De Gammaro magno in concha.**Pro Collegio votum.*

PHILIP. JACOB. SACHS

Uratislaviam.

**Q**Uanquam prolixis literis non ita pridem  
 Tibi fuerim molestus, non peccabo ta-  
 men in coeptæ amicitiae leges, si scribendi of-  
 ficiū repetam. De præclaro instituto Tuo  
 optimè Reip. Medicæ ominor. De gammaris  
 nostris pluscula annotavi, Tuæq; censuræ sub-  
 jeci, quia id argumentum tractas. Exinde  
 gammarus mihi ab amico oblatu in concha  
 turbinata spithamam ferè longa, quem inter  
 rarissima reposui, vel eo nomine, quod ejus  
 magnitudinis plures non viderim, & meam  
 conjecturam abundè stabiliat, quam ad Te per-  
 scripsi. Ampelographia Tua sitim meam ex-  
 citavit & sedavit, adeò omnia complectitur  
 quæ sparsim alii tradiderunt. Perge, Vir Ma-  
 gne, orbem literatum erudire & exornare  
 præclaris scriptis, quæ sint ad nominis Tui ce-  
 lebritatem, & gloriam Collegii Naturæ Curio-  
 si, cui major splendor accedet, si in Experi-  
 mentis faciendis desudaverit, quibus Natura,  
 quasi astu quodam, ex antro & spelunca elici-  
 tur. Sed me monitore non indiget illustre  
 Colle-

Collegium, cui tot immortales animæ nomina  
sua dederunt. Ego precor, ut

——— Sit hujus

Precium cursus, aurea pellis.

Scripta nostra quæ expetis tanti non sunt,  
ut ad vos deferantur, & pleraq; jam perierunt,  
nescio an suo merito. Forsan plerisq; carere  
posset Resp. literaria, sine sui detrimento. De  
Morbis Reip. Christianæ Dissertationem Ora-  
toriam mitto, ut desiderium tuum expleam.  
Solum illud exemplar superest mihi, nec plura  
optarem. Aliud enim egi, quum id agerem.  
Vale, & me amare perge tuo nomini Cl. ad-  
dictissimum. Raptim Hafniæ IV. Martij.  
Cl. Ibc LXIII.

T. T.

Th. Bartholinus.

Impress. Uratisl. & Lips. 1665.

## EPIST. XXXVII.

*De Torque Frothonis Regis. An Pyg-  
mai fabulosi?*

JOHANNI SCHEFFERO

Upsaliam.

**J**ustas & ego causas habeo, quas silentio diu-  
turno prætendam. Cum temporum diffi-  
cultate

cultate luctati utrinq; sumus, & cum Musis si-  
luerunt etiam literarum commercia. Noli ta-  
men credere memoriam Tui suavissimam in-  
terea apud me obriguisse. Inter tot tempo-  
rum spiramenta occurrit animo meo non se-  
mel candor tuus, eruditio tua, ingenium tu-  
um, fama magna, quæ interea in immensum  
crevit, nec destiti data inter amicos occasione  
iusto præconio singula recolere. Quid præ-  
terea tot annorum lapsu egerim, si quæras,  
scias liberis operam me dedisse & libris, hoc  
est, æternitatem cogitasse. Tibi verò, quod  
blandior quoq; fortuna in Borea arriserit, &  
publico & privato nomine gratulor, optoq;  
meritis gaudiis perpetuitatem. *Pacatum* tuum  
eruditis notis illustratum vidi, Teq; ibidem no-  
minis nostri & amicitiae memorem fuisse per-  
spexi. Pro misso nitido libello *De Stylo* & sty-  
li exercitiis, gratias ago. Recte illum cum offi-  
ciosa salute ad me detulit *Jacobus Warbergius*,  
sed sine sigillo. Ubi alter de *Torqvibus* antiquo-  
rum hæreat, cogor ignorare. Duplici benefi-  
cio me obstringes, si aliud exemplar alia oc-  
casione miseris, propter argumenti enim affi-  
nitatem, in quo olim calamum trivi cum *de*  
*Armillis* scriberem, libenter legerem quid ex  
docta tua penna fluxerit. Dubio procul præter  
anti-

antiquorum Torques, etiam Boreales nostri inducuntur. Non dubito quin ad partes vocaveris *Saxonis* nostri locum L. V. Hist. Dan. in historia Frothonis Tertii, qui legatos suos ad ambiendam sponsam missos torque aurea donavit. Legationis id præmium vocat, quod apud Romanos fortitudinis erat, ex *Svetonio*, *Tacito*, *Vegetio*, & variis Inscriptionibus apud *Onuphrium Panuinum*, *Gruterum*, *Smetium*: quia etiam hi legati armis sponsam vicerunt. Nexilia bullarum cœlamina in Torque Frothonis, quæ fuerint, forsitan annotasti. *Isidorus* l. IX. Orig. c. 31. bullas à torquibus distinguit; utrumq; tamen Viris assignat. Torques illi sunt tortæ, bullæ verò quod sint similes rotunditate bullis, quæ in aqua vento inflantur. Tales vidi in antiquis picturis, & nostro quoq; seculo memini usitatas. Suspicio tamen ad pueritiam Frothonis hoc ornamentum spectasse. Bullam enim apud Romanos, qui imperante Frothone, sub Augusto Imperatore, rerum potiebantur, puerile gestamen fuisse, *Persius* docet Sat. V. & *Tullius* in Verrem. Hæc aliaq; ex Te discere malo, quam fusius hic persequi. Tu enim in antiquorum voluminibus es versatissimus, ut non paucis lumen ipse attuleris. Testatur *Æliani* varia Historia, testantur alij qui ab ingenio

genio tuo inclarescunt. Cæterum cur *Ælianum* de Animalibus, opis indigum, relinquis intactum. Habeo excerpta quædam Græca Mista ex ejusdem libris de Animalibus, quæ hinc inde plura habent, quam editi hæctenus codices. Possent exusu esse illi qui huic authori recensendo operam suam dicare vellet. Quid sentias de Pygmæorum Historia l. XV. c. 29. *Æliani* consignata, nisi grave sit indicabis. Fabulis ne annumeranda? Certè fabuloso ævo contigit, quia Dii Deæq; fabulæ huic immiscentur. Confidenter tamen pro veris narrat *Aristoteles*. At ubi jam hærent, aut quo evaserunt? In spectra montana, septentrionum mutatos, sunt qui prodant, de quibus homunculis multa vulgus nostrum, vestrumq; fabulatur. Atqui in confinio Troglodytarum & Æthiopum pleriq; veterum sedem Pygmæorum collocant. Rationem reddit Magni Patris Magnus filius *Isaacus Vossius*, amicus noster in Observationibus nuperis ad *Melam* l. 3. c. 8. quod ibidem essent multi *γελοβαί*. Quo modo autem his grues conveniant, non perspicio, nec scio qua veterum autoritate Regnam illam Geranam invexerit *Ælianus* tuus, quia Gerania urbs est *Plinio* & *Solino*, nec nomen hoc apud *Ovidium* l. 6. Met. accepit. In  
gra-

gratiam *Æliani*, rem nonnihil expende, ego enim aliàs id saxum volvam, jam alius impeditus. Operæ nostræ Typographicæ in Epistolis meis defūdant, & in Diatribē de Pulmonum substantia & Motu, calamo extemporaneo, qvi meus est mos, nudius tertius conscripta. Quid verò vester *Rudbeckius* agat, te interprete, scire aveo. Nomine meo salutabis Virum Clarissimum, & author sis ut porrò divam Anatomē, cui natus videtur, illustret. Si prælo nuper, qvīdquam commisit, una transmittes, placent enim adhuc Anatomicorum studia, qvanquam rude videat donatus. Ex nugis nostris nonnulla adjunxissem, si Doctissimus *Rupetius*, utriusq; amicus, urbem nostram transiens, me salutasset. Igitur in aliam occasionem differam. Tu interea, amicissime *Schefere*, cum lectissima conjuge, liberisq; suavissimis, benè & feliciter vale, & me tuum ama, Hafniæ XX. Octobr. clō lōc LXII.

T. T.

Th. Bartholinus.

## EPIST. XXXVIII.

*De synanastomosi vasorum, glandulis novis  
pulmonum, Spadanis fontibus, sceminâ trium  
mammarum.*

THOMÆ BARTHOLINO

Hafniam.

**D**uplici nomine Dn. Jacobæi adventus mihi  
accidit gratissimus, & quòd se ipsum no-  
bis reddiderit, & Tuas literas. Utrisq; nihil mihi  
prius, quia nihil utrisq; sincerius, candidiusq;.   
Fata incusare non ausim, sed vereri non de-  
sinam, quæ Academiæ nostræ Pfeiffii, Broch-  
manniq; disertas lingvas inviderunt. Itane vos  
minùs bellæ tenebræ omnia bella nostra devo-  
ratis! Suppressionum urinæ, alviq; in corpore  
B. Brochmanni resolutio narras, ceu insolitam;  
insolitam fateor, quàm vellem causam! an for-  
san sphincter licet laxatus plus satis, nihil pro-  
fudit, quòd oclusis, infaultâ resolutione, re-  
num porulis nil liqvoris ad vesicam amplius  
amandaretur? an meatibus bilariis eadem re-  
solutione in consensum raptis, stimulus excer-  
nendarum fœcum interquivievit? De synanasto-  
mosi vasorum cum lymphaticis quæ superiori  
Epistola signavi, iterum, iterumq; tentantibus  
sucefferunt, & quidem clarissimè; nunc, ex  
quo post absolutum Spadanum iter rursus ex-  
perimur

perimur artificium, bis decepti in lymphatica flatu nequimus penetrare; utrum effœcti ultimi canes arctiora reddiderint ostiola, an non satis dextrè priora experimenta flatu repetierimus, an deniq; in omnibus canibus synanastomoses illæ non reperiantur, res est plurimum experimentorum; in duobus visas, & luculentè visas liqvidò testari possum. Ex cœliacâ arteriâ infra cor ligatâ permeabat flatus in lienem, ibiq; in venæ portæ ramulos se se ingerens pergebat ad hepar, qvo insuetum tumente, exonerabatur in cavam, atq; inde cordi se infundens omnia tollebat in tumorem, ipsas quoq; venas coronarias, (nam de arteriis Coronariis scripsisse me non memini.) quæ miris in se anastomosibus hiabant, quippe ab uno ramulo in alium facillimus erat cursus, recursusq; ad primum prementis digiti attractum. Quin autem arteriæ quoq; coronariæ spiritum illum admiserint, dubitare nefas, non id adeo quòd à venis coronariis transiisse tum in arteriolas existimem, sed quia per dextrum cordis ventriculum in pulmones delatus non potuit subsistere, anteqvam in sinistrum irrumpens thalamum inde in aortam omnia distenderet, ipsasq; adeo arteriolas impleret. Nec ille flatuum progressus in ultimis canibus se nostro con-



spectui subduxit, sed qui ante in lymphatica & thoracicum apparuit, spem semel atq; iterum destituit, atq; ne diu ulterius destituat, vovere molossorum est, ne largiori cruore redimatur experimenti constantia. Glandulæ liventes pulmonum, de quibus ante, non sunt Whartonianæ cap. XIX. attactæ, quippe semper bronchiis pulmonum incumbunt, & non nisi quatuor observantur, & succo turgent ex coeruleo tendente ad nigrum *Rudbeckius* per transennam aspexisse videtur, lib. de vas. ser. sed fluctuat, & jam cordi, jam pulmonibus adscribit, nec colorem, nec situm accuratè nec contentum liqvozem ad examen justum vocavit; ab his deferri quiddam in vicinum ductum thoracicum fradet ramulus quasi lymphaticus intereurrens; utrum verò lympham, an succum illum subatrum, quo turgent, thoracico ingerant, mei nolim hætenus esse arbitrii; minuta enim vasa sunt, minutæq. glandulæ, in quibus oculorum judicia sæpe hallucinantur. Quid si subatrum illum succum, tanquam necessarium fermentum separans, & seri à reliquo chyli corpore divisionem promovens infundat thoracico? quid multa? à tuo sperabimus Oraculo, quod credere securum erit. Ingeniosum *Malpighii* inventum Cedro dignum est, si quidem  
 per

per omnia respondeat effatis, nobis proximè ea cura erit, ut sollicitius in pulmonis sacra in-  
 quiramus. Erunt ergo illæ veliculæ membra-  
 nosæ veluti promptuaria aëris, cujus ego  
 tantò majorem agnosco ad humanam vitam  
 necessitatem, quò mihi certius est, non tam aë-  
 rem ipsum, quàm alia aëri admixta, multum  
 facere ad conservationem nostram; enimvero  
 cum aëre attrahimus & Sulphur & salem in  
 aëreo corpore semper natantem, quæ duo  
 forsitan intererat his cellulis membranosis tantil-  
 lum claudi, nè expiratione proximè succe-  
 dente, sine fructu iterum subitò è corpore eli-  
 minarentur. Atq; ne audaciùs ista, quàm cer-  
 tiùs adjecisse videar, experienciâ mihi cogni-  
 tum est, in ipso anhelitu humano & salem &  
 Sulphur latere, idq; non semel ipse extraxi,  
 videoq; quiddam de iis tetigisse *Bartolettum* de  
 Respir: quamvis in pluribus deficiat, ut coram  
 aliquando uberius. Ex iplo autem aëris cor-  
 pore sine pulmonum interventu hauriri quoq;  
 potest sal & sulphur, id quod & stlopi pneu-  
 matici, si ingeniosè usurpentur, & machinæ  
 aliæ non difficulter ostenderint. An tamen sa-  
 lina illa & Sulphurea corpora in aëe nostro  
 volitantia infernis exhalationibus debeant pri-  
 mordia, an ab Astrorum choro huc depluant,

longioris erit forsan subsellii, quam ut hac epistolâ ad ungvem definiri queat. De Castrensi lithotomo res jam explorata est; incidit nempe partem à perinæo sinistram, versus femur sinistrum patientis plus vergendo, quam svectoribus aliis. Historiam integram artificii ejus mihi nuper perscripsit Nob. D. Lytzevius celeri ejus manu à molestissimo calculo duarum unciarum ceu narrat, liberatus. Noster quidam Medicus, an agytes, Leidendorpius inclarescere his mensibus coepit, pharmaco antinephritico celebris; exigit calculos satis expeditè; parum tamen abest quin existimem malum alio malo sanari; nam, quod odor evidentissimè docet, alii decocto, aliisque acribus utitur, quibus ubi renes nonnihil expedit, vesicæ, & forsan pulmonibus diuturnos creabit dolores. De oblata D. D. Simonis Paulli effigie, Tuoque Vir Magne, digno Epigrammate gratias debeo plurimas; commodum alia, & quidem vivacior (quanquam & missa vivax satis) Paulli effigies me salutaverat, hac mutâ adveniente; uterque glyptes in sua arte Roscius, felicior tamen qui animam suam inspiravit effigiei, quam qui suam atramentum. De me, excurri superiori Augusto Spadam cum meo Gerstorffio calculo ipsius remedium querens, nec

nec plane successu nullo, quando & arenulas excreverit plures, & ex eo recidivæ argumenta observaverim. nulla. Pluvii dies fere continui acidulatum vim præsertim Pouhontii obtulerunt, nam Savenirio profundiores venæ diutius conservarunt integritatem. Geronsterium pauci salutabant odore & sapore Sulphureo gravem; frigidissima Tonneletio lymphæ, & quasi nitro leviter temperata. Hoc anno celebrari quoque cœpit Spadæ imminens fons Wattrou, cujus catharticam vim commendabat D. D. Michael Ogerius Leodiensium Medicus, mihi familiaris. Pouhontio tamen & Savenirio plures supplicant, & multi non infelici eventu, præsertim qui diu & patienter curæ insistant. Ego animi gratiâ, ut meo Gerstorffio præirem viam, ad centum uncias Savenirii per dies aliquot hausi, nullâ molestiâ; ad centum autem & 20. uncias progressus fatigabar evidenter. Fuit, qui ad 250. uncias hauriret phreneticus, idque totis 40. diebus, tulitque præmium patientiæ speratam, Sanitatē. Unum pæne admiratus sum, Dn. Ogerium (erant præter ipsum hoc anno Spadæ tres egregii Medici, Pesier, Gaene & Lafaulx) vix potuisse induci, ut crederet vasa lymphatica, & quæ alia enarrabam recentiorum inventa,

in rerum Naturâ existeret, quippe Antiquis ignota, quorum sacra Authoritas. Postquam autem in lauto convivio, (ad quod utrumq; invitaverat illustriss. Prælatus Sibrichtanus Buch von Patern) ad experimentum è vestigio in cane capiendum provocarem, passus est frangi constantiam dictorum suorum, vir alioqui in praxi dexter, & eruditione solidus. Digressi Spadâ Aquisgranenses thermas invisimus, & illas hodie ægrorum concursu mirè frequentatas. Porcetana thermæ fervidissimæ, sed eadem in medicando ignaviores; Cæsareæ in urbe habentur celebriores ad balnea; Corneliana bibuntur, & ipsæ in fonte suo satis ferventes, sed antequam potentur, calor procurfu temperatur. Dn. Opdamius me præsentē ad 100. uncias quotidie bibit, podagræ remedium sperans. De iis quædam commentatus est D. D. Blondellus, amicus meus; à quo, cum sollicitè idagerem, principes illas effervescentiæ thermarum materias obtinui, salem & Sulphur; & Sulphur quidem in flores veluti attenuatum, salem autem sui generis. D. Blondellus nitri genus judicat, haud scio an satis convenienter, quando & in quadras se fingunt ejus crystalli, & strepitum in igne nitro familiarem non ostendunt. Sulphur illo ad saxa ther-

thermarum Cæsarearum, ubi lapsu continuo parietibus agglutinatur, collegerat, salem destillando. Qui autem ex illis duobus possit tot seculorum continua ebullitio propagari, fateor necdum mihi succurrere, equidem è Sulphure Spiritus elicitur acidissimus, qui si cum Ol. salis Tartari, aut alio lixivo humore misceatur, fervorem excitat huius similem; ceterum nec hoc Sulphur in Spiritum abierat, nec sal erat de genere lixivo, nec tamen in thermis istis præter hæc duo reperias quicquam. Incidi nudius tertius in libellum quendam Frizimelicæ de Balneis artificio parandis, quæ thermis veris respondeant; liber prodit non ita pridem ex posthumis D. Rhodii membranis. Non pauca in eo laudanda, sed quod intendit, vix assequitur; namque salem & Sulphur, & alia perfunctorie admiscere aquis, rem non confecerint, utcumque diu excoquantur; atque ut adsint cætera, salem tamen thermis convenientem ægrè inveniet nisi in thermis naturalibus; qui enim salis vulgati momentum substitui posse arbitrantur, næ illis effectus obluetabitur, id quod cum pluribus in suâ, quam vocat Physicâ demonstrativâ persequatur. *Henr. de Rochas*, ego hîc parcè attingo. Quod pæne exciderat, spectata mihi nuper Goudæ femina  
Lunæ

Lunæburgensis, cui tres mammae, sinistra enim duplex, minor majori subiecta, in medio tamen intervallum aliquod, omnes lacte turgida & alendis infantibus assuetæ; bis pepererat, altero nixu gemellos, altero tres virgunculas, quarum unæ, ut genitrici, tres quoque distinctæ mammae apparuerunt. Puellam superiori hebdomade secuit Dn. van Horne, in nundinis nostris pro hermaphrodito publicè ostentatam; nil pæne in illâ insuetum, præterquam quòd vesicæ careret, ureteres enim ad locum in mediâ pube se exonerabant, quâ parte glandulosa quædam corpuscula exterius eminebant, urinâ in hora transudante madida, quæ membri genitalis imaginem tantillum mentiebantur. De his pluribus ad Te ipse van Horne. Everhardi librum mitto, quem lucis in tenebris nomine insignivit. *Bilsius* nuper Hagæ in præsentia quorundam Magnatum sectionem instituit, quâ dexteritate, nondum liquet; audio Dn. Residentem *Charisium* sacris illis Cereris interfuisse; à quo certiora haud dubiè perscribentur. *Deusingius* resipiscere jam pridem incipit, & agnoscere missis ad me literis innocentiam meam; odoratus, opinor, cubilia Adversariorum suorum, à quibus forsitan non ista tela fuere, aut futura sunt ultima. Ex

qvo

quo *Digbair* pulverem sympath: ad examen  
 rigidius vocavit, *Boylai* quoq; de Aëris vi Ela-  
 sticâ scriptum publicè confutare aggressus est,  
 multa ubiq; in Stenonium tela ingerens, ut  
 Sylvium, aliosq; nunc omittam. Sed pane  
 Epistolæ leges supergressus videor, dum &  
 amicissimi capitis desiderio indulgeo, & am-  
 plissimæ scientiæ Tuæ (unde meis dubiis certa  
 Ariadne) amor. Salve Virorum maxime, &  
 salutatis meo nomine Amplissimis Collegis,  
 diu, prosperrimeq; Vives.

Amplitud. Tuæ per-

Lugd. Batav. A. 1662. petuò devotus  
 d. 22. Octobr.

Olaus Borrichius.  
 mm.

## EPIST. XXXIX.

*Suppressionis Urinæ Cause. Glandularum  
 pulmonis Usus. Alii usus salutaris in calculo.  
 De Thermis artificialibus & pedibus  
 inversis.*

OLAUS BORRICHIO

Leidam.

**G**ratias ago pro misso *Everhardi* libello,  
 quem tamen videre non licuit. Naufra-  
 gium



gium enim passus circa scopulos Norwægiæ Olaus Tierebyensis, cui concedideras, hunc cum reliqua supellectile perdidit, vixq; ipse evasit, ut adeò lux illa submersa sit. Hisce diebus ivimus exsequias beato Seni M. *Jacobo Finckio*, Avunculo meo & Academiæ Seniori, sicq; ejus morte Tibi salarium in Academia adscendenti cedit, quod bonis ominibus Tibi ut eveniat, votorum meorum est summa. Urinæ suppressionem in *Brochmanno* nostro à renum resolutione non malè repetis. Calculi enim nulla indicia erant, quæ aliàs vel renum canaliculos vel ureteres frequenter obstruunt, & hic manifesta aderat Paralysis inferiorum partium omnium, à qua renum hæc laxitas. Suppressionem urinæ in *Polemarcho* d<sup>o</sup> *Ornanno* ortam observavit Magnus *Riolanus* l. 2. Anthr. c. 26. ex atonia renum, quod ambo renes essent penitus effœti & exsoluti. Non absimile videtur nostri *Brochmanni* fatum. Quippe testatur de eodem Jo. Bapt. d<sup>o</sup> *Ornanno* *Scipio de Pleix*, in Hist. Gallica, cum illi per XI. dies suppressa esset urina, in aperto cadavere inventum esse caput aqua plenum, causam vertiginis, renem verò unum macilentum, inter alterum & ureteres duritiem inventum, quæ aquæ fluxum impediverat. Quia conjectu-  
ris

ris hic certandum, nervosiq; generis hic affectum ex cerebro esse scimus à liqore scorbutico provocatum, verosimile est gangranam renes vicinasq; partes occupasse, talem enim partium constitutionem in filio suo urinæ obstructione ex defluxione cerebri in ureteres denato invenit *Hildanus* c. 3. de Gangr. Illustrat nostrum casum *Hippocrates* in Coac. Prænot. §. 29. *quibus rigor adest, iis urina restitat.*

In *Pseissio* verò à calculo renum suppressam fuisse urinam, nulli dubitavimus. Id mirum mihi visam quod simul utriusq; renis actio cessarit, & lotii statim omnis interceptio sequuta. Neq; enim credere possum *Riolano* perpetuum esse quod non semel monitus à *Foresto* observavit, uno Rene obstructo alterum inutilem & vicium reddi, propriaq; actione destitutum, urinæ fluxum intercipere. Alterum renem officio suo probe fungi, altero obstructo rectè arbitratur *B. Eustachius* de Ren. Adm. c. 45. Id quod duplici numero intendit Natura, & sæpe nobis visi calculi in uno rene, altero libero, adeoq; lotium non impediante. Decepti sunt qui aliter crediderunt. Suppressio urinæ ictu oculi quidem facta nobis videtur, sicut & in *Pseissio* nostro beato, sed ante præcessit alterutrius renis obstructio,  
non

non satis accuratè animadversa. Glandulæ tuæ subcœruleæ pulmonum bronchiis incumbentes, subattrum suum succum, quantum suspicor, chyliifero ductui non inferunt, si quidem ramulus lymphaticus, per quem succus ille ferri debet, lymphæ seu splendido liquore se prodit. Nec opus illa in thoracico ductu feri à chylo separatione. Sero enim indiget chylus, ut facilius decurrat ad cor. Ad lympham igitur libentius condemnarem, si de re ea, judicandum mihi esset, quam videor mihi quidem aliquando vidisse, sed neglexisse, quippe hoc demum lustro glandulæ corporis Professorum manus fatigare cœperunt, etiam minutæ, antea vel speræ vel non observatæ, ut ex glandulis meris penè compacti videamur. Quæ tamen Anatomicorum diligentia improbanda non est, quippe etiam in his minimis maxima sæpe est Natura. Agyrtæ vestri Leïderdorpiani antinephriticum ex allio, spernendum non est, imò aliis multis pretiosioribus præferendum. Externè cataplasmatibus vico cum oleo scorpionum ad pellendum calculum lotiumq; magno successu ægris svasi. Internè quoq; sunt apud nos qui cum Sp. Vini singulari emolumento sumant. Ab allii esu, orientalibus frequenti, nec veteres omnes abhorruerunt

runt, quanquam externè cutem exulceret *Dioscoridi* l. 1. c. 182. Nodum vero, tibi difficilem solvit *Galenus* l. 2. de Alim. Facult. c. ult. si cocta bis terve fuerint, acrimoniam quidem deponunt, tenuant tamen adhuc. Caterum alium quidem mandunt, non ut obsonium, sed ut salubre medicamentum, quod digerendi & obstructions aperiendi habet facultatem: quod si elixum parum fuerit, adeò ut acrimoniam deposuerit, vires quidem habet imbecilliores, succi autem pravitatem non amplius retinet. Ex hoc edoctus videtur agyrta vester, in decocto allio; & plerumq; à Medicis remedia mutuata pro suis secretis hoc genus hominum vendere solet. *Frizimelicæ* in balneis artificialibus conatum vidi & laudandum censui, quod defectum nativorum balneorum supplere voluerit. Nobis artificium illud in primis exoptandum, quibus nativæ aquæ sulfureæ denegatæ, quas tamen Islandia nostra copiosas habet, a *Saxone* in Præf. descriptas, quia sulfure terra æstuat, imò & acidulas prope *Stadarstad* inventas à Doctissimo *Brunolpho* Episcopo Islandiæ, ut ad Cl. *Stephanium* nostrum scripsit. Nostris verò agris quin ex usu esse possint thermæ artificio ex Sale communi & sulfure factæ, nullus dubito, quanquam ad naturalium

thermarum præstantiam non assurgant, adeoq;  
 minoris sint efficaciz. Præstat tamen reme-  
 dium imbecillius, quam nullum. Acidulæ Spa-  
 danæ in obferatis lagenis ad nos afferuntur,  
 sed à virtute nativa multum remiferunt. Gratz  
 tamen sunt ægris. Acidulas artificiales ex præ-  
 scripto *D. Helvici Dieterici*, in Pharmacopolio  
 suo Hafniæ habet venales Heerfordius, ad in-  
 signe Cygni. Pro trimammia illa femina, Tibi  
 Goudæ visa, Hollerianæ simili, pauperculæ cu-  
 jusdam mulieris extra portam veterem Orien-  
 talem Hafniæ commorantis puerperium red-  
 dam. Natus illi hisce diebus infans cætera sa-  
 nus & formosus, sed pedibus inversis, quos ea-  
 propter antrorsum movere non potest, sed re-  
 trorsum ad posteriora, Patellæ quippe os in-  
 genu desideratur, situsq; est immutatus. *Plinius*  
 scribit l. 7. cap. 2. in monte Milo homines esse  
 averfis plantis. In puerulo, de quo narrare  
 coepi circa os sacrum quoq; excrescentia car-  
 nea corporis elegantiam vitiat, mollis, rubra,  
 ranam ferè referens, & sphincter ani excre-  
 menta sistere nescit, quin continuò fæcibus  
 conspurcetur. Lactis tamen materni succum  
 promptè sine offensa repetit. Ad me ipsum ut  
 redeam, diatriben meam de Pulmonibus à  
 prælo vindicavi cum *Malpighii* Epistolis, su-  
 danti-

dantibus operis in Epistolarum Centuriis. Spero nos reducem primo Vere visuros D. *Wormium*, quem apud vos divertere intelligo. Saluta eum, & si semina quædam rariora exhorto vestro secum attulerit, rem faciet pergratam. Paro opusculum de Partu Viis insuetis, data occasione mulieris Lalandicæ, quæ ossicula foetus sui per umbilicum, ilia & hypochondria hisce annis excrevit. Plura aliàs. Vale, amicissime Borrichi. Hafniæ XVII. Jan. cIdo Idc LXIII. anni novi, quem Tibi faustum precor.

T. T.

Th. Bartholinus

## EPIST. XXX.

*Cæcitas sorditati succedens.*

THOMÆ BARTHOLINO Hafniam.

**R**esponsorias meas, quas ad humanissimas Tuas manu meâ exeraveram, typis describi tandem curavi, quod nulla mihi suppeteret occasio illas commodè transmittendi, materia verò ipsa congrueret ei, quam circa Foetum Massipontanum sub prælo habebam: Ac prælo tandem, post moram diutinam, sese sub-

duxit Disquisitio ulterior de Chyli motu & officio Hepatis, Celeberrimo Tuo Nomini dicata; quam non alio affectu admissam iri à Tua Excell. quam quo à meo animo profecta, (nempe, candido, amico, sincero, & undiquaq; veritatis studioso,) neutiquam dubito. Quod si ullibi quid dictum quod Tibi displiceat, Vir Excellentiss. id profecto indictum ex animo velim. Veritatem solam unicè specto; cui mea asserta jubeo cedere. Cæterum Tui juris, Vir Excellentiss. in solidum facio, quæ hisce Tibi offero: Tu ipse pro Tuo arbitrio, ut lubet de illis dispoñe; ac pro Tua æquitate & humanitate, quam veneror, proq; eo ingenii acumine, quo pridem per orbem inclaruisti, errores nostros humaniter corrige. Ne verò planè rebus vacuas à nobis literas contuearis, meum animum addo, quem Tibi inscribo, sed Casum adjungam ex iis quæ rariora in Medica praxi quandoq; notavimus. Viro Nobilissimo & Ampliss. D. Houwerdæ, sexagenario majori, ex defluxu catharri in nervos auditorios subitanea fuit oborta surditas, eaq; tam gravis, ut nullum sermonem, licet ore admoto auribus ipsis, posset percipere; sed ex tabella voces signatas legere, atq; oculis haurire effata aliorum haberet necesse: Quod verò mirandum,

dum, dum eo surditatis affectu laboraret, acutissimè cernebat, ac minutissimas. scripturas accuratè legebat oculis nudis, nullo organo armatis; qui à multis annis conspicienda in usum & opem adhibere necessum habuerat: Hic nostrâ curâ ac Dei clementi auxilio sanatus à surditatis illo molestissimo incommodo, ad pristinam oculorum hebetudinem illico, cessante auditus illo vitio, reversus est. Genuina horum symptomatum causa, sibi invicem cedentium, explicatu forsitan difficilior videtur; nisi placeat admittere, spirituum animalium influxu ad organum auditus præpedito, torrentem eorundem copiosioreni fuisse ad oculos conversum. Sed dubito an ea ratione acquiescant sagaciora ingenia, inter quæ jam pridem ipse excellis. Verùm plura non addo, præter votum candidissimum, quo Te, Vir Excellentiss. divinæ tutelæ resigno, meq; tuo favori, qui ero perpetuum.

Excell. Tux

Gröningæ

deditiss.

$\frac{8}{18}$  Nov. 1662.

Ant. Deusingius



## EPIST. XLI.

*De Translatione materiae morbosae à venis  
ad nervos. Causa visus imbecillus in Senibus.*

ANTONIO DEUSINGIO. Gröningam.

**D**isquisitio Tua ulterior amicè mihi opposita hodie mihi tradita est. Relegere non vacavit, quia aliis negotiis implicatus animum rationibus Tuis, quas non dubito esse prægnantes, attentum commodare nequeo. Primam occasionem arripiam, ut rationum tuarum momenta expendam. Interim amo Te & æstimo, animumq; sincerum quem pleno affectu depromis & mihi expectoras, pro duraturæ amicitiae documento interpretor. Nec pro erroribus dicta tua accipiam, sed pro amico dissensu apud me erunt. Casum propositum tanto libentius legi, quod similis materiae peritæ hæc diebus mihi occurrerit. Materiam morbosam à nervis ad nervos transferri minus rarum, quam quod à venis vel venoso genere ad nervos protrudatur. Hujus verò exempla nupera referam, ut doctissimæ Tuæ historiae vicem rependam. Studiosus quidam nostras ex bubonibus pestilentibus convaluit quidem, sed, quia malignum in corpore conceptum humorem non satis expurgaverat,  
Epi-

Epileptici insultus successerunt, translata ad cerebrum materia venneata, à vasis inguinis ad nervos. Exinde idem Studiosus primo quovis triennio semel, deinde quovis anno semel, jam hoc anno labente quater repetunt convulsionibus fatis pro imperio. Fontanella nuchæ Medicorum nostrorum consilio inusta, an morbi reditum sit prohibitura, quod cum illis voveo, dies docebit. Sputantem feminam grandævam nuper vidi, post levem à cœna deambulationem, translata pituita vel lympa ad nervorum principium, motuq; ad illam partem concitata, in Apoplexiam incidisse. Ex uteri vasis impurum sanguinem nervos invadentem Epilepsiam excitare notum exercitatis. Paupercula mulier apud nos annis obsita & pannis convulsionibus epilepticis comitiales morbum prodidit, quo sacra non rarò turbavit. Retulit verò mihi vetus sibi id esse malum post puerperia difficilia ortum, nec scire se accuratè à qua parte corporis venientis accessio- nis sensus incipiat, credere se tamen, à ventre fieri initium: tres enim sibi filios ex abdomine exsectos, quorum unus castra sequeretur. Rogata, in rei fidem, mihi cicatrices ostendit, ætate jam imminutas. Ego verò neutiquam culpo sectionem Cæsaream, sed uteri vitium,

quod & illius & Epilepsię causa fuit. Notum enim ex *Hippocrate* in *Coactu* ex uteri strangu-  
latu convulsiones fieri. Colicam in Paralyſin  
terminari consensu Medicorum confirmatur.  
Venas mēſeraicas hic suum nervis malum  
communicare non dubito. Colica biliosa No-  
bilis quidam, qui salutem suam mihi concre-  
didit, vehementer torquebatur. Nihil non  
tentavi, & omnes scientię loculos excuſſi, ut  
hominem servarem. Fruſtra verò fuere omnia  
præſidia, etiam saluberrima. Succesſit enim  
paralyſis manuum pedumq; interiorum viſce-  
rum, deniq; lingvæ, deniq; convulsiones finem  
vivendi fecerunt. In alio hypochondriaco  
poſt aliquot annorum minas, unius lateris pa-  
ralyſis ſequuta, & loqvę interceptio, men-  
tisq; ſtupor. In his aliſq; exemplis, quorum  
ingens proventus, ad nervos mali ſic tranſitus.  
Facilius in tua hiſtoria oculorum hebetudo  
ſurditati ſuccesſit per *perſuſionem* materię ca-  
tarrhoſę in nervos opticos ex nervis audito-  
riis vicinis, & vice verſa, quemadmodum do-  
lores vehementes in inferioribus locis  
ſurditas ſolvit apud *Hippocratem* l. de Ju-  
dicationibus. Ex hac cauſa ſequitur privatio  
ſeu interceptio animalium ſpirituum, quam  
verè affers. Benè autem cum ægro Tuo no-  
bilis-

bilissimo actum, quod tua prudenti opera materia catarrhosa fuerit expurgata, nerviq; auditorii onere molesto liberati, alioqui habitum impediveris. Si ætas permetteret, oculorum quoq; hebetudini, qua polles mentis acie, consuleres. Sed senibus ista visus imbecillitas familiaris, sive catarrho obruente, sive longo usu absumptis spiritibus, sive deniq; quod nervi ficiiores & nonnihil marcidi non admittant spiritum animalem in nonnullis senibus, satis copiosum, quam etiam in junioribus cœcitatibus fuisse causam observationes docent. *Casulpinus* id Pisis vidit alterum ex nervis visus attenuatum, qua parte imbecillis oculus fuerat ex vulnere capitis. In feminâ quoq; cœca utrumq; nervum opticum extenuatum notat *Rosincius Magnus* lib. 4. Dissert. Anat. cap. 26. Sed in tuo judicio acquiescimus, claraq; tua lumina in multos annos salva & sana Tibi precamur. Vale. Hafniæ X, Dec. cId Idc LXII.

T. T.

Th. Bartholinus.

m 5

EPIST.

## EPIST. XLII.

*De calaminibus bullarum in Torqve Frothonis. Unde Pygmaeorum fabula emerferit.*

THOMÆ BARTHOLINO.

Hafniam.

**C**ommendavi Tibi nuper quendam ex nostratibus, qui nominatim hoc à me conraderat precibus. Si fuit non ingratum, bene est. Sin verò molestum tibi rebusq; tuis genus hoc, non dissimulare apud me debebis, ut quid faciendum mihi sit in posterum ne ignorem. Interea humanissimæ tuæ redduntur mihi, è quibus magno gaudio intelligo, non modo superesse apud animum tuum memoriam nostri, sed & amicitiam veterem pulcherrimè vigere. Qua de re quemadmodum ipse mihi gratulor, sic impendam omnem operam, ne de me aliter, quam viro bono simpliciq; procul à sæculi moribus remoto judicare queas. Libellum meum de Torqvibus amissum esse, licet exigua ejus sit jactura, tamè doleo vel ideo, quod destitutus exemplaribus, non habeam, quo jacturam illam expleam. Videbo tamen utrum invenire possim apud amicos. Sin minus, meum exemplar mittam proxima occasione. De Frothonio torqve non egi aliter quam

quam ut nominarem, locum auctoris adducerem, & ex eo torques usurpasse Reges vestros peculiari specie, illa videlicet quæ ibi sit descripta, ostenderem. Quod si locus ipse amplius examinandus, & de forma specieve illa differendum esset, dicerem *calamina bullarum* significare bullas cælatas, non quidem, quales memorat *Isidorus*, nam illi appendi torquibus solebant, sicut latè ostendo in dicto de Torquibus opusculo, sed quæ ipsæ una cum imaginibus regum constituebant torquem. Bullæ omnes vulgo erant rotundæ, ab una parte planæ, ab altera protuberantes instar dimidiati globi. Hæ vel simplices erant, vel variis imaginibus cælatæ. Simples illas fere appendebant torquibus vulgaribus. At cælatæ in torques ipsas aptabantur à Danis. Illo nempe modo, sicut ex murenulis, amphorulis & id genus rebus aliis olim & nunc quoque ex rosis, cochleis, ignitabulis fieri consueverunt, ut ex torquibus Burgundicis Gallicisque constat. Pari ratione Reges Daniæ, vel saltem Frotho utebatur bullis in torque, quæ variis emblematis, floribus, rosis, & similibus erant cælatæ. Quid mirum? quando hodieque bullis istiusmodi aureis pericteria sua & monilia feminæ distinguunt, imò bullas (*Bollen / Bellen /* per Germaniam

maniam appellant. Cæterum inter bullas eas inserta distinctim erant Regum simulacra. Sic enim disertè *Saxo* testatur. Quod sic intelligo, simulacra illa habuisse quasdam velut ansulas, quibus utrinq; ad bullas, interventu annulorum vel uncinorum quorundam, firmabantur. Ita ut, per vices jam simulacrum Regis, jam bulla aurea per orbem circumirent, totamq; torquem absolverent. Et convenit, quod *ælamina nexilia* dixit, nempe quia eo modo, sicuti ostendi, necitebantur bullæ ac conferebantur cum Regum imaginibus. Atq; ista quidem puto sic satis esse manifesta. Quod verò sequitur, id *Oedipo* habet opus: *quæ ad interioru fili ductum nunc contrahi, nunc dirimi possent*. Nam primum illud *quæ* non satis liquet, num ad bullas solas, an verò simulacra, num utrumq; potius simul referri debeat. Deinde quodnam est *filum* illud interius? quo respectu *inertius* dicitur? neq; quid cum illo *dirimi* *Saxo* innuat, explicatu pronū est. Nam *dirimi* vulgo quidē idem est, ac dividi, separari. At hoc parū convenit præcedenti *contrahi*, cuius intuitu deduci, aut in longius protrahi significare debet. Suspicio tamen hoc velle, bullas illas ac imagines fuisse inter se confertas filo, per medium à latere trajecto, sicut corallia, uniones, & id genus hodie in filo conjunguntur. Et hoc si-

lum interius esse censeo, quasi quod interius per ipsas illas bullas simulachraq; transeat. In eo filo poterant conjungi, quod Saxo vocat *contrahi*, poterant & disjungi, quod ipse vocat *dirimi*, planè ad eundem modum, sicut fit in unionibus & similibus. Quod si verum est, *nexilia bullarum* non ob anfulas & annulos, seu uncinos, sed foramina potius per quæ filum trajici, ac ita nec inter se poterant intelligenda. Id quod vero propius videtur verbisque convenientius. Atq; ista quidem de Frothonis torqve, quæ à vulgaribus differebat in eo, non modò quod ex bullis esset, regumq; imaginibus, cum reliquæ fierent ex annulis, sed &, quod illæ bullæ ac imagines connecterentur filo, cum ceteræ continuo inter se cohererent. Venio ad locum *Æliani* de Pygmæis. De quo primum censeo desumptum esse totum ex *Bæo*, veteri scriptore, cujus pluscula fragmenta extant in *Metam. Antonini*. Legitur quippe inter ipsa etiam hæc sive historia sive fabella. Cæterum quis ille *Bæus* fuerit, quodq; propositum habuerit in eo opere, unde ista sunt desumpta, ipseq; ὀργιστογωνίης βιβλῆς appellavit, non aliunde melius, cognoscimus, quam ex *Athenæi* lib. IX. c. II. quando ait hoc egisse, ut ostenderet πάντα τὰ ὄργανα ἀνθρώπου περὶ



*γενεγενέναι*. Unde simul liqvet, commentiti-  
 um hoc esse atq; falsum, præsertim quod de  
 ira Minervæ, Dianæ, Veneris, & transfigura-  
 tione Geranæ adfertur. Quia tamen sub hac  
 ipsa falsitate veritas plerunq; latet aliqua,  
 quemadmodum ex veteribus *Palæphatus*, ex re-  
 centioribus *Vossius* eruditè ostenderunt, non  
 temere dixerim, omnia hujus fabulæ esse con-  
 temnenda. Docet sanè *Bœus* dicto loco, eam  
 quam appellat *Ælianus* Geranam, priusquam  
 mutaretur in gruem, quæ est gerana Græcis,  
 dictam esse Oenoen. Præterea maritum ha-  
 buisse Nicodamantis nomine, ac filium Mop-  
 sum. Nicodamantis, ut Oenoës mariti memi-  
 nit & *Athenæus* supra indicato loco. Quanquam  
 cum Oenoën illam dicit reginam fuisse Pygmæ-  
 orum, de Pygmæis eo certi aliquid vix probet.  
 Sive namq; in septentrione, sive in confinio  
 Trogloditarum ac Æthiopum ponantur, no-  
 mina illa Oenoës, & Nicodamantis, & Mopsi  
 non conveniunt, quippe quæ sunt Græca.  
 Oenoën namq; aliqua, ut omittam ejus nominis  
 Icarix urbem apud *Stephanum*, & aliam in Pe-  
 loponneso apud *Strabonem*, invenitur Epochi  
 soror, unde una ex tribus Atticis accepit no-  
 men, *Pausania* auctore. Mopsi quoq; apud  
 Græcos leguntur, unus Ampycis, alius Rhacis  
 filius.

filius. Quomodo autem Græca nomina credamus data Æthiopibus aut Trogloditis, aut eorum vicinis? Itaq; Pygmæos putem fabulæ causa adscitos, transumptosq; ex *Homero*. Proponuerat nimirum *Bæus* demonstrare, unde grues haberent originem. Legerat apud *Homerum*, bella cum eis gerere Pygmæos. Ergo Oenoën reginam facit Pygmæorum, cæteraq; quæ de ejus transmutatione habet, comminiscitur. Quid per Pygmæorum fabulam intenderit *Homerus* ex *Strabone* l. i. discimus, & iis, quæ à *Casaubono* ibi adnotantur. Neq; tamen displicet, quod ait *Vossius*, occasionem talia fingendi datam à καλαβείς illarum regionum. Grues eis hætenus videntur convenire, quatenus venando forsitan eas persequi solerent. Est enim belli & venationis ratio reciproca apud veteres scriptores, ut novisti. Quamquam ignorem, utrum non hoc genus totum occasione simiarum, & similium animantium fuerit excogitatum. Pertinere huc videntur crines promissi barbæq; quibus velare sese, ceu vestimentis Pygmæos prodit *Ctesias*: idem simi nares, totiusq; faciei deformitas. Imprimis autem τὸ αἰδοῖον, de quo ait, quod μέγα ἔχουσιν ὥστε ψάυνει τῶν σφυρῶν αὐτῶν,

καὶ παχὺ. Hoc enim vix in aliud quadrat animal, quam simias. Vidisti enim Bavianos vulgo dictos, ut opinor. Innuere quoq; *Eustatius* videtur, quando lib. IV. *Iliad.* post multa de Pygmæistandem: αἱ μὲν τι πιθηκῶται ὦσον ἔπιβυσσόν τι πιασὶ ἔχουσιν, ἀλλ' ἐπρωϊαὶ πεφύκεισιν. Quid enim opus alias fuisset hac adjectione? Et aperte ait, alias fuisse, quæ ibi reperirentur, unde simias ab eo habitas necesse est. Neq; obstat pugna cum gruibus, cum hoc genus sit infestum avibus cunctis. Quod autem *Aristoteles* his tribuisse fidem putatur, ejus rei credo esse causam non simplicitatem viri, vel credulitatem, sed auctoritatem eorum, qui tum talia pro veris venditabant. Quibus refragari parum civile tutumve arbitrabatur. Fuerunt nempe hi Megasthenes, Onesicritus, Nearchus, Daimachus, magni Duces sub rege Alexandro. A quibus accepisse talia non est dubium, quando ipse ait: ὃ γὰρ ἔστι τέτο μῦθος, ἀλλ' ἔστι κατὰ ἀλήθειαν, γένος μικρὸν μὲν, ὥσπερ λέγεται, &c. Non dicit, se compertum hoc habere, aut vidisse, verum ὥσπερ λέγεται, quo rumorem & famam publicam significet, & illud ἔστι κατὰ ἀλήθειαν velut limitatione quadam circumscribit, quasi diceret, *res ita revera sese habet, sicut*

sicut quidem ajunt, h. e. si fide eorum standum est, qui hoc pro certo referunt. Qui hic non intelliguntur illi, qui desumserunt à Homero. Ejus enim respectu dicit, ὅτι ἐστὶ μῦθος, sc. ut ad illa usq; tempora vulgo habebatur, verum recentes aliqui, illi videlicet Alexandri Duces, qui reduces ex India totam spargebant. Id quod Strabo quoq; docet, lib. II. quando de iisdem: ἐνεκαίνισαν δὲ καὶ τὴν ομηρικὴν τῶν πογμαίων μεγαλομαχίαν, τριασιθάμους ἐπόντες. Dicit veterem illam de Pygmæis fabulam, quam vulgo habuere pro commento Homeri, renovasse, ac pro re vera venditasse, sicut ferè solent, qui ex remotissimis terrarum oris domum revertuntur, per ambitionem, & quia sentiunt mendaciis se difficulter posse convinci. His ergo pro veris venditantibus sermone calamoq; Pygmæos non tam credidit Aristoteles, quam credere se callidè simulavit, uti satis vel ex ὡς αὖτε λέγεται apparet. Qui Pygmæos in spectra montana Septentrionis vertunt, otio abuti suo videntur. Quomodo enim, si fuerunt homines, spectra deinde potuerunt evadere? Equidem non ignoro, memorari nostris multa, de minuto genere spectrorum, quod vagatur liberè per ædes, conspiciendumq; se

frequentè offert specie senili , puerili verò magnitudine. Diligens munditiarum ajunt esse , purgare ædes , eqvorum maximè habere curam. Verum proprium non esse harum regionum , id quoq; certo scio. Nam & per Germaniam totam memorantur , credo alias quoq; regiones. Quare illud quidem nihil pertinet ad Pygmæos. Si qui sunt , qui Pygmæos vocant, illi solam staturam eorum attendunt. Mihi ergo , quicquid de Pygmæis dicitur , fabula videtur , ab Homero primum occasione sive simiarum , sive similiarum animalium excogitata , diuq; postea pro commento habita , donec temporibus Alexandri Dæmachus , Megasthenes & alii , inter cætera , quæ prodigiosa sibi visa essent in Indiis ( nam de Æthiopibus aut Trogloditis tum quidem satis notum fuit mendacium ) etiam hos commemorarent. A quibus haud dubie deinde cæteri omnes , qui eorum faciunt mentionem , accepere. Habes meam , Vir Clarissime , de Pygmæis sententiam , pro qua tamen non sic pugno , tanquam nolim amplecti aliam , si quis eam ratione idonea poterit docere. Æliani Animalium Historia alium , quam me , desiderat interpretem. Et aliud spectabam , cum olim Varia illius ederem , quæ denuo Argentorati excusa puto Te vidisse.

Verum

Verum poenitet laboris ejus, quando pars non exigua mearum annotationum, quas submiseram, incuria typographi est amissa. Si quid tertiæ editioni potes adjumento esse, quæso te enixè ut facere ne graveris. *Rudbeckio* nostro gratissimum fuit mentionem suam tam amicam abs te fieri in tuis, teq; perofficiosè vicissim per me salutare voluit. In Anatomicis se ait editurum fuisse aliqua, sed impedimenta injecta esse à curis multiplicibus quas ei Rectoratus Academicus ultra consuetudinem in annum protractus injunxerat. *Phædrus* meus nunc properat ad finem. Ejus mittam exemplum, cum idoneam nactus fuero occasionem. Sed claudendum tandem est, cum jam charta deficiat. Rogo autem enixè ut Cl. Dn. Fratres, una cum amicis aliis officiosè ex me salutes. Tu quoq; Vir amicissime, salve cum tuis omnibus, atq; vale. Scr. Upsaliæ 25. Nov. 1662. festinante calamo, cui rogo ut ignoscas.

Cl. Nomini tuo toto pectore  
addictus

Joannes Schefferus

## EPIST. XLIII.

*De Bulla Romanorum. Pygmai defenduntur. De panemisso apud Mauritium, & buccellato.*

JOANNI SCHEFFERO

Upsaliam.

**G**Ratissimæ mihi semper sunt literæ tuæ, quas cum amicis tuis gratissimis mittere soles. Amo quantum possum quoscunq; Tu amas & tuo favore dignaris. Hinc nobilissimis Juvenibus, qui me tuo nomine salutarunt, omne officii genus libenter obtuli. Tribus præterea literis eruditissimis & antiquo candore plenis debeo responsum, hætenus propter varia impedimenta dilatum. Neq; enim nostri semper juris sumus, quos sæpe publicæ, & sæpius privatæ curæ à scribendo avocant. De nexilibus bullarum calaminibus in torquibus Frothonis Regis, quæ commentaris, ingeniosa sunt & veris haud abluventia, quanquam & bullæ istæ ad puerilia ornamenta, more Romano, spectare potuerint, quas posita prætexta penatibus suspensas notum ex *Persio* sat. 5.

Cum primum pavido custos mihi purpura  
cessit

Bullæq; succinctis Laribus donata pependit.

Et

Et Propertius l. 4. El. 1.

Mox ubi bulla demissa est aurea collo

Matris & ante Deos libera sumptâ toga.  
In quam rem extat apud *Günterum* inscriptio  
Romæ ad hortos Bellajanos, licet hic non La-  
ribus sed Junoni Placidæ bulla suspendatur.  
Bullas has rectè dimidiato globo comparas. In  
saoris lunulæ vocantur *Judic.* 8. 26. quæ or-  
namenta erant lunari formâ, interprete B. *Hie-*  
*ronymo*, quibus colla regaliū Camelorum de-  
corari solebant. Ex quo etiam loco lunulas seu  
bullas à torquibus diversas esse monet *Drusius*  
Not. ad h. l. licet ex *Saxone* pateat partes tor-  
quium fuisse. Sed omnibus istis lucem fenera-  
tur opusculum tuum hujus argumenti, quod  
avidè expecto quovis ære redimendam. De  
Pygmæis judicium Tuum inter meliora repo-  
nam. Fabulam non esse strenuè negat *Aristote-*  
*les*, asseritq; rem ita se habere sicut fama fert,  
adeoq; τὴν ὡς πρὸς λεγεται, non dubitatio est,  
sed rei quæ narratur confirmatio. Existimandū  
nō est summū & liberrimi spiritus Philosophū ex  
adulatione pro veris falsa credidisse, suamq; au-  
thoritatem apud aulicos Alexandri prostituisse.  
Narratio ex simiis trahere potuisset originem,  
nisi magnum inter decantatos Pygmæos & si-  
mias esset discrimen. Veterum enim fide, in-



primis Ctesiae, si stamus, Pygmaei lingvâ Indo-  
 rum utebantur, sagittarii erant peritissimi, le-  
 gibus Indorum justissimè vivebant, navigioli  
 per lacum navigabant, quæ omnia hominibus  
 ratione utentibus, non simiis, competunt.  
 Crinium prolixitate feros se monstrabant, si-  
 mis naribus Indos, τῶν αὐδαίμων lascivos, quales  
 nani esse solent compacto corpore validi, qui  
 etiam plerumq; deformes. Nolim tamen pro  
 veritate historiæ nimium pugnare, quam nec  
 ego amplecterer, nisi præiret *Aristoteles*. Quan-  
 quam verò periisse videatur hæc pumila natio,  
 nec nisi in Nanis vestigia sua reliquerit; repe-  
 rit tamen eam *Joannes Alvarez Maldonatus A.*  
*C. M. D. LX.* ultra montanas Andes, & *Anto-*  
*nium Pigafetta* inter Moluecas in Insula quadam  
 Aruchetto: *Johannes* deniq; *Monteville* Eqves  
 Anglus in Regno Cassaijæ, ut alios taceam in  
 opusculo hujus argumenti adducendos, de qui-  
 bus unicuiq; liberum relinquo judicium. Mihi  
 fatis, nonnulla attulisse pro veterum defensione,  
 quos benignè vel excusare, vel tueri debe-  
 mus: quippe veritati verba & assensum com-  
 modamus, reverentiam antiquitati; alioqui  
 verè *Seneca* de Vit. Beat. c. 1. *nemo sibi tantum*  
*errat, sed alii erroris causa & author est.* Hæc  
 liberius apud Te eloquor, quem scio magnum  
 anti-

antiquitati pretium statuere. Optimè de eadem mereris, quod neglectos à plurimis vel sepultos veterum libros in lucem proferas, imprimis, qui Rem militarem veterem tractant, *Arrianum* & *Mauricium*, tuâ industriâ dignos, sed ab ingenio tuo pacifico alienos. Quæris, quale genus panis fuerit, quod *πίσσο* vocarunt veteres, & à buccellato apud *Mauricium* distinguitur? Quia de Re Militari nobis sermo ignorum esse non potest, duplex panis genus inter milites usitatum fuisse expeditionis tempore. De buccellato communis est consensus, cui alius præterea additur panis à Constantino & Juliano *Tit. 38. C. de Erog. Mil. annon. l. 1.* Panes militares mundi, & panes militares castrenses vocantur à Valeriano Augusto apud *Fl. Vopiscum* in Divo Aureliano. Inter quos panes quale fuerit discrimen, non æquè liquet. Panem tertio die, buccellatum in duobus diebus percipere solitos milites supra citatus Codicis textus indicat. Panes militares mundos sedecim, castrenses quadraginta Aureliano decernebantur quamdiu Romæ fuerat apud *Fl. Vopiscum* l. d. Videntur panes militares mundi cum pane tertii diei convenire, & buccellatus cum castrensi, Adeoq; si conjecturæ locus,

*πίσος* apud *Mauricium* tuum idem est, qui militaris, vel *Constantini* panis, quia ubiq; à buccellato distingvitur. Quale id porro genus panis fuerit, si ex me quæras, in magna antiquitatis caligine, divinare mihi videor, differentiam potius in coctura quam materia ponendam quærendamq; esse. Buccellatus nempe panis biscoctus erat, ut ætatem ferret, & situm in expeditionibus evaderet, quos forsitan commodè ad *ἰπνίτους* referimus, de quibus *Hippocrates* noster l. 2. de Dieta, & *Galenus* l. 1. de Alim. quos doctissimus *Mercurialis* L. 1. Var. Lect. c. 12. contra interpretum mentem in furnis magnis concoqui credit ideoq; furnaceos dictos *Cornario* interpreti. At *πίσος* pro re nata in exercitu extempore coquebatur à pisto-ribus, quos ideo sequi expeditionem prohibuerunt Imperatores, teste *Ælio Spartiano* in Vit. *Pescennii Nigri*, quoties buccellato solo milites contenti esse juberentur. Huic *κλιβαρίτης* *Hippocratis*, *Galenii* & *Aëtii* conferri potest, qui sub testis vel furnis portatilibus coquebatur, tales enim furnos in exercitu curribus vectos credibile, quod & hodiernis moribus usitatum, *ὑπερσπίας* verò, de quibus *Aëtius* l. de Spir. Animal. nutrit. c. 5. inter cines

res

res coctos, ad hanc lineam non retulerim, uti nec illos quos super craticulam allatos refert *Oribasius* l. 1. Collect. Med. c. 8. Unde autem *πίσος*? Quid si posteriores seu Græci seu Romani à Medicis illam vocem mutuati sint, quibus *συγκρῖσις* est panis cibarius distinctus apud *Dioscoridem* l. 2. c. 107. ab illo qui ἐκ τῆς σερμυδάλεως. Dictusq; *Galeno* l. 1. de Alim. facult. quod ad hunc conficiendum rota farina nusquā à fursure sejuncta *συγκρῖσις* sit, seu comportetur. Quod & alibi idem *Galenus* scripsit l. de Renum Aff. dign. & Med. c. 6. & illi ἐπεὶ ψηφῶ. *Agineta* l. 1. c. 78. *Amatus Lusitanus* & *J. Ant. Sarracenus* Nor. in *Dioscoridem*, unde propriè *Guintherius Andernacus* confusaneum vocat, ut non videam quo modo contra veterum consensum *Aetharius* l. d. fursura-ceum tantum illi demptum scripserit. Non volo ut de materia panis, quem *πίσος* vocat *Mauricius*, hinc conjecturam capiamus, sed eo tendit oratio, ut suspicemur faciliè *πίσος* ex *συγκρῖσις* fuisse natum & contractum. Si ex Romano foro mutuata vocem cum *Meursio* defendamus, non valdè peccabimus. Nam & Tractam inde sumserunt apud *Athenæum*, & forsan nostrates genus placenta, quod Torte

appellamus vel Terte, Italiq; suas Tiratas. Quid horum sit, de *πίσσῃ* Mauricii conjecturam tuo iudicio subacto vel firmabis vel corriges. De *Arriani ἀργῶ* nihil mihi observatum, quod Tibi ex usu esse queat. Ejus enim vocis apud Medicos nostros infrequens usus. Nisi *ἀργῶν* potius scripsisse *Arrianum* & *Ælianum* malimus, *Hippocrati* & *Galeno* usitatum vocabulum pro interiorum viscerum, inprimis ventriculi motu & perturbatione, quod per *κίνησις τῆς καρδίας τὴν ἀπὸ τῶν γυμνασίων* explicat *Hesychius*, Tibi quam mihi notior. Sed de his cæterisq; ipse iudicabis. Ea quæ protuli, nisi obsequio se commendent, digna non sunt quæ ad Te, melioribus assuetum, scribantur. Malui tamen in conjecturis fallere. quam in amicitia. Tu verò, mi Scheffere, porro perge illustrare orbem pulcherrimis ingenii & eruditionis monumentis, & me amare. Amplissimis Collegis Tuis, *Loccenio*, *Kudbeckio*, *Hovenio*, officiosam salutem transcribo. Vale diutissime. Hafa. 20. Nov. clv Ioc LXIII.

T. T.

Th. Bartholinus:

EPIST.

## EPIST. XLIV.

*De humani fœtus ostentis.*

THOMÆ BARTHOLINO

Hafniam.

**C**onsistit tua erga me benevolentia, de qua certiores me fecerunt gratissimæ salutationes per literas Clariss. D. Blasii, Collegæ conjunctissimi, primas has ad te exaro in spem majoris familiaritatis, si eo honore me digneris. Virtutum tuarum me non minimum æstimatorem esse, testantur tam frequentes celeberrimi nominis tui in scriptis meis, expressiones. Has comitatur libellus noster De Ossibus, quem benevola fronte suscipias, rogo. Vidi nuper in literis nominati D. Blasii, breviter quid referri, de Fœmina apud vos, quæ ab anno 1643 gravida sit. Gratum esset, si fusius historiam illam, cum omnibus circumstantiis explicares, nobisq; communicares. Abstrusa quamplurima in naturalibus miramur: Sed & hoc admiratione dignum videtur, quod hisce temporibus tot humani fœtus ostenta concurrant: Fœtus Mussipontanus, Dolanus, & jam Hafniensis, cum, quantum mihi constat, rarissimè superiora secula simile quid protulerint. Veterum in horum observationibus negligentiam accusare, iniquum videtur; cum

in aliorum animadversionibus suam satis probant diligentiam : ut naturæ deficientis senio id tribuatur, nulla ratio arguit. Subsisto, desiderans judicia aliorum, meq; tuo commendans favori. Vale, Excellentissime Vir, vive diu, ad Reipublicæ literariæ ornamentum. Amstel. 29. Novemb. Anni, 1662.

Tuus totus

Arn. Sengverdius.

# EPIST. XLV.

*An saxea Lithopædi durities? Mares  
pregnantes. De anguib; & pillis  
miranda.*

ARNOLDO SENGVERDIO, Amstelodamum.

**G**Ratissimum mihi accedit, quod sine interprete Te salutare possim, quem hactenus multis de causis æstimavi, famâ eruditionis & humanitatis notissimum. Jamq; , quia inita inter nos est amicitia, eandem sine ambagibus strenue & candide exerceamus frequentiori; literarum officio excolamus, cujus cum prænuper initium feceris, adjuncto nervoso Osteologiae Tuae munusculo, ingratus forem nisi quam

quam citissimè responderem, gratias pro munere agerem, & omnia amici officia exhiberem repromitteremq; , lætus cum Scipione apud *Stobæum* serm. xxxvii. quod ex foro prius hodie domum reversus non sim, quam familiarem Te mihi & amicum per Epistolam à Te missam effecerim. Legi non pauca quæ elegans Tua penna ingeniosè pariter & doctè publico bono exaravit, Naturæ gratulatus de tanto factore, & mihi de amico. Pergamus porrò Naturam venerari & illustrare diligentia nostrâ,

— vitanda est improba Siren

Desidia —

quam ab utroq; alienam, edita hætenus monumenta testantur. De Dolano ostento rem acu tetigisse videris, nec magnopere repugnarem illis, quæ de Lithopædii substantiâ suspicaris. Saxea enim durities non est, sicut accuratius mihi in Technicotheca Serenissimi Regis nostri consideranti patuit. Cæterum calculos & duritie & substantia silices referentes in vesica generari posse certum multis est, & tales in Musæo habui è vesica humana, ut fertur, exsecutos, nuperq; Nobili cuidam nostro alium similem ovi gallinacei magnitudine exsectum vidi. Tu ex ingenio magno hujus rationem



tionem nobis aperias, qui tantam Lithopædio duritiem denegasti. Gravida illa nostra, cujus mentionem feci in literis ad amicissimum *Blasium*, nec exemplis caret, nec ratione Anatomica destituitur, quod fusius in Dissertatione De Insolitis Partus Humani viis, brevi proditura, persequutus sum. Embryo prægnans majorem admirationem meretur, de quo in Historiis egi. Ille certè exemplo caret, nisi admures confugiamus, quos in utero quoque Matris esse prægnantes *Aristoteles*, *Plinius*, *Ælianus*, *Wottonus* tradunt, & *Licetus* de Spontaneo Viv. ortu rationibus tuetur. De qua murium imprægnatione tuum responsum præstolabor avidissimè, quippe qui in exercitationibus Physicis ostendisti, quantum humeri tui valeant in difficilis Naturæ oneribus. Antequam finire in spexi Osteologiam Tuam. Statim primo Capite ungvis vitam concedi advertito, quia crassiores sunt in adulto quam in infante. Esse verò merum excrementum sunt quæ persvadeant. Ungulæ equorum si radantur, citius convalescere equos, Veterinarios nostrorum observatione didicimus. Hinc *Vegetius* l. 2. Vet. Med. cap. 55. solum ungulæ celeriter aperit. Ita & si læsus sit homini digitus, statimque ejusdem digiti ungves præcidentur,

tur, non inflammari digitum, sed citius percutari, certa amici Nobilis experientiâ rescivi. Nec ratio difficilis. Nam cum ungvium incremento expurgatur simul materia peccans. Verè enim hujusmodi excrementis crescunt ungues, quæ quia in adultis & copiosius & majori naturæ excellentis vi protruduntur, hinc crassiores ungues sunt in adultis quam in infante. In leprosis quoque & scabie defœdatis crassiores plerumque sunt, propter copiam fœtidi excrementi. Non injuria igitur *Pythagoras* sapientissimus, capillorum & ungvium superfluitates, postquam abscideris, pessundare jussit. Quia ibidem de pilis agis, admirandam sympathiam pilorum equi ejusdem coloris tacere non possum, ab amico mihi revelatam. Si enim equus tussiens in stabulo aliis equis sanis ejusdem pili & coloris adjungatur, inficere ajunt hos sanos, neutiquam si dissimilis sit pilus. In humano genere novum non est illos invicem morbis infici, peste, variolis, etiam absentes, qui affinitate sanguinis & similitudine arctius inter se conspirant. Ne longior sim, filum rumpo. Vale Vir celeberrime, & porro Naturæ strenuam operam magno nominis clarissimi augmento impende, meque ama, Hafn. V. April. clō æcl LXIII.

T. T.

Th. Bartholinus,

## EPIST. XLVI.

*Calorem esse de febris essentia.*

THOMÆ BARTHOLINO      Hafniam.

**C**Alebant adhuc manu meâ gratissimæ tuæ literæ, cum debiti officii mei partem esse existimarem, ad eas statim respondere quibus ut optimus Magister, aliquam meam tentas diligentiam. Sicut enim è rudi in Scholis juventute nullus adeò socors reperitur discipulus, qui non promptè & pro modulo ingenii, Præceptori suo respondeat ad ea quæ is proponit ad tentandum simul & promovendum ipsius in studiis profectum; Ita nec ego tardior esse debui, præsertim cum constantem manifestò agnosco gratiam, quâ præsentem olim plurima utiliter sæpe docebas, nec desinis absentem etiam per literas adhuc dum erudire. Primum igitur quod me jubes est, ut justâ executionem diligentiam calorem, quem de febrium omnium essentiam esse, cum plerisque Medicis judicaverim. Id vero cum facio, protinus in Galeno comm. 1. in lib. 6. Epid. t. 29. pro me invenio hæc verba: *Essentia vero febrium est non secundum Hippocratem modo atq; præclarissimos Medicos sed etiam secundum communem omnium hominum consensum, præter naturam* Cali-

*Caliditas, maximè quidem in totum animal effusa; sin minus, at omnino vel in plurimis partibus vel in nobilissimis accensa &c.* Paulo post: *Primæ autem febrium differentia & præcipua, & ex propria (ut dixi) febrium essentiâ acceptæ, sunt quæ per calorem traduntur.* Miror Galenum hîc pro caliditate & calore non subdidisse intemperiem calidam, quam pro genere febris in pectore reverâ fovet idem. Fortasse hoc loco Hippocratis adeò claro & perspicuo non ausus est, apertè falsa affingere; Ipsum autem non adscribo, cum allegato commentario sine operâ videndum; ipsiustamen loco unum alterumve pro calore febris Hippocratis testimonium subjicio, quorum primum est ex lib. i. de morb. his verbis: Πυρετὸς δὲ ἀπὸ τῶνδε γίνεσθαι. Ὅχεται χολὴ ἢ φλέγμα θερμαιθῆ, θερμαίνεσθαι (καὶ) τὸ ἄλλο πᾶν σῶμα ἀπὸ τούτων, καλεῖται τὸ πύρετός. Alterum ex quarto de morbis libro est, in quo autor ille causas febrium persecuturus inter alia, de eo quod in corpore pro generatione febris incallescit, Τὸ δὲ θερμαινόμενον (inquit) προσυθερμαίνει καὶ τὸ ἄλλο σῶμα καὶ τὰς ὁ πυρετός γίνεσθαι, καὶ γίνεσθαι μᾶλλον ἀπὸ χολῆς καὶ τῆς φλέγματος καὶ τῶν αἱμάτων θερμότητος.

γδ ταύτα ἐστὶ. &c. Ἀπὸ δὲ τῶ ὕδρωπ<sup>ο</sup> & γί-  
 νεται πυρετὸς ἰσχυρὸς κάρτα & δε πολυχρῖν<sup>ι</sup>.  
 Τῷ γδ πυρὶ ἐκ ἀγαθῇ τροφῇ ὁ ὕδρωψ ἐστίν.  
 Hæc apertò sensu calorem pro essentiali parte  
 febris inferunt. Quæ verò per διάνοιαν alia eo-  
 dem inflecti faciliè possunt, multo plura in  
 Hippocrate inveniuntur, inter quæ in primis  
 notandum est, quod in aph. 14. sect. dicit  
 Autor ille γέρει δὲ ὀλίγον θερμόν, ἀλλὰ γὰρ  
 καὶ οἱ πυρετοὶ τοῖσι γέρεισι ἔχ' ὁμοίως ὀξέει.  
 Ψυχρὸν γδ τὸ σῶμα. Hac sententiâ tanquam  
 fundamento subnititur figurata s. metonymi-  
 ca febris definitio, quæ est, quod febris sit  
 conversio calidi innati ad igneam naturam,  
 quam & Veteres & Recentiores variè impug-  
 nant aliq; defendunt: Bona tamen illa modò  
 τρέψας animo rectè advertatur, intelligaturque  
 febris esse caliditas, quæ ex conversione calidi  
 innati ad igneam naturam subsequitur; Neq;  
 enim possibile est aliud inde provenire, quam  
 superflua caliditatem; Cætera quæ ex nomini-  
 bus febrium variis, pro calore argui possunt, ut-  
 puta quod febris πυρετὸς ἀπὸ τῶ πυρὸς, imò  
 πῦρ, itemq; θερμὴ (sc. νῆσος) & θερμωλὴ  
 (quasi θερμὴ ἐν ὅλῳ,) & καύσος & synony-  
 mous,

πῶς, Φλεγμασία & καῦμα appelletur, ea  
 mitto, quia latius persecutus in ipsâ doctrinâ  
 de febribus mea sum, adeò ut ipsum etiam fe-  
 bris nomen à fervendo deductum ostendatur,  
 & in superioribus omnibus immodica calidi-  
 tas febris esse essentia quasi digito ibi com-  
 monstretur. Cœterum cum hoc & superiori  
 ævo non adeò attendatur quid in Placitis Me-  
 dicinæ Hippocrates affirmet, quam quid sum-  
 mus Dictator Galenus censeat, operæ videbor  
 fortasse facere pretium, si ostendam neq; illum  
 tamen in hac parte dissentire, quo magis etiam  
 mirabor, si quisquam in dubium vocare con-  
 tra me velit, febris essentiam esse superfluum  
 calorem; Apertè enim Gal. lib. 1. de diff. febr.  
 c. 1. *Febris (inquit) substantia (ἔσῃα h. e. es-  
 sentia) in genere caloris, qui est præter naturam,  
 consistit.* Et in comment. in librum Hipp. de  
 fracturis, lib. 3. §. 6. *Φυγμῶδες καὶ πυρετῶ-  
 δες τὸ ἔλκος αὖ ἐστίν.* Cum posset (inquit) Hippo-  
 crates loco πυρετῶδες id est febrile, πυρῶδες  
 h. e. igneum dicere, febrile dixit à fervore & igne  
 deducta appellatione, ut significet, quemadmodum  
 mihi videtur, febrem quòq; ipsam, quæ πυρετῶς  
 dicitur. ὅτι τὸ πυρῶδες fuisse nominatam, eamq;  
 esse febris essentiam, quod calorem igneum habeat;

Huc referri potest, quod in lib. de caus. morb. c. 2. adscripsit idem his verbis; *Cum quispiam immoderatâ exercitatione usus fuerit lassitudinem sustinet corpus, h. e. caliditatem immodicam in musculus atq; articulus habet, &c.* Hic calor si in totum extensus fuerit carnis, tunc hujusmodi affectus febris appellatur, quæ est quædam tatus corporis immoderata caliditas. Item illud ex comm. 1. in libr. de vict. rat. in morb. acut. ubi ait; *Febris verò ortus, caloris nativi ad igneum est conversio, ut alibi demonstravit (Hippocrates) & nunc manifestabit, inqviens, ex thorace quidem incipere ad caput vero flammam mittere. Præterea in libro vulgar. morb. febrem magnam ignem vocare consuevit, quasi non aliam habeat naturam præterquam ignis substantiam.* Plura in hanc sententiam ex Galeno possem adscribere loca, nisi vererer, ne tædium tibi moveret verborum multitudo. Hæc igitur, quæ scripsi, pro assertionem sententiæ, quâ calorem præternaturalem, essentiam febris & proprium genus judicavi. Verto ad ἀντίθεσιν; in qua Clarissimos Viros proponis Sylvium nempe & Walæum: De illo postea dispiciam. Hunc in præsentia audiam, *Febris ait, essentia non est calor.* Hoc directò pugnat cum assertionibus Galeni suprâ propositis non unis. Rationem addit, quia

rigor

*rigor & horror non tantum initium febris, verum ipsa febris sunt.* Rigorem initium febris esse ut & horrorem concedo quia non Galenus modo aliiq; veteres ita loquuntur, sed & Celsus lib. 3. c. 3. *Aliæ (inquit) febres à frigore incipiunt aliæ ab horrore.* Verum alio non admitto sensu, quam si quis dicat mihi: Concio in templis aliàs à symphonias incipit, aliàs à cantionibus; quo minus tamen symphonias vel cantiones concionum partes existimandæ sunt. Cæterum horrorem, vel rigorem ipsam febrem esse ut constanter nego, sic novum veteribusq; inauditum id *δόγμα* assero. Rationem tamen subdidit Walæus affirmantem à celeri pulsu desumptam, quam inter Sylvii argumenta excutiam. Pergit præterea & ait: *Dantur etiam febres in quibus non apparet calor.* Hic ego sive ex veteri sive recentiori memoriâ saltem unum requiro proprium & speciale exemplum; Exemplum aut videtur indicare voluisse ipse Walæus in his verbis: *Calor enim in habitu corporis non est febris sed ejus effectum.* Hoc ego non nisi ambiguus intelligo: Aut enim calor in habitu corporis est qui per corporis compagem, inter febres quascunq; diffusus est, aut est calor cum *ἔξω* inhærens substantiæ qui Galeno hæcticas febres facit. Priori sensu planè



non potest calor esse effectum febris, nisi forte animo proposuit Walæus metonymicam definitionem: Febris est calidi nativi in igneam naturam conversio, de qua ante: Ex hac enim necesse oriri caliditatem, quæ hoc sensu effectum febris. Verum non credam te putare, posse Walæum argumentandi hunc modum suum ita tueri, ut febris aut horror causæ rationem; calor effecti omnino retineat. Si posteriori sensu de calore solidæ substantiæ scilicet corporis scilicet cordis diu inhærente, ut fert Galeni opinio, illa intellexit, qui calor ferè ab acutis febribus, quæ præcedunt, in substantiâ cordis exitari vulgo putatur, ut adeo hic effectum febris dici verè possit, non aliud oppono quam simplicitatem. Hæcticas enim ejusmodi febres cum Hippocrate & Celso meo plane non novi. Non quod non sint ejusmodi febres, quas Celsus lentas, Hippocrates aliiq; *μαεγομώδεις* appellant, quæq; ardentes sæpè sequuntur; Sed quo vanum mihi videtur putare, febrem solidæ substantiæ corporis posse inurere calorem præternaturalem, qui constanter etiam cessante causâ, priori nempe febre, *ὀνέξει*, ut loquuntur, inhæreat. Sed quid fuerit, si totum hoc sensu Walæo concedam argumentum? Calor nempe hæcticus est effectum febris alterius

rius generis, quam ipsa hectica est; An ideo hecticus calor non est febris, diversi præsertim generis, quam prior. Hoc ego non capio; Sed nolo plura in ambiguitate. Apertum & perspicuum sensum sequar tuorum argumentorum, Amice & Præceptor gratissime, quibus ferè efficis, ut possem vacillare in sententiâ, nisi à temet olim didicissem, quò vicissim modò gradum possim firmare; Dubia enim moves ex Veteribus, quæ te fere inducunt, ut credas rigorem febrilem pro febris principio adeoq; febris parte ab ipsis habitum. Qui ergo ego ausim dubitare, aut non credere. Sed si tamen veniam dabis, tentabo quæ in contrarium quæam adducere ex veteribus exempla. Primum argumentum tibi hoc est: *Veteres si excutiamus, uno ore affirmabunt rigoris febrisq; eandem esse causam, nempe calidam.* Huic unita oppono ex Veterum libris exempla. Primum est ab Hippocrate ex libro de Flatibus, qui etiam Celsi testimonio, sine dubio ipsius genuinus est. In toto hoc libro unicè Hippocrates ferè eo intendit, ut persuadeat à flatibus pleraq; morborum genera oriri si non omnia; in exemplis incipit à febribus, & primò asserit, pro causâ horroris, flatus obstructo inferiore ventre, in universum corpus percurrere & ad

sanguine refertas corporis partes illapso refrigerare ibi, ubi fontes & radices sanguinis sunt; Toto igitur refrigerato sanguine, totum corpus frigidatum horrere (*φρίσσει.*) Eodem modo τὰ εἶδη causam exponit, saltem hac interpositâ differentiâ, quod major vis refrigerantium flatuum, hic quam illic adsit. Post hæc continuo ad febris causam indagandam progreditur, asseritq; quod intereâ cum flatus percurrunt corpus, sanguis variè in partibus moveatur, quasdam deferat, quasdam oppleat aut obruat. Ubi ergo cumulatur sanguis, ibi spiritus, qui prius refrigerârunt, & *φρίκω* & *ρίγος* induxerant, superari à calore sanguinis & valde incalescere dicunt, quo incensi & velut ignei illi totum corpus vicissim calefaciunt, adjuvante quoq; id opus sanguine, & spiritibus per calorem ex eo excitatis. Post hæc & alia nonnulla, quæ de sudoribus & dolore capitis in febribus apponit Hippocrates, concludit his verbis: *Οἱ μὲν ἔνι πυρετοῖς ἀπὸ τούτου, ὡς ἔφην, γίνονται, καὶ τὰ μετὰ πυρετῶν ἀλγήματα καὶ νοσήματα.* Patet ergo horrorem & rigorem Hippocrati separari à febre; Illorum causam frigidam esse spiritus; Hujus, spiritus *ἀλαπύρετοι*,  
ut

ut loquitur, καὶ μύδρε, nec non calefactum sanguinem esse; Non eandem a. esse rigoris febrisq; causam, nempe calidam; Febris quidem causa ubiq; & semper calida; Rigoris horro-  
risq; è contrario ubiq; frigida Veteribus censetur. Alterum exemplum ex Autore lib. 1. de morbis objicio. Is eo loco πυρελός (inquit) ἀπὸ τῶνδε γίνεσθαι. Ὁκέτασ' χολὴ ἢ φλέγμα θερμανθῇ, θερμαίνεσθαι καὶ τὸ ἄλλο πᾶν σῶμα ἀπὸ τῶντων, καὶ καλεῖσθαι τὸ πύρελός. Paucis deinde causas adnumerat, quæ bilem vel pituitam incendunt, nempe cibum & potum, laborem & vulnera, aërem vel aliud quid nimis si-  
ve calidum siue quoq; frigidum; visum & auditum &c. Et protinus subdit: Τὸ δ' εἶναι αὖ τῇσι νόσοισι γίνεσθαι μὲν ἀπὸ τῶν ἐξώθεν ἀνέμων καὶ ὑδατῶν καὶ αἰθέριος καὶ ἐτέρων πνεύτων. γίνεσθαι δ' καὶ ἀπὸ τῶν ἐσόντων σιτίων καὶ ποτίων. Μάλιστα δ' καὶ ἰσχυρότερον γίνεσθαι, ὅταν χολὴ καὶ φλέγμα συμμιχθῇ ἐπὶ τῷ αὐτῷ αἵματι, ἢ τὸ ἕτερον ἢ ἀμφοτέρω. μᾶλλον δ' ἢ τὸ φλέγμα μᾶλλον συμμιχθῇ. ψυχρότατον γὰρ φύσει τὸ φλέγμα, θερμότερον δ' τὸ αἷμα. ψυχρότερον δ' ἢ ἢ ἢ χολὴ τῷ αἵματι. Ὅταν ὅν ταῦτα συμμιχθῇ ἢ τὸ ἕτερον, ἢ ἀμφοτέρω ἐς τὸ αἷμα.

αἷμα πηγνυσι τὸ αἷμα ἐκ παντὸς πασι. ἦ, ἐδεῖ γὰρ  
 αὐτὸ δύνασθαι δὴν ὁ ἀνθρώπος ἐν τῷ αἷμα πυκνό-  
 τερὸν πρὸς τὴν ψυχρότερον γένειον πολλαπλησίως  
 αὐτῷ ἐωσιῖ. ψυχομενεῖς γὰρ τὰ αἵματι, ἀνάγκη  
 ψύχεσθαι καὶ τὸ ἄλλο σῶμα πᾶν, καλεῖ-  
 ται εἶναι ὅς ταν τῷ τῷ τοιούτῳ γίνηται. Ex  
 his patet febris causam esse calidam; rigoris  
 frigidam; Etiam antecedentes causas illic ple-  
 rasque esse calidas; hinc omnes esse frigidas;  
 Differunt ergo febris & rigor totâ naturâ &  
 essentiâ, ut differunt quodque causis, neque; hæc  
 illius pars censa veteribus est, nec censenda  
 aliis. Tertium exemplum addo, ex Autore  
 alio, nempe lib. de morb. 4. Hic longo pri-  
 mum sermone persequitur, quid & quomodo  
 possit in corpore aliquid nimis calefacere, &  
 tandem de calefacto addit: Τὸ θερμομαίνόμε-  
 νον προξυμθερμαίνει καὶ τὸ ἄλλο σῶμα καὶ τῷ τῷ  
 ὁ πυρετὸς γίνεσθαι &c. quæ paulo ante jam ad-  
 scripsi. Tandem ad causam frigoris & rigoris  
 divertitur, docetque illud fieri, conrescente  
 primum aqueo quodam humore, qui si non  
 exit per alvum cum eo, quod frigidissimum &  
 gravissimum inest, ad inferiora & præcipuè  
 ad ossa se atque nervos insinuare ibidemque rigo-  
 rem facere illi censetur. Patet ergo diversam  
 esse

esse febris & rigoris nec non frigoris causam;  
 illic calidam; hic frigidam aut certè partes  
 corporis certomodo resiccantem. Differunt  
 ergò hæc quoq; inter se, neq; possunt rigor  
 aut frigus in febre, ut partes, contineri,  
 quia causis & totâ naturâ sunt separata. Hæc  
 sunt, quæ faciunt, ut dubitem, an uno ore  
 Veteres affirmant, unam eandemq; febris &  
 rigoris esse causam, nempe calidam. Instas,  
 Amice optime, Galeni autoritate & dicis di-  
 sputare in hanc rem Galenum lib. 5. de sympt.  
 caus. c. 4. Quæsiui ego quid afferret Galenus,  
 sed tres saltem hoc titulo libros ejus, non quar-  
 tum vel quintum inveni; In contrarium autem  
 insignem in dubiâ controversiâ nostrâ reperi  
 locum Gal. lib. 2. de diff. febr. c. 6. ubi de fe-  
 bre epialâ ejusq; causis agit & circa finem,  
 quid alius quis non temerè de iis existimare  
 possit, sibi quasi objicit his verbis; *Quissiam  
 vero fortassis neq; simpliciter neq; à simplici causâ  
 febres hujusmodi fieri arbitraretur siquidem to-  
 rum id quod ex pituitâ putrescit, febrem accen-  
 dit, reliquum verò quod nondum putrescit, cu-  
 jus causâ rigescunt, non eandem habet cum putre-  
 scente qualitatem: Si igitur ab hac quidem rigor,  
 à putrescente vero febris generatur, duplex sem-  
 per aderit causa. Contingit verò & hic febrem  
 quidem*

quidem ab altera causa genere dicere fieri; rigorem verò utpote alium à febre, ab altera, ut qui non sit, quod febris. Hactenus Galenus, quem Tu nihilominus addis, nusquam non urgere duce experienciâ, febrem præsertim intermittentem incipere à rigore, non post rigorem, Hoc ego nusquam legi: *febris intermittens incipit à rigore, non post rigorem*; Si vis credam, quamdiu non invenio, expressa Autoris verba transcribere aut certum locum nota. Fortasse autem posterior paragraphus, tua commentatio est. Quod si sic, abunde novi Galenum de intermittentibus sic loqui sæpius, sed hoc casu Galenum mitto, & ad commentatorem verto; Jam ante ex Celso allegavi quod ait ille: *quædam febres incipiunt à frigore quædam ab horrore*. Hoc quidem sic circumscribo: *quædam febres post frigus; quædam post horrorem incipiunt*; Nihil enim notum magis quam hoc sensu hanc particulam & Celso & aliis usurpari; Nec alium sensum habet, cum Galenus vel alius Græcus dicit, τὴν πυρετὸν ἀφ' αἰτίας διὰ τὸ πρὶν ἵγχει ἀρχεσθαι. In hanc enim sententiam Celsus quoq; l. 3. c. 12. *Horror (inquit) eas fere febres antecedit quæ certum habent circuitum & ex toto remittunt*. Si horror illas febres antecedit, ergo febres illæ inci-

incipiunt, & sequuntur post horrorem h. e. rigorem, ut posterioris ævi Autores Latini τὸ πῖρρς Hippocratis reddunt, quod Celsus semper per horrorem vertit. Τὸ δὲ igitur in hæc phrasi notat, post. Quod Abensina in contrariū nostræ sententiæ scripsit id levi brachio repello. Nullū enim ego Arabem in Medicinæ controversiis Magistrum agnosco, multo minus, cum quæritur, quid τὸ πυρετὸς nomine intelligendum propriè, & an eo nomine τὸ πῖρρς vel ἡ φερίκη inclusum sit. Fortasse Arabes ita locuti sunt, ut utrumq; uno nomine comprehenderint; Id vero non magis ad me, quam quod populus ita vulgo confundit.

Quod de Φερίκης πυρετὸς opponis, possum concedere; Si dicam enim Comœdiæ vel earum quidē actus hodie symphoniis interrumpuntur; Nemo ex his rectè inferet: Ergo symphonix sunt partes comœdiarum. Similiter nec horrorem partem esse febris dicere licebit, si constat in ipsius febris accessione etiam aliquando bis, ter, & sæpius horrorem incidere & repetere. Φερίκης πυρετὸς, quod ad typum attinet ἡμικελαιὸς dicitur aliàs Hippocrati. De hoc Celsus lib. 3. c. 8. *Habet* (inquit)



(inquit) plerunq; frequentiores accessiones decessionesq; ut aliud morbi genus videri possit. Hæ accessiones singulæ singulos habent horrores etiam binos & trinos quoque quos Galenus ἀναδιπλώσις vocat, sed ideò hi accessionum partes non sunt neq; etiam ad ipsam febrem ut partes pertinent, quæ in unâ periodo plures accessiones decessionesq; habet. Non est tamen perpetuum horrores ita repetere in accessione harum febrium, quæ ut plurimum malignæ & petechiales sunt. Sæpius initio horrorem semel præmittūt; deinde nullum ostendunt præter urentem calorem; Si quando tamē repetunt, minus semper id faciunt, quò minus æger, vel minimū se in lecto movet. An Hippocrates Φεικώδεις πυρετῶς à primo horrore appellarit an à reduplicationibus ejus, in accessione, id ego ignoro; Quando tamen postremum adstruit Galenus justā de causa diffidō, ut in totum nullam meretur ille fidem vel assensum in omnibus quæ prolixè & confusè de πυρετῶ ἡμιτεταίω, de πυρετῶ τεταίωφία τρέπον παροξυνομένω & de πυρετῶ Φεικώδεις commentatur, quæ mihi simpliciter synonyma sunt. Fernelius & Capivaccius, quo à meā stant sententiā, eò laudandi sunt quod Veteres Magi-

Magistros, quos ego hic sequor, temerè non deferant etiamsi subtiles magis forent quam utiles eorum conatus. Illorum argumenta, an veritate sua nitantur, nescio quia non legi; Arbitrium Tibi defero, an mea, quæ sunt pro ead. sententiâ, huç usq; adducta, argumenta, veritatis saltem speciem præferant, si non ipsam illam inferant. Conciliationem tuam lubens admitto, modò doceas me, quomodo & cujus primo consilio calor in augmento febris, improprie febris appellandus sit; occultus v. in rigore, è contrario & proprie febris fiat, cum omnes Veteres illum pro verâ febre agnoscant; Hunc nemo febris partem esse, aut certè non sine dubio finit. Locus Hippocratis ex 6. Epid. libro nihil contra sententiam meam opponit. Saltem loco differre febrem & rigorem innuit; Sunt ergo separata illa; etiamsi causâ communi non differrent, quod tamen planum supra in contrarium feci. Quod si autem in febre contineretur rigor ut pars, quomodo intelligi posset, quod febris in inferiori ventre; rigor in superiori contineri dicitur. Quo in loco totum inest in eod. & pars est, quia pars continetur in toto; De computo quod objicis, id illo modo novum est ad Veteres Autores hoc referri nequit.

Ultimi

Ultimi argumenti tui, quod his verbis continetur : (*Tandem rigores continuarum febrium pro parte febrium in declinatione computantur quod passim Hippocrates innuit lib. 1. Epid. l. 3. l. 7. & alibi*) non modo ἀνεξέβηται non video, sed ne sensum satis percipio, ideoq; nec respondere commodè queam. De Celsi & Plinii Valeriani methodo nec non loquendi modis taceo: Si priora vera sunt, quæ attuli, supervacua erunt omnia, quamvis etiam benè de illis proponenda. Jam ad alia. Lienis excisio nullà me parte sollicitat, quam nimia hæmorrhagia, quæ necesse est exhaustire animal, si venæ & arteriæ præcidantur omnes; Quod si in parte lienis relinquantur, ut agglutinentur, excisio lienis dici nequit. Sed nihil hic serio ago, quia modum sive sistendi sanguinis & lienis excidendi ignoro. Tentavit nuper coram imperitis nonnullis opus Agricola; me vel alium Anatomiae medicæ saltem gnarum ad ἀντιψίαις non invitavit. Post tres dies expiravit animal, qui erat caniculus e venaticorum genere. De Illustri Burrho quæ narras, in memoriam revocant, quæ Henr. ab Heer de succo in vesicis ulmorum Mense Maio collecto obs. 4. scribit vulnera oculorum sanante, quod expertus primum in gallo Galina-

linaceo , deinde casu in puellâ maximâ ille cum admiratione est. De Burrho plurima audivi , non audeo interponere iudicium conscius vitii , qvod in me est nimia iudicandi libertas : Neq; enim autoritate ego cujusqvam vel tantillum moveor. Quæ procedente tempore rescisces , datâ occasione scribe : Credidi hætenus illius intima non nisi in posteros posse propalari : Utiles medicamentorum formulas sine dubio habet nonnullas , sed illarum utilitatem in Illustris Magnificentiæ speciem occultis artibus exornare & promovere videtur posse : Unam in eo notam limis adspicio : contemnit Viros qvosvis doctos : Principibus se immiscet aliisq; illustribus personis quamvis rudibus. Dn. Langio meo , qvæso Te salutem meo nomine offeras , dicasq; , nondum me mathematicas mittere cogitationes ; Si vitant prorogabit divina Majestas , nova propalabo de altitudinib; Solis diverso tempore heliostatio meo , hoc anno accuratè capris experimenta , & firmabo *θεωρη* ; unus saltem in cœlis inest motus , ab ortu in occasum ; nullus in contrarium. Hætenus ordinem epistolæ tuæ secutus sum ; Jam quasi ad novam digrediar , quæ est Sylvii disquisitionis. Prius tamen fateri debeo , non minimum me Tibi debere , cui acceptam illam

refero, quam à plurimis Amicis frustra requi-  
 sivi. In ipsâ autem disquisitione id primum de-  
 miror, non agnoscere Clariss. Virum senten-  
 tiam suam, quam novam & ex ipsâ praxi peti-  
 tam, à tritis autem creditisq; opinionibus in  
 multis discrepantem dicit, veterem jam esse,  
 postquam eandem jam olim propugnarunt  
 Erasistratus & Chrysippus; Ex Galeno hoc  
 apertum est; Is enim in comm. 1. in lib. 6.  
 Epid. text. 29. post quam asseruit ex Hippo-  
 crate febris essentiam superantem calorem  
 esse, sic statim addit: *Neq; enim arteriarum  
 motu febrium essentia continetur: Hac in re  
 namq; quomodo Erasistratus & Chrysippus hallucina-  
 ti sint, alias didicisti.* Validis rationibus op-  
 pugnat hanc opinionem Celsus lib. 3. c. 6.  
 rem vocans fallacissimam, venas, quibus cre-  
 di debet, an febricitet aliquis, vel febre vacet,  
 longior est, quam ut adscribi queat locus, legi  
 omnino meretur. Post hæc malè non natura-  
 lem pulsum & præternaturalem separat, ut  
 unum habeat pathognomonicum signum fe-  
 bris: Hic error multos insedit, singulis mor-  
 bis tale signum quæsituros. Raro vero vel nun-  
 quam uno signo absolvitur *pathognosis*: Sæpe  
 plura conjungenda ut simus de affectu certi,  
 quæ si juncta bene fuerint, oratio illa definitio  
 est

est per quam solam noscimus omnes morbos, & quicquam non per sensus, quasi intento digito, nobis commonstratur. Exemplum proponam de febre. Febrē definitio Calorem præternaturalem: Hunc iterum clarè sic definitio, ut omnis ille calor sit, qui innatum naturalemque sani corporis ita excedit, ut hominem offendat, actionesque aliquas vel plures corporis ejus lædat: Hac notione conceptus calor præternaturalis, etsi maximā ex parte febris, imò proprium genus & essentia ejus sit, non tamen παθολογικὸν σημεῖον. Balneum enim ex. gr. movere præternaturalem calorem potest, qui non est febris; Addo igitur intus succrescentis notionem. Hoc Celsus ex intimis præcordiis, & ex alto venire calorem vocat; Nondum restricta satis essentia febris hac notione est; quia calor præternaturalis in inflammatione alicujus partis intus succrescit, nec febris est; Ideo addo: In toto corpore; Verum ne hac notā maxima pars febrium excludatur, quæ calorem non habent in toto, iterum addo: vel in maximā ejus parte. Jam brevibus verbis absoluta constat febris definitio: Febris est calor præternaturalis qui intus succrescens vel in toto corpore vel in maxima ejus parte est. Hoc παθολογικὸν febris;

Quod si Sylvius vel alius exemplum sufficere  
 febris poterit, cui hoc non quadrat, in culpâ  
 ego & in vitio definitio; In æternum hoc  
 non præstabit Sylvius. Contra vero Sylvii  
 παθογνωμονικῶν ego exempla possum oppone-  
 re, quibus facile dignitate illud suâ excidet.  
 Optassem sanè ut Sylvius cum omnibus disci-  
 pulis quos ad praxin secum ducit, ut interro-  
 get, quid febris sit, adfuisset exemplo Puellæ  
 quadrimæ, in vestrà urbe, quæ cum destilla-  
 tionibus vexaretur succini pulvere suffiebatur,  
 concidebat protinus in pavementum. Sublata  
 reclinabatur in mensâ: oculos habebat aper-  
 tos, quasi videret adstantes omnes: interroga-  
 ta nihil respondebat, neq; intelligere se quic-  
 quam vel signo iudicabat ullo: in motu non  
 erat ulla abolitio, neq; etiam contra πρῶτον  
 ulla in parte advertebatur (motus) sine sensu  
 tamen erat, ut eorum qui in somno se mo-  
 vent: In collo tantus jugularium arteriarum  
 subsultus è longinquo videri poterat ut me-  
 tueres rupturas: Cor sub vestimentis videba-  
 tur similiter palpitare, imò & audiebatur: pul-  
 sus in carpo celer simul, & vehemens. Hæc  
 aliquandiu perdurabant: Tandem redibant  
 sensus ad naturalem statum, redibat & abibat  
 puella, quasi nihil passa, nisi quod de lassitu-  
 dine

dine quæreretur. De affectu si quæreretur, Sylvio ejusq; Sectatoribus dicendum necessarium fuisse febrem, quia non tangi modo sed & videri poterat pulsus præter naturam frequentior hoc est secundum ipsius definitionem, quia ab errore externo in non naturalium rerum abusu commisso forsan ortus, conjunctam habet notabilem corporis molestiam doloremve, atq; adeo functionis alicujus ad vitæ naturalis beatitudinem requisitæ labefactionem: Ergo febris fuit. Verum etsi quidem hic affectus minus notus multis sit, ex mille tamen Medicis vel Philosophis vel aliis, ne unus scio hic febrem nominasset; nisi forte Sylvius & Sylviani. Hippocrates vocat affectum *ἰερὴν νόσον μετὰ πάλμῳ ἢ ἀσθμῇ*; Celsus Comitalem dicit sine nervorum distentione. Senn. l. 2. p. 3. c. 4. malè *ἀφάνια* vocat, citatq; Spigeliū qui benè quidem describit morbum vetus autem nomen ignorat; Austriacis Moravis & Syris Timorem appellari ait quod non sine emphasi est. Nam ut iis qui summè timent, Cor sæpe vibrat palpitatq; ut audiri possit. nedum videri; Sic item illis qui hoc morbo corripi solent. Nusquam legi febrem dici, imo ne febrem cum hoc morbo implicari. *ἰδιὸν τὸν νοσούντα πρὸς οὐδὲν, ὡς τὸν ἀνθρώπου* unquam.



αἷμα πύγνυσι τὸ αἷμα ἐκ παντὸς πασι, ὃ, ἐδὲ γὰρ  
 αὐτὸ δύναμις δὴν ὁ ἄνθρωπος ἐκ τοῦ αἵματος πυκνότη-  
 τος τε καὶ ψυχρότερον γένοιτο πολλαπλησίως  
 αὐτὸ ἐωλεῖ. ψυχόμενος ἐν τῷ αἵματι, ἀνάγκη  
 ψύχεσθαι καὶ τὸ ἄλλο σῶμα πᾶν, καλεῖ-  
 ται εἶναι ὅτι τὰ τοῖς ἴσθιον γίνηται. Ex  
 his patet febris causam esse calidam; rigoris  
 frigidam; Etiam antecedentes causas illic ple-  
 rasque esse calidas; hinc omnes esse frigidas;  
 Differunt ergo febris & rigor totâ naturâ &  
 essentiâ, ut differunt quodque causis, neque hæc  
 illius pars censa veteribus est, nec censenda  
 aliis. Tertium exemplum addo, ex Autore  
 alio, nempe lib. de morb. 4. Hic longo pri-  
 mum sermone persequitur, quid & quomodo  
 possit in corpore aliquid nimis calefacere, &  
 tandem de calefacto addit: Τὸ θερμομαίνόμε-  
 νον προξυμθερμαίνει καὶ τὸ ἄλλο σῶμα καὶ τὰς  
 ὁ πυρετὸς γίνεσθαι &c. quæ paulo ante jam ad-  
 scripsi. Tandem ad causam frigoris & rigoris  
 divertitur, docetque illud fieri, concrecente  
 primum aqueo quodam humore, qui si non  
 exit per alvum cum eo, quod frigidissimum &  
 gravissimum inest, ad inferiora & præcipuè  
 ad ossa se atque nervos insinuare ibidemque rigo-  
 rem facere illi cepsetur. Patet ergo diversam  
 esse

esse febris & rigoris nec non frigoris causam; illic calidam; hic frigidam aut certè partes corporis certomodo resiccantem. Differunt ergò hæc quoq; inter se, neq; possunt rigor aut frigus in febre, ut partes, contineri, quia causis & totâ naturâ sunt separata. Hæc sunt, quæ faciunt, ut dubitem, an uno ore Veteres affirmant, unam eandemq; febris & rigoris esse causam, nempe calidam. Instas, Amice optime, Galeni autoritate & dicis disputare in hanc rem Galenum lib. 5. de sympt. caus. c. 4. Quæsi vi ego quid afferret Galenus, sed tres saltem hoc titulo libros ejus, non quartum vel quintum inveni; In contrarium autem insignem in dubiâ controversiâ nostrâ reperi locum Gal. lib. 2. de diff. febr. c. 6. ubi de febre epialâ ejusq; causis agit & circa finem, quid aliis quis non temerè de iis existimare possit, sibi quasi objicit his verbis; *Quispiam vero fortassis neq; simpliciter neq; à simplici causâ febres hujusmodi fieri arbitraretur siquidem totum id quod ex pituitâ putrescit, febrem accendit, reliquum verò quod nondum putrescit, cuius causâ rigescunt, non eandem habet cum putrescente qualitatem: Si igitur ab hac quidem rigor, à putrescente vero febris generatur, duplex semper aderit causa. Contingit verò & hic febrem quidem*

*quidem ab altera causa genero dicere fieri; rigorem verò ut pote alium à febre, ab altera, ut qui non sit, quod febris. Hactenus Galenus, quem Tu nihilominus addis, nusquam non urgere duce experienciâ, febrem præsertim intermittentem incipere à rigore, non post rigorem, Hoc ego nusquam legi: febris intermittens incipit à rigore, non post rigorem; Si vis credam, quamdiu non invenio, expressa Autoris verba transcribe aut certum locum nota. Fortasse autem posterior paragraphus, tua commentatio est. Quod si sic, abunde novi Galenum de intermittentibus sic loqui sæpius, sed hoc casu Galenum mitto, & ad commentatorem verto; Jam ante ex Celso allegavi quod ait ille: *quædam febres incipiant à frigore quædam ab horrore.* Hoc quidem sic circumscribo: quædam febres post frigus; quædam post horrorem incipiunt; Nihil enim notum magis quam hoc sensu hanc particulam & Celso & aliis usurpari; Nec alium sensum habet, cum Galenus vel alius Græcus dicit, τὸν πυρετὸν ἀφ' αἰνέσεως ἀπὸ τοῦ ὀίγου ἀρχεσθαι. In hanc enim sententiam Celsus quoq; l. 3. c. 12. *Horror (inquit) eas fere febres antecedit quæ certum habent circuitum & ex toto remittunt. Si horror illas febres antecedit, ergo febres illæ inci-**

incipiunt, & sequuntur post horrorem h. e. rigorem, ut posterioris ævi Autores Latini τὸ πῖς Hippocratis reddunt, quod Celsus semper per horrorem vertit. Τὸ δὲ igitur in hæc phrasi notat, post. Quod Abensina in contrariū nostræ sententiæ scripsit id levi brachio repello. Nullū enim ego Arabem in Medicinæ controversiis Magistrum agnosco, multo minus, cum quæritur, quid τὸ πυρετὸς nomine intelligendum propriè, & an eo nomine τὸ πῖς vel ἡ φεβρία inclusum sit. Fortasse Arabes ita locuti sunt, ut utrumq; uno nomine comprehenderint; Id vero non magis ad me, quam quod populus ita vulgo confundit.

Quod de Φευκῶδες πυρετὸς opponis, possum concedere; Si dicam enim Comœdiæ vel earum quidē actus hodie symphonias interrumpuntur; Nemo ex his rectè inferet: Ergo symphonias sunt partes comœdiarum. Similiter nec horrorem partem esse febris dicere licebit, si constat in ipsius febris accessione etiam aliquando bis, ter, & sæpius horrorem incidere & repetere. Φευκῶδες πυρετὸς, quod ad typum attinet ἡμιτελαῖος dicitur aliàs Hippocrati. De hoc Celsus lib. 3. c. 8. *Habet* (inquit)

Magistros, quos ego hic sequor, temerè non deferant etiam si subtile magis forent quam utiles eorum conatus. Illorum argumenta, an veritate sua nitantur, nescio quia non legi; Arbitrium Tibi defero, an mea, quæ sunt pro ead. sententiâ, huç usq; adducta, argumenta, veritatis saltem speciem præferant, si non ipsam illam inferant. Conciliationem tuam lubens admitto, modò doceas me, quomodo & cujus primo consilio calor in augmento febris, improprie febris appellandus sit; oculus v. in rigore, è contrario & proprie febris fiat, cum omnes Veteres illum pro verâ febre agnoscant; Hunc nemo febris partem esse, aut certè non sine dubio finit. Locus Hippocratis ex 6. Epid. libro nihil contra sententiam meam opponit. Saltem loco differre febrem & rigorem innuit; Sunt ergo separata illa; etiam si causâ communi non differrent, quod tamen planum supra in contrarium feci. Quod si autem in febre contineretur rigor ut pars, quomodo intelligi posset, quod febris in inferiori ventre; rigor in superiori contineri dicitur. Quo in loco totum inest in eod. & pars est, quia pars continetur in toto; De computo quod objicis, id illo modo novum est ad Veteres Autores hoc referri nequit.

Ultimi

Ultimi argumenti tui, quod his verbis continetur: (*Tandem rigores continuarum febrium pro parte febrium in declinatione computantur quod passim Hippocrates innuit lib. I. Epid. l. 3. l. 7. & alibi*) non modo ἀνεξέστηαι non video, sed ne sensum satis percipio, ideoq; nec respondere commodè queam. De Celsi & Plinii Valeriani methodo nec non loqvendi modis taceo: Si priora vera sunt, quæ attuli, supervacua erunt omnia, quamvis etiam benè de illis proponenda. Jam ad alia. Lienis exsectio nullà me parte sollicitat, quam nimiam hæmorrhagia, quæ necesse est exhaustire animal, si venæ & arteriæ præcidantur omnes; Quod si in parte lienis relinquantur, ut agglutinentur, exsectio lienis dici nequit. Sed nihil hic serio ago, quia modum sive sistendi sanguinis & lienis excidendi ignoro. Tentavit nuper coram imperitis nonnullis opus Agricola; me vel alium Anatomix medicè saltem gnarum ad ἀντιψίαι non invitavit. Post tres dies expiravit animal, qui erat caniculus e venaticorum genere. De Illustri Burrho quæ narras, in memoriam revocant, quæ Henr. ab Heer de succo in vesicis ulmorum Mense Mayo collecto obs. 4. scribit vulnera oculorum sanante, quod expertus primum in gallo Gal-  
lina-

linaceo, deinde casu in puellâ maximâ ille cum admiratione est. De Burrho plurima audiui, non audeo interponere iudicium conscius vitii, quod in me est nimia iudicandi libertas: Neq; enim autoritate ego cujusquam vel tantillum moveor. Quæ procedente tempore rescisces, datâ occasione scribe: Credidi hætenus illius intima non nisi in posteros posse propalari: Utiles medicamentorum formulas sine dubio habet nonnullas, sed illarum utilitatem in Illustris Magnificentiæ speciem occultis artibus exornare & promovere videtur posse: Unam in eo notam limis adspicio: contemnit Viros quosvis doctos: Principibus se immiscet aliisq; illustribus personis quamvis rudibus. Dn. Langio meo, quæso Te salutem meo nomine offeras, dicasq;, nondum me mathematicas mittere cogitationes; Si vitari prorogabit divina Majestas, nova propalabo de altitudinib; Solis diverso tempore helioliabio meo, hoc anno accuratè captis experimenta, & firmabo *θέτιν*; unus saltem in cœlis inest motus, ab ortu in occasum; nullus in contrarium. Hætenus ordinem epistolæ tuæ secutus sum; Jam quasi ad novam digrediar, quæ est Sylvii disquisitio. Prius tamen fateri debeo, non minimum me Tibi debere, cui acceptam illam

P

refero

refero, quam à plurimis Amicis frustra requi-  
 sivi. In ipsâ autem disquisitione id primum de-  
 miror, non agnoscere Clariss. Virum senten-  
 tiam suam, quam novam & ex ipsâ praxi peti-  
 tam, à tritis autem creditisq; opinionibus in  
 multis discrepantem dicit, veterem jam esse,  
 postquam eandem jam olim propugnarunt  
 Erasistratus & Chrysippus; Ex Galeno hoc  
 apertum est; Is enim in comm. 1. in lib. 6.  
 Epid. text. 29. post quam asseruit ex Hippo-  
 crate febris essentiam superantem calorem  
 esse, sic statim addit: *Neq; enim arteriarum  
 motu febrium essentia continetur: Hac in re  
 namq; quomodo Erasistratus & Chrysippus halluci-  
 nati sint, alias didicisti.* Validis rationibus op-  
 pugnat hanc opinionem Celsus lib. 3. c. 6.  
 rem vocans fallacissimam, venas, quibus cre-  
 di debet, an febricitet aliquis, vel febre vacet,  
 longior est, quam ut adscribi queat locus, legi  
 omnino meretur. Post hæc malè non natura-  
 lem pulsum & præternaturalem separat, ut  
 unum habeat pathognomonicum signum fe-  
 bris: Hic error multos insedit, singulis mor-  
 bis tale signum quæsituros. Raro vero vel nun-  
 quam uno signo absolvitur *παθγνωσις*: Sæpe  
 plura conjungenda ut simus de affectu certi,  
 quæ si juncta bene fuerint, oratio illa definitio  
 est



est per quam solam noscimus omnes morbos,  
 & quicquam non per sensus, quasi intento di-  
 gito, nobis commonstratur. Exemplum pro-  
 ponam de febre. Febrem definio Calorem præ-  
 ternaturalem: Hunc iterum clarè sic definio,  
 ut omnis ille calor sit, qui innatum natura-  
 lemque sani corporis ita excedit, ut hominem  
 offendat, actionesque aliquas vel plures corpo-  
 ris ejus lædat: Hac notione conceptus calor  
 præternaturalis, etsi maximâ ex parte febris,  
 imò proprium genus & essentia ejus sit, non  
 tamen παθολογονικὸν σημεῖον. Balneum  
 enim ex. gr. movere præternaturalem calorem  
 potest, qui non est febris; Addo igitur intus  
 succrescentis notionem. Hoc Celsus ex inti-  
 mis præcordiis, & ex alto venire calorem vo-  
 cat; Nondum restricta satis essentia febris hæc  
 notione est; quia calor præternaturalis in in-  
 flammatione alicujus partis intus succrescit,  
 nec febris est; Ideo addo: In toto corpore;  
 Verum ne hæc notâ maxima pars febrium ex-  
 cludatur, quæ calorem non habent in toto,  
 iterum addo: vel in maximâ ejus parte. Jam  
 brevibus verbis absoluta constat febris defini-  
 tio: Febris est calor præternaturalis qui intus  
 succrescens vel in toto corpore vel in maxima  
 ejus parte est. Hoc παθολογονικὸν febris;

Quod si Sylvius vel alius exemplum sufficere  
 febris poterit, cui hoc non quadrat, in culpâ  
 ego & in vitio definitio; In æternum hoc  
 non præstabit Sylvius. Contra vero Sylvi  
*παθογονομενικῶ* ego exempla possum oppone-  
 re, quibus facile dignitate illud suâ excider.  
 Optassem sanè ut Sylvius cum omnibus disci-  
 pulis quos ad praxin secum ducit, ut interro-  
 get, quid febris sit, adfuisset exemplo Puellæ  
 quadrimæ, in vestrà urbe, quæ cum destilla-  
 tionibus vexaretur succini pulvere suffiebatur;  
 concidebat protinus in pavementum. Sublata  
 reclinabatur in mensâ: oculos habebat aper-  
 tos, quasi videret adstantes omnes: interroga-  
 ta nihil respondebat, neq; intelligere se quic-  
 quam vel signo iudicabat ullo: in motu non  
 erat ulla abolitio, neq; etiam contra *αεὶ κίνησις*  
 ulla in parte advertebatur (motus) sine sensu  
 tamen erat, ut eorum qui in somno se mo-  
 vent: In collo tantus jugularium arteriarum  
 subsultus è longinquo videri poterat ut me-  
 tueres rupturas: Cor sub vestimentis videba-  
 tur similiter palpitare, imò & audiebatur: pul-  
 sus in carpo celer simul, & vehemens. Hæc  
 aliquandiu perdurabant: Tandem redibant  
 sensus ad naturalem statum, redibat & abibat  
 puella, quasi nihil passa, nisi quod de lassitu-  
 dine

dine quæreretur. De affectu si quæreretur, Sylvio ejusq; Sectatoribus dicendum necessarium fuisse, fuisse febrem, quia non tangi modo sed & videri poterat pulsus præter naturam frequentior hoc est secundum ipsius definitionem, qui ab errore externo in non naturalium rerum abusu commisso forsan ortus, conjunctam habet notabilem corporis molestiam doloremve, atq; adeo functionis alicujus ad vitæ naturalis beatitudinem requisitæ labefactionem: Ergo febris fuit. Verum etsi quidem hic affectus minus notus multis sit, ex mille tamen Medicis vel Philosophis vel aliis, ne unus scio hic febrem nominasset; nisi forte Sylvius & Sylviani. Hippocrates vocat affectum *ἰερίων ὕστερ μετα παλμὸν καὶ ἀσθμὰς* Ⓞ; Celsus Comitialem dicit sine nervorum distentione. Senn. l. 2. p. 3. c. 4. malè *ἀφωνίας* vocat, citatq; Spigeliū qui benè quidem describit morbum vetus autem nomen ignorat; Austriacis Moravis & Syris Timorem appellari ait quod non sine emphasi est. Nam ut iis qui summè timent, Cor sæpe vibrat palpitatq;, ut audiri possit. nedum videri; Sic item illis qui hoc morbo corripiti solent. Nusquam legi febrem dici, imo ne febrem cum hoc morbo implicari.

... p 306, ... nunquam

unquam. Ex his certitudinem Pathognomici Sylviani æstimes velim. Sexcenta possem enumerare & stringere alia vitia, ab hoc uno errore derivata, supra capitale etiam unum, quod leges Medicinæ veteris fundamentales evertat Sylvius. Sed quid ad me? Saltem miror, cum nomina febris Græca ut πυρετός, πῦρ, καὶ σφοδρὴ θερμότης, θερμὴ, φλεγμασία, φλεγμονή, καύμα &c. à calore addita sint omnia, nullum inveniri à pulsu, quandoquidem hæc essentia sit. Sed ad ea verto me, quæ fundamentum simul doctrinæ meæ & veteris Medicinæ quasi per cuniculos subvertere videntur velle. Ea sunt: *Quamvis plerisq; febribus comes sit universi corporis calor auctus &c. quoniam tamen is nec omni nec soli nec semper convenit Febri, eundem pro inseparabili & pathognomonico ipsius signo neutiquam putamus habendum.* Sed quis quæso ita simpliciter calorem auctum pro signo febris habet? Quotquot ego legi s. veteres s. recentiores non omnino stupidos, addebant auctum eo usq; ut lædat s. offendat. Fingit ergo Sylvius sibi Authores; quos suis deinde observationibus ipse confutet. Hinc ergo in scenam Maniacum adducit, cui calor auctus non febris fuit. Quis nescit verò calorem naturalem augeri æstu, labore, somno, metu, sollicitu-

citudine, irâ, disputatione, altercatione, vino largiore, cibo & potu, & mille aliis modis? Interdum etiam post hæc febricitat aliquis; Sæpius tamē calor auctus sine offensione remittit, & nemo est, qui febrem incuset. Potest ne Sylvius omnes in Maniaco prædictas causas excludere, ut ne credamus, inde fuisse auctum calorem? Si potest, addere etiam debet, an offenderit ille calor, vel non. Si illud fuit, febris fuit; Sin hoc nulla. Si non potuit certò satis advertere Sylvius, ut in alterutrum sententiâ definitivâ inclinaret, in dubio relinquendum illi aliisq; fuit, febricitet ne vel non Maniacus. Fatendum enim utiq; est, sæpius, initiò præsertim morborum, in plurimis obscure *Αγνωστικὰ* signa apparere. In proposito de febre sermone exemplum sufficiam, in quo melius quam de Maniaco claret quod dicendū est. Curavi hic Elephantiacum cui singulis diebus manè certâ horâ calor per totum corpus diffundebatur, non alio sensu, quam si per caput toto corpore calidâ aqua perfunderetur, ut affirmabat; Interim nihilominus ambulabat, in vulgus exhibat, edebat, bibebat & omnia ut sanus agebat, nullâ notabili in pulsu, in spiritu, in urinâ interveniente mutatione; Saltem pruritus cum calore augebatur, ut con-

tinere ungues à tumoribus, & ulceribus parvis nequiret, unde ater sanguis dimanabat per crura; Semper quidem verò pruriebat illi cutis, sed exacerbatio ejus & tumefactio, s. tumorum in majorem molem elevatio, duas vel tres summum perdurabat horas. Dubitare hic aliquis de febre posset quia calor auctus adeò non offendeat, Sed quoniam ex aliorum observationibus novi, ubi vetus hic morbus est, febriculam oriri, cur non suspicer initium febriculæ calorem auctum fuisse, quem cum ipso morbo discussi, antequam rescivi, quid sine medicinâ potuisset exinde subnasci. Similiter Melancholicis cum tempore tardè & initio obscure accedunt febriculæ: Quis negabit Maniaco uni vel alteri idem posse obvenire, ut ne initium febris calor auctus etiam sit, si non est febricula. Hæc primo Sylvii argumento & exemplo sint opposita, ut soli feбри competat calor præternaturalis auctus, quod temerè inficiari ille ausus fuit. Alter ipsius Elenchus est: Non omni feбри conjungitur calor auctus, cum nunquam occurrant & suo & adstantium & ipsorum Medicorum calculo febricitantes, quales etiam hic in Nosocomio habuimus & examinandos stitimus Medicinæ Studiosis, in quibus nunquam ne quidem per aliquot septimanas imò menses ob-

*servatus est in ullâ corporis parte nedum universo corpore auctus calor vel ab ipsis ægris vel à Nobis aliq̃ Mediciis vel adstantibus coeteris sed contra frigus perseverans ( sine dubio ρίγος hic vult ) ægruq̃ valde molestum & adstantibus omni tempore manifestum. Hic ego nihil desidero, quam quod Ægri & Adstantes, & Medici, & Sylvius ignorent, quid sit ρίγος ἀνεκθήριμαυτον Hippocratis, & ρίγος χωρὶς πυρετοῦ. Galeni Hippocrates lib. i. de morb. scripsit, ρίγος ἢν λάβῃ, πῦρ ἐπιλαμβάνειν αἰνύκη. Galenus cum propria simul & aliorum quoq; observatione didicisset, horrorem ( ρίγος ) aliquando invadere, nullo subsequente calore, (cujusmodi ego exemplum in Odontalgico vidi) necessitatem illam sic sustulit, ut modestâ simul & probabili ratione non uno in loco Hippocratem excusaret. Ab eo tempore nemo facile, præsertim verò, qui alios falsitatis arguere satagit, sine παρεργματος nota ignorare potest, incidere id aliquando, ut solo rigore aliquamdiu sine subsequente calore affecti deprehendantur; Ne quid novi verò aliquis Sylvium observasse putet, cum dicit per aliquot septimanas imò menses perseverans frigus perstitisse, sciri debet etiam Galenum sic aliosq; vidisse. Ita enim*

ille de sympt. causis l. 2. c. 4. *Qvippe (inquit) non nobis modò sed etiam multis medicis, qui nos præcesserunt, jam visi concutientes rigores sunt sine febre, non tamen ita validi ac qui legitimas tertianas quartanasve præcedunt aut qui ardentes febres finiunt.* Hæc Galenus de modo; de tempore, lib. 2. de diff. febr. 2. c. 5. ita scriptum reliquit: *Est autem hic sine febre rigor, qui nonnullis quidem accidit semel, nonnullis autem per vices interpolans multorum dierum spatium vel à principio usq; ad finem continuatur.* Hæc si legisset Sylvius, rectius sine dubio de observationibus suis & ipsâ veritate statuisset. Neq; causam video, si legisset, cur sine causâ contra Veteres Artis & elocutionis Magistros, febrem appellasset; quod *ρίζος χωρίς πυρετόν & ρίζος αἰκθέρματον* illi censuerunt appellandum; Et vicissim cur febrem eâ notione excludat, quâ illi incluserunt primò. Ad tertium Sylvii argumentum venio, & quod contra aliud quendam de assumptis medicamentis juvantibus & nocentibus urget ut *ἀλλότριος*, studio prætereo; *Non semper (verò inquit) febribus adest comes calor, cum circa intermittentium initia plerumq; & diu & graviter affligat ægros, ut in ipso solo Vulgus totam febrem constituat.* Non ausus fuisset de Sylvio queri,



qveri, ita semper agendum mihi cum eo esse,  
 quasi τῶν τυχόντων ἐνὶ, nisi ipse se hic immi-  
 scuisset vulgo, cui ipse ὁμόψηφος. Scio vul-  
 gum cum videt aliquem rigore vel horrore  
 corripī, ita loqvi: Ne frige dat Seber. Sed aliter  
 Hippocrates lib. 1. Epid. ægr. 4. Φιλῶν  
 (inquit) γυνᾱικα πῦρ ἔλαβε μετὰ ρίγος, &c.  
 τῇ ὀγδοῇ, Περριγῶσε, πυρετὸς ὀξύς. Ægroto  
 11. ibid. Δεσμάδω γυνᾱικα ρίγος ἔλαβε,  
 πυρετὸς ὀξύς. &c. τῇ τρίτῃ πρὶ μέσον ἡμέρης  
 Περριγῶσε, πυρετὸς ὀξύς. Et libr. 3. epid.  
 ægr. 12. Τῇ δευτέρῃ, σμικρὰ Περριγῶσε,  
 πυρετὸς ὀξύς. Et lib. 1. de morbis ρίγος ἢ  
 λάβη, πυρετὸς Πιλαμβάνει. In summa, ubi-  
 cunq; Hippocrates πυρετὸς meminit, rigo-  
 rem à calore distinguit, illum suo, hunc febris  
 nomine disertè exprimens. Non aliter Gale-  
 nus plurimis in locis; Non aliter usquam Cel-  
 sus: Inter alia & præter ea, quæ jam ex eo  
 autore allegavi lib. 3. cap. 11. *Solet* (inquit)  
*etiam ante febres esse frigus. c. 12. Horror autem*  
*eas ferè febres antecedit, quæ certum habent cir-*  
*cuitum, &c.* Quomodo, quæso, frigus ante  
 febrem esse, aut horror antecedere febrem  
 potest, si hic vel illud febris pars existimetur  
 esse. Sed quid dicam plura? Rem in bivio esse  
 satis

satis patet, modo pateret quæ divertendum sit, huc scilicet cum Ducibus Hippocrate, Galeno, Celso? an illuc vero per novas ambages cum Sylvio? Cæterum ubi causa Veteres deferendi nulla movet, illis Ducibus malo adhærescere. Quæ supersunt in Sylvii disquisitione de motu cordis, de controversiâ, quam inter Harveum & Cartesium examinat, de pulsu cæterisq; aliis, ad ea nihil, quam quod optarem & novam de febribus doctrinam typis expressam possem communicare tecum aliisq; bonis, utq; ex oppositione, de Sylvii & aliorum litigiosis placitis, meâ verò simplici facilitate, eò melius posset judicari. Tractatum de febribus meum unâ cum Schediasmate de Flammulâ cordis luci edendum per Amicum abhinc Amstelodamum misi: Commendavit is Dn. Doct. Bonaventuræ Dortmond, Consularis Viri Joh. Blæu Genero opus, qui datis ad me literis promisit, procuraturum se, ut typis imprimatur; Sed tardè adeo procedit impressio, ut post semestrem spatium nesciam, an manum operi admoverit Typotheta. Occasio illa, quam Amicus hic insperatò offerebat libellos meos Amstelodamum transferendi, fecit, ut promissis stare non potuerim, quibus spem feci scriptum, si non impressum, me Tibi transmissu-

missurum esse de flammulâ cordis schediasma, quod utiq; vellem legisses, ut scirem, an sustinere censuram & expectationem possit. Sed nisi bibliopolam agere me non posse, exemplariumq; distractionem apud me tardari longius, prævidissem, propriis voluissem sumptibus Opusculum in lucem edere. Retardavit quoq; impressionem Amstelodami, quam interim per literas urgere non potui, morbus, qui me graviter detinuit, malignus. Cum primum sentirem *δυσπνέσαι*, commodâ medicinâ ita impugnabam, ut per novem dies, quibus superesse etiam negotiis potui, non magnam exferere vim potuerit; Decimo, undecimo, & duodecimo à potestate mentis exieram; Post paucos dies iterum erigebam in pedes, & jam nunc plenè & benè per Dei gratiam convalui, cui te ut optime semper cum omnibus Tuis valeas, & diu Medicinæ commodis supersis, ex animo commendo. Vale Vir Excellentissime, Præceptor optime, & quam diu vivis me ama. Scribebam Tönningæ anno 1662, Calendis Decemb.

Nobiliss. Excellentiæ T.

omni observantia studioq;  
addictiss.

Jac. Holste

P. S.

P. S. Scripsi hæcenus Vir Excellent. hæc forma Epistolari, contra leges epistolæ h. e. longius. Culpa in animo est, qvi studuit expectationi satisfacere & placere, nec potuit satis addere; Veniam dabit Humanitas tua; Interim etsi contra leges epistolæ scripserim, nolim tamen contra modestiam tuiq; observantiam quicquam esset scriptum, imò ne verbulum; Si quod tamen per imprudentiam excidisset, dum argumentis & elenchis tuis doctissimis simul & acutissimis me obtusis rationibus meis oppono (quod tamen iussisti,) deprecor culpam, & veniam à connata tibi Humanitate peto. Fidem veniæ dabit manus tua, cum videro quamprimum nec recusare maturum responsum; Interim iterum vale. Vir Excell. Nobiliss. & me ama,

---

## EPIST. XLVII.

*De Rigore febrili ejusq; causa.*

JACOBO HOLSTIO

Tonningam.

**C**Alidi amoris signum est, & ignei ingenii documentum, quod in ignea febris essentia probanda pro veterum autoritate tam fervide & acutè nuper in arenam descenderis.

Qvan-

Quamquam verò pauci sint in *Coi* ejusq; successorum scriptis versati, qui id negare possint, recentiorum tamen consensum tantorum authorum testimoniis vix impetramus, qui veteribus neglectis novas in Medicina hypotheses duce experientia conantur condere. Ego quidem in veterum libris invenio quæ me in venerationem antiquitatis perducunt, haud facile deferendæ; recentiorum verò inventa vel placita rejicienda non puto, quibus veteres vel illustrantur vel corriguntur. Illorum auctoritati assurgo, sed horum felicitatem laudo & industriam, quod seculum nostrum non obmutescat. De febribus in præsentem erit sermo, quarum in calore essentiam consistere negant magni nominis Medici quidam, qui seculum nostrum aliis inventis pulcherrimis ditarunt. Inter quos eminent & scientia Medica & amicitia mihi colendi, *Johannes Walæus* & *Franciscus Sylvius*. Utriusq; rationes & sententias impugno, veterum amore, quos illi quidam in hoc negotio deseruerunt. Pro *Walæo* defuncto non nihil tentavi in Epistola ad Te scripta, pro se *Sylvius* respondeat, qui etiamnum inter vivos magnam gloriam meretur, utinam diutissimè. *Walæi* tamen sententiam non eo animo defendi, ut Tibi aliisq; credendi auctoritate

ritate quadam Magistrali præirem, sed ut vires ingenii, Præceptori addictissimus, experirer, Tibiq; occasionem præberem rem hanc accuratius expendendi, qui in isto de febribus argumento laudabili diligentia versaris, & acutum vides. *Walei* igitur dogma argumentis nonnullis ex veterum Medicorum penu depromptis fulcire volui, iusto pietatis exemplo. Et ut beatis ejus manibus benè precari debeo, ita & opinionibus, quantum veritas permiserit. Sunt enim ingeniorum fœtus, quos etiam parentum causa amamus, si non degenerent: Præceptorū quoq; posteros eo loco quo germanos fratres apud me fore, *Hippocrati* in jureiurando promissi, quorum cohortem stipatam esse oportet. Age igitur, mi *Holsti*, meq; præceptoris *Walei* partes sublevantem placidè excipe. Si causa cecidero, scias alienam fuisse, non meam. Ad duo momenta reducuntur quæ hac epistola tecum disceptabo. Unum est, an rigor vel horror febrilis, febris pars sit; alterum causa rigoris frigida ne sit an calida. Calorem ex essentia febris exclusurus *Waleus* ingeniosus, rigorem & horrorem pro rei argumento adduxit, quem ipsam febrem esse contendit. Ego magni Viri sententiam veterum auctoritate firmatam scio, nec ratione destitutam.

Partem

Partem febris esse rigorem *Celsus*, quem familiarem habes, manifestè indicat. l. 3. c. 3. de quotidianis: *alia protinus à calore incipiunt, alia à frigore, alia ab horrore*. Initium certè rei, pars est ipsius. Initium anni, anni pars est; initium vitæ & exordium nativitatis inter ætatis partes numeratur. Sic morbi initium, pro morbo incipiente sumitur. Calor certè febrilis, à quo febrium paroxysmi oriuntur, febris particula est, & sicut calor febrilis initium est febrium, ita & frigus & horror febrilis inter eadem febrium initia à *Celso* recensetur. Igitur si initium rei, ejusdem est pars; rigor quoque febrilis, à quo initium sumit febris, ejusdem pars censenda. Estque rigor, à quo initium habent febres, sicut exordium concionis seu orationis sacræ, ut simili tuo utar ad verum sensum converso, ad universam orationem. Nemo negabit, exordium orationis, ejusdem esse partem. Ita accessionem febrilem, cujus pars est rigor, horror, frigus, &c. partem febris esse, inficiari non potes, quæ magnam nonnunquam periodi febrilis partem implet. In hæmitritæo enim fere sex & triginta horæ per accessionem occupantur, fatente *Celso* l. 3. c. 3. Negotium hic nobis facessit *Horatius Augenus* lib. 6. Epist. Med. ubi contra *Altimarum*

disputat, rigorem qui antecedit febrem, non esse principium febris, sed solius accessionis, differreque duo hæc inter se, febrem & accessionem. Differre inter se largiri possum, sed ut pars à toto. Alioqui magnam febris partem accessio occupat, sicut *Celsus* docuit. Rigor autem si accessionis est principium, certè erit & febris principium, siquidem accessio ipsius febris pars est magna, sicut & declinatio, cujus pars, febris quoque pars dicenda. Sed videamus *Augenii* rationes, quibus motus rigorem principium febris esse pernegat.

I. Principium febris est, cum calor igneus est accensus in corde. Atqui, dum ægroti rigent in febribus intermittentibus, nondum calor est accensus in corde. Ergò dum rigent ægroti, non adest febris principium. R. ad minorem. Calorem in rigore esse accensum in corde pulsus indicat, sitis, urinæ mutatae, &c. Rigor enim ex sententia veterum, non impedit quò minus calor in corde sit, quò copiosius confluit extremas partes deferendo. Deinde in principio febris, calor in corde istum ignei æstus gradum non acquisivit, qualis in augmento observatur, idcirco tamen febris pars accessio esse non desinit.

## II. Febris



II. Febris est calida totius corporis intemperies: At, dum rigor adest, corpus non calidam sed frigidam intemperiem habet, Ergò dum riget non febricitat. R. Frigiditas exteriorum partium, vel rigor musculorum, non impedit, quò minus calida intemperies principem corporis partem, cor scilicet, invadat, unde febris nomen essentiamq; mutuatur. Dum igitur riget, non febricitat in illa parte, si veterum dogmati insistamus, at aliter respondendum ex hypothesi Walæana.

III. Febris, ut febris, calor est p. n. toti corpori communicatus. At dum adest rigor, nondum hic calor per totum corpus transmissus est. Ergò rigoris tempore febris non adest. R. *Galenus* solvit hunc nodum loco à Te lecto: febris enim essentiam ille ponit in calore præternaturali maximè quidem in totum animal effuso; sin minus, in plurimis partibus, vel in nobilissimis accenso. Quamquam ex hypothesi Walæana, calor in febre per corpus diffusus effectum potius sit febris, quam febris essentia.

IV. Dum ægroti rigent, tempus non est cibum exhibendi, quia inquit *Galenus* l. 3. Acut. indicat futuram febrem. Ergò rigente ægroto ante febrem, febris non adest. R. prout

sus vera est conclusio. Si enim ante febrem rigor adsit, febris nondum aderit. At plus in conclusione est quam fuit in præmissis. Futura illa febris apud *Galenum* est intelligenda de manifesto calore, qui demum sentitur postquam rigor discussus fuerit. Non negat tamen rigentes ægrotare. Si ægrotant, febre laborabunt, nam de aliorum morborum rigore non loquimur, nec *Galenus* ibidem. Rigore vigente à cibo libenter abstinent febricitantes, quia motu illo vehementi & molesto impediuntur. Potum tamen avidè appetunt, quia æstuant febrili calore interiora viscera.

V. Gal. de inæq. intemp. & l. de diff. Febr. epialam & lypiriam constare docet duplici intemperie inæquali, una frigida, qua rigent, alia calida qua ægroti febricitabant. R. Febris hæc lypiria hypothesin, de qua sæptam controversiæ ducimus, validè roborat, ex quacunque causa rigorem deducamus. Duplex enim illa intemperies, qua rigent ægri & calent, unam febrem constituit, & æqvè nomenclatura febris rigenti ac calenti competit, parsque febris rigor dicitur. Plura pro sententia sua non urget *Augenius*, quæ hypothesin hanc infringant. Subtilis enim magis quam verus mihi videtur, quando rigoris tempore febrem  
ante-

antecedentis, non adesse febrem sed dispositionem ad febrem scribit. Dispositio ista prius in corpore fuit quam rigor invaserit, à causis procatarcticis, vel antecedentibus, quas enumerat *Galenus* l. 1. de diff. febr. cap. 3. Rigoris autem tempore revera febris adesse principium, ex *Celso* probavimus, qui initium febres habere docuit à rigore, horrore, &c. principium autem rei, rei partem esse, nulli dubitamus. Unitatem enim, quæ principium est denarii, partem denarii esse, in confesso est. Atrium quoque ædium esse partem, tam certum est, ut negari non possit. Veteribus inauditum id non esse, quod de rigore dixi, præter *Celsi* testimonium, alia authorum nostrorum loca contra Te evincunt, eaq; Medicorum Principum. Ab ipso *Hippocrate* ordiamur. Is in Epidemiorum libris rigorem in febribus acutis cum ipsa febre computat ferè ubiq; l. 1. Epid. l. 2. stat. 3. quod si qui vigesimo novo insuper rigore corripierentur, iis quadragesimo die morbus decrevit. Pleriq; autem omnes sub primam judicationem denuo rigeabant. Quin etiam quidam per exordia sub judicium ipsum novo rigore correpti, adhuc in ipsis morborum reversionibus una cum judicatione riguerunt. Vere autem rigeabant omninò pauci, æstate

q 3

plures,

plures, per autumnum adhuc plures, sub hyemem longè plurimi. In sectionibus sequentibus alia hujus computi exempla occurrunt, quæ non vacat hic repetere. Æger decimus libr. 3. f. 3. instar omnium fit, qui forte hæc meditati ad manus erat. Huic Nicodemo primo die febris oborta, cum stomachi fastidio, siti, lingua exusta, urinis nigris. Postridie demum cum horrore invasit. Tertio imminuta erant omnia. Quarto iterum rigor cepit cum febre magna. Idem horror circa vespèram vigesimi. Rigores febriles in hoc sæpius recurreunt, imprimis diebus paribus, & tamen judicatus dicitur, quod valdè rarum. Ut plurimum enim cæteri, quibus rigor die pari exortus memoratur, interierunt. Quia ex eodem *Hippocrate* exacerbationes diebus paribus malæ sunt. Igitur de rigore aliter sentire non possumus, quam, ex Hippocratica doctrina, febris partem esse, quia cum febre, in febre oritur & exacerbatur, & iisdem cum febre diebus computatur. Nec præcedit febres, quia in exacerbationibus, in declinationibus febrium observatur laudato *Hippocrati*. Nullo jure rigorem intermittentium distingvimus ab illo quem acutæ febres habent. *Hippocrates* Coac. Prænot. 26. utriusq; eandem conditionem ponit. Causa quoq;

quoq; eadem, acris nempe vapor interna viscera atrodens, sive ille à venenata qualitate, ut in malignis, sive à biliosa, ut in tertianis, &c. elevetur. Malignæ idcirco febres, à rigore quoq; incipiunt, & intermittentes mentiuntur, primo, secundo, tertio, quarto, octavo diebus repetentes cū rigore & frigore, quale exemplum in Pythione recitat *Hippocrates* l. 3. Epid. s. 3. ægr. 3. Expende quæso, mi *Holsti*, & tecum delibera, an rigor, in his febribus eo modo repetens, febrium partibus annumerari non debeat. Invadit enim cum febre, febre manente, febremq; & comitatur, & ei supervenit. Duo illustres in hujus rei confirmationem *Aphorismi* extant sect. 4. Aph. 46. & 58. in illo rigor invadit febre non intermittente, vel, quod *Vallesius* addit, non magno pere sublata; in hoc causo supervenit cum morbi solutione. Vides rigores & in principio & declinatione febrium, febribus coherere ut partes, si quidem omnibus febrium temporibus adsunt, nec minus principium & declinatio partes febrium sunt quam incrementum & status. De *Galeno* tanto parcius ero, quantum ille loqvaciore. Testatur verò is l. de Tremore cap. 7. apud veteres Medicos receptum fuisse, febrem comitari necessariò rigores. Et

l. 5. de sympt. Caus. c. 5. rigores semper febrim sequi, ut vetus sermo erat, verum ex omni parte esse negat. Quippe non solum sibi, sed compluribus quoque ante eum Medicis, visum rigorem sine febre, non tamē adeò validū, ut is qui vel tertianam vel quartanam præcedit, vel is quoque qui & ardentes & calidas febres finire potest. Ne Te suspensum teneat liber hic quintus; quē in tuo exemplari non invenisti: scias me sequutum editionem Galeni Lugdunens. apud Beringos fratres M.D.XLVII. in formo portatili, in qua De Morborum & Symptomatum differentiis & causis libri sex uno titulo conjunguntur *Guilielmo Copo* Basileiensi interprete. Eo loco rigorem sine febre vidit contra veteres Medicos *Galenus*, quia à prava victus ratione originem ducit, in qua veteres non aberrarunt. Nobis autem de rigore sermo est, qui febrilis est, quemque notat diligenter ibidem *Galenus* vel præcedere tertianam quartanamque, vel ardentes finire; ut testetur tam illum esse febris partem, à quo incipit febris, quam hunc, in quem desinit. De Dissensu *Galenus* ratione causæ diversæ, post paulò d. Auri sumus. Adhuc in sententia persisto, ex veterum monumentis, febrem intermittentem *incipere à rigore* seu horrore quomodo *Celsus* supra loquutus est, adeoque post rigorem non

incipere. Ille enim qui præcedit, eodem tempore circa idem, sequi non potest. Consentit meæ loquutioni *Galenus* l. 1. de Cur. Febr. ad *Glaucon.* c. 5. ubi febres tertianæ dicuntur incipere μετὰ cum vehementi rigore, ut videas quomodo ἀπὸ explicari debeat, quum μετὰ temporis paritatem denotet, sicut & latina particula à qua usus est *Celsus* h. l. Ita quoq; l. 2. c. 8. sputum à septimo die cœpit; sive cum septimo, quia sequitur, & ultra septimum mansit. Non diffiteor tamen in frequenti esse usu apud *Celsum*, particulam à, adhiberi pro post. E. g. l. 3. c. 27. ab exercitatione, h. e. post exercitationem, & passim alibi. Quo minus verò hoc loco id credam, pronuper dixi. *Galenus* alibi l. 1. Comm. in Epid. Com. 3. febrem cum horrore venientem à bilioso & pituitoso proficisci docet. Si excutiamus cæteros Medicinæ proceres, pro rigore confectum erit negotium. Apertè *Trallianus* l. 12. c. 2. Cæterum generatim comitatur eas (febres putridas) id quod nulli aliarum febrium adest, ut rigor, aut horror, aut frigus superveniat, præcipuè intermittentibus. De epigenesi hic loquitur, exemplo *Hippocratis* 4. Aph. 58. Alia Medicorum loca in priori Epistola signavi. Apud *Paulum Æginetam* & *Myrepsum* rigores cum f bri-

um accessionibus computantur in curatione, quæ & hic & ibi eadem. Ille *Paulus* l. 2. R. Med. c. 46. in rigore curando, ante febris accessionem aquam multam bibendam dat, in qua piper & ruta sint incocta. Ubi rigoris tempora cum febris, in accessione confunduntur. Ante enim utriusq; accessionem exhibendum medicamentum. Hic *Nicolaus* l. 1. de Antid. c. 28 ad rigorem antidotum ex cariophyllis & c. terra samia dari jubet ante invasionis horam. Et c. 339. antidotum à sulphure ad rigores febrium duabus ante accessionem horis exhibet. Ubi accessionis horæ & rigorem ut febris partem includunt. Idem c. 228. panaceam antidotum & rigori & febris præscribit, uti & Antidotum ex Asaro c. 246. Cur ergo excludi debeat rigor frigusve à febrili nomenclatura & civitate, non video prægnantem causam, siquidem temporibus febrium annumeratur, & in curatione ejusdem ratio habetur, tanquam febrilis particulæ. Addidi & rationem à causa desumptam, quam eandem esse utriq; ex veterum monumentis suspicatus sum, eamq; calidam, nempe bilem, vel quamcunq; rem acrimonia, quæ cum calore paria faciat, musculis visceribusq; molestam. Disputat pro hac thesi *Galenus* l. de Tremore c. 7, ubi rigorem frigidum



dum esse affectum concedit, sed neutiquam à causa efficiente frigida. Probat id variis argumentis. Tertianæ enim exquisitæ, si quid aliud, certè rigor adest: etsi febrim hanc nemo vel insanus ex frigido constitui humore dixerit. Causos enim est genere, tanto altero causo continuo inferior, quanto calor febris & flammæus & perurens deficit. Sitis autem indelebilis, & refrigerii desiderium, bilis. meræ vomitus, & quod post hunc æger melius habet, quomodo non sint omnia manifestè ob calorem redundantem? Quomodo igitur rigent in tertianis, quomodo in causis, hoc est, ardentibus febribus continuis, si non intermittentes, sed perpetuo urentes affligunt, rigor supervenit, & febrem per crisin solvit? Si enim qui causo affligitur, ait *Hippocrates*, si rigor supervenerit, morbus solvitur. Imò acre & calidum medicamentum ulceri admotum, primum sanè dolorem infert, mox horrorem, deinde rigorem excitat. Ac multos novimus tum riguisse, tum febricitasse, ob ulcera ab acris medicamentis irritata. Jam etiam inflammationem, cum in abscessum mutatur, rigorem horroremq; comitari necesse est. Morbi ex flava bile rigorem habent, ex *Platone* & *Hippocrate*. Repetit nonnulla alibi, & obi  
flavam

flavam bilem, quæ per membra sentientiarum ocyus feratur, fieri rigorem *Comm. 4. Aph. § 8.* docet, quamobrem scilicet & alvi fiat solutio, & sudores ac vomitus biliosi superveniant. Locus illustris est *l. 1. in Epid. Com. 3.* Ostendimus, inquit, à bilioso & pituitoso succo febrem cum horrore venientem proficisci: eam verò quæ caret horrore, à bilioso quidem, sed lentiore, & concoctu difficiliore, quam ferunt esse principum partium inflammationem. At quæ cum rigore invadunt quidem, cæterum ad integritatem cum biliosis vomitionibus, aut dejectionibus, aut sudoribus veniunt, harum est causa totum corpus permeans flava bilis. Jugulum tuum perunt disserta ejusdem *Galenii* verba *l. 2. de diff. Febr. c. 6. de tertiana*, quæ præteris cum mihi cætera de epiala opponis. De febre epiala disserit, rigorem fieri à pituita non putrescente, febrem verò à putrescente, adeoque diversam in hac febre esse utriusque causam: At in *tertiana flavam bilem efficere & rigorem & febrem*. Quomodo autem bilis rigorem efficiat docet *l. de Trem. cap. 7.* nempe quod mordax sit & vehementer agitata, unde utriusque causarum generi ascribit rigorem, & quæ frigida & quæ calida facultatis existit, ut corpus dolorificè moveat.

Ita

Ita incertus esse incipit, & frigus quoque admittit, quatenus pungit. Primas tamen & hic calori partes tribuit. Quod multis rationibus ostendit l. 2. de Sympt. Caus. c. 5. sive l. 5. c. 5. editionis Beringorum. 1. Si sano corpori ferventem aquam subito infundas, aut ignis scintillas incutias, statim horrore vexabitur. 2. Cum ulceratae particulae causticum medicamentum imponitur, primum quidem horrent, deinde rigent, mox etiam febricitant nonnulli, 3. Quid quod tertianae febres quae omnium febrium maximè biliosae calidaeque sunt, omnium maximè horrore infestantur, quantoque sinceriores tertianae sunt, tanto etiam rigor in iis incidit vehementior. 4. Etiam cum qui ardenti febre laborat, rigor superveniens à morbo liberat, Hippocrates ait, quando scilicet bilis quae prius in venis errabat, à natura decretorie per carnes ad cutem traditur. 5. Quin etiam sudant deinde qui ita obriguerunt, vacuataque in bile, à febre liberantur. Interim verò ubi non ad cutem, sed ad interna loca bilis impetum capescit, per vomitiones simul & alvum vacuatur. Fortius ibidem è contrario probat frigus non esse causam rigoris febrilis, eosque falli pronunciat quicumque rigorem profligandae ardentis febris salubrem esse causam propter frigus

gus putant: Si enim id verum esset, liceret  
 ipsis rigorem excitare, partim frigida aqua in-  
 sperfa vel affusa, partim ægro ipso nudo in fri-  
 gidum aërem delato, aut in frigida aquæ la-  
 brum demisso; deinde si per mutationem ad  
 contrarium habitum, iis qui in ardenti febre  
 obriguerant, solutio accidit morbi, debebant  
 post rigorem febricitare desistere quod tamen  
 non faciunt, gravius enim post rigorem ur-  
 gentur, quam ante. Quamquam igitur subin-  
 de inconstans sibi videatur in hoc negotio *Ga-  
 lenus*, in plerisque; tamen locis pro calore pug-  
 nat. In *Comm.* ad 6. *Epid.* observavit omnes  
*Cacochymos*, cum repente incalescunt, in-  
 horrescere. Quam sententiam quotidiana ex-  
 perientia firmat *Ballonius* l. 1. *Consil.* 110. nam  
 si quis pravis scatens excrementis in sole ver-  
 setur, statim inde redibit inhorrescens. Sic  
 calor febrilis dum agit humores putres  
 idem præstat quod & solis calor. In-  
 ducit enim rigores & horrores, nam hu-  
 mores corrupti incalescunt seipsis aciores fiunt,  
 moventur & ita lancinant & feriunt mem-  
 branas. Bilis igitur rigoris febrilis causa est ef-  
 ficiens, siue ratione acrimoniæ siue caloris;  
 siue utriusque quod adeò verum visum recen-  
 tioribus, ut *Mercatus* l. 6. de Febr. febris &  
 rigo-

rigoris materiam diversam quidem statuatur, non ratione frigiditatis, sed tenuitatis, hanc enim, quia acris & mordax cito moveri & ad musculos protrudi, illum crassiores intus manere, quæ accendi potest in febribus: *Mercurialis* verò l. 5, de Febr. c. 8. rigorem immediate effici neq; à calida neq; frigida causa, sed à copia humorum acrium vel vaporum velociter motorum: mediatam verò rigoris causam posse esse caliditatem & frigiditatem, eo quod humores mordaces, & qui impetu feruntur, possunt esse tum frigidi, tum calidi. Quod tamen ego non assequor, frigida enim materia æquè promptè moveri non potest. In quo consentientem habeo *Galenum* l. 5. de Sympt. Caus. c. 5. qui Rigorem ob frigidos succos unquam excitari pernegat. Principio enim ob crassitudinem vehementer moveri non possunt, quod si aliquando extenuentur, rigorem quidem excitabunt, sed non ita validum. Quippe non tantam admittit subtilitatem extenuata pituita, quantam extenuata flava bilis. Nec tantum unquam in corpore vivente, præsertim ad febrem disposito, frigus actuale fuit, ut rigorem excitare potuerit, aut horrorem, nisi horror per totum morbi cursum perpetuus esse debeat, & sanguis omnis refrigeratus, quæ-

qualem purulentum in venis Dominæ de Chas-  
 montio observavit cum horrore perpetuo lau-  
 datus nuper *Ballonius*. Similis horror sine du-  
 bio mulierem illam febricitantem exercuit,  
 cujus sanguis actu frigidissimus, nivis vel gla-  
 ciei frigiditatem æmulabatur, notante P. *Pa-*  
*chequo* Obs. 46. ad *Riversum*. Cæterum bilem  
 ejusq; acrimoniam incusandam, ex anatome  
 famuli Helvetici duplici tertiana & simplici Pa-  
 tavii defuncti videor mihi divinare. Vesica  
 enim fellea, quia ubiq; obstructa observaba-  
 tur, inprimis obstructis meatibus; qui per sub-  
 stantiam jecoris dispersi bilem ad vesicam de-  
 ducunt, bilem calidum succum in corpore  
 restitantes & febris & rigoris causam fuisse  
 vero fit simile. Videatur *Spigelius* l. 1. de semi-  
 tert. c. 15. qui venas Portæ pro fomite hic ag-  
 noscit. Frigus qui pro rigore febrili inducunt,  
 variè se torquent, in rigoris modo probando,  
 quod ex locis Hippocraticis liquet, à Te addu-  
 ctis. Liber de Flatibus, quanquam *Hippocrati*  
 etiam à *Celso* l. 1. asseratur, tamen à *Lemosio*  
 ad incertum Autorem refertur, quia nec Hip-  
 pocratis modus dicendi, nec sententiarum  
 acumen inest. Quem iccirco *Mercurialis* Cen-  
 sur. Oper. Hipp. destinatum putat sectæ Pneu-  
 maticorum spiritui omnium causam tribuen-  
 tium.

tium. Qui verò flatus ibidem rigorem inducere dicuntur refrigerato sanguine, ne utique frigidi dicuntur per se, nec frigus ex se inducere. Sunt enim & flatus calidi, seu vapores calentes acresque, quibus rigorem excitari diximus. Nervosè, ut omnia *Cass. Hofmannus* in Instit. fieri rigorem & horrorem scribit, cum vapor p. n. calorem f. n. mentiens, insinuat se in musculos & causatur κλόρον illum. *Argentarius* negat à flatu fieri rigorem, fieri quidem inæqualitatem, puncturam, mordicationem, & veluti contractionem membrorum pro diversitate vaporum, qui non liberè transpirant; at frigus & concussionem membrorum nequaquam fieri posse; postulare enim hæc mala caloris contractionem, & expansionem vicissim temporis momento factam, id quod nequit efficere vaporis aut flatus motus ad externas partes, &c. Qui flatus de frigidis intelligendi. Repugnat autem hæc de frigore doctrina, etiam initio libri ejusdem Hippocratis, ubi ab aëre causa morborum deducitur, non quatenus vel calidus vel frigidus, sed cum is vel copiosior, vel plenior, vel parcius, vel & inordinabilis inquinamentis infectus in corpus subierit. Contraria quoque est aliis locis Hippocraticis, quæ calorem seu bilem innuunt, de quibus

nuper egimus. Textus insignis occurrit *lib. 2. de Morb.* de febre biliosa: Si septimo die rigor & vehemens febris prehenderit, ac exsudarit, benè habet. Dic mihi Vir eruditissime, an in febris ἀκμῇ & calidissimo statu rigorem à frigore velis deducere? an si à frigore, quomodo sudor ad salutem prodeat calidus? Alter textus, quem pro frigore urges *ex Antore libr. 1. de Morb.* spirat genium Autoris libri *de Flatibus*. Hippocratis quidem est, sed Thessali filii, si credimus *Galeno* in *Epid.* Ad quem explicandum sufficit ut dicamus frigus hic comparatè sumi, si ad calidiora conferatur, quemadmodum hoc ipso paragrapho bilem sanguine frigidiorē vocat Author, & rectè addit, hominem vivere non posse, si sanguis multo densior & frigidior seipso evaderet. Scrupulus oritur, quia post rigorem necessario vel majorem vel minorem febrem supervenire dicitur: Sed rigor à febris essentia iccirco non excluditur, quanquam calor febrilis intus latens, post rigorem se diffundat ad exteriora & fiat manifestus. In textu Hippocratico, sanguis primum incalcescit, deinde pituita & bilis sanguini permixta incalcescit, rigorq; oritur, demum post hunc rigorem, ad sanguinis caliditatem & bilis pituitæq; incalcescentiam, febris sequitur, scilicet  
major



major & manifestior. Occulta hæc & manifesta febrium differentia rejici à Te nullo jure meretur, quippe quæ in re ipsa fundamentum habet, quia calorem febrilem in principiis cordi magis inhærere, in augmento extremis etiam, nemo ignorat. Nititur & hujus textus autoritate, nec parum subsidii mutuatur ex lib. 6. *Epid.* l. 1. §. 17. Quomodo à calida & rodente causa, sine frigore alio, rigor fiat docet *Galenus* l. 5. *Sympt. Caus.* cap. 5. quia partes extremæ omnes refrigerantur, declinante animali facultate una cum sanguine, ad interna. Quippe frigus hoc tempore non internarum, sed externarum partium sentiri: nonnullos enim tum vehementi siti cruciari, utpote servato ipsis intrinsecus calore. In præceptoris defensionem & ulteriorem rei controversæ explicationem *Altimarum* introducam, qui ita loquitur part. 2. *Med. Febr.* c. 4. quod cum in accessionum principiis febrium intermittentium putrescentes succi moveantur vehementiori motu per sentientes corporis partes, eadem partes hoc in tempore mordacitatem ac dolorem sentiunt, ob quæm doloris sensum vehementi quodam impetu calor ipse tanquam offensus, simul cum sanguine in intima corporis & viscera confugit, propriè tamen ad

thora-

thoracem adq; cor ipsum, ut ibi collectus, unitus ac vigoratus, vehementiori quodam impetu redeat, ac certet cum eo quod sentientes partes doloribus laceſſat, & ipſas moleſtat. Rem verò clarius ab ovo ad mala perſequitur *Nicolaus Fontanus* in *Fonte* ſeu *Orig.* Febr. c. 12. qui audiri meretur: Cum ab hepate humor bilioſus, vel in minera focoq; putredinis aliùs quispian exciterur, conante natura humorem noxium excutere, cum primo ad vias communes, ventriculum nempe & inteſtina, expellere ſatagit, cum autem hæ partes ab humore putrimordaciq; irritentur & ſtimulentur, natura calorem ſanguineum ad cor tanquam ad arcem, & ſpiritum ad latebras internas viſceraq; intime recondita, recolligit, quibus ibi retentis viſcera ardent, extrema autem algent & frigent: Sed poſtmodum redintegrata acie, à corde calor ſpiritusq; diffuſi ſunt, natura reſipiscit, & humorem hunc per vomitum, ſecceſſum, urinam, inſenſilem transpirationem detrudens, reliqua extima tuetur membra, quæ fovet ac calefacit; in ea enim dimicatione & pugna rigor fit, qui in paroxiſmo febrili conſpicitur. Placuit hunc Fontem adire, quanquam non ita pridem effoſſum, non quod nova dogmata proponat, ſed quia vetera ſuo  
more

more profert. Institutum verò fuit hujus Viri Clarissimi, hoc opusculo obicem ponere paradoxis *Helmontii* de Febribus, cui similia de febribus in mentem venerūt quæ *Walæo* beato, nempe febres esse sine calore, adeoq; rigores, à quo febres intermittentes incipiunt, esse febres. Hinc in Præfatione ad Lectorem, *Helmontii*, hoc dogma perstringens, quærit, quis sanæ mentis unquam dixerit rei initium ipsam esse rem, & consequenter febrium initium esse febrem; qualis esset, si febris essentiam contineret frigus & rigor antecedens? Pro *Helmontio* respondebo, non amore illius sed veneratione *Walæi*, præceptoris mei nunquam sine honore nominandi. Nemo sanæ mentis dixit initium rei ipsam esse rem integram & completam, sed rei partem essentialem. Ita initium diei, integer dies non est, sed ejusdem pars, si enim primam diei horam, à qua dies incipit, diei solidæ detrahas, integer dies non est. Tibi, amicissime *Holsti*, hæc facile persvasero, quia in Mathesi excellis. Novisti lineam ex punctis constare, & si primum punctum desit, integram lineam non superesse. Tempora sua quatuor decurrit febris, ut adeò primi temporis spatium, quod horror vel rigor implet, partem totius constituere debeat. Ex

ipsa *Fontani* descriptione rigoris in tertiana, partem esse febris demonstrabo. Fatetur enim rigorem in paroxismo febrili conspici. Deinde in ipso naturæ luctu & pugna cum causa morbifica expellenda rigorem fieri: at id tempus febris est. Unde videtur & illud clarius innotescere, cur *Walæus* calorem, quem in febre observamus, effectum febris vocaverit. De externo facile concipimus, quem post rigorem diffusum sentimus, egoq; improprie, Te repugnante, febrem dixi. Sive enim obstructis visceribus bilis vel alius humor putrescens sanguini mixtus, vel in foco mesenterii ex inflammatione & putrida obstructione vapores putridi ad cor tendant, certum est ibi calorem ab extraneo calore augeri, & febrem accendi, febremq; revera esse, etiam ex antiquorum placitis, utroq; enim modo & vaporibus putridis & sanguinis in corde retentione incalcescit sanguis, pulsum febrilem inducens & alia febris præsentis signa. En febrem ipsam internam. Interea rigor corpus invadit, sive quod à bilioso humore vel vapore vellicentur sensibiles partes, sive quod retrahatur calor ad cordis regiam pro suppetiis ferendis, sive quod impedita sit sanguinis circulatio ut sanguis liberè externa membra calefacere non possit.

An

An à positivo frigore, ut cum Hippocrate credis, rigor dependeat, in medio relinquo. *Galenus* l. de Rigor. c. 6. materiam frigidam esse causam frigiditatis positivæ, calidam privativæ edixit. Si quidem frigus membrorum hic positivum dicas, causam quoq; talem cum *Hippocrate* fatemur, adeoq; *Walæi* sententiæ invitatus subscribis. Si à tali causa & febris & rigor oriatur, dicendum frigidam illam materiam cordi transmissam pulsus alterare ad se sanguinem pro calore advocanti, & usum auctum systoles & diastoles poscenti. Quicquid horum jam sit: auctus in corde calor p. n. febris est, qui demum superato hoste inquilino in pugna certans expulsis humoribus noxiis sive per vomitum, qui sæpe in tertianis post rigorem observatur, sive per alvum, sive per sudores, sive alia via insensili, reſeratis viis se liberè exſerit & per exteriora diffunditur. Qui calor apparens, effectum febris dici potest, quemadmodum lumen, orbem illustrans, à sole prodit, & à fornace incenso calor in muſæo, sive ab incendio vicini aëris collustratio:

Æstifer ignis uti lumen jacet, atque vaporem.

Sed nimius in hoc argumento sum, in gratiam alterius, Rigorem esse febris partem, etiam

ratione causæ calidæ, probavi. Si verò frigidam esse causam rigoris Tibi cum *Hippocrate* credam; vicit *Walæus*. Si essentialis febris pars, quæ rigor est, à frigore positivo dependeat. Utrumq; vulgi applausum impetrabit, si consensum Tu denegaveris. A rigore enim vel frigore febrem denominant & curant calidis, pipere, Sp. Vini, nuce muscata, absinthio &c. non sine successu. Vulgus tamen norma non est Medicinæ nostræ. Id miror, quod *Avicennam* Magistrum recuses, optimum in Re Medica ducem, iudice *Ænea Caprisio* l. 2. Febr. Putr. & Galeni interpretem, ut censet *Capivaccus* l. 6. Febr. c. 1. cuius tanta apud *Mercurialem* multiseium Tom. 3. Consil. 71. est auctoritas, ut post *Hipp.* & *Gal.* quem ipsi præponat, aut etiam æquet, vix ullum autorem habeat. In quo nihil desiderat *Donatus à Mutis* Dial. in Gal. Aphor. f. 28. nisi quod literas Græcas non calluerit. Hæc priori Epistolæ de rigore febrili addere volui, ut partim pietatem in defendendo vel excusando præceptore *Walæo*, partim Tibi amorem testarer. Doctissima tua argumenta non tam infringere volui quam laudare, quia in hac febrium doctrina necdum veritatem planè assequutos nos credo, quanquam sexcenti Medici in ea hætenus operosè desudarint,

darint. A Te magnum lumen expectamus, si meditatum Tuum de Febribus opus publico donaveris, quod dudum promissisti. Ut promissis stes, DEUM rogo, ut huic alisque laboribus, publico dicatis, Te amicissimum Mihi & Musis diu parem esse jubeat & superstitem. Vale. Hafniæ XII. Mart. cId Idc LXIII.

T. T.

Th. Bartholinus.

## EPIST. XLVIII.

*De Variis Eruditis Viris.*

ANGELICO APROSIO, VINTIMIGLIA      Genoam.

**L**ECTIS Tuis humanissimis literis rediit mihi Animus & revixit, ingenti rigidæ hyemis frigore penè extinctus. Gaudeo quod adhuc vivas valeasq; utinam diutissimè, in literarum vestrarum, quibus assiduè magna fama vacas, solatium. Nos valemus, & cum fratribus tui memoriam semper recolimus. Salutant illi Te perofficiosè, qui inter vivos sunt. Sextus enim frater *Jacobus Bartholinus*, designatus olim in Academiâ Regia & Equestri Sorana Professor Historiarum, ante plures annos in Germa-

nia, quum reditum in patriam meditaretur, doloribus colicis confectus obiit. Ante obitum tamen Ebræorum nonnullos Magistros publica luce donavit, in lingvis orientahbꝝ perfectissimus, quos Tibi in fasciculo mitto, ut videas nec illum Bartholinum ignotum vixisse, & si fata vitam illi prorogassent, quamplurima in schedis relicta, promississe. Pro sollicitâ curâ, qua filiolos meos prosequeris, multum Tibi debeo. Utinam adolescant, & Te superstitem videant, si quando Italiam visuri sunt. Illustrissimi *Antonii Muscettola* memoria mihi est gratissima, cujus & prosapiam & magnas virtutes amo & æstimo. Deus illum servet publico bono, ut etiam illius favore nostra soboles gaudere aliquando possit. Captabo occasionem, te monitorem, ut illius laudes publicè per me inter nostros innotescant. *Petri Francisci Minotii* elegans est Epigramma mihi inscriptum, vel eo nomine, quod acutum sit & benevolo affectu plenum. Amo virum doctissimum, & officiosè resaluto. Sed quid meritus sum, quod *D. Laurentius Crassus*, Vir vitâ dignus, quam aliis penna sua largitur, me quoq; inter Principes Achivos legi velit. Quia ita amice vult, mitto Effigies expetitas, Parentis, Wormii, Rhodii, meam, & singulorum opera præ-



præcipua breviter signavi, quæ vitis describendis addere constituit. Agnosco animum, & affectu quocunq; conabor paria facere, ne ingrata mea penna fileat. Lugeo mortem Illustrissimi *Lauretani* & Rev. *Bonifacii*, quorum tumulis Epitaphium destinavi in gratam amicitiae memoriam. *Severini* excessus antea mihi innotuit viso apud Bibliopolas nostros Phoca illustrato, meo quoq; nomini dedicato. Grilajam tuam videndi desiderio tenemur, ut & Cl. *Bardi* Chinam Chinam, cujus jam pridem spem nobis fecit, cui eapropter debeo iconem arboris quam in Historiis Anatomicis posterioribus non sine illius elogio depictam exhibui. Salutant Te plurimum fratres mei, & opuscula nonnulla sua Tibi Tuæq; Bibliothecæ instructissimæ per me transmittunt, quorum Catalogum adjuncta schedula continet. Commisi fasciculum hunc librorum Hauboldo nostro, qui Venetis Bibliopolis Francofurti tradet Tibi postea Vintimigiam mittendum. Spes est indubia ad manus Tuas perventurum, ut videas quid præla nostra agant. Reliquis operibus meis nolui onerare Hauboldum, ne segnior in officio esset, nec sanè merentur à delicatis ingenijs videri aut legi, quum majori forsant fama, domi manerent. Alia occasione plura addam.

addam, ut internuncii fallantur partito onere. *Beringius* noster totus est in Conscribenda Historia obsidionis Hafniensis, brevi absolvenda cum publico applausu. *Heinsius* junior in Suecia adhuc commoratur nomine Præpor. Ordd. Belg. Fœder. Residens. D. *Pouchius* Medicus est & Canonicus in urbe patria Ripis Cimbrorum, à quo raram Historiam habui ungvium monstroforum in homine sene, quam in Centuria Secunda Epistolarum Medicinalium reposui. Qvòd si in rebus naturalibus vel Medicis apud vos aliquid occurrat, qvòd consuetum non sit, non gravaberis ad me scribere, ut locum quoq; inveniat in Centuriis meis seqvuturo anno prodituris. Ferax est patria vestra rerum variarum, nec dubito qvin subinde eveniant & videantur inusitata multa, quæ longa nocte sepeliuntur, nisi sacrum vatem nacta fuerint. Addo his literis inclusa documenta quædam, quæ instituto laudati *Crassi* inservire possint, quantum per festinatam scriptionem licuit. Plura enim possem, si vacaret. Tutamen supplebis, quæ desiderari judicaveris. Ita vale diutissime, delictum Musarum, & serus cœlorum incolæ, me meosq; amare perge. Salutant Te omnes, fratres, filii, & *Beringius*. Scripsi Hafn. raptim 25. Febr. 1663.

T. T.

Th. Bartholinus,

## EPIST. XLIX.

*De experimentis Medicorum, &  
chyliferis duclibus.*

THOMÆ BARTHOLINO

Hafniam.

**Q**Uod meum ad petītum Frisium nostrum benevolo prosequaris affectu, haud exiguum habeo Tui in me amoris argumentum, indeq; amplius obligor agendarum gratiarum debito. Quem quidem ipsum, magis tamen veritatis amorem ulterius spero testatum facies ubi meum illum de *Vera Philosophiæ Bono*, non nempe omnibus æqvè seu perspectum seu acceptum, Librum acceperis, legerisq;. Tuum sanè uti & Nobiliss. *Conringii* suffragium jure merito permagni ego facio. Et vero quid quæso magis hodie de re Medica sit quam ut tandem aliquando è vera Apodictica suppetat prophylactica simul ac Therapeutica tot morbosarū opinionū, Artis nostræ physiologica ac pathologica principia indies quassantiū Medicina. Ut nempe certum ab incerto, pretiosum à vili ubiq; sequestretur, & liqueat demum, quæ conclusiones Apodictico, quæ Dialectico solum jure de *Φαινομένων* & *αυτοψιών*, verbo, Experientiæ fundamento glorientur. Omnes namq; quomodolibet gloriari constat. Novi  
Doctis-

Doctissimos sæpe viros *παρασκευῶς* solum utq; aliorum extimulent iudicia hæc & illa publicitus profiteri & defendere. In quibus me iudice est etiam *Antho. Everhardus*, dum ex sanguine, h. e. vernaculo corporis nutrimento, non sanguinem & nescio quid corporis nostri substantiam exedens ac arrodens fingere satagit: eò forte quod p. naturam v. c. in Febr. is non careat corruptis & nocentibus ejusmodi partibus perq; in diem corpus consumatur &c. Serio vivum *ἀπαυδυσίας* arcessi nescium talia commentari, credat qui volet, ego nullus possum. Quæ verò idem de quaquaversum excurrentibus ductibus chyloferis observavit in cuniculis, fallor an haud parum faciunt ad firmandum illustrandumq; meam de Lactearum Thoracicarum; hepatis sanguificationis innocuo usu sententiam, quam in *Disp. de Corde* quadantenus exposui: nempe iisdem meatibus esto esse quod in nondum satis exploratum usum, nunc chylosum nunc aqueum magis liquorem ad exteriores partes naturaliter deferri. Quin id etiam *Everhardo* facilis ego quidem largior, quod sanguis in vasis suis naturali polleat facultate, cruditatum vel chyli quid sibi *σπυδαῖς* assimilandi. Est verò & hoc distin-

distinctum sanguinis genus atq; (nempe & nutritorium & calidi vitalis cum utroq; spiritu regeneratorium) munus agnoscentibus facile in confesso: per inediam corpus ex eo atrophiam incurrere, quia tum natura, reficiendarum vitium vitalium & animalium, quæ spiritus, tum primis intenta, nutritionis ad tempus veluti oblivisci cogitur. Ita inquam, salvo cordatori Tuo iudicio, mihi videtur. Nempe ne nihil esset quod hæc quidem vice ad Te perscriberem, hoc interim fuit. Vale, amice perquam honorande, & ceu facis, Tuum mihi favorem continua.

Excellentiss. T. Nominis

Studiosiss.

E. Leichner, D.

## EPIST. L.

*De Demonstratione Medica & experimental. Hepar deseritur.*

ECCARDO LEICHNERO

Erfurtum.

**T**Andem desideratus ille Liber Tuus ad nos pervenit, tanto labore elaboratus, ut eruditorum omnium oculos in se merito converter-

vertat. Ingens onus in Te suscepisti, cui tamen ferendo es, & si ad umbilicum reliquas partes perduxeris, Tibi æternam famam & publico perpetuum commodum procurabis. Legi ex parte, magna cum voluptate & magnum Apollinē Te æstimabimus, si promissa perfeceris. Certam enim demonstrationem Artis nostræ, diu optavimus. Sed frustra hætenus, quia conjecturis pleraq; innituntur. Hæc est humanæ mentis imbecillitas, quam emendare difficile erit, nisi recoxerit illam Prometheus. Nuper Lugduni ad confluentem Araris & Rhodani Cl. *Meyssonierius*, Elementa Medicinæ edidit ad amussim promodum demonstrationum Geometricarum exarata, opus annorum triginta, quæ tamen demonstrationes experientiis recentiorum nituntur. *Cartesius* in Methodo sua Res per rectam rationem disquirendi, multa conatus est, & Mathematicis principiis admirationem apud asseclas invenit. De veris experientiis, quibus fidere possimus, præclara in ultima parte promittis, quam avidissimè expecto, quippe Medico necessariam, à nullo hætenus tentatam. Frater meus D. *Erasmus Bartholinus* Medicus & Mathematicus, Cartesii amicus, hoc de experimentis argumentum quoq; tractat.

tractat. In Philosophicis similia non infelici-  
ter tentavit in Instauratione Magna illustri-  
Verulamius. Ego igitur, donec ultima illa Apo-  
dictices Tuæ pars prodeat, quod opto, deside-  
rium publicum applausu & votis supplebo.  
Magnifico Rectori nostro & Senatui Acade-  
mico obtuli exemplar à Te destinatum, qui læ-  
to animo munus exceperunt, literisq; respon-  
soriis testabuntur, quanti faciunt, quampri-  
mum perlegerint. Interea per me plurimam  
salutem & officia Tibi transcribunt. Cancel-  
larii Lente responsum, Frisio interprete, re-  
scies. Frisius ille tuus, diligentia & ingenio  
hic à melioribus amorem meruit & favorem,  
dignus Te præceptore discipulus. Vidi apud  
illum Diascepsin de Corde Te Præsidente à Gl.  
Wittigio editam, & sententiam de sangvifica-  
tionis organo perspexi, quæ media via ince-  
dit, Heparq; defendit, sed singulari tempera-  
mento. Eo enim sensu chylum ad Hepar me-  
diāntibus venis tandem ferri non repugnam.  
At Medicorum hætenus placitum fuit, im-  
mediatè ad Hepar sive per lacteas, sive melen-  
tericas venas chylum ex intestinis deduci, ut  
primum sangvinis rudimentum accipiat, quod  
anatomia nostra pernegat. Misceri verò sang-  
vini in venis, illiusq; purputa vestiri, tecum  
credi.

credimus, ita tamen ut in corde, quo primum  
 ex axillari pellitur, signaturam quasi futuri ali-  
 menti seu corporis nutrimenti accipiat. Cæte-  
 ra quæ de Hepate ingeniose affers, Hepatis ne-  
 cessitatem ad sangvificationem perfectam de-  
 monstrant, aliud nihil, & hanc nos quoq; ne-  
 cessitatem concedimus, Tibiq; de magno in-  
 genio & perspicaci publicè gratulamur & vi-  
 tam in plures annos producendam preca-  
 mur, & Magnatum auram benignam, qua ab-  
 solvas quæ optimo consilio meditaris in Reip.  
 Medicæ ornamentum & utilitatem tuis labori-  
 bus accuratis promovendam. Vale, mi Leich-  
 nere, & amare perge tuum Bartholinum, qui  
 Tibi Tuæq; gloriæ optimè cupit. Hafniæ X.  
 Mart. clō Idc LXIII.

T. T.

Th. Bartholinus.

## EPIST. LI.

*De Malpighii scripto, observationes  
 variæ Anatomicae.*

THOMÆ BARTHOLINO

Hafniam.

**E**T tristitia amicissimæ literæ Tuæ nunciant,  
 & læta; triste, legisse illustrem familiam,  
 Academiamq; beato sene Finckio, & quanto  
 lumi-



lumine! orbatam: lætum, meminisse mei Academia Patres, meq; voces gratulatorias ab Excell. Tua etiam in Belgio excipere. Optassem glorioso Lycei Atlanti ævum in his terris diuturnius; caruissem, cœlum testor, istoc salario patientius, quàm ut ille spiritu; sed parendum fatis, quorum in manu sumus, & volvitur. Tibi autem, Vir celeb. qua iterum gratulatione occurram? hac unâ, ut sanctissimum senem Finckium annis super grediaris, & quotidie, ceumereris, nova inclutæ famæ capias incrementa. *Everhardi* tractatulum, quem animadverto naufragio periisse, proxima iterum occasione transmittam. *Malpighii* scriptum hic quoq; jam prælo subjicitur; fateor nos hic non perfunctoriâ curâ & flatu, & oculis microscopio accuratissimo armatis inquisivisse in illas pulmonum vesiculas, sed easdem tamen nondû nobis perspicuè potuisse conspici, quòd cum uberius à Stenonio perscribatur, ego haud persequar; nec quæ de cordis musculis & actione brevi in lucem prodibunt, itidem ingeniosè ostendente Stenonio. Epistolas Tuas Medicas, & quæ de partus viis insolitis eruditissimè commentaris, *Dn. Sylvius*, *van Horne*, aliiq; mecum avidè expectant, satis gnari à qua manu victura monimenta prodeant. Novum quiddam, &

inuitatum audio, narrante Dn. Sylvio, nupet ad *Schoeckium* Prof. Grön. certâ & solidâ perscriptum fide, historiam illam de foetu Muscipontano, nihil esse nisi svavem & lepidam fabulam, à nescio quibus pet orium, ad ludendos Medicos confictam. Quod si ita est, haud sane magnam à multis meretur laudem Dn. *Horstius*, qui eam sibi primum passus est persvaderi. Sed ad alia. 1. Observata nobis hac hyeme, secante in Nosocomio D. Sylvio,



cisterna chyli in corpore muliebri duplex, idq; ad lumbos; capacitas cujusvis

facculi tanta, ut pollicem meum caperet. Versus superiora coibant in truncum unum; internè ingrediebantur ubiq; varia lymphatica, uti ruditer juncta figura ostendit. 2. In aliâ fæminâ cor vicinum auriculis pure fluens, cor ipsum exterius album & asperum lingvæ bubulæ obtusæ ad instar. 3. Deniq; in aliâ fæminâ



ventriculus in medio angustus, utroq; extremo capaci, ut delineatio exhibet. Dexter lobus hepatis aliqua sui parte, tantæ erat molis, sub osse

ilium recondebatur. Duo ductus pancreatici in jejunum se exonerantes, superior, qui amplior,

phior, ad lati digiti distantiam ab insertione ductus bilarii; exterior, qui minor, eodem planè loco desinebat in jejuno, quo ductus bilarius implantabatur. Uterus figuræ quasi semilunaris, in dextrum latus solito magis inclinabat. Lien quovis bubulo major, solidior & rubicundior justo, adeo ut colore & parenchymatis firmitate cum corde certaret. Ren sinister pure scatens, dextri parenchyma (non papillæ) hinc inde arenis crassioribus distinctum: In quarto cerebri ventriculo plexus quoque choroides manifestè conspicuus. Ego ut uterum & vesicam attentius expenderem, domesticâ industria observavi tubas uteri, quæ in fundum ejus ingrediuntur, quamdiu corpori uteri adhuc inhærent, (erat enim uterus vetulæ satis crassus) esse quasi nerveas, firmæque consistentiæ, sed postquam expandunt se extra versus alas, & testes, reddi infirmioris & membranaceæ texturæ. Quâ ureteres se exonerant in vesicam, nullum ullius valvulæ vestigium, sed animadverti interiorem ureterum tunicam esse planè continuam cum interiori tunica vesicæ. Ureterum & meatus urinarii foramina respiciebant se mutuò ad trianguli figuram. Cervix vesicæ duos transversos digitos longa, sphincter parvus, sed non orbicularibus, ut

dici solet vulgò, verum secundum longitudinem sphincteris porrectis fibris insignis, nisi quòd fibræ illæ tantillum ad obliquos angulos, sed vix notabiliter, inclinarent. Hunc sphincterem corpus nervosum crassum, penis corpori analogum, exterius cingebat, in quo fibræ circulares, nisi quòd tantillum ad figuram helicis inclinarent, ut solèt in corpore nostro fibræ ferè nusquam perfectum describere circulū, idq; ob multas & singulares causas. Hæc in fœmina; de ductu fibrarum in marium sphinctere amplius dispiciendum. Qua parte calculus excinditur, in viro superiori ætate mortuo, observavi fibras procurrere semiobliquas, (non circulares) adeoq; earum multas dissecati ab imperitis lithotomis; in suillo autem sphinctere video plures esse viros musculos, eumq; qui proximè ambit cervicem vesicæ, accedere ad circulares fibras, licet planè circulares non sint, reliquos duos agnoscere fibras semiobliquas, planè ut in viro, quo loco excinditur calculus. Alioquin hac hyeme in bestiis varia se nobis curiosa obtulere. Chorion fœtus nullā aquā immediatè maderè observavimus, sed omnem aquam vel esse in amnio vel allantoide, ut mirum sit Harveyum negare allantoidem dari in brutis, quippe facile invenitur rectè inquirentibus,

nosq;

nosq; allantoidem fœtus vaccini habemus vel  
 duas integras ulnas longâ. Observavimus iterû  
 in canibus cor non esse ultimû moriens, seu ulti-  
 mum movens, sed venam cavam prope cor mo-  
 tum aliquem continuare, corde etiam & auricu-  
 lis collabentibus: In fele, lienem longum instar  
 camini, ductum hepaticum & cysticum amplos,  
 præsertim hepaticum, qvi amplitudine calami  
 scriptorium æqvabat, (an qvia animal bilio-  
 sum & pugnax?) oculum multum humoris  
 vitrei, parum aquei continere, (an hinc acu-  
 men visus explicari meretur?) ipsum aqueum  
 humorem esse subsalsum. In mure majori, sex  
 lobos hepatis; nullam fellis vesiculam; cœcum  
 humano majus; testiculos corde majores (ô  
 animal noxiè salax!) & intra corpus conclu-  
 sos; epididymides qvadam sui parte testibus ad-  
 hærentes, parte aliâ tantillum eminentes extra  
 corpus, qva testiculi solent emergere: In co-  
 lumba, nullam esse vesiculam fellis, esse tamen  
 ductum hepaticum in qvo bilis, qvi visa nobis  
 iterum, iterumq; retrahi in hepar (vivente  
 alitè) & iterum per intervalla in ductum rever-  
 ti, motu pulsationi cordis non dissimili, sed  
 tardiori; quid qvò duraret adhuc ille motus  
 sed languidior corde jam tum quiescente.  
 In cygno faminâ, asperam arteriam flexu illo,

(quem observavit Tæa olim dexteritas) destitutam (an in cygno fæminâ forsan illa structura deficit?) arteriam magnam descendere in dextro latere, ingluviem membranâ vestitam ita porosa, ut facillimo pressu liquor subalbus, ex glandulis minutissimis inter utramq; hærentibus tunicam eliceretur, inq; cavitatem ingluviæ illaberetur, haud dubiè ad fermentationem alimenti, id quod Cartesianiis favet, qui in gallinacea ingluviæ jam ante simile quiddamprehenderunt; duos ductus pancreaticos, unum à dextro hepatis lobo, unum à cysti felleæ procurrere ad jejunum, ita ut cum ante seorsum decurrant, ubi ad jejunum deventum, simul omnes quatuor uno, eodemq; loco in illud se exonerent; asperam arteriam, in pulmone non divaricari in minores ramos, verum ubi truncos, veluti duos agere cœperit, statim in ipso exortu desinere, relictis tantum patentibus in parenchyma pulmonum ostiis; in cordis ventriculo sinistro, resectâ auriculâ manifestos musculorum cordis tendines ad aoræ initium desinentes; loco diaphragmatis minutos & longiusculos musculos costis tendine suo adherentes; latera lingvæ hinc inde, ordinatâ tamen serie in longum, poris distincta, qui setam suillam admitterent, ut  
 necesse

neceſſe ſit in carne lingvæ minutas latere glandulas, quæ & quandoq; liquorem in os profundunt; cœcum duplex, nigrioribus quam cætera inteſtina excrementis ſtagnans; renes longos vel pedem integrum, & velut ſegmentis diſtinctos, per quorum interiora canalis excurrens ureteres tandem inde elapſus formabat, ad extrema recti inteſtini ſe exonerantes; uterum longiſſimum, figura quaſi longæ pyramidis, &c. Vereor n. ne nimia prolixitate delinquam. *Qveſtiria*, ingenioſa illa, ſine ignis interventu, deſtillatrix, à plurimis licet de pandendo artificio ſollicitata, debellari non patitur ſilentium ſuum. *Digbæi* tractatum, quem jam ante *Deuſingius* impugnavit, nuper Hagienſis quidam Medicus, *Helvetium* vocant, confutare inſtituit. Prodiit demum *Deuſingii* reſponſio ad Exc. Tuam de Hepate, ſed illa oppidò modeſta, contra Blottesandæanos acerbiffima; me tandem meliora edoctus à ficto crimine liberat; vagus tamen, uti ſolet, nunc hunc nunc illū cornu impetens. *Dn. Sylvium* ita pupugit, ut ille Apologicâ præſatione theſibus ſuis iteratò excuſis præmiſſâ calumniarū, mendaciiq; publicè Gröninganum poſtulet. *Van Horne* nuptiis nuper cum vidua van Ulſtia celebratis maritus eſſe didicit. *Dn. Jacobæus*

noster levi oculorum nebula tentatur, quam, si in medicamentis usurpandis patientius, constantiusq; se gereret, brevi discussum iri considerem, quāquam sperem Gallicum ærem, quippe Belgico subtiliorem malo isti panaceam futurum. Nec mihi aliquot jam mensibus satis constitit valetudo, ut proinde anhelum in Gallias, loci mutatione solatium quæsiturus. Si patria mihi ita debilitato jam petenda, nec Academiæ, nec mihi ipsi diu usui esse possem. Sed finio, & Tuam Excell. Deo opt. max. æternum commendo, meq; sive Tuo favori. Vale felicissime, & à D. D. Wormio cui semina petita curæ erunt, unâ officiosè salutatus, diu flore, perenna. Dabam Lugd. Bat. A. 1663, 1. Mart.

Excell. Tuæ  
Studiofis.

Olaus Borrichius

## EPIST. LII.

*De intestino cæco maculoso. Partus  
Cameli &c.*

OLAO BORRICHIO

Leidam.

**O**bservata à Vobis in Anatome hyemis elapsæ oppidò plaquerunt. Nostrum  
Thea-



Theatrum adhuc filet, donec à *Jac. Henr. Paulli* aliquando animetur, qui jam de disputatione Inaugurali est sollicitus. Aperuit ille semel iterumq; nobis canem, ut rectius *Bilbianum* labyrinthum observaret, quem aeri incisum publicè brevi exponet, longè à *Bilbiano* diversum. Cœcum intestinum maculis quibusdam fusci nigroris quasi grandinibus conspersum & refertum in canis sectione ibidem vidimus. Dubitatum inter nos fuit, an istas maculas recepta cœco excrementa efficerent. At quia ferè flatibus cœca hujusmodi à nobis animadversa abundabant, aliud suspicabar: Esse nempe variam tantum membranæ tenuitatem. Dissectæ enim maculæ, nihil insoliti monstrabant, quum aliud nihil essent, præter tunicæ subtilitatem. Subtilia multa de hoc cœco promisit in *Quadripartito Botanico* aucto Celebrimus noster *Simon Paulli*. Ecce verò cœcum flatuum quoddam diverticulum, parum abest quin credam *Highmore*, quia & ego in hypochondriacâ amicâ observavi, nunquam fere alvum deponi, aut flatum emitte, quin murmur in dextro hypochondrio, quo loci cœcum plerumq; sedem habet, uno semper loco sentiatur & audiatur, magno interdum optimæ feminæ tædio. Misit ad me *Cl. Deusingius* Dis-

qui

qvifitionem fuam ulteriorem, amicam profus, de Chyli Motu atq; Hepatis Officio, qva ingeniosè omnia mea refellit, in Hepate Defuncto allata, cui nihil responderi poffet, fi vel unico experimento novo argumenta erudita confirmaffet. Difficile enim inducor ut credam rationibus, qvas antea oculorum fide rejeci. Expendam tamen prius accuratè fingula momenta, qvam vel rejiciam vel approbem. Mense Decembri anni proximè elapfi obtulerunt Sereniffimo Regi nostro, Legati Magni Muscoviæ Ducis in publica audientia magnâ pompa hic celebrata, præter pelles pretiofas, qvatuor Camelos, Onirocrotalum, Sabelum vivum, & Vafa lignea. Dubitabatur de Camelis, qvia in dorfo duo tubera habent, qvæ lia in Dromadis ex Camelorum qvoq; genere, observari folent. Sed cursu hi celeriori ab illis distingvuntur, qvos tardioris gressus hic vidimus, & eadem tubera Camelis etiam *Plinius* tribuit. Onirocrotalus appenso, sub rostro, marsupio, & lato longoq; rostro planè similis est illis qvos in Musæis siccos habemus, vulgo pro Pelicano æstimatos. Vivus caveaq; inclusus militis, qvi eum portavit, non rarò brachia rostro vellicabat, ut iracunda avis esse videatur. Vafa lignea variæ magnitudinis

nis oblonga, pro jusculis vel potu hauriendo percommoda, in omnem partem, aquâ madida, flecti possunt, & iterum in aptam formam extendi. Quantum expiscari potui ex radice Cedri variegatâ tornantur flexilia hæc vascula. Cæterum inter Camelos sequioris sexus una gravida, hoc mense feliciter peperit naturalem quidem partum, sed monstrosis seu portentosis adnumerandum, quia nunquam, quod sciam, in Dania nostra Camelus natus. Permutarentur sic inter se orbis partes, si in Asiam quoq; nostræ Balenæ vivæ deportarentur. Nostra sanè patria peregrinos multos videt, antea ignotos. Rediit ad nos Nobilissimus *Lutzovius*, calculiq; sui partem Regi Ser. obtulit. Dubitatum statim fuit à multis, an calculus ille, silici simillimus, sit supposititius. Multi pro vero calculo tamen habent, inter quos ipse quoq; *Lutzovius*, quia illo exempto levamen sensit, & similem prorsus alium in Musæo servo, hoc nomine mihi donatum, nec credibile sit, potuisse lithotomum in præsentia amicorum *Lutzovii*, alium calculum fictitium supponere. Impositus ille idem calculus est, nisi fallor, experiundi gratia an resolvi possit, addito sale calcis vivæ, sed irritò experimento. Sinistra tua valetudo me angit, speroq; ab aëre Galli-

Gallico confirmatam, à Serenissimo Rege enim licentiam peregrinandi Te impetrasse gaudemus, nuperq; cum laudato semperq; laudando Regi, Regum terrenorum optimo, adessem, magnum Regis erga Te favorem deprehendi. Misi in fasciculo Dn, *van Horn* pro Te Centurias Epistolarum & Diatriben de Pulmonibus. Vale & me ama. Hafniæ VII. Apr. clc lcc LXIII.

T. T.

Th; Bartholinus.

## EPIST. LIII.

*Varia observationes de Bile, ejusq; ductibus. Chymicorum secreta quædam.*

THOMÆ BARTHOLINO

Hafniam.

**V**Is ægritudinis quâ vigor visus sensim obrunditur, ut omnium fere rerum, ita & tibi scribendi oblivionem peperit, cui etiam tanto suavius hætenus indulgi, quanto cæterorum amicorum in scribendo promptior & crebrior fuerit assiduitas, ex quibus & statum Belgii, & quid eruditus orbis moliatur plenè & planè cognosces, ut operæ pretium non duxerim fastidiendo stylo ea enarrare quæ ab iis  
tàm

tam nervosè & operose exponuntur, ne tamen diuturno silentio cōsenescat memoria & amor tuus mei, placet & sermonis symbolam conferre, ut solatiis literarum tuarum damna absentiae sarciantur. Quasi è compacto rem gerent Eruditi, ita omnes à scribendo feriantur, calamumq; suspendunt, nescio an Reipubl. Literariæ commodis velificentur, quæ multitudine librorum obruitur & ingemiscit, an obulum & limam magni nostri Aristarchi Deusingii metuant & exhorrescant qui ob reliquorum silentia ferus & superbus, solus imperium affectat, & sibi vendicat. Interim dum sibi placet male libris suis prospicit, quibus ob effrenem linguam periculum imminet nè in nigram culinam rapti thuris piperisq; Cuculli fient, immatura enim ejus judicia quibus Digbæi, Bojlej, aliorumq; experimenta oblique perstringit hæc omnino pollicentur & imperrant. Non ignoras quàm improbo ore nuper Blottesandæum, van Horne, Sylvium, Vorstium, Stenonium nostrum & quos non vulnervaverit. Chemici varios quidem tractatus publici juris faciunt, sed more solito obscure scribentes de magno isto Chrysopoia opere, famem excitant quidem sed non sedant. Dn. Blasius ductus salivales superiores de suo nomine

ne debere nobilitari orbi jam notum fecit. Non tango ea quæ in anatomicis subinde observata sunt, cum hæc à Stenonio sine dubio prolixè tibi referantur. In anatome Cygni nihil fere præter ea quæ ipse olim observasti invenimus, glandulosa stomachi ejus & gallinarum substantia unde succus potest exprimi quin multum ad promptiorem concoctionem faciat, vix potest dubitari, & in avibus supplere vicem salivæ quæ multum promovet fermentationem ciborum. Duplicem ductum pancreatis vidimus quem & nuper in faminâ canibusq; itidem observavimus. Indubitato nobis constat, nec in eqvis, gliribus, & columbis folliculum fellis adesse, ductus tamen in duodenum ab Hepate descendens non deest, qui in columba liquorem viridem instar fellis continebat, nunc ab Hepate in intestinum se exonerantem, nunc rursus in Hepar regurgitantem. Miscuimus bilem cum variis menstruis, observantes in sp. acido intense viridescere, cum Olei Tartari in massam foetidam coagulari, cum sale volatili naturali colore exsurgere, nec corrumpi facile, ut nec sanguis isto sale aspersus. Allantoidem ab Harvæo aliisq; tam pertinaciter negatam omni dubio exemimus, vesicæ fatus connexa est quod inflatio testatur,

an

an fœtus in illam in utero natus urinam depōnat juxta nonnullos verisimile saltem est, & quamvis urinæ qualitates exacte non habeat, nil impedit tamen, cum in embryonibus non tam perfecta vel coctio vel secretio instituat, ut nec in illis bilis desinat esse bilis etsi albicet & parum amaricet. Ab aqua vero Amnii multum discrepat. Cl. D. Borrichius sex distinctas membranas vesicæ separavit, quibus & vasa intercurrent, in sp. acido & salis multum corroditur, in oleo & Tartari & communi indurescit. Doctor quidam hujus urbis Gonorrhæam virulentam solis cantharidibus feliciter curat, quas vino Rhenano macerat, infusionem alio liquore temperatam propinans, sed cum initio non sine summo cruciatu & exulceratione vesicæ curam absolveret, miscuit tandem cum oleo Amygdalarum dulcium, Syrupo Fernelii, succo tapsi barbati, & intra triduum beneficio copiosæ urinæ malum suaviter tollit. Est Hagæ Comitum qui eundem affectum pulvere Vitrioli sympathetico curat sed modum celat. Dn. Marcgravius urbis hujus Philochemicus Antimonio crudo pulverisato per singulare menstruum vini vomitivam cæteramq; noxam novit statim subducere, ut tria grana cum levamine febricitantium leni-

ter purgent. Verum Sulphur Vitrioli eo modo parat. R. Vitriolum optimum, calcinato in pulverem albissimum affundit Sp. Terebinthinæ, ponit in vase hermeticè clauso ut per duos menses digerantur, tum Sp. Terebinthinæ evaporat, & massa Sulphurea valde narcotica sed impune assumenda restat in fundo. Ego autem in summo & metu & periculo versor ne maculæ oculorum tenebras & perpetuas noctes portendant, nullis remediis adhuc volunt cedere, spes sola in Deo & mutatione aeris in Gallia benignioris. Illustriss. Borri ad invidiam adhuc felix est. Pro cura Dn. Mellerai Comitis Galli 60000. florenorum donatus est. Quoniam ad votum fœdus cum Gallo conclusum atq; perfectum sit, Celissimus Princeps cum Legato abitum meditat. Vale, Deo serio cum tuis commendatus, Dn. Borrichius & Stenonius officiosè te salutant.

Dab. Lugd-Bat. 3, Martii 1663.

T. humillimus  
cliens

Matth. Jacob. Matthiad.

EPIST.



## EPIST. LIV.

*De Cantbaridum infuso. Cygni coronati.  
Ex Sp. Terebinthi contra lumbricos  
remedium.*

MATTHIÆ JACOB. MATTHIADI Leidam.

**D**Oleo quod florente ætate oculorum vigor hæbescat, ut remora præclaris Tuis studiis injiciatur. Culpam verò ipse Tibi imputes. Magno enim discendi ardore accensus ad noctem subinde, ut audio, lucubrationes exrendis. Nihil æquè luminibus officere, quam lucubrationes, ipse meo exemplo testari possum. Nisi enim ab incepto maturè destitissem, plus jam non viderem, quam Cyclops postquam ab Ulyssæ esset visu orbatus. Nec dubito quin tui quoque mali remedium ex temperantia studiorum sis inventurus. Ita enim literis immergi debemus & scientiis, ne submergamur, ne unius diei diligentia damno multorum nos mulctet. Destituit spem publicam & amicorum expectationem, qui valetudinis dispendio scientias mercatur, quas cum fœnore refundere non potest si ante diem vel mortalitati eximatur vel pluribus laboribus non sufficiat. Autor igitur Tibi sum, Nepos optatissime, ut modum serves & diligenter calculum cum sa-

nitate ponas. Facilis est jactura luminum,  
 quam ægrè postliminio revocamus, nisi ma-  
 ture nobis parcamus. Crede mihi. Rarò mag-  
 na fortuna magnam eruditionem sequitur.  
 Sæpius mediocria probantur, sæpe etiam val-  
 de exilis rerum cognitio ad Deos evexit albæ  
 gallinæ filios. Mutatio aeris multum quoq; ad  
 medellam tuam conferet. A crassiore enima  
 aëre Belgico incrassantur spiritus visivi, nebu-  
 læq; oculis obijciuntur, quas facile Galliæ se-  
 renitas dissipabit. Observationes de bile ejus-  
 que ductibus à Te signatæ, merentur memori-  
 am. Infusum cantharidum alibi quoq; in *Hi-*  
*storiæ* laudavi, gonorrhææ virulentæ & ischu-  
 riæ remedium, cujus felicem successum non  
 semel ipse sum expertus. Notandum verò, ne  
 noceant cantharides, integras esse sumendas.  
 Ubi vesicis exulceranda cutis, extrema abjici-  
 enda, in quibus benignior facultas latet, quæ  
 servanda sunt in infuso hoc vias urinæ expur-  
 gaturo. Legitimo modo mistum infusum,  
 nunquam, quantum ego viderim, vel crucia-  
 tum vel exulcerationem vesicæ provocavit,  
 ut nec pingvioribus abstergentibus opus fue-  
 rit. Cygno inspecto vos meas observationes  
 confirmasse gaudeo. Nuper cygni omnes,  
 cætera candidissimi, in Fossis Fridericiburgen-  
 sibus,

bus, coronam rubram capite præferbant  
 insolito spectaculo, unde nescio quod augu-  
 rium vulgo enatum. Ex voluntate Serenissi-  
 mi Regis mei ad rei veritatem inquirendam il-  
 luc missus, maculam rubram medio capiti  
 plumis innatam, circularem, thaleri imperia-  
 lis magnitudine, in evulsis verò plumis ad me-  
 diam, partem tincturam hanc elegantem ob-  
 servavi, nec vel ab ætate, vel fundo, vel aquis,  
 quibus innatant, acquisiti hoc vere primum  
 coloris sanguinei causam investigare potui.  
 Rem vidi, causam ignoravi, ominosum even-  
 tum rejeci. Quia Spiritus Terebinthinæ men-  
 tionem facis, reticere non possum, nuper  
 Empiricum quendam oleum probati usus cœ-  
 ruleum nobis Medicis in examine aperuisse,  
 vermibus pellendis opportunum si umbilico  
 inungatur. Compositum autem erat ex Spi-  
 ritu Terebinthi cum succo absinthii per æne-  
 am retortam destillato. Igitur, quemadmo-  
 dum Spiritus Terebinthinus renibus externè  
 inunctus calculos pellit ex secreta Medico-  
 rum nonnullorum arte, ita eadem vi vermes  
 expellere potest, inprimis succo absinthii ad-  
 jutus. Quod ipse Empiricus ignorabat, apud  
 quem, ut *Celsus* loquitur lib. I. morbi cogni-  
 tio extra artem, medicina intra usum est. Plu-

ribus nolo oculos tuos fatigare, quibus breves epistolas commendo, breves labores, sed longius ocium. Vale, mi Nepos, & ut porro benè valeas, fac ut oculi valeant. Salutant Te amici omnes, quos de Tua salute sollicitos credas. Hafnia: III. April. clō Ioc LXIII.

T. T.

Th. Bartholinus.

## EPIST. LV.

*De Vesiculis in pulmone. Anatome cuniculi pręgnantis. In pulmonibus experimenta. De lacteis mammarum. In Cygno observationes, &c.*

THOMÆ BARTHOLINO

Hafniam.

SI unquam ulla, pręsens certè scriptiois Sceleritati juncta responsionis tarditas excusatione opus habet: cum &, binis licet eodem tempore beatus literis, nullas tot mensium decursu remiserim, & modo, cum respondendi officium differre amplius non liceat, temporis invidiam argumentorum copia experiatur. Sed facilem utriq; veniam nulli non decantata facilitas Tua promittit. De pulmonum parenchyma

chyma spectantibus Malpighii observationibus ulteriorem meditandi occasionem desideratum diu tandem verò mihi ab amico oblatum microscopium præbuit. Lectis quidem Tuis tum ad D. Borrichiũ tum ad me literis, non dubitavi, quin variæ in pulmonibus demonstrari possint vesicæ, & quidem modo non uno. In exsiccatis enim, si prius Malpighii exemplo omnis eluatur sanguis, quam exponuntur siccandi, plurimas, ubi dissecti fuerint lobi, conspicendas cavitates sine omni controversia est: dissecantur enim simul plurimi tum venæ, tum utriusq; arteriæ ramuli, quos omnes manifestis cavitatibus donatos nulli non manifestum. Quod si vero etiam antequam siccantur, aëre pulmonum distendantur bronchia, quot quantasq; in dissectionis videre licebit cavernulas? Sane cum arteriæ asperæ extremitates sine numero per totam pulmonum substantiam dispersantur, flatu easdem violenter distendente, innumerarum vesicularum, si dividantur, speciem exhibebunt. Sed ideo statuendum pulmonum parenchyma ex puris vesiculis constare, non videtur necessarium. Quid quod ne quidem inde sequatur vel solius asperæ arteriæ extremitates in vesiculas desinere, ut de extremitatibus venæ, arteriæ, lymphaticorum nihil

addam. Quantum in arido canis pulmone microscopium mihi revelavit, præter rotunda dissectorum vasorum foramina, & minutissimorum filamentorum sine lege currentes myriadas, nihil omnino conspiciebatur, nullæ rotundæ membrana undiq; vestitæ cavernulæ, nihil planè vesiculæ nomine salutandum. Nec ipsa siccati pulmonis illæsa superficies vesicularum sub microscopio ulla exhibuit indicia, aderant protuberantiæ, sed illæ ut magnæ, ita & inæquales, nec in medio tumentes, nec in ambitu orbiculares, adeoq; vesicularum nomen minimè tuentes. Absit tamen ideo ingeniosissimi Viri experimento fidem detraherem, quod mihi semel iterumve idem tentanti non successerit, viam forte non eandem ingredienti. Sed de Malpighio hæc sufficiant, donec ipsas ejus literas examinare licebit. Ipse his diebus cuniculum aperiendo, cætera ut in commodiorem locum remittam, circa fætuum (quos utero gestabat quatuor) pulmones sequentia observavi: Relicto suas intra membranas in utero quarto foetu, reliquos tres extractos ab involventibus tunicis liberavi, unius etiam ligavi umbilicum, & ecce post brevem moram moventes os prætusq; catulos & tandem aërem magna vi haurientes, ut plenam respirationem omne-

omnes facile possent agnoscere, inde pedum vires ipsi tentando, post paucos nifus eo usq; invaluere ut eorum unus hinc inde perreptando, tandem sub expansæ per mensam matris cruribus, ab aëris frigore minus ibi vellicatus, quiesceret. Extraxi ex tepido suo asylo vegetum animal, & pro viribus satis reluctantis pectore dissecto pulmones reperi albicantes jam tum, & spongiosos, licet alterius intra membranas suas in utero extincti pulmones densi sangvinolenti, & his omnino essent dissimiles, miratus tantam tam brevi tempore factam mutationem. Superiori ætate in cane gravida circa respirationem idem observavi, ad pulmones tum temporis non attendendo, ubi foetus, licet necdum partus tempus instaret, exsecti vitaliq; auræ expositi haustum aërem cum repetitis ejulatibus reddiderunt. Sed hæc frequentia, rarum quod ingeniosissimus juvenis & in Anatomicis exercitiis assiduus Dominus Squammerdamius mihi exhibuit, aërem per medios pulmones in cor propellens. Deficiente animalis vita, vesica quadam reciprocum pulmonum motum respirationis æmulum continuat, donec tandem per venæ pulmonalis ramos in cor descendentes bullæ experimenti successum demonstrent. Memoratu

r 5

quoq;

quoque, dignum videtur, quod apud eundem ut  
& inde apud Dn. Padburgium juvenem itidem  
Anatomica magno cum fervore tractantem  
circa motum cavæ notavi ab ingeniosissimo  
Dn. Laer primo observatum. Viderunt hi, si  
in vivo denudetur jugularis vena, ut & per me-  
dium dorsum in abdomine decurrens cava,  
quotiescunque inspirando thoracem disten-  
derit animal evacuari, & in collo & in abdomi-  
ne cavam, ita, ut quæ ante distenta rubebat,  
momento compressis tunicis albicet ad pristi-  
nam & rotunditatem & purpuram illico redi-  
tura. Qui id videre hætenus, variè varias at-  
tulere rationes, mihi talem res visa est admit-  
tere posse explicationem, si vacui fugam ad  
partes vocare liceret. Si enim, ut ajunt, tho-  
racis dilatatione distentus pulmo aërem fugit  
quasi, & attrahit, posset dici propter eandem  
thoracis ampliacionem, dilatatam quæ intra  
thoracem est, cavæ portionem, attrahere il-  
lum sanguinem, qui in cavæ ramis tam supra,  
quam infra thoracem reperitur, ideoque inaniri  
cavam extra thoracem, quod quæ intra thora-  
cem est cava impleatur. Sed cum vacui fuga  
fere in totum devicta in vacuum aufugisse vi-  
deatur, verior mihi illorum apparet mens, qui  
per solam pulsionem similia phænomena ex-  
pone-



ponere solent, atq; secundum hæc dogmata, thorax dum musculorum ope dilatatus circumstantia quælibet eo pellit, ubi minor est resistentia, uno eodemq; tempore & in pulmones aërem, & inferiora versus abdominis viscera, & in partem cavæ intra thoracem, qui in cava extra thoracem est, sanguinem propellit, ut adeoq; impleatur cava intra thoracem, quod, quæ extra est suum eò mittat contentum. Hoc forte modo illud phænomenon explicari posset, si ulterior experientia idem confirmarit, simulq; pateret ulterior respirationis in circulatione sanguinis usus. Sed quo me pulmones, quo respiratio abduxerunt? ad reliqua doctissimarum Tuarum momenta redeundum.

Lacteas quasdam ad mamillas ab interioribus tendere multæ quidem indicare voluerunt observationes, sed, quantum ego colligere possum, necdum ullæ demonstravit. Sanè Schenckium nil vidisse nisi vasculum in ipsis mammarum glandulis ortum, & inde ad papillam delatum ipse quam evidentissimè testatur, dum vasculi ejusdem pressu lac per papillam effluxisse fatetur. Nec enim facile crederem, si quæ ab interioribus prodirent vascula eadem ad papillam immediatè esse continuanda, cum inde sequeretur & frustra esse datum  
illis

illis glandulosum parenchyma, & in sectionibus non separari posse ubera lacte distenta sine vasculorum eorundem dissectione, adeoq; nec sine effusione lactis, quorum huic experientia reclamation, illi fidem denegat ratio. Quod si verò statuendum lactearum duo esse genera, unum ab interioribus ad glandulas adscendens, alterum ab iisdem glandulis per proprias radices receptum lac ad papillas deferens; non poterit idem Clarissimus Vir ex suo experimento demonstrare, primi generis fuisse, quod vidit, lacteum, quod tamen solum est de quo quæritur, cum secundi generis lacteæ, quæ nempe contentum suum extra corpus excernunt, à nemine facile in dubium vocentur. Quod reliquorum attinet observationes, obscurant illæ rem, non illustrent, cum pro Auctorum varietate varians istorum ductuum descriptio experimenti fidem dubiam reddat, & quæ quilibet mentis oculis primo vidit, eadem & corporis inde oculis se vidisse crediderit. Hic enim à ductu thoracico per thoracis musculos ad ubera, ille à receptaculo per abdomen supra abdominis musculos eodem, alius ad eandem partem per abdominis musculos ab utero Lactea deducit, & nihilominus experientiam testem omnes producant. Sed quid si in

Si in canibus hic, in cuniculis ille, tertius in  
 homine, quæ affert, viderit? Quid si in quoli-  
 bet horum triplex ad ubera reperiendus cana-  
 lis? Hæ, similesq; suspiciones locum forte in-  
 venirent, nisi varia se illis opponerent, veritatis  
 speciem longè majorem præ se ferentia argu-  
 menta. Sed hac de re plura, si Deo placuerit,  
 in responsione ad Everhardum, in cujus gra-  
 tiam, ut eadem observarem sumptibus non  
 magis peperci, quam labori, cuniculorum  
 omnem varietatem ad cultri examen revo-  
 cans, sed quòd plura hoc in casu tento, eò lym-  
 phaticorum Tuorum clarior refulget veritas.  
 De vesicula fellis, quæ in corvo observata  
 scripsi, paullo forte fuerunt obscuriora, nega-  
 vi quippe hepati accumbere, & tamen hepati  
 jungi dixi. Ideo autem hæc duo putavi diversa,  
 quod in reliquis, quæ aperire mihi contigit,  
 animalibus vesica non modo fibrillis quibus-  
 dam hepati jungatur, sed eidem media fere sui  
 parte accumbat secundum longitudinem ejus  
 superficiiei communi quadam pellicula con-  
 nexa, hic vero unico tantum ramo hepati ad-  
 hærens reliquo sui corpore undiq; libera sac-  
 culi instar oblongi se mihi exhibuerit viden-  
 dam. Sed nec M. A. Severini observatio de  
 vicino cordi hepate in omnibus corvis videtur  
 locum

locum inventura, cum in hoc etiam si parva multisq; in locis adhuc implumi auriculam dextram inter & hepar aliquot digitorum fuerit intervallum. Cordis motum, cuius tum memini, accuratius ut examinarem, tum varia, quæ aliud agenti, quærentiq; se per intervalla obtulerunt experimenta, tum aliæ quædam rationes occasionem dederunt: quo fine in fibras cordis diligentius inquisivi, de quibus, favente divina gratia, brevi tractatulum curabo edendum cum adjuncta responsione ad Everhardi rationes, & Deusingii Blasiiq; convitia, quorum ultimus amicâ Tuâ interpositione seposita, quas ante biennium præter propter ad Te dederat literas, feriis proximis Nativitatis Christi publicam in lucem emisit, ubi ut taceam, quæ in me evomit, admodum amarulenta, circa ductus istius descriptionem, Ideæq; Med. Gen. interpretationem sex & ultra committit Anatomicos errores, utpote qui ne quidem ex mea descriptione verum istius ductus vel ortum adhuc addiscere potuit, vel exitum. Ad crebras alvi excretiones excedentem bilis copiam multum facere non dubium est, minus certum an ad easdem aliquid conferre possit vesiculæ biliaræ situs profundior, ut ut est, non in hac tantum sed & in aliis avibus eundem fere

fere vesiculæ situm, biliariorum verò ut & pancreaticorum vasorum numerum semper observavi eundem. Quid in mure, glire, felle, variisq; boum uteris observatum, ab amicis ut puto, jam tum audivisti, ut & de bile insipida, nec non de hernia uterina in utroq; canis ingvine reperta. Cygnus, quem hisce diebus aperui, varia exhibuit, præ cæteris mirabar in utroq; lingvæ latere tredecim præter propter numerari ostia in eadem recta linea sita, quæ singula & pressa succum emittebant, & stylum admotum satis recipiebant profundè; 2. totam ingluviem, sed & ingluviem supra œsophagum, innumera exhibere ostiola, unde nullo negotio succus exprimebatur, in ingluvie albicans, aqueus in œsophago; 3. in membranas pulmonum à costarum extremitatibus procurrentes fibras carneas diaphragmatis forte absentiam supplentes: adderem cætera, nisi ab amicis, qui una aderant crederem significata. In humano cadavere Blasianos errores circa ductum salivæ superiorem hisce diebus detexi, sed & quæ in oculis brutorum observata descripsi vasa, in ejusdem hominis oculis manifestè notavi, tum ex glandula oculi exteriori in tunicam palpebræ superioris interiorem pergentia, tum à punctis lacrymalibus patentia

in

in nares, de glandula vero lacrymali dicta, nihil licuit observare. Equinum caput, ut alia varia satis egregia, sic & in cerebro quædam in aliis mihi non visa exhibuit, ut in ventriculo nobili plexum choroidi similem, in hoc ut & ipso choroide affusam vasis substantiam glandulis simillimam; in pineali magnitudinem quidem satis conspicuam, sed colorem exterius nigricantem, interius cineritiam multis fuscis maculis distinctum, usq; adeo jam omnia audent omnes, ut ne ipsam quidem animæ sedem intactam relinquat atra bilis. Sed equis fortè id familiare; idem enim etiam in altero, quod inde secui, equino capite deprehendi. Certè quo plura tum aliorum animalium, tum varii generis avium aperio cerebra, eo minus animalibus convenire ingeniosissima & actionibus animalibus explicandis admodum aliàs conveniens cerebri animalium à Nobiliss. Cartesio excogitata fabrica videtur. Id quod aliarum rerum in cerebro observatarum expositione ostendere facile esset, nisi eadem observationes, cum maximam partem fuerint vespertinæ nec raro nocturnæ, multum adhuc noctis in se haberent, nisi eadem propter ordinarias occupationes interruptæ, multas multis in locis ostenderent lacunas; nisi denegatus mihi Plutii favor

favor id egisset haftenus, ut ex iis quæ plurima in eum finem indies video agenda, paucissima præstiterim. Sed fovenda hæc sunt, donec otium & opes acerbos modo fructus ad maturitatem quandam perduxerint. Vale Clarissime Vir, & favere perge

Tibi

addict.

discip.

Raptim Leidæ A. 1663.

J. Mart.

Nicolao Stenonis.

# EPIST. LVI.

*De conario nigricante. Superfætatio rara.*

*Mittio periodica puerpera. De funiculis*

*umbilicalibus brutorum.*

NICOLAO STENONIS

Leidam.

**P**RO variis observationibus Anatomicis missis, quæ elegantes sunt, & manus tuæ mentisq; promptitudinem produnt, quid rependam, non invenio. Mirum mihi visum, quod vena cava abdominis evacuetur in inspiratione; nisi fiat id compressione vicinarum partium in inspiratione compressarum, tuæ conjecturæ primæ acquiescerem, nam si pulmone

negotium esset conficiendum, videre non possum, quomodo tunicas venarum in thorace satis densas, pervadat aer, ut vel pellat vel impleat. Sed ad plures observationes suspendendum est iudicium. Dr. *Hoboken* impressas Epistolas pro *Blasis* defensione ad me misit, doleoq; quod irritus fuerit meus conatus irenicus. Nigricans conarii color mihi videtur *Cartesii* sententiæ favere, quia species externæ in cubiculo clauso parieti rectius clariusq; repræsentantur, quam in lucido, quod in retina oculorum tunica quoq; videmus. Possunt igitur in conario nigricante animales species repræsentari, nisi is color sit morbosus, aut Equi, quorum capita aperuisti, minus sani. Ex nostris observationibus pauca reddere possum, quæ vestræ diligentiae respondeant. Raram tamen superfœtationis historiam novissimam dabo. Anna mulier urbana, quæ in mitris mulierum nostrarum conficiendis occupatur, post festum Michaelis ultimum, abortum exclusit solitis doloribus prægressis, remanente tumore quodam, quem pro hypochondriaco affectu interpretabatur. Frustra ad putaticium morbum varia Medicorum auxilia sollicitavit, cottidie enim aucto in maiorem ventre, mense hoc sanum alium vivumq; fœtum natum vidit.



In brutorum genere crebriora vidi exempla, cui multiplex foetus familiarior. Quia in muribus multa, uti narras, observasti, scirem libenter, qualem in gravidis uterum inveneris, & an musculos in utero matris contentos aliis musculis praegnantibus unquam videris, sicut scribunt *Aristoteles*, *Plinius*, *Aelianus*, aliiq;. Haecenus ego nihil tale observavi, ut forsitan dicendum sit, ita credidisse veteres propter copiam murium & foecunditatem. In uno quidem nido subinde magni parviq; muscoli unius matris reperiuntur, an verò hinc illa diversitas dependeat, vel quia saepius mus parit, dicere non possum. Quia circa praegnantibus puerperasq; versamur, omittere non possum nuperum casum, qui Medicorum nonnullorum industriam & curam fatigavit. A partu difficillimo, quo pedes foetus primum vi extracti, nobilissimae feminae in urbe nostra, lotii viae laedebantur. Exulceratae partes iterum quidem temporis longioris intervallo consolidationem admiserunt, sed statim vicibus lotii incontinentia puerperam urget, conempe momento diei, quo foetum difficilem fuerat enixa. Jam verò post longa tadia, istud incommodum evasit. Insolita mihi visa est haec periodus, nec satis de causa consensimus,

simus, adeo multa cotidie occurrunt circa hæc sacra, quæ admirari satius nobis est quam rimari. Jam ab equis ad asinos, ab homine ad bestias deduco calamus, ut Tibi pro ampla Epistola, nonnihil refundam. De funiculis enim umbilicalibus brutorum incipit jam cogitatio, data per villicum meum occasione, qui ipso hoc momento Vituli cujusdam fatum deplorat. Scilicet præter umbilicales arterias, venam & urachum, duo alii funiculi minores temporesq; ex umbilico progredi ad mesenterium, illiusq; ferè centro infigi in catellis dissectis à me observati fuere non semel, quos etiam notavit *Adrianus Auzotius* Epist. ad *Pecquetum*. In vitulis quoq; eisdem alias vidi. Ad sustinendum abdomen in prono animalium incessu factos à natura prius suspicabar. Sed funestam hanc fabricam detestantur villici nostri in vitulis, quamprimum ablactati ad foenum transierint, creduntq; vitio evenire vaccarum, si postquam Taurum admiserint, flagris cadantur. Cordatiores Veterinarii ex ingvine resecto extrahere sciunt & rescare. Alii ad cursum incitant vitulum, ut vehementiori motu ex se rumpantur funiculi.

culi. Plerumque tamen atrophiam fatiscunt animalia & ablactata moriuntur, quia ingesto fœno satis abdomen distendi nequit, funiculis hisce constrictum. Sed hæc forsitan à meo calamo aliena putabis, quia ad colonos spectant. At scias, has me jam cogitationes versare, ut relicto urbano strepitu, in villa otium quæram, & vir bonus fiam: Si enim credimus *Cassio* de R. R. majores olim Romanorum, virum bonum eum laudabant, ita laudabant: Bonum agricolam, bonumque colonum, amplissime laudari existimantes, qui ita laudabatur. Diatribam meam De Pulmonibus Tibi misi in fasciculo Horniano, Centuriis enim Epistolarum Te itineri accinctum operare, ausus non sum, Deus Te cum Comitibus, quos officiosè saluto, ducat & reducat. Vale, mi Stenoni, & me Tuum crede. Hafniæ raptim VII. April. clō Iōc LXIII.

T. T.

Th. Bartholinus,

## EPIST. LVII.

*De Pulmonum Uſu. Puris pleuriticorum  
per lotium & alvum expurgatio. Glandula  
Pinealis deſenſio.*

MARTINO BOGDANO

Bernam.

**P**Rioribus ad Te XXII. Aug. anno priorū  
ſcriptis, fideiſq; Hauboldianæ concreditis,  
has ſuperaddo; quod ſciam gratum eſſe Tibi  
quicquid ab amicis venit. Miſi fasciculum cum  
Hauboldo Tibi tradendum, libris nonnullis  
ex prælo noſtro nuper emergentibus factum,  
quem æqui boniq; facies. Prodeunt his nundi-  
nis Vernalibus Centuriæ duæ priores Episto-  
larum Medicinalium. *Malpighium* addo, cujus  
obſervationem illuſtravi, & authoritate tam  
veterum quam novis experimentis confirmavi.  
De ſubſtantia loquor. Nam quæ de Uſu novo  
ſanguinis miſcellæ affert, dubia habent. Cur  
enim non ſufficit cor ad miſcelam, in quo am-  
plior cavitas, quo chylus & lymphæ confluunt?  
Niſi perfectiorem fieri hic dicamus, propter  
innumeras veſiculas exiles, ut pulmones ſint  
cordis percolatorium inſtrumentum, vel mi-  
ſtorium, ſicut in abdomine hepar eſt pro ven-  
triculo. Fluxibilitatem ſanguini ab albo hu-  
more fieri, negare non poſſumus, quatenus  
ſcilicet

scilicet lympham habet admixtam, sicut id de  
 sero *Hippocrates* prodidit, quod est *ὄχνημα*  
*αἷματ* &. Aëri id tribuit in pulmonibus *Bac-*  
*kius*, quia aër, etiam in peripato primum hu-  
 midum vocatur. De Tubulo ex pulmonibus  
 avium ad abdomen protenso quæ scripsi in te-  
 studine magna confirmantur. Refert enim  
*Gassendus* in Vita *Peireskii*, asperam arteriam  
 testudinis ramulos quosdam ad renes & vesi-  
 cam usq; producere. Similes in homine si de-  
 monstrari possent, prompta foret via quæ pus  
 pleuriticorum per lotium expurgaretur, & ma-  
 teria in abdomine contenta per tussim expe-  
 ctoraretur, in quâ observatione desudat *Mer-*  
*letus* Medicus Parisiensis, qui expurgari conce-  
 dit, sed vias ignorat. Multæ certè viæ in cor-  
 pore sunt, adhuc nulli notæ, præter Naturam,  
 quæ in vivis patent, & in Crisi naturæ paten-  
 tes, humorum *μεταστροφῆς* admittunt. Utinam  
 omnia evidenter nobis aperirentur & vela ob  
 oculos posita tandem removerentur. Nuper  
 grandæva mulier pleuritica septimum feliciter  
 superavit, sine Venæ sectione, copioso alvi  
 fluxu leni purgante provocato. Sine dubio hic  
 similes vias elegit Natura, quibus pus expelli-  
 tur. Utinam eas aliquando diligentior manus

feliciorq; detegat. Nobis in posterum non li-  
 cebit esse tam beatis, quia manum de ista ta-  
 bula removimus, aliisq; non invidentes qui-  
 bus Natura procari voluerit. Strenuè his exer-  
 citiis occupatur industria *Stenonii* nostri, qui  
 indies nova experimenta facit, præter illa quæ  
 publicis typis leguntur. Inventionem Ductus  
 Salivalis exterioris illi dubiam facit *Cl. Blasius*,  
 quam sibi brevi publicè vindicabit. Ego ami-  
 cum utrumq; reconciliare conatus sum, sed  
 frustra. *Deussingius* ad Hepar meum Defunctum  
 aliqua reposuit, quæ primæ naves mihi affe-  
 rent. *Bilsius* Pythagoricus est, & silet. Ejus  
 labyrinthi Descriptionem aliam & diversam  
 invenit apud nos *Paulinus* junior. Pater ejus,  
*Simon Pauli* noster, valetudinarius fuit ex di-  
 vulsione scapulæ sinistræ molesta, quæ diu op-  
 timum Virum exercuit. Quando per otium  
 licuerit, in Flora Latina augenda totus est.  
 Nescio an ad vos pervenerit *Cartesii* opus post-  
 humum *De Homine*, ingeniosius forsitan quam  
 verius. Ad conarium enim omnes actiones ani-  
 males referuntur. At *Stenonius* noster glandu-  
 lam hanc in equinis caputibus nigricantem ob-  
 servavit, qui color speciebus in cerebro re-  
 præsentandis non videtur satis idoneus, nisi  
 obscuri cubiculi exemplo eum tueamur. Im-  
 minui-

minuitur quoq; ejus glandulæ dignitas, quod & arenulas & calculum exiguum ibidem inveni-  
 nerit *Fr. Sylvius*, Leidenſium *Æſculapius*. Imò  
 ipſe *Schylius*, Cartesii interpres & fautor, cujus  
 opera Homo Cartesſianus natus eſt, in præſa-  
 tione diffiteri non poteſt, lapillum ibi reper-  
 tum fuiſſe, qui plusquam dimidium glandulæ  
 occupabat. Dici tamen poſſet morboſam hanc  
 glandulæ conſtitutionem nihil naturali dero-  
 gare. Nimium enim ſibi in hoc corpusculo  
 blandiuntur Cartesſiani, quibus ſolida illa vo-  
 luptas invidenda non eſt. Mulier quædam  
 apud nos oſſa infantis per umbilicum & ilia ex-  
 crevit nuper, quæ concepiſſe fertur A.C. 1643.  
 Scripſi hac de Re Diſſertationem, quam mittam  
 ubi lucem viderit. Aliàs plura. Tu, mi Bog-  
 dane, cum lectiſſima conjuge & Clariff. Col-  
 legis *Rege & Wilhelmo*, vive diu, & me ama  
 ſemper Tibi addiſtum. Hafniæ VI. Mart.  
 clō Idc LXII.

T. T.

Th. Bartholinus.

## EPIST. LVIII.

*Dubitatio de Fœtu Mussipontano.**De Hydrope nodoso.*

JOH. DAN. HORSTIO      Darmstadtium.

**Q**uanquam magnæ res non occurrant, quibus calamum impleam, eunte tamen Francofurtum Hauboldo, sine literis abire nolui, ut Te, amicorum optime, pro fortunatis renati anni auspiciis, salutarem & alloquerer. Ex officioso, etiam otioso, constantem amicitiam æstimabis. Valemus adhuc omnes, ad Dei nutum, & Te Tuosq; omnes valere optamus. Centuriæ duæ priores Epistolarum Medicinalium jam se publico sistunt, nescio an bonis avibus. Quicquid merebuntur, Tibi aliisque acceptum referent. Pauca enim ego ad opus illud contuli, non quod ad singulas Epistolas non responderim *quædam*, sed quod exemplar responsoriarum mihi non reservaverim. Posthac tamen ero cautior, quanquam repetitum calamum non mereantur, quæ stans pede in uno sæpe effudi. De Fœtu Mussipontano rumor ad nos defertur, quod figmentum sit ingenii cujusdam otio suo abundantis, & forsan Medicis illudentis. Certa id ad nos fide perscriptum, ut gaudeam, quod



quod de fide Historiæ ante dubitarim, quam sententiam meam ad Te perscriberem. Quicquid sit, impostoribus publicis malè precamur, ne utiquam illis, qui imponi sibi passi sunt, ut in re difficili ingenii vires periclitarentur. Quid præterea agam, Hauboldus referet. Pulmones illustravi, ita ut in ventos penè abeant, & vesiculas, quales quoq; in Chamæleonte & Testudine marina eleganter descripsit Jo. Faber in Hist. Mexican. Expositione ad Cham. Mexican. Ut planè evidens sit, nec nova prorsus, nec absurda protulisse *Malpighium*, quia & apud veteres, in diatribe à me adductos, & recentiores clara vesicularum vestigia prostant. Brevi novam de insolitis partus viis Dissertationem promitto, prælo vicinam. Ne sterilis sit Epistola mea, hydropis nodosi exemplo nupero, tuam lectionem provocabo. Nobilissima Matrona hydropica nostræ curæ commissa, tandem tumidum abdomen sudore frequenti, quem sumpto Unicornu nostro svasimus, superavit, Deoq; & nobis gratias egit. Sed, quanquam læta diu hac sanitate gauderet, perpetua non fuit gaudii optati possessio. Nam de sanitate illius dixerim, quod de pace olim *Naso* l. V. Trist. El. 2. Pax tamen interdum est, pacis fiducia nunquam.

Sen

Senſim unius alteriusve anni decurſu noduli in abdomine ſuborti, qui primò exiles, moleſti generoſæ menti non erant, at ſumpto incremento, animum ægræ non parum commovebant. Mobiles erant, hinc inde per abdominis regionem diſperſi velut in campis tumuli, doloris expertes, nullo colore à reliqua cute diverſi. Conſultus iterum de hoc affectu, judicavi ſeroſam colluviem glandulis omenti abſorberi, haſq; in tumorem elevatas cutem abdominis inæqualem reddere. Ut omentum incuſarem, facilè mobilitas tumorum perſiſſit, nec aliam partem ibi divinare potui, vel mobilem, vel glandulis refertam. Et glandulæ, quia vaſa lymphatica recipiunt, ſerum poſſunt coacervare, & nodulos tales efformare. Ut id certius ſuſpicarer, fecit *Hippolitus Baſcius* Lect. 1. de Facult. Anat. p. 17. qui obſervavit A. 1580. in cadavere mulieris Hydropicæ intra propriam tunicam multas veſiculas per ſe aquam continentes per omenti ſubſtantiam diſperſas, eodemq; anno mulieri cuidam, apertâ in regione umbilici vomicâ, excidiſſe vidit partem omenti ejusmodi veſiculis refertam. Hi noduli tandem increverunt, & ad tactum doloris præ ſe ferre ſenſum; unde quanquam auxilio noſtro non defuerimus, malè

malè ominari nos metus imminentis tandem  
 Scirrhi, huicq; succedens cancer cōegit, quæ  
 tamen mala catarrho prævenit, quæ suffocata  
 amplissima bona fratribus reliquit. De scirrho  
 metum confirmavit mulier melancholica a-  
 pud magnum Parentem Tuum *Greg. Horstium*  
 sect. II. Epistol. p. 453. cujus omenti glandulas  
 scirrhosas & induratas in cadaveris eviscera-  
 tioneprehendit *Streiterus*. Hæ meæ fuere de  
 nodulis hisce suspiciones, quas nec oculis lu-  
 strare potui, nec manibus satis, nisi per indu-  
 sium, palpare. Neq; enim credidi esse fungos  
 boletos, quos ubertim in sectis hydropicis in  
 parte abdominis interiore Neapoli reperit *M.*  
*A. Severinus* de Abscess. c. 2. §. 2. quia hi extra  
 abdominis superficiem non eminebant. Nolo  
 plura, nisi ut valeas diu & vigeas publico bo-  
 no, meq; porrò ames, ex asse Tuum. Vale.  
 Hafniæ X. Mart. clō lōc LXIII.

T. T. Th. Bartholinus.

## EPIST. LVIII.

*De curatione Hypochondriaco-Scorbutici.*

FRIDERICO HAMMERO Elsingoram.

**I**Pso hoc momento tuas accepi, quibus amici  
 Iuliusq; Dn. Matthiæ Martini affectum signa-  
 sti,

ſci, meumq; de eo conſilium pro veteri amici-  
tia, quæ nos intercedit, exqviris. Quamquam  
verò ea quæ cœpiſti methodo, iisq; remediis  
ſignatis indicationibus abundè, quæ tua eſt  
ſolertia & experientia, ſatisfacere poſſis; tamen  
quia meum etiam de illis iudicium petis, paucis  
& in amici Medici, & Affinis ægri gratiam,  
meam ſententiam aperiā. Quantum ſympto-  
mata memorata indicant, credo adhuc af-  
fectum eſſe Hypochondriacum & Scorbuti-  
cum, à cujus vaporibus ex meſenterio, liene, &c.  
elevatis, & dyspnœa oritur, & inſomnes noctes  
dependent. Igitur obſtructio meſenterii lie-  
nisq;, mali origo, tollenda, quod commo-  
diore medicamento fieri non poſſe credo,  
quam vino medicato, aliàs præſcripto, vel Tua  
potione pectorali purgante, in qua tamen  
forſan augenda eſſet doſis foliorum Senæ, quia  
per vices, aſſumitur. Hiſce nonnihil inſiſten-  
dum, & propter lienem, dulcia vitanda. Nec  
diſſuaderem venæ ſectionem in corpore Ple-  
thorico viribus adhuc conſtantibus, poſt uſum  
vini medicati vel potionis. Emetica non au-  
ſim ſuadere, propter metum ſuffocationis. Ejus  
loco clyſteres carminativi ſæpius iterati magis  
commodi forent & opportuni. Demum, quod  
caput negotii eſt, Scorbuti quoq; habenda  
ratio

ratio est, quem à Te neglectum video. Igitur præmissis aperientibus supra laudatis, & instituta Venæ sectione, sudores commendarem, five in lecto five laconico, exhibitis sudoriferis, quæ Scorbutum quoque respiciunt, qualis est Aqua antiscorbutica seu *Querquetani* seu *Wormii* officinis nostris usitata, qua & eliciuntur superflui corporis cacoehymici humores, & Scorbutus jugulatur. Cætera tuæ prudentiæ relinquo, à Deo curæ Tuæ prosperum successum precatus. Meretur sane æger integerrimus omnem Medici curam, & sanam vitam quam ex animo ipsi opto, & Tibi omnia felicia. Vale & me ama. Raptim Hafniæ XXVIII. Mart. cld. lcc LXIII.

Th. Bartholinus.

## EPIST. LX.

*De editione Hollerii. Galenicæ Medicinæ laus.*

THOMÆ BARTHOLINO

Hafniam.

Post tot ab humanitate tua accepta beneficia, non alius quam ingratus esse possim, si taceam, & saltem gratum animum non ostens.

stendam Tibi, Amicorum meorum principi. Scribo igitur ut scias me Tui memorem vivere ac valere. Si vales bene est, ego quidem valeo: sed ut verum fatear, longior ac frigidior hyems tedium mihi adfert. *Aretius* Græco-Latinus *Petri Petiti* lentè procedit, sed tandem ad finem perveniet: ut & *Hollerius* de Morbis Internis cum Scholiis *Hollerii*, *Lud. Duretii*, Enarrationibus & Annotationibus: ac *Ant. Valetii* Exercitationibus: Quibus singulis nova hac editione ad completionem magni operis, accedent *Joh. Hautin*, Med. Paris. celeberrimi Commentarii & Observationes selectæ: quum ad umbilicum pervenerint, utrumq; ad Te mittam. Tandem vester D. *Flescher*, postquam ex atrocissimo acerrimoq; affectu convaluit, nempe dysenteria maligna, atrabiliaria, peneq; Lethali, ac ex tanto morbo per 4. menses roboratus fuit atq; recreatus, de repetenda patria cogitavit, & pro temporali illa, ad æternam penetravit: postquam enim cursoriis equis, media hyeme frigidissima, ad Icium portum, vulgò Calais pervenit, ex immodico labore in summa frigiditate anni, Vir delicatus ac teneræ valetudinis, in febrem continuam incidit, quæ hominem 3 die suffocavit: cujus casum infelicem seriò lugeo: sed nimis verum est illud *Martialis*, ingeniosi Poëtæ. Nullo

Nullò Fataloco possis excludere, quum Mors  
Venerit, in medio Tybure Sardinia est.

Dnum Legatum vestrum *Annib. Sestæ* ab aliquot diebus ex affectu cholerico decumbentem curavi, & Deus servavit. Vestrum quoque; Serenissimum Principem salutavi, qui me opiparò prandio etiam excepit, mihiq; præbuit. Oeconomus ipse D. Legati, tuo nomine me salutavit: ut & ejusdem Secretarius, ambo amici tui. Quando apud Dn. Legatum fient fasciculi in Daniam mittendi, unum quoque; Tibi reddendum superaddemus, ex iis omnibus quæ hic nobis occurrent, & quæ spero Tibi profutura, vel saltem placitura. Heri ante prandium invisi cum Filio meo *Carolo*, Dnum vestrum Legatum, cui obtulit ille librum suum, *Fulvii Ursini* de Familiis Romanis à se adauctum, & magna accessione locupletatum: alterum exemplar regio more compactum tradidit etiam Dn. Legato, pro Serenissimo Rege vestro. Tertium quoque; obtulit Serenissimo vestro Principi, qui gratum habuit munusculum, nosque secum ad prandium retinuit. Exemplar Serenissimo Regi vestro destinatum apud me decreveram ad Te mittere, sed Dn. Legatus hoc omne in se suscepit: idcirco in tuo fasciculo unicum reperiæ exemplar, quod tuum erit, à Fi-

lio meo *Carolo* Tibi oblatum; quod ut grata accipias mente, etiam atq; etiam rogo. Ex amore in nostram familiam D. Legati, ut & vestri Principis, quidquid inde in posterum redundabit, Tibi debebimus: ideoq; dicam cum *Ovidio*, *Gratia Musa Tibi*: gratias amicissime & charissime *Bartholine*: imò etiam gratias Tibi, optime *Galene*; vobis quoq; colendissimi Præceptores olim mei, & viri optimi, *Joannes Durete*, *Petre Seguire*, *Nicolae Pietræ*, *Michael de la Vigne*, *Renate Moreau*, *Andrea du Chemin*, à quibus Galenicam benè medendi Methodum edoctus, nunquam nisi melior recessi, indeq; saluberrimam Artem feliciter exercui ab annis 40. summo popularium commodo, sine fraude & impostura, sine furo & fallacia, more majorum, absq; Stibio, Gilla Theophrasti, & aliis venenis Chymisticis: paucis remediis contentus, Sena, Cassia, rheo, manna, quandoq; compositionibus scammoniatis, Diaphanico & aliis ejusmodi, cum Syrupo rosarum solutivo, & de floribus mali persicæ, de cichorio comp. cum rheo, & omnium nostrorum remediorum principe, nunquam satis laudata propeq; divina Venæ sectine, cujus ope acutiores morbi feliciter debellantur, atq; profligantur. Sunt & nobis in usu  
& ad



& ad manum alia præsidia, sed quæ rarius usurpantur, qualia sunt balnea, & thermæ, æris & loci mutatio, lactis species omnes, aquæ metallicæ: quæ quidem singula quum magis pendeant ab experto, faciunt secundum ordinem remediorum, & duntaxat in morborum depulsione easdem vires obtinent quam turmæ auxiliares in exercitu. Hic habeas munusculum, nempe calculum argenteum, sive numisma, cûsum in meo Decanatu, ex Decreto Facultatis: quod ut grato animo accipias, enixè precor. Aliàs alia scribam. Interea, Vir Cl. vive, vale, & me ama. Parisiis, diè Lunæ, 18. Martii M DC. LXIII.

Tuus ex animo

Gvido Patin.

## EPIST. LXI.

*Errores in Bibliotheca Lindani. De Febri-  
fugo Peruano. De Pedibus Phtisici.*

GUIDONI PATINO

Lutetiam.

**M**aximo gaudio me affecerunt binæ literæ per Nobiliss. Biermannum mihi traditæ, eò imprimis nomine, quod Te, amico-

rum ocellæ, & valere & vivere & me adhuc amare significarent. Deus porrò Te servet in Reipubl. Medicæ ornamentum. Grata mihi fuit promissio *Arenæ*, à Cl. *Petito* editi, *Hollerii*, *Fulvii Ursini* à filio Tuo eruditissimo missi & aliorum operum quæ doctæ vestræ officinæ pariunt. Ex nostris promittere pauca possum, quia tardiores sunt operæ nostræ, & difficilius ad vos mittuntur, alioqui misissem *Centurias Epistolarum*, & alia. Cl. *van der Linden* editionem ultimam de *Scriptis Medicis* accepimus, valdè auctam, sed doleo hinc inde errores irrepsisse. v. g. cum *H. Ernstii* nostri Catalogum Bibliothecæ Medicæ Florentinæ, pro Medica substituit. Malè quoq; diversa nomina facit *Andræ Kragii* & *Krugii*. Kragius enim unus fuit, Medicus insignis, & Academiæ nostræ Professor, Frater *Nicolai*, qui de *Republ. Lacedæmoniorum præclarum Commentarium* edidit. Decepit verò *Lindanum* in *Cista Medica Hornungus*, ubi vitio Typographi *Andreas Krugius* scribitur. Alia taceo quæ incio authore doctissimo & benè merito irrepsérunt. Habeo *Rhodii* nostri *Celsum* cum variis lectionibus & Lexico, quem publico destinabo, si svaseris. Thesin *Lipsiensem* de Pulvere Febri-fugo *Peruano*, cujus mentionem facis non vidi.

di. Vidi tamen nuper Vindicias *Rolandi Sturmii* Delphis impressas 1659. in quibus pulveris istius usus variis observationibus comprobantur. Utinam promissis semper responderet eventus, & securum certumq; antifebrile haberemus. Fecimus hic ejus pulveris experimentum, & ex duplici tertiana simplicem fecimus. Aliàs plura, jam enim urget tabellarius. Unum tamen addam, anteqvam finio. Ordinem fluxus certum humores corporis nostri servare, statasq; fluendi vices habere, ex febrium varietate constat, qua pituitam singulis diebus repentem in febre cottidiana, bilem alternis in Tertiana, Medicorum Galenicorum, quorum Te Principem æstimamus, constituit. Certas autem partes, vel hanc vel illam humiditatem occupare, inter perpetua Naturæ præcepta necdum scio receptum esse. Aliquid tamen in hanc rem observavi in juvene Hafniensi, Consulis filio, magnæ spei, de qua ingeniosi porro cogitent. Phthisicus erat cum febre hæctica, & mirantibus nobis die 8. May pedes tumere visi, dexter quidem tumore œdematoso, quem ex pituita solemus derivare, sinister erysipelate, quod bili imputamus, ut adeò pes hic ruberet, ille palleceret. Salutant Te officiosè fratres mei, D. *Simon Paulli* & *Wormius*, reliquiq;

eruditi, qui Patinum venerantur. Vale diu & diu vive. Officiosè saluto Cl. Tuum filium, Hafn. XXI. Jul. clō Ioc LXII.

T. T.

Th. Bartholinus.

## EPIST. LXII.

*De rubore cancrorum, & Terra solari.*

THOMÆ BARTHOLINO

Hafniam.

**A**micissima & omnis recondita Eruditio-  
nis, nectare imprægnata Exc. T. Litteræ  
præterlapsi anni mense Aug. exarata & finitis  
nundinis Autumnalibus Lipsiâ Uratislaviam  
mihi allata, locupletissimi testes fuerunt exop-  
tata promptitudinis & benevolentia singularis,  
me numero illorum, qui diffusum & per totam  
Europam sparsum nominis Exc. T. lumen ve-  
nerantur, & propius absq; metu Icarii lapsus  
accedere audeant, accensum fuisse. Saxeus  
licet nomine non tamen saxeum & ferreum  
mihi pectus, ut non emollitus & tam liberali  
responsione, ceu blando Solis calore fatus,  
animus gaudio quasi diffuere videatur. Opta-  
rem modo ut in me terram adeo excultam &  
dispositam ab Exc. T. dispersi radii invenirent,

quo

quo fructus exinde pronascentes Erudito Orbi  
 non aspernabiles forent. Interim cum (quod  
 absq; omni adulationis pompa seriò à me dici,  
 fcias Vir Exc.) nostrum seculum feracissimum  
 sit quidem Ingeniorum selectissimorum quæ  
 publicæ utilitati student; sane Te magis Curio-  
 sum, Te magis laboriosum, Te magis diffi-  
 cilibus Naturæ arcanis enodandis feliciorẽ  
 agnoscit Germania & adjuncta Septentrio  
 neminem, quod tot singularia Tua scripta per  
 totam Europam cum applausu suscepta, tot Tua  
 itinera cum summo Rei Medicæ fructu con-  
 fecta testantur. Gratulor ergo mihi, imò toti  
 nostro Collegio pro impetrata imo oblata  
 adeundi licentia, ut dum per prærupta & an-  
 gusta & spinis implicata ad Augusta Naturæ  
 Tempia repere contendo, per Litteras Exc. T.  
 instar fidæ Hegemonæ consulere, ut feliciter  
 Labyrinthos eluctari possim, concessum fuerit.  
 De Anglorum laudabili instituto & initâ Eru-  
 ditissimorum Societate præter Exc. T. jam ab  
 aliis audiui. Vocari illud Collegium Experi-  
 mentale & instructissimum tum Collegarum  
 ad 150. numerum ascendentium, tum sum-  
 tuum à Magnatibus munificentissimè assigna-  
 torû pondere. Hinc facillimè in Exc. T. sententi-  
 am descendo longè maiora expectanda ex fer-  
 tilis-

tilissima fertilissimorum. Ingeniorum Anglia, quibus tam totus Orbis per navigationes patet ut Naturæ antra extra mare, & in mari latentes recessus felicius & facilius perscrutentur, quam impensæ suppetunt per plurima Ignis Experimenta Artis beneficio Naturæ favissam excutere. Constricti contra nobis in Germania termini, constricta Magnatum marsupia, & dum pleræq; Magnatum Aulae vino intemperativè profuso madent, imò inundantur, Heliconii latices exarescunt. Quare si Cothurnus ob prædictas causas Collegio nostro adaptari nequeat, Socio erimus contenti, dum

— tenuo modulamur avena.

Quæ de Gammaris Exc. T. subjunxit singularia, & ea singulari gaudio perlecta & à me excerpta sciat. Utinam ad proposita problemata Oedipus sim non Davus, & imprimis de colore Astacorum coctorum. An quod potentia rubor insit crustæ? Sed qui rubor dum terrea & salina crusta dum adhuc multa humiditate distemperatur videri nequeat, antequam Ignis beneficio humiditas illa planè absumatur, natus color sese prodat. Nam & in iis Astaciis qui sub antiquatâ crustâ novæ crustæ rudimentum gerunt eandem tunicam ruberrimam sub cocto tegmine conspiciamus. Sal autem coctio-

nis

nis tempore additum intendere & augere ruborem dum igni socius humorem aqueum crustæ Sulphur diluentem & quasi obfuscantem magis adhuc exsiccat & absorbit. Sic & flamma Sp. Vini dum eo, astaci vivi asperguntur ruborem evocat. Reliqua ut suis locis inferantur, & enodentur pro virili dabo operam, aut ansam aliis Curiosis præbebo penitus acutior & lyncea Ingenii acie rimari ea, quæ cœcutienti mihi denegata. Interim cum laboribus meis Cancrinis non Cancrinis sed eruditis aliquot versibus gratulatoriis finito quamvis nondum opusculo applausum dederint Amici quidam faventes, idem summi Honoris & Benevolentia Suppondium prioribus ut addat ab Exc. T. aliquot versuum transmissione fatigare auderem, nisi nimia importunitate in urbanitatis Leges peccare viderer. Sed dum hæsito vellit mihi Cynthus aurem, animum titubantem confirmat, ut Exc. T. Fauonio aspirante fretus, naufragii immemor

— securâ naviget aurâ.

Dum per hoc hiemale tempus Olai Wormi-  
rerum naturalium peritissimi Viri Museum  
mente perambulavi, invenio Exc. T. præter  
alia plurima Singularia etiam diversis ex Italia  
allatis Terris mirandum hoc Naturæ gazophy-  
laci-

ladium locupletasse. Si tam pretiosæ purpuræ laciniam annectere auderem, transmitterem futuris vernalibus nuadinis speciem Terræ Solaris quæ in aurifodinis Silesiæ invenitur & diversa est ab illa axungia Solari & Lunari s; Terra Sigillata; Silesiaca. Duplex illa Terra Solaris, una quæ propè Reichensteinium ex adjacente monte olim aurifodinis (quibus Aurei Afni nomen) decantatissimo eruitur subpallidior, altera quæ prope oppidulum Zucmantel lutei coloris est, & si per retortam humiditas per se abstrahatur, purpurascit. Adstrictoriæ facultatis est cum vi alexiteria, nec inconveniens pro Tinct. extrahenda cujus mentionem feci Ampelograph. pag. 62. Append.

Antequam manum charta summoveam unum addere placet. In Cent. 6. obs. ult. Hist. Anat. Rar. Exc. T. mirum & ante inauditum Naturæ portentum producit Embryonem scilicet prægnantem. Inauditum in specie humana fateor. Luisse tamen & alibi Naturam eundem lusum testis est Euseb. Nierenberg; in Hist. Nat. l. 6. c. 2. in Hispania Equam peperisse Mulam alia Mula gravidam. Exc. T. quoq; notissima Naturæ Ludibria in Regno vegetabili, ubi dum producitur foetus seu fructus

quo-



quorundam Limoniorum, prægnantes illos edit, quale Limonium prægnans describit Ch. Wormius Mus. 2. 28. f. 206. & ante ipsum observavit Doldius in Cist. Med. Hornung. c. 245. ubi pomi exigui interioris cortex quoque flavus, medulla albicans, & succus suis distinctus loculis. Adeo polydædala Natura nunquam otiosa est, sed Curioso Spectatori indies ab Antiquis non percepta proponit miranda rimanda.

Vale vir Clariss. & tam Publico quam Tuis mihiq; diu vive, & ulterius studiis meis qualibuscunq; favē.

Vratislav. Silesiorum XXI.

Mart. 1663.

Mag. Exc. T.

Cultor devotissimus

Philippus Jacobus Sachs

à Lewenheim Ph.

& Med.D;A.C.

## EPIST. LXIII.

*De rebus variis imprægnatis.*

PHILIP. JACOB. SACHS

Vratislaviæ.

**M**itto Epigrammata bina extemporanea  
in laudem Libri Tui & Collegij illustris,  
idq;

idq; ut Tibi gratificer, & monstrem quanti Te-  
Tuumq; Collegium faciam, ad majora officia  
semper paratissimus. De cancro tuo præcla-  
rum Commentarium posthac expectamus, ut  
circa difficilia problemata porrò erudiamur,  
qvibus enodandis parem. Te in laboriosa & e-  
ruditissima Vite vinifera monstrasti. Jam igi-  
tur, qvia summo Tuo merito & felici omine  
Phosphori nomen in Collegio Illustri meruisti,  
gammaram publico bono profer & qvod Lu-  
na solet, qvando plena est, vacuum eruditione  
plenus imple, ut etiam hac accessione Rempu-  
blicam literariam augeas. Terra solaris illa,  
cujus spem facis, inter rara mea numerabitur.  
Habeo ejus aliqua frusta ex Ungaria nobis alla-  
ta, qvæ cum tuis conferam, ubi steteris pro-  
missis. Eqvam gravidam mulâ gravidâ ante  
ex *Nierenbergio* observaveram, sed nescivi an  
propria vel aliena fide id narretur, qvum pau-  
ca alioqvin suæ Naturali Historiæ ex propria  
experientia interferat. Limonium prægnans  
ipse vidi. Et ovum gallinaceum alio ovo gra-  
vidum monstravit mihi in Augusto suo Musæo  
Serenissimus Rex noster. Qvod de Eqva *Nie-  
renbergia* narrat, de muribus produnt uno ore  
veteres, *Aristoteles*, *Plinius*, *Ælianus*, qvos pro-  
babili aliqua ratione defendit vel excusat mag-  
nus

nus *Licetus*. Quidquid sit, multa sunt quæ vel ignoramus, vel, quanquam cognita, sine ratione scimus. Tu interim, Vir Excellentissime, vale, & naturæ arcana pro virili scrutare, meq; , quod facis, constantissimè ama. Hæsn. raptim X. April. clō Ioc LXIII.

T. T.

Th. Bartholinus.

Impress. Lips. &amp; Vratislav. 1665.

## EPIST. LXIV.

*Contra Lactea & Lymphatica Vasa  
instantia.*

THOMÆ BARTHOLINO

Hæsniam.

A Deo incredibili gaudio suavissimæ Tuæ me affecerunt, ut verba desint, declarandi illud modis, ut ajunt, dignissimis. Ideo quam raræ avis sobolem nullus non eruditorum in Te, Viro veluti consumatissimi judicii, humanitatem admiratur, Paradisicam ego scrinio pectoris inclusam venerabor. Cæterû cû placet anniversario literarum colloquio amicitiam captam olim, recolere, nolui ab incepto recedere, sed accepta appropinquantium Nun-  
dina-

dinarum Francofurtensium occasione, pensum earum continuare, annexa hac saltem prece, ut, si forte intempestivè accessero aut minus commode verba fluxerint, iterum iterumque ignoscas. Sanè nihil gratus mihi accidere potuisset limatissimis resolutionibus Tuis ad dubia de lacteorum & lymphaticorum usu, quibus, quotiescunque me clinicum agere jubet *veritas* mea, & delector & reficior. Sed ne putes me quas objectiones adnotavi ex selectis Tuis extraxisse, facile videbis, & ut factum video fuisse, multa plurimaque ex istis Riolani, Hemsterhusii, Conringii, Rudebeckii, Horstii, & quorundam, qui eadem de re in literis mecum egerunt, esse, quibus tamen sine nominis mentione honorifica vel ideo usus sum, cum ambigerem utrum ex sua aut aliorum mente essent profecta, maximè ceu bellè notas, quod in rei novæ usu assignando dies diem doceat. Censuræ autem Tux multum tribuo, & utinam citra æruginem tolerarentur ab omnibus, imprimis qui non hanc modò sed & magistralem illam Acolaneam, patere quæso, ut jocer, optimè merentur. Unum tamen, ni grave, fuerit, atque alterum cujus uberiores explanationem opto, adferam. In primo dubio, ubi scripseram, non omnia ex alimentis quæ assu-

assumuntur opus habere, ut in chylum mutentur, cum partes in illis satis aptæ ut nutrant, ista mutatione excludantur, notas 1. nihil per arterias ventriculi attrahi, sed per venas quicquid esset trahi. 2. refectiōem autem ejusmodi non sufficere reali indigentia partium. Ego vero hoc ipso thesin infractam adhuc agnosco, vim restaurativam solas per lacteas non statim ad cor deferri, cum tuo etiam calculo, per venas quasdam ad cor perveniat, quamvis non videam, cur tale alimentum spirituosum & aëreum ab arteriis ventriculi hauriri non possit, nisi adeò usque malè Tibi videatur scripsisse Galenus, quum διασολῇ sua è partium poris frigidum ad se attrahere perhibet; id quod multo magis in interioribus partibus fieri est credibile, quæ magis calent, & ut alicubi differit Hippocrates, cum exiccantur, id quod famis tempore pariter accidit. Quid nomines realem partium instaurationem, non satis percipio. Si enim ad corpus respicio, eccè & humorosa & spirituosa partium solidarum etiam substantia per humidum istud aereumq; realiter instauratur: Si ad vires verò, tunc oppidò nulla similiore nutriuntur. Prætereà facile differentiam observabis effluvii istius alimentitii extrinsecè naribus attracti, & quousque huc spectet.

spectet. Nolo enim prolixus esse in re clara, Nilóque aquam infundere. Si pepercerint Parcæ filo vitæ meæ, de nutritione instantanea illâ, aliqua luci dabo. Ejusmodi historiæ generali de Humoribus immiscui, nec dubito, quin serena fronte exemplar quod offero, accipias.

In secundo non video, quæ, si syncope ista stomachica Dd, consensu statuitur à vellatione oriri, aut, si mavis, à solutione continui, percipiunt enim ægroti morsum quendam & laborem circa orificium sinistrum, nervi sint illæsi. Scio inediam non vellicare, nec famem, sed causam famis, quam utrum vaporem an acidam materiam aut aerem vocemus, non erramus. Consensus non est materiæ tantum sed & generis societate, connexionis & operis. Quidam juvenis annis aliquot ab hinc sclopeto dorsum pedis fauciaverat, suboriebatur dolor cum inflammatione ingens, succedebat syncope & convulsio maxillæ inferioris καὶ ἔκλυε affecto pedi opposita, brevi gangræna succedente moriebatur. Materiam hic accusare vix possumus. Condolent nervosa nervosis: Causam particularium convulsionum lymphaticarum genuinam ignoro.

Tertio

Tertium, Quartum & Quintum apprimè placet calculo Tuo confirmatum. Antipatri exemplum saltem thesin munit, non omnem inæqualitatem pulsus chylo arteriis communicato adscribi posse.

Sextum illustras exemplis jucundissimis, Nescio tamen, ubi pistoris mei historiam usui tuo accommodas, utrū avidè ingestus cibus copiosus, celerrimè propter aviditatem cordi infundatur. Johannes Major S.S. Theol. Doct. & P. P. nec non Superintendens h. l. 82. annorum, lumine privatus annos aliquot ante obitū, coeterum viribus & mente optimè valens, post sumtam cænam extemplò desit. Consimiliter Diaconus h. l. M. Wilhelmus Wallichius senex, sanus & integer, comestis sub cæna duobus ovis coctis induratis, librum ex musæo petiturus, exanimis corruit vitamq; claudit. Flatuum multitudini & vehementiæ multum debemus, in senibus præsertim & quibus debilis inest calor, aut viscera obstructa, respiratio non satis libera, ut in phthisicis & asthmaticis. Bennetti Theatrum nondum ad nostras pervenit manus; utinam Tuâ cura unâ cum Everhardi Mediolanensis & Sylvii Leidenensis scriptis ad nos perferri posset, vel duplo ære redimeretur,

Septimum auctoritate nititur Hippocr. & Galenic. Sed observes velim ἀνατομία illam esse particularem, deinde distortionem vasorum non, si dicere licet, extra dorsum, sed in dorso delitescentium. Deinde locus iste de evenru & solutione loquitur.

VIII Ideo oppugnavi, quia dantur strumosi, sano invento mesenterio Deinde quod de lacteis ad collum pertingentibus adhuc nihil certi ostendatur. Constat autem Tibi Riolanum in responsionib. velle partes quasdam corporis nutriri chylo, & hinc finxit lacteas per totum corpus dispergi. Cæterum chylo plurimum sustentantur strumæ, etiamsi non lacteæ ad illas excursu suo pertingant.

XII. Usque quaq; sapit. Nec enim Tibi dica scripta hæc est, immò nulli, saltim optavi majus Φανόμενον. Ἀδίδακτος ἢ Φύσις καὶ ἐμαρτυροῦν τὰ δέοντα πείσσει. Hæc invia etiam penetrat, & ignotas nobis vasorum ἀνατομώσεις, cum est opus, aperit.

XIII. Vicinitas lactearum renalib. comprobare debet. Diurctica strictè dicta & Cantharides, tum Spontè, tum recta ad renes & vesicam descendere, in dubium revocat Rolfinccius, à quo salutaris honorificè, hic spuria pleu-



pleuritide penè extinctus fuisset. Sed in integrum restitutus optimè valet. De hoc problemate alio die scribam.

Quæ mihi circa XIV. occurrant, de natura seminis, aperiet Tibi Schola mea partium, quæ jam jam subjicietur prelo. Quæ verò de mictu calculorum Saxo duriorum notata rara sunt, incantationi tamen ita simpliciter non adscribenda. Existimaverim egò æquè in microcosmo generari posse quæ in macrocosmo fiunt; Dant corpora vitri fraxellis, putaminibus ovorum, pilis, filis &c. similia. Hypochondriacum nobilem habui, qui sæpius cum excrementis ingentem calculorum & ossium copiam reddebat. Pastor quidam septuagenarius, ad 20. annos, certis intervallis septimanarum, oborto prius cruciatu circa umbilicum insigni, reddebat omnis generis excrementa referta sabulo, corticib. ovorum, ossiculis, vitro, filis, cæteram suo munere perfungebatur optimè, quæ ab incantatione profecta sibi imaginabatur, id quod præ fabula habui.

XVII. Si chylus restagnans potest in flatu converti, & tumor ventris derepente factus multo melius huic quàm illi vitiò imputabitur. Ascitis nunquam est sine flatu. Quæ ventriculi

culi non poterit in ascite imbecillitas adesse,  
si calor cordis à sero debilitetur.

XX. & seqq. Non adeò dilucidè pro-  
posita exstant apud hos, quos nominas. Deu-  
singius erudite disputat, sed collectiones non  
sunt καὶ ὅλῃ. Hic vir scripturæ admodum de-  
ditus, sæpe sibi contrariatur. Quid lis ista inu-  
tilis sibi velit, jecur sangvificare pariter cum  
corde, capere non possum. Optarem in re  
elara bellum non faceret. Vellem accuratè  
retunderentur ejus dubia. Stenonis asserta in-  
firmo stant talo posse etiam cholā fractis lactea-  
rum claustris, aut quiescente animali, ubi val-  
vulæ non sunt ita attentæ, ad jecur adscendere.

Sed meum est non obrundere pluribus  
Apollinem Tuum, cujus oracula magni semper  
à me habentur. Potius vehementer oro, ut  
æqui boniq; consulas, quæ in buccam & cala-  
mum mihi venerunt. Tuo de favore & can-  
dore ingenuo non dubito. Concedat Deus  
vitam Tibi longissimam, quo tua ope uti nobis  
potestas crebrior fiat. Vale Decus Medico-  
rum & Ocelle Fautorum, tuæq; voluntati me  
addictum redama. Jenæ ips. Calend. April.  
M. DC. LXIII.

Illust. & Excell. Nominis Tui

admirator dum ero

Joh. Theodorus Schenck. D.

P. S. Historiæ humorum ultima pagina defecit, hinc ejus copiam habebis. Nundinis Ephensis, futuris.

---

## EPIST. LXV.

*Responsio ad instantias, cum variis observationibus.*

JOH. THEOD. SCHENCKIO

Jenam.

**A**D instantias Tuas, nescio doctas magis, vel magis amicas, in procinctu respondeo quam brevissime. Ignosce quod sine proloquio ad Te redeam, quem scio sine verbis selamo & papavere aspersis, facillimæ esse admissionis; nec ambagibus amicitiam, sed candore æstimare. Arterias quicquam ex partibus, cui inferuntur, exsugere, nec ipsi Galeno credam, quia alium arteriosi sanguinis cursum posteriores observationes docuerunt. Famis tempore exsiccatas attrahere, veteri dogmati est conforme. Taceo tractionem illam suspectam reddi à subtilioribus seculi nostri Philosophis, quos nec tueor nec damno. Mei sermonis institutum fuit, sine aliis ambagibus per novas vias cordi suppeditari necessariam citamq; resectionem. Si arteriæ Tibi concedendæ,

dendæ, certè prolongabitur iter per venas. Nos autem de brevissima via cogitabamus, quæ alimenta, ad veram partium nutritionem, quam realem instaurationem vocabamus, cordi inferuntur. Vaporosa effluvia rerum, reficere possunt, non verè nutrire, nec in futurum prospicere famelico corpori & emaciato. Cocus nidore ciborum reficitur, rarò saturatur, rarò quoq; senescit, quia subitaneæ illæ refectioes per vapores instant magis quam nutriunt. Hinc *Hippocrates* l. 1. Vict. Acut. panem calidum comestum repentinam repletionem, & sitim inducere scribit, tum tardè ex ventre descendere, & corpus flatibus distendere. Videmus certè calidas sorbitiones citius satiare, quam frigidas, quia vapores calidi citius penetrant. Rationem inde peto, cur calidi panes valentius nutrire dicantur, quam frigidi, apud *Atheneum* Medicum, citante etiam *Oribasio* l. 1. Collect. c. 9. non quod caliditas concoctionem solum promoveat, sed quia vapore calido citius ad partes ferantur. Damnum tamen inferunt, quia facilè excandescit corpus, & refectio constans non est, vaporibus facilè evanescentibus, quibus intumescunt partes, ut laudabilem nutritionem mentiantur.

In

In Syncope stomachica an simul afficiantur nervi stomachici, non disputo. Id saltem liquet ad syncopen non respicere. Cerebri enim in commercium foret, non cordis. Nervorum stomachicorum alium usum laudat vester *Mæbius* c. 10 Fund. Med. quem laudandum censeo. Fibrarum connexiones multum posse ad consensum mutuum, non iverim inficias; at materia & liquorum communionem plus posse, indubiè credo. Utrumq; in exemplo tuo occurrit. Convulsio enim maxillæ nervis pedum laxis debetur, syncope verò malignæ materiæ, ex gangranoso pede per venas ad cor adscendenti. Ex hoc materiæ commercio epilepsiam ex bubone pestilenti ortam vidimus. De Paralyti quoq; exemplum addam. Musici vidua grandæva Roeschildiæ nuper obiit, quæ primo paralyti unius manus, mox utriusq; comprehensa, deinde perpetua aliquot annorum ferè sputatione materiæ crassæ & glutinosæ vexabatur, quæ tandem post levem à coena deambulationem, translata pituita vel pituitoso alimento ventriculi ad principium nervorum, motuq; illuc concitato, in Apoplexiam terminabatur, sicq; fiduciâ secundæ valetudinis mulier oppressa. Eodem materiæ vasorumq; consensu ex colica biliosa paralytin

& convulsiones in Nobili observavi. Alius post largum potum paralyti oculorum & convulsione manus fatum evitare non potuit. Materie copiosæ vitium fuisse, copiosus vomitus testabatur, quam vasorum communioni imputamus.

Atrophia, quam à spina tortâ interne ex *Hippocrate* deduxi, quo sensu Tibi sit particularis, non satis divinare possum. An quia de pueris sermo? Vel quia corpus ad spinam augeri non soleat? De pueris id *Cow* præcipue pronuntiavit, quia humiditatibus abundant, quibus luxationes accelerantur. Simili malo & adultiores patent si similis causa interna concurret. Si deniq; spinæ regio augeri non potest propter vasa lactea compressa, damnum universo corpori erit commune propter vasorum communionem, quanquam in spinâ isto tractu manifestius appareat tabes. Quod si senectutis annos alii attingant, macie tamen confectum corpus perpetuo circumferunt ex data ratione. Cætera non capio.

Strumosos esse sano mesenterio contra *Riolanum* olim defendi. Inter exempla tamen novimus, scrofulas colli cum mesenterio strumoso. Vetera non tango. Audiamus novissima. Apud *Henricum Reenhafium* in *Observat.*  
Chir.

Chir. Belgic. part. 2. p. 167. juvenis XIV. Dec. 1656. universum collum strumis obsitum habuit Amstelodami, cujus cadavere aperto, mesenterium universum strumis inventum & viscera pectoris repleta. Narrat de Virgine nobili, biliosa, macra, scrofulis multiplicibus vexata *Paulus Barbette* in Prax. l. 2. c. 2. quæ fatis cessit, febre continua continuo illam emaciante, in cujus cadavere aperto repertæ sint mille ultra glandulæ minores, majores, à faucibus ad os pubis usq; ejusdem coloris, flavi scilicet, quem aperta cute oculis objiciebant scrophulæ in collo. Junguntur igitur nonnunquam in uno corpore diversis in locis scrophulæ, sed non credo dependentiam. Ex inventis novis lux pauca affulget, quam veteres ignorarunt. Lactæ enim thoracicæ in mesenterio exortæ, colli venas ingrediuntur, an autem immediate chylum suum glandulis colli infundant, juxta tecum dubito. Mediate verò id fieri per circumlum, non equidem negarim, sed tum non magis strumæ in collo enatæ à mesenterio dependent, quam in reliquis partibus, quæ succo chyloso nutriuntur. A jugularibus autem lymphaticis ortum & incrementum scrophularum colli majore specie veri deduxit in nupera Anatome Anat. Bilsianæ c. 8. Doctissimus no-

ster Jac. Hen. Pauli, quum pro Cathedra Anatomica publicè & masculè disputaret.

Diuretica strictè dicta & Cantharides recta ad renes & vesicam descendere evidenti experimento edocemur, quia illas partes exulcerant, non alias. Tant q; est Cantharidum cum vesica conspiratio, ut viderim in amico aegro, vesicatorio ex cantharidibus nuchæ imposito, urinæ difficultatem ortam. Infusum autem cantharidum integrarum observavi non semel in suppressione lotii, urinam provocasse, alius nihil prorsus promoventibus. Quæ omnia si damnare velit *Rosfincius*, Magnus ille Æsculapius Germaniæ, vacillare nos omnes coget, qui tanti Viri Oracula suspicimus. Quicquid verò futurum sit, Deo sit laus, qui summum Medicum à mortis limine revocavit, longiore vita, si quis alius, dignissimum. Mictum calculorum saxo duriorum an ab incantatione dependeat semper dubitavi, quia parum magis sagisq; soleo tribuere, quam nuperum in Norwegia exemplum rerum alienarum, pilorum, plumbi, acicularum &c. per vomitum rejectarum incantationis veritatem videatur stabilire. Silices verò in corpore generari, difficile inducor ut credam, quos in macrocosmo observamus. Igitur si huic illive



illive incantatio abfuit, certè fraudis suspicio non defuit, quâ fuas artes sagæ magiq; tuentur.

Tumorem ventris repentinum solis flatibus nolim ascribere, si quidem materia conjuncta fuit, quæ serum suppeditare potuit. Flatustamen conjungi potuerunt, qui in Ascite rarè defunt. Quod de ingesta cerevisia dixi, confirmatur historiâ à Jo. Rhodio nostro Cent. 3. Obs. 4. allatâ. In cadavere enim mulieris A. 1625. in valetudinario Patavino hydropemortuæ, nullius visceris aderat vitium: Solus humor serosus à nimio potu mali causa deprehendebatur, quem largius ingesserat. Si flatus solos tecum admitterem, non consentiret ager, qui fluctuantem humorem in abdomine sensit, & aqua laconico expressa convaluit. Non ea est facies in tympanitide, ubi soli flatus regnant. Ne mihi diffidas, in memoriam revoco Tibi ancillam hydropem tymponia denatam apud *Smerium* in Miscellanis Medicis, in cujus cadavere dissecto, universa intestina, adeoq; ventriculus ipse flatu distenta inventa sunt, & ferè excrementorum prorsus vacua. In nobili quoq; Patavino, teste *Saxonia* Præl. Pract. part. 2. c. 27. omnia intestina flatu erant plena citra ulla excrementa. Ventriculum affici tandem quis dubitat?

bitat? Nec ex verbis meis colliges exemptum  
 esse huic incommodo, quia apertè professus  
 sum, tandem in mali commercium trahi. Neq;  
 aliter credendum, quia compatiuntur omnia  
 viscera inferiora inter se, & cum his superiora.  
 Cetera quæ minus de Utero dilucidè propo-  
 sita suspicaris, ad accuratiores observationes  
 amandabo, quia necdum singula ita nobis re-  
 velavit Natura, quin scrupuli supersint in ani-  
 mis eruditorum, quos nemo hætenus satiare  
 potuit. Futurum aliquando auguramur, ut  
 hæc aliaq; dubia manifestius nobis pateant.  
 Lento enim gradu progreditur Natura, ne  
 universa unius seculo exhauriatur. Quod si  
 tantum arti Anatomicae adjicietur à posteris  
 nostris, quantum nos majorum defectum sup-  
 plevimus, ante mundi occasum perfectam ar-  
 tem sperare mortales possunt. Interea orbis  
 eruditus paratis & hætenus inventis fruatur,  
 donec accessione aliorum augeatur scientia.  
 Multa Tu, mi Schenchi cum Collegis Clarissi-  
 mis *Rolfincio* & *Mæbio*, quos officiosè saluto,  
 ad naturæ artisq; perfectionem contulisti,  
 plura additurus, si Deus vitam valetudinemq;  
 quod ex animo precor, diu concesserit. Vale,  
 amicissime Schencki, & longiori epistolio  
 ignosce. Multa quidem ad doctissimas tuas  
 instan-

instantias reposui, sed paucissima forsitan quæ  
 eruditæ tuæ curiositati satisfaciant, plurima  
 tamen si animum metiaris diffusa voluntate  
 Tibi addictum. Hafniæ prid, Cal. jun. c19  
 JOC LXIII.

T. T.

Th. Bartholinus.

## EPIST. LXVI.

### *De Operibus edendis.*

THOMÆ BARTHOLINO Hafniæ.

ADOLPHUS VORSTIUS, S. D.

**Q**UOD rebus regni Daniæ, Vir amplissime,  
 in integrum restitutis, superatoque bello  
 difficillimo cum Rege vicino, pace fruamini  
 exoptatissima, & seriò vobis gratulor, & longè  
 mihi est jucundissimum, vel tua inprimis etiam  
 causa, quem inter veteres fidosque amicos nu-  
 mero inter præcipuos. Tui mores meo allu-  
 bescentes genio, singularis tua eruditio ac varia  
 ita penitus meo hærent infixæ animo, ut, quan-  
 quam in scribendo, per ingravescentem ætatē  
 meam, fiat Lentulus ac cessator sæpe magnus,  
 nunquam tamen non Bartholini mei cum vo-  
 luptate

luptate recordor, & ad extremum usque spiritum sim recordaturus. Video te quotidie præclaris tuis scriptis famam extendere cœlo. Ignoravi tamen in hanc usque horam, quâ hæc scribo, te epistolarum selectarum duas edidisse Centurias, nisi Vir Excellentissimus, mihiqve multis nominibus perquam charus, Doctor Wormius, ab Italica & Gallica peregrinatione redux, patriamqve à nobis repetens id me hodie monuisset. Inspecere mox volui librum, &, inspecto eo, deprehendi me quoque principibus Achivis permistum. Nescio autem utrum tanti sint epistolæ illæ meæ ut prælo ac typis mererentur committi: quippe non eo fine cum sint scriptæ lucē uti aspicerent. Vir Doctissimus, Ol. Borrichius, qui jam ferè à biennio tuas mihi attulit litteras, modestia sua atqve doctrina varia, minimeqve vulgari, ita se mihi probavit, ut nullius indigens fuerit commendationis, quâ tamen amicum tuum ac Collegam ornare voluisti. Amavit mox virum primo congressu, &, ut Græcissem, *ὦς ἰδὼν, ὡς ἐπέμνησεν*. Dignissimus sanè amare est, nihilque de eo ad me perscripsisti, quin virtus id superet illius. Doleo eum sæpius cum adversa valetudine conflictari, quod fatum ferè est literis nimium pertinaciter incumbentium. Hac quoque

quoque de causa accidit ut rarius ad me vis-  
 rit., qui tamen consuetudine ejus summopere  
 semper fui delectatus. Indignor serio, quoties  
 cogito quàm indignè habitus fuerit in editis  
 publicè scriptis à Gröningensi Deusingio;  
 quem nescio quæ intemperies exagitent, quod  
 viros optimos ac immerentes sinistris suis su-  
 spicionibus gravet, semet Censore constituat  
 omnium eorum qui vel in Medicina, vel phi-  
 losophia, aliquid seculo nostro de suo impar-  
 tiunt, si meis paternis fidem adhibuisset mo-  
 nitis, abstinuisset hinc manus, nominiqve  
 suo ac famæ consulisset melius. Sed quid  
 agas istis hominibus, qui monitores ipsos,  
 post sana suppeditata consilia, etiam impe-  
 tunt? DEUS illis det mentem meliorem ac  
 pacis tranquillitatisqve amantiolem, ac desi-  
 nant tandem lutum luto repurgare, cogitan-  
 tes quid à nobis exigat ἡ ἀγάπη, quæ non est  
 suspicax, neqve injurias & maledicta, male-  
 dictis ulciscitur. Steno vester, juvenis egre-  
 gius & summæ expectationis, modestius hîc  
 sese gerit. Utinam Tertulliani istud meminissent  
 ij, qui tacti vel levissimè, mox ad arma con-  
 volant iracundè, calamumqve stringunt suc-  
 co loliginis atro imbutum. At is Pater  
 Latinus egregiè, si apud Deum deposueris in-  
 juriam,

juriam, ipse ultor est: Si damnum, restitutor est: Si dolorem, medicus est: Si mortem, resuscitator est. Mittamus ingrata hæc, & querelas de hodierni seculi scriptorum fastu, animiq; impotentia. Nemo læditur, ut Stoici non malè opinantur, nisi à semet ipso. Quæris quo Statu sint res meæ; id verbo dicam, non malo; per Dei clementiam, imò optimo. Vegetus pro ætate sexaginta & sex annorum ætiamnum sum; doceo publicè aliqua adhuc cum laude; scribo etiam ac paro privatim quæ alteri seculo prodesse queant. Dabo luci præpedi-  
 diem, αὐτὸς θεὸς ἐφέλη, Philothei commentarium Græcum in Aphorismos Hippocratis; quem habeo Ms. ex Bibliotheca regia Parisiensi. Epistolas itidem meas selectas, & Orationes aliquot varii argumenti colligo, ac publico destino. Neque de Theophrasto edendo omnem deposui curam; modo exemplar ejus collatum cum Mss. Romæ ex Bibliotheca τῆς μακαρίτης Holstenii nancisci mihi concedatur. Fecerat mihi spem ejus obrinendi ipse Holstenius; at morte præventus, promissum exolvere non potuit. Audio cum Bibliothecam suam Christinæ, Svecorum olim Reginæ, Legasse. An verò ab ejus humanitate Codex ille impetrari possit, videro, viamque aliquam

aliquam tentabo. Scripsi ante annos complures, cum adhuc sceptrum regni sui teneret, Epigramma geminum, Græcum pariter & Latinum, in tantæ tum existimationis Principis laudem honoremque. Si quis hujus memoriam apud eam renovaret, fortassis benevolentiam hac in parte ejus experirer. Legisse id ac probasse, ex Nicolao Heinsio, Dan. filio Doctissimo, qui per id tempus Holmiæ in Aula vivebat, mihi constat saltem. Te cum tuis valere, & prælis quotidie operam dare ac defatigari, lubenti animo percepi. Perge, mi Bartholine, istoc modo orbi litterato tua, quæ amo & probo, propinare. Horti Acad. plantarum Catalogum auctiorem, si vitam concesserit vitæ nostræ necsq; Arbiter summus, dabimus ac transmittemus futuro Autumno. Satis longa epistola ultus jam sum diuturnum nimis silentium meum. Desino itaque, & te, vir amicissime, valere ac vivere feliciter à Deo immortalis opto, qui tuus & vitam quoad vivo, & moriar. Lugd. Bat. cl. Id. LXXIII. XIV. April.

Obiit ipso hoc anno mense Octobr. Medicus hic *χαρismaticός*, Floræ decus, Musarum delictum, summum amicitiae nostræ ornamentum.

## EPIST. LXVII.

*Officiosa Epistola.*

THOMÆ BARTHOLINÆ

Hafniam,

**V**eneratur Bononiensis Universitas celeberrimæ sapientiæ tuæ monumenta, Vir Excellentissime, & ego inter publicos hujus Archi-Lycæi Professores minimus plurimū admiratus fui eximiam præclarissimæ Dominationis tuæ in Medica facultate & potissimum in Anatomica observatione experientiam, ut sæpius mihi optaverim occasionem devovendi Dominationi tuæ præclarissimæ observantiæ meæ obsequia & simul aliquam contrahendi inter nos literarum familiaritatem, ut cognoscere possem spectatissima quæ hæcenus in lucem edidisti facultatis medicæ oracula, quoniam pauca licet electissima ad nos usque pervenerunt. Tandem voti me compotem fecit, summa Perillustris & Generosi Domini Milleri humanitas. Hujus præstantissimi juvenis Domini mei fidelibus insignis in te observantiæ meæ testimoniis credere non recuset, quia pluribus benignissimam patientiam tuam gravari non audeo in præsentem animus, plura percipiet ab eodem præclarissimo Miller, omnia in augmentum amicitiae contrahendæ, atq;



atq; in famæ tuæ gloriam nunquam interitu-  
ram respiciant : Plurimam interim fortunæ  
tuæ & votorum tuorum prosperitatem ex cor-  
de precor & me protestor

Perillustri & Exc. Dominationis Tuæ

addictissimum obsequeutis-  
simum, & fidelissi-  
mum servum

Bononiæ 17. Ap.

1663.

Raimundum Maria de Pistorinis.

## EPIST. LXVIII.

### *Laus Bononiæ.*

RAIMUNDO MARIE de PISTORINIS Bononiam.

**A**Mplissimas Tibi gratias ago pro oblata  
per literas amoris plenas & officii amicitia,  
auro contra æstimanda. Inter urbes Italiæ  
Musis deditas Mater Studiorum Bononia sem-  
per & patrum & nostra memoria caput extu-  
lit, & Tu inter ejusdem eruditos Doctores.  
Agnosco pronum tuum in me animum, sed  
nimio officio peccas, & me meaq; scripta plu-  
ris æstimas quam reapse meremur. Nonnun-  
quam perituris chartis aliquid illinimus, non  
ut secula ferat, aut eruditis ex asse satisfaciatur,

sed ne nihil egisse videamur. Audebunt tamen  
in posterum confidentius aliorum conspectum  
subire quæ meditatur, quia Tibi & subacto  
tuo iudicio placent. Indicem eorum quæ  
præla nostra hætenus fatigarunt, mitto, quia  
eam mihi pro nascentis amicitiae jure necessi-  
tatem imposuisti. Onus certè ut amplum ju-  
dicio vestro, ita reapse grave mihi ac solici-  
tum, dum enim nos cura posteritatis exercet,  
consumimur, & voto citius posteritati adscri-  
bimur. Solabitur temporum querelas tuus fa-  
vor, & animum addet, ne contagione seculi,  
vim & spiritum amittat. Quicquid futurum  
sit, obfirmabimus animos, & constantia in-  
volvemus, ad quam tua amicitia animabit.  
Quid Malpighius vester in Re Anatomica  
porrò mediteretur, te interprete, scire aveo.  
Deniq; ne longior sim, ad vos, Deo fortunante,  
iturum Nobiliss. Frid. à Lente, amicum no-  
strum magnum & Magno Parente natum, de  
optima nota Tibi commendo. Dabis id ho-  
nori Parentis, Regii Cancellarii, spectatae vir-  
tutis fidei, dabis amicitiae, quam ilhbatam Tibi  
repromitto, ut eo favore excipias juvenem  
ad magna natum & surgentem, quem à tuo  
candore expecto. Vale, Musarum ornamen-  
tum,

tum, diu bono publico vive, meq; amare  
 erge proflus tuum. Hatnia XXIX. Julii,  
 1613. LXXIII.

T. T.  
 Th. Bartholinus.

## EPIST. LXIX.

*De Scorbutus curatione, ulteriori, &  
 novo pueruli.*

FRIDERICO HAMMERICO. Ellingoram.

**E**X amicissimis tuis literis intellexi amicum  
 nostrum optimum Matthiam Martini  
 adhuc de pectoris difficultate conqueri, nec  
 multum sublevatum iis remediis quæ commu-  
 nicato consilio svasimus. Interim tamen ma-  
 gna spes affulget ex sanguine misso, & subse-  
 cuto inde levamine. Sanguinis consistentiam  
 laudabilem animadverto, nec putredinis indicia  
 fovere, superficies tamē scorbutū indicat, sicut  
 & seri copia, cui ea propter omni studio occur-  
 rendum. Hactenus quidem parcior videtur  
 fuisse in usu antiscorbuticorum, quia palato  
 minus grata sunt, in posterum tamen, te con-  
 sentiente, sviderem continuum usum. Et quia  
 præcedentibus medicinis præparatum jam sa-  
 tis habet corpus, sudores commodè succedent

in laconico, si lectum refugiat, assumpta prius, ante ingressum, aqua antiscorbutica. Pediluvia nescio an ex usu futura, quod attrahant plus ad tumidos pedes. Spero detumescere posse post sudores in laconico procuratos. Cucurbitulas scarificatas rectè rejicis, quia ulcera periculosa in pedibus scorbuticorum. Quia primum symptoma, quod jam urget, est dyspnœa, eaq; meo judicio proveniat à vaporibus scorbutici abdominis & hypochondriaci, unde & somnus ille inquietus & in sella sumendus, præter clisteres subinde repetendos carminativos, syderem quoq; subinde ante horam somni consueti pilulas Tartareas Quercetani & de Ammoniaco, ut à capite & pectore revellantur vapores blandeq; evacuentur. Præterea aquam Carminativam sæpe sumendam conferre credo flatibus discutiendis, quibus diaphragma premittitur & somnus turbatur. Deniq; motus corporis unctione & aëris mutatione sereno cœlo omne punctum feret. Nolo de vino medicato repetere, quia aversum illius animum percipio. Decoctum quoddam mihi ostendit Christina Trónnera sibi à Dn. Charisio prodyspnœa communicatum ex Fol. Senæ, Rhab, Agarico, manna, glycyrriza, quod improbare

Dare non aſſim, hac tamen cautione, ut par-  
 cior minoꝝq; ſit doſis, deinde ut corrigentia,  
 imprimis carminativa augeantur. Deus opti-  
 mo Viro ſanitatē reddat, quod ex animo  
 voveo. Nævum illum in capite filioli Illu-  
 ſtris veſtri Holckii quod ſpectat, crediderim  
 tutius auferri poſſe ſolâ ligatura arctâ fili for-  
 tis vel chordæ teſtudinis, quā interceptio fiat  
 ſangvinis affluentis, adeoq; ſublato nutriment-  
 o tali tandem facilè contabefcat. Ne verò  
 ſanguis affluere conſuetus interiorem quandam  
 partem obruat, præcavendū levibus frictio-  
 nibus revellentibus. In ſcapula verò qui tu-  
 mor adeſt puerulo alteri, ſine magno peri-  
 culo poſſet amputari & reſecari, ſi peritum  
 Chirurgum fuerit naſtus. Pauca hæc amicis-  
 ſimis tuis literis reſpondere volui breviffimè,  
 quia plura negocia nos jam diſtrahunt. Tu  
 vale, mi Hammerice, & me ama, officio-  
 ſſimamq; ſalutem nuntia laudatis ægris Tuis  
 noſtri amantiffimis. Raptim Hafniæ XXIV.  
 April. cſo. Tac. LXIII.

T. T.

Th. Bartholinus.

## EPIST. LXX.

*Nova Musculorum & Cordis fabrica.*

THOMÆ BARTHOLINO.

Hafniam.

**A** Pologia Prodigium Nicolao Kragio  
transmisi Tibi offerendum, spero, rite  
curatum. A Clarissimo Sylvio disputationum  
de novo impressarum, aliarumq; de febribus  
exemplaria quædam accepi amicis offerenda,  
quos inter cum nemo mihi sit, quam Tu Cele-  
berrime Vir, majori veneratione colendus,  
hisce diebus Hafniam petenti amico tradidi  
Tibi exhibenda. Cetera, in cordis & muscu-  
lorum versor scrutinio, sperans brevi, si suffi-  
ciens isti labori orium fata permiserint, me u-  
triusq; fabricam cum figuris absolutorum. In  
musculis quæ observavi, an ab aliis fuerint  
notata, Tua me infinita docebit lectio. Tacebo  
vasa, quæ necdum nisi pauca, eaq; non magni  
adeo momenti exhibuerunt, quod vero fibras  
eorundem spectat, elegantem earum mirari  
satis nequeo structuram. Quamlibet solam  
considerans fibram carnosam in medio, in  
utraq; extremitate videbit nervosam, id quod  
& satis vulgare, sed omnium junctarum com-  
positio mihi visa rarior. Carnosa namq; por-  
tio non ab uno musculi extremo versus alterum

recte.

recto ductu extenditur, sed inter latas tendinum expansiones fertur transversa, ita quidem ut carnosarum singulae parallelum inter sese observent situm. Si enim ab uno musculi extremo versus alterum fieret secundum fibrarum ductum sectio, hæc se manifestam silet structura.



A B. Tendo, per unam musculi superficiem, se expandens.

C D. Alter tendo, per oppositam se superficiem, diffundens.

E E. Carnosa fibrarum portio, inter utramque expansionem, extensa.

Integri aliàs, simplicisq; hæc est fabrica.



G H. unius tendinis expansio.

I K. expansio tendinis oppositi.

L L. carnosus venter.

Sunt & muscoli compositi, iiq; generis non unius; elegantissimi mihi vili, quorum fibræ hęc modo dispositæ.



P. tendinum alter qui in duas finditur expansiones, superior una versus Q diffunditur, altera inferior versus R se expandit.

M. alter tendo, qui per medium ventrem suas dispergit fibras.

Ab N ad O & porro inter mediam & duas exteriores oppositas expansiones parallelo ductu feruntur carnosæ fibrarum partes.

Nec omittenda videtur quæ cuilibet musculo peculiaris membrana, cujus fibrarum situs transversus & inter carnosas fibras diffusio non parum ad motus explicationem conferre videtur. Sed de his, ut & de speciali quorundam notatu digniorum musculorum fabrica breviter plura, hæc enim tantum obiter Tibi volui significare, ut si quid de illis à Te vel sectione observatum, vel lectione, liceret Tua informatione gaudenti, tum laboris compendium facere,



cere, sumptuumq; tum descriptionis rationem secundum Tua dictata dirigere. Quod substantiam Cordis spectat; evidenter, ut opinor, demonstratum dabo, nihil in corde reperiri quod non reperiatur in musculo, nec in corde desiderari, quod in musculo invenitur, si illa respexeris, quæ ad musculi faciunt essentiam, id quod & de auriculis patebit verum. Erit & inde manifestum nullas in corde dari fibras vel rectas, vel circulares, vel, ut Vesalius describit, obliquas, sed unius omnes generis esse, simplices puta, quales in quolibet alio reperiuntur musculo, in eo tantum à reliquorum quibusdam differentes, quod non secundum rectam lineam extendantur sed ubi à basi conum versus obliq; descenderint, iterum superiora versus dirigant cursum. Omnidium autem, ut spero, fibrarum utramq; ex aut opsia determinabo extremitatem, simulq; monticulorum seu lacertulorum usum, valvularumq; ortum, numerum, motumq;, & vasorum naturam spectantia non pauca. Videbunt hinc adversarii Tui, qui figuras in Anat. Tua reformat, (edit. Lugdun. an. 1651.) p. 245. expressas systolen cordis & diastolen nobis exhibentes existimarunt evidenti rationi è diametro repugnare, se ante victoriam cecinisse triumphum.

phum, cum ex fibrarum structura resultans actio, ibidem evidentissimè exprimat. Sed fefellit illos, de parenchymate cordis minus accurata opinio, quæ illud se vesiculæ adinstar habere crediderunt, adeoq; cum brevius redditum intumescit, dilatarî, cum longius concidit, angustius fieri. Quod, vero, ibi, & ligatura, & dissectione & tactu demonstras, idem & ipsa fibrarum evincit fabrica, unde etiam fere omnium quæ ibidem p. 249. à Te de cordis in suis motibus forma exponuntur, ratio reddi potest. Sed & evidens erit conum non esse densissimum, sed ipsum ejus extremum, quo loco fibrarum superiora versus fit intorsio, in corde bubulo aciculæ capite tenuius esse. Septum vero an pervium sit, necdum licuit videre. Cavernulas sequutus clausas offendi, quid quod & exterioribus parietibus suæ sint cavernulæ magnitudine reliquis non cedentes, sed & innumerus ille fibrarum per septum decursus idem videtur dissuadere.

Vix hæc, satis, ut vides, properanti exarata calamo, cum ecce mihi à Te litteras, quibus etiam paucis, antequam de Fabula manum, respondendum. Cavæ motum inspirationi respondentem à Domino van der Lahr credideram inventum, sed inde tribus illam deberi inven-

inventionem didici, Fadburgio, van der Laër,  
 & Beckero, qui simul sectioni tum temporis  
 institutæ intererant. Quod compressionem  
 vicinarum partium in inspiratione depressa-  
 rum spectat, locum hic non poterit illa inve-  
 nire suspicio, cum & in collo & in abdomine  
 ab omnium aliàs incumbentium vicinia libera-  
 ta vena nihilominus ita evacuetur, ut latera  
 ejus se mutuo contingant; nec quam pressioni  
 opponis, difficultas urgere videtur, cum non  
 requiratur ut tunicas venæ in thorace perva-  
 dat aër; sed tantum ut in venis extra thoracem  
 existens sanguis, dilatatam intra thoracem ve-  
 nam ingrediatur. Pressioni verò ut faveam,  
 sequentia quasi cogere videntur. Extra omnem  
 namq; controversiam esse puto, aërem, cum  
 à pellente quocunq; vim patitur, vel densari,  
 eodem, in quo est, loco, vel alium in locum  
 propelli: ad condensandum autem magnam  
 requiri vim mechanica docet, & experientia  
 evincit condensationem nunquam succedere,  
 nisi pressum aërem ambientia corpora omnia  
 ad resistendum satis fuerint valida; quod si au-  
 tem vel minima pars ambientis resistendo fue-  
 rit impar, illico à trudente causa propulsus  
 aër, qua elaboratur, invenit rimam. Quod si  
 itaq; dum diductæ à se mutuo costæ, descen-  
 densq;

densq; diaphragma externo aëri vim inferunt, quantum exterior superficies aërem premit, tantum ei cedant quædam in thorace contentæ partes, necessarium existimarem non densari aërem sed eo pelli, ubi minorem invenit resistantiam. Quæ autem cedunt, illa sunt, quæ thorace distento dilatantur, ut pulmones, & thoracem intra existens cavæ truncus; ut itaq; pulmones aër diductos implet, aut ipse potius non resistentes diducit, sic & extra thoracem existens sanguis cedentem cavæ intra thoracem tunicam ut distendat, eò tanquam versus locum sibi non resistantem propellitur. Quod si mea me hic fefellerit ratio, & à vero abduxerit, Tuis in viam reduci desiderarem rationibus. D. Hobokium suas Tibi in defensionem Blasii scriptas misisse litteras miror. Certè & sibi consulisset & Blasio suo si impressionem dissuasisset; jam vero ut Blasius, sic & ille demonstrarunt illorum demum maximam esse temeritatem, quorum minima est experientia; nec credo in vastis sæpe voluminibus tot inveniendos errores, quotibi in proprii inventi defensione committit Blasius, suoq; Hobokius assensu confirmat. Miseret me Blasii, qui linguam antè manumq; non potuit frenare, quam suis ipse scriptis suam publico manifestam reddi-

reddidisset indolem honesto homine parum  
 convenientem. Quod equos attinet muresq;  
 nec illorum inde crania, nec horum aperire  
 licuit uteros. Pro promissa Diatribe gratias  
 ago maximas. Salutat Te Clariss Borrichius.  
 Deusingius antiquum obtinet & Celeberr. Syl-  
 vio gravissima minatur; sed bruta hæc fulmi-  
 na syavi risu ille Vir moderatissimus contemnit.  
 Plura non licet addere. Vale & ama

T.

Leidæ ult. April.

Anno 1663.

discip.

Nicol. Stenonis.

## EPIST. LXXI.

*De musculo Corde.*

NICOLAO STENONIS

Leidam.

**A** Pologiae Tuae Prodigium rectè accepi,  
 Auti & missas magni vestri Sylvii disputa-  
 tiones uno volumini inclusas. Utriq; gratias  
 ago. Tibi inprimis, quo parario & autore  
 mittuntur. Doleo verò vicem tuam, quod tot  
 tantisq; circumdatis adversariis. Æmulatione  
 hac honesta aluntur ingenia præclara. Optas-  
 sem inter Te & Cl. Blasium amicitiae redinte-  
 gratio-

reliqui exercent. Hic enim motus voluntarius est, ibi naturalis, ex arbitrio nostro non dependens, sed perpetua sanguinis influentia etiam invitis nobis vel non cogitantibus perennans. Unde sui generis esse sunt qui credant, ex eo musculorum genere, ad quod diaphragma referimus, ubi mixti sunt motus ex libera & naturali; cum quibus tamen facere non possum, quippe motus cordis omne arbitrium excludit, neque ex voluntate nostra dependet, quanquam sanguinis influxus vel tardari vel accelerari nonnunquam possit, quod in exercitationibus vel vehementibus vel moderatis vel prorsus intermissis videmus. Fibras simplices solas dari in musculo cordis ipsi tuæ experientiae repugnat, quippe contrario situ duplicantur ex tua ipsius confessione. Dicis enim, ubi à basi conum versus oblique descenderint, iterum superiora versus dirigunt cursum. Duplices igitur fiunt, & quasi circulares descendendo & ascendendo. Præterea quia oblique descendunt, obliquas dari in corde fibras minus rectè contra magnum *Vesalium* negas. Et tales esse debuerunt, si actionem cordis respiciamus. Hujus quippe motus, qui systole & diastole constat, sive dilatatione & constrictione ventriculorum, diversas fibras postulat, ut di-

versi contrariiq; motus perficiantur. His verò  
 similibusq; dubiis facile satisfacies, ubi medi-  
 tatæ de Musculis & Corde observationes ube-  
 riori commentario illustraveris. Miror autem  
*Hippocrati* id plerumq; affingi, quod Cor mus-  
 culus sit. Validum musculum vocat *L. de Corde*,  
 non ratione nervorum, à quibus præcipua  
 musculi denominatio, sed carnis spissamento.  
*Lindanus* eruditissimus c. 6. Med. Phys. §. 71.  
 musculum vocat cor, ex *Hippocratis* mente,  
 actione non tendine: sicut enim actio musculi  
 constat perficiturq; contractione & laxatione,  
 ita & cordis. Non magnopere tamen de hac  
 autoritate laboro, quia incertum est, an inter  
 genuinos *Hippocratis* libros ille numerandus.  
 Apud *Plutarchum* certè in Sympos. ad Philoso-  
 phum Platicum refertur, & *Galenus* refert  
 opinionem Platicam de liqore in tracheam  
 descendente ex ipso hoc libro. Falluntur verò  
 qui contra Anatomen nostram cor cum ve-  
 sicula comparare audent, quos ex accuratis-  
 simis tuis inventis refellis. Parenchyma cordis  
 carnis esse spissamentum *Autor* l. de Corde l. c.  
 proficitur, ubi cor vesicæ non assimilatur, sed  
 in vesica, seu pericardio, tunica lævi contineri  
 dicitur. De septo ipse non semel dubitavi, an  
 præter naturam fuerit pervium, quando fora-  
 mina

mina penetrantia monstravit nobis. Fossiculam pilæ instar observavit idem *Autor*, sed nec istam in alium sinum patentem narrat. Quicquid novi de his aliisq; curiosa doctorum manus statuerit, avidè desideramus. Tui præ cæteris labores arrident, quia naturæ dicati, docti, & à cive nostro profecti. Maeste hac tua diligentia, mi Stenone, perge his similibusq; scriptis inclarescere, & me Tuum esse certò credas. In Phocæ Anatome *Paullinus* junior, jussu Regio, apud nos occupatur, ejusq; sceletò conficiendo. Alia non occurrunt quæ scribam, nec occupationes sinunt. Vale feliciter & me ama. Raptim Hafniæ XXV. Julii  
 1610 Idc LXXIII.

T. T.

Th. Bartholinus.

## EPIST. LXXII.

*De Pulmonibus dubia.*

THOMÆ BARTHOLINO

Hafniam.

SI cuiquam amici nomen debeo & cultum, Scertè Tu solus is etis, quò de idem velle & nolle audacter pronuncio. Magna sunt & immortalia Tua in Rempublicam merita, quibus



Tu alter cœli Apollinei, penè dixerim, & Musarum Charitumq; Atlas, amicos tuos, sidera veluti, animas & foves. Sed nolo in faciem videri Te laudari, mihi sufficit ex novissimis Tuis non displicere Tibi amorem & operam meam, hinc rogo ut eodem animo erga me perman eas, Schenckiumq; Tuum pristino isto affectu deinceps prosequaris. Hauboldo ad priores Tuas quas concinnaveram tradendas jussi nostris, qui Francofurti se id fecisse responderunt, redditis una elegantissimis aliis Tuis, quarum de adventu in sinum gratulor. Ceterum ad monita tua superiorum quæ denuò adpinxi, vides eum maxime in finem exstare, ut limam ulteriorem subeant, sicque veritati, cui uterq; nostrum hostiam debet, in re obscura locus suus permaneat. Mihi sanè ingeniosorum hominum & qui cum eruditione humanitatem excolunt, labores apprimè placent, nec aliud mihi propono in expendendis ejusmodi, quam ut magis magisq; instigem, marcet enim sine contradictore virtus. Ut autem scias quâ ego incedam viâ, seu qua methodo tractem aliorum scripta, ecce illud unicum ago, ut τὸ οὐκ ἔστιν οὐδὲν ἀλλοτρίοις præponam, neq; faciliè à veterum principiis secedo, quousq; rei & naturæ ipsius tum artis necessitas

cessitas id permittunt, alias apum more ex recentiorum stolculis optima quæq; istis addo, fugioque quæ utrinque ἀπαι. καὶ ἄλγεα καὶ ἀχρεία sunt. Verùm quo dilabor? Historiam humorum succisivis horis congestam, & ceu vides vel γρία ἔπα saltē ejus tibi offero, non ut probes sed ut castiges, modestiæ enim reprehensionis tuæ me libenter subjicio. Plura addidissē, ni veritus fuissē particularem operam ista desiderare, quā adhuc molior, destitutus hâc vice mutua ope scriptorum nonnullorum, quæ ad manus meas nondum pervenerunt. Quousq; Helmontio subscripserim, citra laborem perspicies. Hominem æstimarem omni laude dignum si à convitiis abstinuisset & ænigmata sua paulò tersius proposuisset. Solitus sum ipsum larvatum Paracelsum appellare, & veterum placitorum hostem fictitium. Fateor quā plurima esse quæ ipsis etiam Cartesianis subtilitatibus anteferenda. Quam primum appulerunt Epistolarum Tuarum centuriæ cum diatribē ista Tua de natura & motu pulmonum ad nos, statim adferendas curavi, neq; cessavi quousq; transcursu aliquo perhustraverim. Vehementer placent, & mirari satis non possum indefessos &

concatenatos Tuos labores, qui rebus tam arduis eruendis irrefracti præsunt. Malpighius tuæ solertiæ famam suam debet quâ sine nil nisi tenebræ exstiterent epistolæ suæ, perfuntorio enim sudore eruperunt. Cartesii hominem mihi pariter comparavi, ex quo multa utilia collegi, ut ut aliquando cerebrum componat modo quo velit ipse. Vidi illum valvulas in extremitatibus nervorum statuere, quæ sententia si rectè explicetur neutiquam erronea est neq; *ἀντιψία* destituitur. Sed mitto hoc. Sylvi Leidenfis disputat: priorem partem vidi miratus hominis facundiam & inveniendi facilitatem. Verum, id quod tibi in aurem, ejus hypotheses aut merè sunt singulares, aut admodum generales, præsertim ubi Chymicorum postulatis & solutionibus & coagulationibus tantum inhæret. De Stenone & Boyleo multa mihi promitto, cujus fundamenta firmo nituntur talo. Bilsi ductum toriferum ad thymum se tam variè torquentem propaginem lymphaticorum interpreter, cui quam plures pectoris affectus vitiatō aut rupto imputo. Easdem in brutis demonstravi sub sectione publica. In muliere quâdam bronchocele laborante unice hisce vasculis causam adscripsi. Lymphatica vasa in faucibus, palato, nari-

maribus ac gutture &c. plurima inveni. Laus aeterna Warthono sit & Stenoni, qui Te ductore, ad horum anatomen se contulerant, fateri enim possum, labores esse duos admodum & difficiles. Sed ad diatriben Tuam de pulmonibus revertor, quæ salivam mihi movit copiosissimam, ut vellem vel unius horæ momento me conjunctum Tibi. Ut enim video, in paucissimis dissidemus. Plura addam, quam primum ad ventris medii anatomicas Exercitationes me contulero. Interea quæ mens mea sit, proximis nundinis observabis, ubi scholam partium absolvero, quam disputando publicè sum aggressus, luci daturus.

Ut autem per transennam quæ occurrunt, attingam, spumosas cavernas pulmonum dudum examinavi, estq; illud, quod proximè ubi de poris partium sum acturus, hucusque enim filui, attingi, nimirum contextum partium mollium ex sanguine affabrè conformatum, modò spumas, modò cavernas, spongias, vesicas, valvulas, &c. exhibere, quarum faciem obliterat *εγχόματα*, seu mavis dicere affusus sanguis, qui est eis fomenti loco. Unde tantam necessitatem ratus sum exigere doctrinam de poris partium, ut si hæc vix possibile sit usus assignare earundem & actiones.

Idem etiam in humoribus observo, quorum conformationem mihi microscopiorum delectus, & variorum liquorum miscella liquidè ostendunt. Verum de his alio die.

Quod autem existimas ex sanguine, non procedere horum originem, me turbat. Nonne sanguis albescit, si tinctura sua privatur: si aliis liquoribus permiscetur: Si chylus rubescit alio subjectus caloris regimini, cur non vicissim sanguis, aliam vim ignis expertus? Et res clara est in ortu pullorum ex colliqramento. Quæ causa ipsum virum immortalem Harveum permovit, ut idem sanguinis nomen & illi qui in vasis sanguinis est, & illi qui in concrementū spermaticū facessit, tribuerit. Non miror itaq; quod Malpighius miratur, non vasa sanguinea pulmonum spectari in extremis sanguinolenta, eo quod tali colore amplius non sit opus. Sed cur rubent pulmones in adultis? Causam adferunt, aërem inspiratum, motumq; pulmonum. Est aliquid aërem mutare humorum colores, sed non indifferenter. Sanguineum colorem aër non mutat, sed intermedios plerumq; quæ aqve plerumq;. Sed multi sunt qui neq; ab aëre moventur, & tamen albescunt. Exemplum habes in ossibus, in cartilaginibus.

Idco

Ideo neutiquam aëri, neq; chyli accessui per se imputo alborem pulmonum, sed calori ipsi animali, qvi ab interno evolutionis principio & albam & cavernosam spongiosamq; pulmonum substantiam produxit, idq; satis clarè lib. de princ. ab Hippocrate propositum.

Maculas nigras quas rectè cum Helmontio signum & effectum corruptionis denomino, ortas esse ex circulatione interrupta cum Pecqvetto existimo, estqve id idè quod videmus in sugillatis & vexatis contingere, ubi partes cruentæ & lividæ apertis iterum poris partium, succum istum abigunt vel aliundè revehunt.

Spumosum sanguinem conciliat ejus fermentatio & aëris accessus. In ea enim semper sum sententia, in arteriis plus esse aëris cum sanguine conjuncti quàm in venis. Et nescio, qvì eo devenerint veteres, ut repudiaverint aërem ex censu alimentorum, qvem ego *κατὰ πνεύματος ἰσχυρὸν* cum Hipp. appello. Ego qvì sæpius adhuc sputo sanguinis tentor, mihi testis sum, spumosum reddi sanguinem quo pluries aërem attraho.

Ex sanguine autem spumoso spumosum oriri corpus, quis ambigit?

In sectione secunda occurrit mihi vesicularum *σφύρα*, quod ego deprehendo esse

*Pharynx* simile & cellulis aptum, quæ satis sunt angustæ in homine, eo quod à parenchymate quod interpretor compaginem pulmonum universam validè contineantur. Ut autem quæ notaverim circa horum constitutionem tibi clareant, illi qui tabe moriuntur ex sputo sanguinis copioso, monstrarunt molem vel dextri vel sinistri pulmonis insignem, quæ etsi primo intuitu nigricans apparebat, penitus tamen cultro dissecta, omnes istas vesiculas non dilatatas, sed mucilagineo humore, viscido & albo refertas exhibuit, quæ causa, ut non nisi *λεπτα* agri toto decubitus tempore exspuant.

Unde de transmeatu istarum vesicularum hæreo non nihil. In ulcerosis autem, cum ad suppurationem & corruptionem devenitur, *κελίας* cavitas oritur, quæ ex pluribus absumptis cellulis amplior redditur. Et hæc si exsicari posset sufficienter, è vita non tollerentur tot phthisici. Verum rectè monuisti, plurimam lymphaticorum catervam hic spectari. Ita enim res se habet; ideò humidissimus pulmo. Accedit faucium & gutturis consensus, qui multum humiditatis pulmonibus affundunt.

Non membrana interior, modo spongiosa est asperæ arteriæ, sed in extremis cartilaginibus vesicularum more expanditur, suntque  
 quadrans

quadrangulares & sexangulares earum figuræ ad sustinendas vesiculas ordinatæ.

Pervios esse pulmones in omnibus animalibus, nemo nisi qui cerebro destitutus, oculo & manu, aliter docere poterit. Cui fini? ut & ventri infimo aërem communicent, ad distribuendum chylum, & expultricis robur, tum calorem putredinalem eventilandum.

In respiratione thorax universus in momento non dilatatur. Sunt duo quasi motus contrarii cum diaphragmate respirationis principali particula se coarctante elevatur abdomen & pars superior thoracis paulo introrsum trahitur, in expiratione concidit venter & extrorsum thorax, anteriore parte movetur.

Hoc tamen plusquam certissimum est aëris inspirationem esse languidiorem, cum patula foramina sunt, & perceleriores, cum occlusa. Moram tamen aliquam nectit aër inspiratus, ut distemperet calorem sanguinis, id quod non fieret, nisi paulum perduraret. Deinde mistio hoc requirit.

Flatuum ex hypochondriis in thoracem adscendentium mentio fit, quod est verissimum. Historias huc transfer quas in centuriis obs. Anat. habes. His addam meam. Uxori meæ priori, quæ erat hypochondriaca, deniq;



in peripneumoniam incidebat, quatuor ante obitum septimanis, interdum manè, interdum vesperi, ante & post cœnam, molestissima obtingebat eructatio, adeò ut ne trecenti ructus pro vice, sine intermissione sufficerent. Hi ubi subsistebant, illa de anxietate vehemētissima conquerebatur, interdum, desipiebat planè, usq; dum iterum per discutientia excitarentur. Sed manifeste observo flatu in thorace per asperam arteriam exeuntes in me ipso.

Lindanus existimat quæ tussi rejiciuntur in phthisi sæpè culpa ventriculi fieri; hinc se observasse in phthisicorum corporibus integros pulmones; male v. affectum orificium ventriculi. De qua opinione tuum aveo iudicium.

De motu pulmonum ita sentio, implentur pulmones, sed non folium instar, id quod experientia monstrat. Eorum & diaphragmatis motus, est unus motus. De hoc egi in Schola mea partium, quam etiam transmittam, & credo Tibi sententiam meam gratam fore.

Observavi in animalibus brutis, tamdiu se movere pulmones, quamdiu diaphragma, & hoc quamdiu nervus sextæ conjugationis adhuc aliquid virtutis affendit. Discussio illo, propius evanuit motus unversus, *vsq; ad motum*

Metal-

Metallurgi plerumq; morbis pulmonum intereunt, quos inter est, quem Paracelsus vocat die Bergsucht: in hoc affectu pulmones exiccantur, & attenuantur chartarum more, quasi in fumo suspensi. Cogites inde quod spongiæ vicem pulmones subeant, irrigando Zonam torridam thoracis, ut agebat ὁ μακροχίτης Veslingius; tantus est horum usus quantus hepatis & lienis, sed in adulto potissimum & sanguineis. Non sibi contradicunt hi duo usus, inservire voci & refrigerare sanguinem.

Plura vetat occupationum moles & valetudo adversa, cui requiem debeo. Modò ut constaret Tibi de mea erga te observantia, neq; enim ad prælum scripta hæc sunt, neq; excocta satis, sed ut in buccam venerunt. Faxit ut ἀγαθὴ τύχη Deus Te servet literarum & artis decus immortale. Dab. Jen. d. 6. Maji. 1663.

Nobiliss. Excell. T.

Collegæ mei amice te salutant, addictis.

Properanti calamo ignosce,  
urget enim cui com-  
mendantur.

Joh. Theod. Schenck D.

EPIST.

## EPIST. LXXIII.

*Purulenta sputa phthisicorum an ex  
ventriculo?*

JOH. THEOD. SCHENCKIO

Jenam.

**N**ullam ad Te scribendi occasionem prætermittam, quanquam alia urgeant negotia. Ita enim tui amore sum occupatus, ut perpetua apud me Tui sit memoria. Nec ullis libentius pennæ meæ operam condico, quam Tui similibus, hoc est, candidis amicis & eruditis, qui faciles se indulgentesq; præbent rebus, quas aut vitæ necessarias, aut utiles, aut jucundas putamus. Refertæ sunt literæ, quas nuper partitis vicibus cum Humorum Historia generali ad me mittere dignatus es, pristina fide & rara eruditione. Non repetam singula quæ ibidem sive in Exercitationum Tuarum Anatomicarum defensionem, sive ad Diatribes nostræ de Pulmonibus illustrationem fusè pariter & doctè consignasti, ne vel Tibi tuisq; sententiis & opinionibus obicem ponere, vel mea pro Oraculis venditare videar, nec jam vacat plenam Epistolam Tuæ reponere, unum tantum dubium libabo, de quo meum judicium exquiris, nempe an verus sit Lindanus, qui existimat ea quæ tussi in phthisi rejiciuntur, sæpe

Sæpe culpa ventriculi fieri, eo quod in phthisicorum corporibus pulmones integri, malè verò affectū orificiū ventriculi observatum ab eo sit. Certè si phthisis propriè sumatur pro pulmonū ulcere, seu corporis extenuatione vitio pulmonū quo modo Medicis usitata est ea vox, à *Galeno* quoq; tradita *Comm. 7. Aphor. 16. Aretæo* l. 1. *Chron. c. 8.* aliisq; quoniam in culpa sint pulmones, dubitari non potest, & totiens secta à nobis phthisicorum cadavera & ab aliis testantur, ut non immerito in his vulneratum pulmonem fateatur *Calius Aurelianus* l. 2. *Chron. c. 14.* si verò de quavis atrophia corporis laxa significatione sumamus, sæpe sani esse possunt pulmones, vitio alibi in visceribus naturalibus latente, præsertim in ventriculo, primæ officinæ patrono, cujus illustre exemplum ipse subministraſti lib. 1. *Exerc. Anat. 7. sect. 2. c. 33.* Apud nos tabidi hoc anno, quamplures comparuerunt, & fatis functi sunt. Phthisici verò pleriq; fuerunt, ex vitio pulmonum, quod ex signorum omnium syndrome indubie scimus. Una sola femina primæ notæ tabida fuit, & pro phthisica judicata, etiam ex sputo purulento. In qua tamen id singulare fuit, quod sine tussi aut screatu sputum illud in ore colligeretur satis copiosè semper post som-

somnum seu nocturnum seu diurnum, nec tamen dubitare potuimus, quin ex pectore proflueret, nam capite non dolebat, benè cibum appetebat; nisi salivalia vasa sputum hoc effuderint. Ex ventriculo advocarem, si illius læsi ullum indicium extaret. Ventriculus in tabe pus effundit, & per fauces excernit, quemadmodum ex pure inter duas ventriculi membranas collecto asthma vidit *Carolus Piso* de Seros, Colluv. p. m. 196. Forſan in exemplo à *Clariff. van der Linden* allato, pulmonum robore purulenta materia ad abdomen fuit detrufa, & quia moram nullam fecit in pulmonibus, his falvis, ventriculum infecit pus. Id ut credam, inducor exemplo pueri phthifici apud *Platerum* l. 2. Obſ. p. m. 437. cujus ventriculus tribus foraminibus exesus fuit, septumq; foramine amplo perforatū à puris copia & acrimonia, quod ex thorace in abdomen defluens has partes & musculos quoq; abdominis ad superficiem cutis usq; eroferat. Vel si vice verſa ventriculus per pulmones tuſſi rejecit purulenta, ſingularis adfuit partium conformatio, ſicut in avium genere, ubi per patentes ductus tranſitus ſit è pulmonibus ad abdominis cavitates, ſicut ex *Plinio* & *Harvejo* in Diatrib. ſect. 2. de Pulm. probavimus, quos in teſtudine magna etiam  
ad

adrenes & vesicam usq; productos observavit Illustris *Peireskius*, annotante *Gassendo* l. 2. de Vit. *Peir.* An talis fuerit homo ille phthisicus Lindani, divinare non possum, peneq; cum *Apulejo* l. X. *Metam.* dixerim, *quod nemo novit, penè non fit.* Plura in præsenti non permittunt negotia. Antèquam finiam, optimus civis noster Benjamin Osvaldus ad patriam suam regressurus, me interprete, tuæ amicitiae & Collegarum, quos officiosè saluto, se insinuat. Vale diu & feliciter, mi Schencki, & valetudinem tuam de qua conquereris, cura diligenter etiam publico bono, cui natus es. Scripsi occupatissimus Hafniæ XXV. Aug. 1663.

T. T.

Th. Bartholinus.

## EPIST. LXXIV.

*De Terra Solari, Crystallo, & Vitriolo Silesiæ.*

THOMÆ BARTHOLINO Hafniam.

ET alteræ M. Exc. T. Litteræ 10. April. currentis anni exaratae felici fidere penates meos intrarunt, quæ eò gratiores, quòd, quod maximè votis expetieram, non unum sed

bb

bina

bina secum adduxerint Epigrammata gratulatoria, summae M. Exc. T. in me Benevolentiae Testes & Tesseræ. Tali clypeo munitus Cancer audebit eo confidentius impofterû latibulis prodire & quascunq; obversantes injurias despicere. Pro eximio & singulari affectu, quam M. Exc. T. Collegio nostro defert, Collegii nomine maximas ago gratias, nihil magis exoptans quam ut talia ex Collegio nostro lecto progerminarent cultu, quæ Eruditorum oculis non indigna, Sanioribus grata, plurimis proficua forent. Interim ut fidem promissis liberem arrepta Nundinarum Lipsiensium occasione adjunxi aliquid de promissa Terra Solari Siles. eaq; duplici, & tam cruda quam igne intensiore calcinata, insimul de Terra Solari Hungarica nobiliori, quanquam & aliam possideam Hungar. quæ ferè ejusdem cum Reichsteinensi pallescentis est coloris. A paucis annis in pago quodam Silesiæ Prüfern dicto in magna copia inveniri cœperunt crySTALLI, è quibus quidam optime à Naturâ maturati, Artifices iis annulos loco Bohemici Adamantis exornant præcipuè si iis substrato umbraculo nitor & splendor concilietur. Illustriss. Dux Olavienfis ex his crySTALLIS candelabrum cum plurimis ramis sibi construere curavit, quod  
adap.

adaptatis & accensis albis cereis jucundum  
 aspectu exhibet spectaculum. Nec Vitriolum  
 nostrum Silesiacum cedit colore & virtute Hun-  
 garico, ita & de illo parum thecæ inclusum  
 observabit nec non de minerâ Lunæ Saturni  
 ferace ex proximis Poloniæ Cracoviensibus  
 fodinis. Parvi hæc ponderis & pretii quæ  
 transmittō, scio tamen M. Exc. T. non ingra-  
 ta fore, utpote cum Naturæ thesauris hinc in-  
 de per terrarum orbem sparsis mirificè affici  
 & delectari certò mihi persvadeam. Vale Vir  
 Nobiliss. & fave ulterius

Vratislav. Siles.

M. Exc. T.

Maximè currente calamo

10. Maj. 1663.

Cultori devotissimo

Philippo Jacobo Sachs

à Lewenheimb. D.

Acad. Cur.

## EPIST. LXXV.

*De Terra medicata Dania, & cry-  
 stalli usibus.*

PHILIP. JACOB. SACHS

Uratislaviam.

**N**on tam avidè auream vestram Silesiæ  
 terram arripui, quam ipsas comites li-



teras, ab eo profectas missasq; qui Silesiam magna fama auro magis æstimanda ditat & illustrat. Is tu es, mi Sachsi, cujus erudita scripta, amicitia constans & sincera maximi thesauri loco mihi sunt. Vile est aurum si ad tuas animi dotes comparetur, quanquam tot mortales inescare soleat. Felix est patria vestra rerum pretiosarum proventu, felicior ingeniorum. Terræ autem solaris fragmenta non dubito & in patria nostra monstrari posse. Certè terræ sigillatæ Silesiæ, quæ ad nos afferre mercatores solent, affinem terram Cimbria nostra sumministrat, quam Pharmacopæi & Chirurghi nostri peregrinæ substituunt pari eventu, eadem virtute adstringendi & sudores pellendi præditam. Eam ad Te mittere operæ non puto pretium, quia aurea vestra eo nomine præferenda, quod ex aurifodinis eruatur. Norwægia nostra mineram auri quoq; non semel protulit, quod miraberis, perfectissimum metallum in frigida regione posse produci. Mineras talcosas multis granatis refertas, inde allatas, habeo, quas aurum condere ferunt, ex quo aureos Ducatos cudi curavit Augustissimus Daniæ Rex Divus *Christianus* IV. Altera verò minera in tractu Necnesensi ex pondere centenario dedit puri auri marcas 38, de qua  
aliaq;

aliaq; simili mentionem facit incomparabilis  
 noster *Wormius* l. 1. Mus. f. 3. c. 2. Frigore  
 Septentrionali externo incalescunt terræ visce-  
 ra ut etiam focos. sups sulfureos alant, & incendi-  
 o sæpe montes. fument, sicut ardens mons  
 Hecla, inter alios testatur, in Islandia insula,  
 cui à gelu nomen est, ubi etiam sulfuris magna  
 copia prostat. Cæterum terra tua Solaris non-  
 nihil colore pallidior differi à terra Solaris Un-  
 garica, cujus frustum possideo, vidiq; olim  
 non exiguam copiam in Pharmacopœa Regia  
 Fridericiburgensi. Simile huic frustulum mag-  
 ni pretii & usus mihi donavit non ita pridem  
 Medicus & Chymicus urbis nostræ eruditissi-  
 mus D. *Affnerus Payngk*, quod à Patre habuit  
 Viro experientissimo D. *Petro Payngk*, Chymi-  
 co olim Regio, qui id à *Rudolpho Secundo* Im-  
 peratore, in cujus aula vixerat antequam ad  
 nostram veniret, acceperat. Crystalli vestri  
 an cum Italicis comparandi, te interprete scire  
 velim. Nam & ibi pro adamante supponun-  
 tur à subdolis. Candelabra amplissima tria in  
 unico coenaculo arcis Regiæ Hæfniensis quo-  
 que vidimus ex crystallo confecta, splendido  
 lumine augustum coenaculum collustrantia.  
 Plurima crystalli Italici frusta in Musæo asser-  
 vo. Unum longiusculum manubrii forma;

febricitantibus per commodum, ad æstum leni-  
endum si manu teneatur. Quippe in vola ma-  
nus refrigerato sanguine per circulationem  
recurrente, cor refrigerii sensum percipit.  
Sphæræ rotunditatem aliis proficuum obser-  
vavi. Sed utinam pro transmissis paria redde-  
re possem, quæ tuæ curiositati satisfaciant.  
Non certè deessent in Borea quæ inter rara  
vobis numerari possent, sicut vestra ad nos  
delata inter pretiosa reponimus. Nihil tamen  
apud me tuâ amicitia pretiosius, quam æstimo.  
& æternam mihi opto. Vale, Vir Magne, &  
me ama. Hafniæ X, Jul. clō lōc LXIII.

T. T.

Th. Bartholinus.

## EPIST. LXXVI.

*De vesiculis pulmonum, ranae Anatome,  
aëre in cor penetrante, vesica tunica, modo  
solvendi calculos per aquam cal-  
cis vivæ.*

THOMÆ BARTHOLINO

Hafniam.

**R**Ecepi nuper à Te missam magni amo-  
ris plenam Epistolam, magnæ & eru-  
ditionis & judicii Diatriben de Pulmonibus,  
cum

cum selectis Epistolarum Centuriis; omnia mihi acceptissima, & officiosis gratiis excipienda, eoq; majoribus, quò à candidiori profecta animo, & manu ad seculi decus. & Arcis splendorem continuò vigilante. Nos hic, ex quo prodiit scriptum *Malpighii*, ranarum viscera diligentius perscrutati loco pulmonum duas vesiculas crebrè offendimus, lineolis quibusdam seu cancellulis internà facie distinctas, non autem, quales ille adumbrat, infinitas vesiculas minutas. Visæ sunt mihi duæ illæ pulmonariæ vesiculæ simile quiddam habere cum apum favis, ita apertâ cavitate versus interiora habant earundem eminentia interstitia; vesicula urinaria ranarum, præsertim muscularum, itidem dulpex est, magnitudine à pulmonum vesiculis non multùm abludens. Vivaciorem bestiolam vidisse me non memini inter tormenta; Cor excisum cum pulmonibus & sepositum in mensa ultra horam systolen & diastolen suam manifestè continuavit, reliquò corpore seorsum posito interea; se quoq; per intervalla movente, præsertim circa dorsi extrema, ubi quasi novum cor novam systolen & diastolen moliebatur. Ab utero, si infletur, deprehenditur canalis variè intortus ascendere ad usq; fauces, novo Naturæ artificio, Iterato

jam experimento apud Dn. Squammerdam-  
mum observavimus aërem per follem in ca-  
nis adhuc vivi pulmones adactum tandem cor,  
ejusq; vasa apertè subire, distendere, & bullas  
ibi in sanguine creberrimas suscitare. Follem  
ille confecit ex ventriculo molossi, adjunctâ ad  
portionem œsophagi fistulâ eburneâ, ad pylo-  
rum verticillo, crederes te tibiam utricularem  
cernere: fistulam arteriæ asperæ vivi canis in  
jugulo apertæ inserit, ligatq; ejus fistulæ caput  
strenuè, simul cum arteriâ asperâ, adeo ut ca-  
nis ejulare amplius nequeat, quòd anhelitus  
ejus non in os amplius feratur, sed in capaci-  
tatem dicti folliis, quæ ratio pro admissione &  
expiratione aëris rugas in folle jam format,  
jam explicat. Quo facto, pressu cubiti aërem  
folle contentum paulatim in pulmonem canis  
adigit, iterum novo aëre follem replet, ver-  
satoq; verticillo iterum in pulmonem intrudit,  
idq; continuat, donec vasa cordis manifestè  
flatu intumescant. Canis interea ab non nega-  
tum anhelitum, sed panè duplicatum, vivit satis  
diu & satis ferociter. Existimaverim hinc satis  
patere, aërem etiâ naturaliter subire sanguinem  
& cor, adeoq; ad spiritus tum vitales tum ani-  
males conferre; quanquam enim hoc experi-  
mentum inter violenta, & insolita Naturæ, cen-  
seri

feri possit, nullum tamen vas usquam ruptum nobis apparuit, nec ea vis facta pulmonibus, ut multum de statu naturali degenerarent. Quod *Dn. Jac. Hen. Pauli* de labyrintho Bilsiano aliquid commentetur, gratulor ipsi nobile argumentum. Ego saepe in homine, saepius in brutis bifurcatum ductum thoracicum observavi, non toto quidem itinere, sed jam non procul à capsulâ, jam non procul à claviculis, iterum tamen coire, quod speciem labyrinthi Bilsiani videtur quoddammodo representasse; quia tamen non ita varios à se quaquaversum ramos spargere isti circuli, visus mihi est Bilsius pro suo labyrintho tantum aestimare superna ductus thoracici, ad claviculas, cum vasis lymphaticis à collo descendentes quasi connexa, ex quibus ille ideam & figuram expressit suo genio, haud scio an ita Naturæ convenientem. Servat *Squammerdamius* inter rariora sua ductum thoracicum spiritu distentum, molossoq; exemptum, cui paulo infra claviculas duo crura enata sunt calamus scriptorium amplitudine æquantia, sed coeunt tamen in unum canalem ante ingressum in venam subclaviam. Ego per otium in vesicæ fibris investigandis aliquid operæ collocavi, sed illæ quò conspectiores sunt, & confusiores

bb s

in

in vesicâ integrâ & distentâ, eò minùs se ostendunt, vesicæ corpore in tenuissimas membranas per artem divisò. Unica illa vesicæ membrana lucida, sæpe in quinque, aliquando & in septem tenuissimas membranulas à me divisâ fuit, per internas membranas discurrentibus vasis sanguineis; hinc sanguinem vesicæ ex suo corpore non fundit, nisi exesâ primum interiori vesicæ membranâ, hinc tunicâ vasis sanguinei. Vesica in cocta acidis in mucilaginem abit tandem, in falsis incrassatur patiturq; se in phyliras secari commodius, in oleosis, ut & liqore salis alkalium, ut Tartari herbarumq; incineratarum, non incrassatur, non abit in mucilaginem, sed quasi prunis candentibus imposita adurit, patiturq; se quasi in pulverem teri. Tentavi in hoc genere plura, sed propter itineris varia obstacula perferbere jam nec opportunum est, nec omnia adhuc à me ita absoluta, ut non ulteriorem limam mereantur. Arteriæ etiam, intestina, imò venæ se variè dividi patiuntur, inq; multis cum texturâ vesicæ conveniunt, sed cutis planè alterius est indolis, nec illam à variis liquoribus sentit metamorphosin, seq; ita in phyliris conspici non permittit. Quod apud vos quidam calculum Dn. Lytzovii pro suppositio habuerint,

sint, non admiror, hinc enim Chirurghi, qui conspexere, Dn. Barbette, aliiq; idem adhuc sentiunt, & credibile est Dn. Lürzovium falli potuisse. Eum autem siliaceum calculum ne ab ipso Philos. lapide solvi potuisse existimem, nedum à sale calcis vivæ, quanquam constet Auctoritate *Basilii Valentini*, aliorumq; nihil in calculo profligando utilius spiritu calcis vivæ; mihiq; iterum, iterumq; compertum, aquam calcis vivæ ostreorum, mytilorumq; solvere calculos ordinariè ab ægris exactos in mucilaginem, si aliquot dierum leni foru in calido simul detineantur. Oportet tamen aquam illam ex artis præscripto esse paratam, id est sale calcis illius bene prægnantem, alioquin non mirum est nihil mirum consequi. Stamus nunc in procinctu itineris, cum Dn. Matthiade una in Angliam, hinc Galliam abituri, si Deo opt. max. placuerit. Dn. M. Magnus Blix, Nidrosiensis sacerdos, apud nos Lugd. Bat. vivit cum uxore, apud D. *Sylvium* remedium quærens affectionis hypochondriacæ & obstructionum alvinarum, ille sale suo volatili occurrat copiosè quotidie ingesto, de successu (quem prosperissimum opto) eventus docebit. In nundinis nostris, Haganisq; pauca rara & curiosa occurrerunt: Vixi nobis duo vivi ichneumonæ.



mones, vivus Castor, Coati, Chusculus, vivus Leo Africanus 19. mensium, mas, sed castratus, ideoque segnior impetu, nec villis horridus. anterioribus; vivus Leo Americanus Africano. minor, & adhuc generositate hebetior, ut solent id. loci Leones, quippe in Americâ bene monet *de Laet* non Leonem, sed tigridem inter animalia dominari. Sunt propterea qui Leonum hoc genus non Leones, sed ælutos Americanos nominant, quod æluri capite non malè referant Leones. Visus & vir robustus, qui librarum quadringentarum & amplius incudem ferream villis capillorum occipitii in altum promptè elevaret, homo Sampsonicæ familiæ. Adfuit & fœmina illa trimammia (quam superiori anno Goudæ conspexeram) quam cum intentius hac vice specularer, prehendi sinistram mammam inferiorem (nam erat & altera superior, utraq; lactifera, sicut & illa, quæ sola in dextrâ parte eminebat) arcu & tuberculo non muliebri, sed virili mammæ similem. Rogata causam respondit mihi, parentem suum inter initia matrimonii sæpe per ludum & jocum mammam suam matri ostendisse, hinc ipsam continuâ ejus mammæ imagine animo obversante virilem quoq; mammam, præter feminas,

minas, foetui impressisse, nunc idem ex similitudine matris, suis foetibus foemininis contigisse, quamvis non omnibus. Cætera omnia, quæ hic spectata, trita & vulgata fuere. Lucem è tenebris Everhardi iterum cum D. D. Wormio transmitto, meliori fato, quam prior illa, adventuram. Quid de Celsi Notis aut variis lectionibus responderit D. van der Linden, D. D. Wormio significavi; ille in suo Hippocrate edendo, itidemq; Hartmanni praxi castigatius, sed resectis parergis evulgandâ occupatur; D. Vorstius Mss. Theophili Græcum in Aphorism. Hipp. luci publicæ brevi exponet; D. van Horne suam Chirurgiam; qui omnes cum Dn. Sylvio officiosissimam Excell. Tuae salutem denunciant. Lætor Sereniss. Regem mihi adhuc biennii peregrinationem indulgisse, Cl. Dn. Professores omnes unâ Tecum, sacri Numinis tutelæ æternum commendo, meq; Tuo illorumq; sucto favori. Salve Vir Excellentiss. & bene Vale. Lugd Batav. 12, Maji A. 1663.

Excell. T.

Semper studiosissimus

Olaus Borrichius  
mm.

EPIST.

## EPIST. LXXVII.

*Convulsio aspera arteria. De fibris vesicæ.**Prolapsus Cartilaginis mucronatæ. De  
macrocephalo puero.*

OLAO BORRICHIO

Leidam.

**D**um in perforanda arteria aspera in cane ad experimentum aëris recipiendi occupamini, mirari subit patienter adeo laringem annexosq; circulos musculos & nervos id tulisse. Causa admirationis hæc est, quod insolitum nuper affectum viderim, laryngis nempe seu arteriæ asperæ convulsionem, in Studiofo, cui nomen Lucæ, ad quem visendum me ad se vocavit amicissimus noster *Simon Paulli*. Huic cartilago scutiformis in parte nobis patente disrupta est & divulsa, quod nimia vocis intensiōi adscribit, cui Musicescandidatus à teneris assuevit; præterea anterior asperæ arteriæ pars convulsionem patitur quotiens deglutire cogitur, cogitur autem sæpissime à flatibus ex mesenterio adscendentibus, à quibus suffocationis metus imminet, nisi deglutiat. Hinc fistula hæc pulmonaria distorta apparet, gibberis instar prominens, & prope claviculas introrsum retracta. *Hippocrates* aliquid videtur simile observasse. Nam libr. De intern. Affect.

arteriâ

arteriâ pulmonis convulsâ pus crassum undecima die expui prodidit. Convulsio sine dubio dependet à copula nervorum vasis pulmonariis annexorum, & quia communes sunt hi nervi etiam œsophago, in consensum quoque cum larynge trahitur, & ad deglutitionem impellitur. *Solenander* Sect. 2. Consil. 24. non absimilem historiam tradit, in quâ, quia ipse oculatus non fuit testis, affectos laryngis musculos orbiculares opinatur. Exercitata verò *Squammerdamii* vestri manus incommoda ista declinare potuit, quemadmodum in Laryngotomia inter annulos arteriæ innoxie aperiri solet fistula ista spiritalis. Et si quid supervenisset, quia illustri experimento damnum compensavit, quanquam

mollissima corda

Humano generi dare se natura fatetur, assuetum jam tamen est genus caninum, caros pati posse cruores. Experimenta à Te in vesica facta, pulcherrima sunt, docentque quanto periculo vesicæ, ad lapidem frangendum vel acida, vel salia vel oleosa exhibeantur, injicianturque, quibus tamen lithontripticis gloriamur. Fibre in vesicæ membrana media, an musculis eam afferant, ut cum *Aquapendente* *Waleus* existimavit, nolim disputare; ex tua dexteritate

tate liquet, membranas quamplures suis fibris donatas, invicem positas, musculi vicem implere posse. Hinc certè fibris illis læsis, & vim passis, quod à nimio motu venereo factum in Gujoto annotat *Ballonius* lib. 2. Ephem. urina supptimitur, quia musculi actio in expellendo tollitur, vel mingendi ardor oritur ab iisdem vesicæ fibris corruptis, teste *Platero* l. 2, Obs. An huc furfurosa cuticulæ cum urina crassa exeuntes in *Aphorism.* 78. Sect. 4. referri possint, in præsentī non vacat expendere, adest enim mihi mercator quīdam, qui Coloniā ad me venit consilii causa. Illi jam oportet ut vacem. Dolet verò cartilago mucronata quoties manu premitur, unde corporis atrophia. Credo esse prolapsum cartilaginis, quia sæpius legendo & scribendo mensæ duræ pectore incubuit. Varia passim expertum se fatetur, pro cuiusvis Medici conjecturâ. Animus est abiturienti commendare Cataplasma ex emollientibus parti dolenti imponendum, deinde cucurbitulam siccam eodem loco affigendam pro cartilaginis attractione, deniq; potionem vulnerariam *Fallopīi* cottidie, quando commodum fuerit, ad Uncias quinque hauriendam. De reliquis domestici familiaresq; ejus Medici provideant. Continere tamen me non possum

sum, quanquam festinet calamus, quin macrocephali, filioli pastoris Tierbyensis, bimuli nudius tertius ad me allati historiam Tibi pro homine Tuo Sampsonico remittam. Caput puerulo inusitatae visitur magnitudinis, majusq; & vastius quam pro reliqui corporis proportionem, ut occiput expansis digitorum apicibus amplecti aut metiri non possim, nec frontem latissimam. Nativum cranii vitium judico, suturae enim jam coaluerunt, solo bregmate aperto. Oculi profundè orbitis occultantur. Ineptus adhuc est ad intellectum, nihilq; discere valet, quia forsan amplitudini capitis cerebriq; fluidioris spiritus non sufficiunt. Autor fui ne vi caput comprimeretur membranarum damno, levi tantum compressione sensim fitmandum. Nec cucupham negligendam, qua cerebrum laxius roboretur. Sed omnis nimium longa properanti mora est. Vale igitur, mi Borrichi, ut postera crescas laude recens. Hafniae XXIV. Junii, aed. Ioc LXIII.

T. T.

Th. Bartholinus.

## EPIST. LXXVIII.

*De Parenchymate Pulmonum.*

THOMÆ BARTHOLINO

Hafniam.

**T**Ransmissa mihi fuit, mense superiore, Amstelodamo sarcinula cum libris, quos mihi aliisque Viris Clarissimis destinaveras, ut ex inscriptione apparuit. Studiosum eum, cujus fidei eandem credideras, hactenus non vidi; si venerit, scito vel solo Tuo nomine mihi fore acceptum. Exemplaria singulis distribui, & singuli gratias Tibi per me habent dicuntque ingentes. Ego præ cæteris Tibi obstrictus pro liberali dono, gratum animum non verbis tantum, sed & re ipsa præstabo, ubicumque dabitur occasio. Excellentissimus Vorstius, nostræ facultatis, imo totius Academiæ, Senior, vivit etiamnum valetque, & anniversarias in Horto instituit demonstrationes Botanicas. Consultius duxi eundem non reddere conscium tristici illius famæ de sua morte apud vos grassantis, ne forte putaret ab Aquilone malum sibi prædici. Perlegeram antea avidissime omnes Tuas Epistolas, quia bibliopolæ officinam pertransiens, forte fortuna meum quoque nomen in Indice conspiciebam, & mirabar me Principibus permixtum Achivis; unde nunc mihi gratulor

tulor Tibiq; gratias persolvo, quod honorificè  
 mei memineris. Gratulor quoq; Reipublicæ  
 Medicæ, quod absolutissimam Tuam Diatri-  
 ben præmiferis Cl. Malpighii dissertationi, ut  
 pleniori vasculo nunc liceat nobis haurire  
 Tuas aliorumq; de Pulmonibus observationes.  
 Nondum autem inducere animum possum, ut  
 credam humanos pulmones ex solis vesiculis  
 constare. Ranarum pulmones id manifestissimè  
 ostendunt, ejusq; observationis primus autor  
 non est Cl. Malpighius. De Humanis pulmo-  
 nibus, aut certè aliorum quadrupedum, jam  
 olim idem prodidit Cl. Borellus in observa-  
 tionibus per Microscopium habitis. Ego, si  
 alia methodo res ea explorari non possit, valde  
 metuo me posse unquam veritatem ejus rei in-  
 dagare, quippe oculi mei vix juvantur ope  
 microscopii, & quanquam varietatem aliquam  
 video, distinctionem tamen non animadverto,  
 quam alii credunt se animadvertere, quibus  
 oculi melius favent. Omnino parenchyma,  
 aut quod ejus vicem gerat, simul adesse, docet  
 pulmonum resolutio ad vasorum ostensionem  
 necessaria. Hactenus tamen, judicium & assen-  
 sum cogor suspendere, donec aliis phænome-  
 nis res clarior evadat. Mitto exiguum munu-  
 sculum meæ Chirurgiæ, quam brevissimè con-



scripsi ad microcosmi imitationem. Notæ & Additamenta mea in Vesalium hætenus jacent ob varias, quibus in hoc statu distringor, occupationes, nam & conjux, præsertim grævida in præsens, & domesticæ curæ animum meum avocant. Pro felici Tua ominatione de meo Conjugio, est quod manus Tuas exosculer, meaq; conjux Te Tuamq;, juxta meum, salutet perofficiosè. Vale Litterati Orbis insigne decus, & me, ut soles abunde, amare perge.

Excellentissimo Nomini  
Tuo Addictiss.

$\frac{17}{27}$  Lugd. Bat.  
Jun. 1663.

Jo. van Horne,

## ÆPIST. LXXIX.

*De Excessu Adolphi Vorstii, ejusq;  
Theophrasto.*

JOANNI VAN HORNE

Leidam.

**Q**Uam vellem Te, amicissime Horni, vera narrare, vivere & superesse adhuc *Vorstium* vestrum, fallosq; esse rumores de tanti Viri excessu apud nos sparsos. Vivere se, etiam in contemptum famæ, non ita pridem mihi ipse per literas indicavit: sed rumorem fuisse, omino-

ominosum jam demum rescivi. Abiisse enim ad plures pro certo narratur. Ad paucos mallem dicere, quia pauci sunt & fuerunt, qui inter paucos felices & beatos cum *Vorsio* numerari merentur, illo Medico multiscio, & quod palmarium, honesto, pacifico, facillimo, & humanissimo. Summa eruditio variazque scientiaz & lingvarum notitia, quibus pectus illud candidum fulgebat, inter minimas dotes reputo, si ad Viri ceteras virtutes comparentur, quibus immortalis esse meruit. Dolet meritò Academia vestra Seniore amissum, Respublica Medica Antesignanum, ego amicum à multis jam annis constantem, imò præceptorem, quod fateri non erubescō. Succum enim ejus scientiaz olim hausi in publicis prælectionibus, in botanicis demonstrationibus, in familiari admissione, cujus nunquam sine insigni voluptate memoria mihi recurrit, ut taceam alia incredibilis affectus indicia, quæ mihi ex Italia reduci non semel testabatur, & absenti postea ad extremam usque lineam conservavit. Serio igitur tanti amici excessum lugeo, quo inter Medicos doctiorem hoc seculo non novi, quanquam in exercenda medicina, cujus erat peritissimus, fuerit plus justo timidior more prudentissimorum Medicorum qui huic

aleæ non libenter se exponunt & inter tot cautiones, quas infinita autorum lectio suppeditat, cauti incedunt, dum alii triobulares Medici consilia præcipitant & quævis obvia remedia cuiusvis morbo prompta manu ex manica depromunt, vel una fidelia omnes morbos extergunt. In veterum lectione, si quis alius, fuit versatissimus, damnavitq; sæpe & apud me conquerebatur, quod juvenum plurimorum cruda & novitiis autoribus tantum addicta studia in publicum hoc seculo protrudantur. Unde recentiorum inventa laudare quidem solet, sed serò amplecti. Tanta tamen moderatione inter dissidentes recentiorum animos, arbiter electus, intercessit, ut exemplo *Scipionis* integro certamine eos reliquerit. Nam ni ita esset, unus *Vorstius* vel notitia rei, vel auctoritate ita de *Deusingio* & *Sylvio* meritis, finire nutu disceptationem, qua inter se summi illi Viri hætenus commissi sunt, potuisset. Sed hæc ad gloriam ejus spectant, & modestiam, quæ tanta in hoc Viro fuit, ut famam summam merere maluerit quam habere. Seniorum gloriæ succrevit, & ad suam gloriam majori famæ aviditate consurgentes alios lætus aspexit, quod de *Fabio Magno* Romanæ Historiæ disertissimus *Autor* prodidit.

Nuper

Nuper adeò in litteris ad me ultimum scriptis, cui respondere non potui nuntio fatali perterritus, & corporis & animi vigorem in ætate hac eundem adhuc sibi remanere beatus senex gloriabatur: sed invida fata optimo seni felicitatem hanc invidentia vereri videbantur, ne fortuna nimia & constantior quam velint res humanæ huic faveret. Igitur rumorem apud nos sparsum, utinam in æternum mendacem, invitis omnibus qui Boream incolunt, quiq; *Vorstium* noverant, ratum habuerè, contra Seniorum Romanorum sententiam, qui negabant olim ad rumores à privatis temere confictos, Senatus Consulta facienda esse. Tu verò, qui beatum *Vorstium* amare quocq; soles, & de Republica Medica benè mereri, urge apud hæredes editionem *Theophrasti*, in quo multum olei & operæ consumpsit *Vorstius*, cujus quoq; spem nobis non semel fecerat, ut tandem quod diu ille parturiit, illi pariant. Neq; enim dubium est, quin tot annorum cura & labore perfecit in quibus & *Furlanus*, & *Gaza*, & *Brodeus*, imò *Heinsius* authorem destituerunt. Ego desiderio incredibile amissi amici confectus plura non scribo, sed illi levem terram precor, & Tibi cæterisq; ævi nostri luminibus, qui supersunt,

Vorſti noſtri famam, annos, animum. Hafniæ  
Cal. Dec, clō 15c LXIII,

T. T.

Th. Bartholinus.

# ÉPIST. LXXX.

*In ſylotum inveſtiva.*

THOMÆ BARTHOLINO

Hafniam,

**M**Eas cum fasciculo, quas sub Hyeme cura-  
veram per Clariss. D. Blasium, at non ni-  
si vernante anno ad T. Excell. transmissas, ( ut  
audio, ) devenisse tandem ad manus tuas, ſpe-  
ro; admiſſa verò à Te benevolo affectu, quæ  
Inclyto Tuo Nomini dicaveram, nec alio  
quam quo à me prodierunt, animo æſtimata,  
confido. Arbitrii Tui planè facio omnia: Tu  
ſi quid diſplicet hætenus, corrige, emenda,  
cense, pro Tua humanitate ac candore; con-  
tradicentem deinceps iudicio Tuo non ampli-  
us me audies: qui & hætenus nequaquam con-  
tradicens ſtudio quicquam tentavi, ſed inſqui-  
rendæ veritatis. Si cum Tui ſimilibus, Huma-  
niſſime Vir, negotium foret, quoties publica  
functio ad indaginem rerum ac veritatum  
hinc inde curioſos impellit, quàm ſuaves fo-  
rent

rent Bonorum Collationes! quam volupe foret amicè redargui! At sæculi mos est convitiis grassari, ac calumniis aliorum affectare gloriam. Hunc animum, hoc studium in Sylvio quoq; nostro experior: in quo profectò nequaquam adeò sylvestrem animum inesse credidissem; à quo nequaquam tam acerba exspectassem. Hæret diutius per moram Typographi sub prælo mea in *Sylvium Echo*, seu *Sylvius Heautontimorumenos*, cui sortem ocyùs rependere decreveram: Interusurium interim postulare iustitia & æquitas videbatur, quod alio prælo propediem paratum; aliaq; adornata, quæ hominis ineptias ac nugas discutiant, quæ redux, Deo favente, è Patria atq; Cliviæ Ducatu, quo causæ graviores sub feriis canicularibus imminentibus me evocant, Typographo committam; interea, dum absum, per Amici curam quæ prælo commissa expedientur. Profecto magis stolidum Professore, at interim superbum, hætenus non vidi, in quo, dum suspensiones, Opiniones, ac Conjecturas ipsius expendo, ne vestigium quidem Eruditionis solidæ ullum invenio. Ut sua passim experimenta crepat; sic Empiricum merum esse, ratione omni ac iudicio carentem ejus scripta loquuntur: quin imò, ni sensu Communi care-

ret ille sensualis Philosophus, nequaquam  
*solo externorum sensuum judicio* passim verita-  
 tes rerum dignoscendas urgeret. Ea dementia  
 est hominis, ut ea quoq; quæ ex Tæ Excell.  
 scripto repetii, propriisq; Tuis verbis expressi  
 cursorio caractere, quo dignoscantur à meis,  
 illa imputet mihi, indeq; crimen calumniæ  
 confingat; quæ interim à Tua Excellentia in  
 ipsius honorem sunt dicta. Profecto magis  
 stupidum animal inter homines non vidi; ac  
 nisi in Sylvis Bestia habenda sit, certè Puerum  
 demonstrabo. Interim novit Deus, nequa-  
 quam mihi animum fuisse, contra Sylvium quid  
 agere, (utpote veterem commilitonem,) *καρδιογνώστης*  
 quamvis animum ejus minus probum novis-  
 sem, & seqviora pridem in me molimina; ad  
 quæ me nullam occasionem dedisse, sed poti-  
 us ejus optasse amicitiam, conscientia mihi  
 testis est, atq; ipsemet *καρδιογνώστης* Deus!  
 Sed mitto nunc talia: Ac Latorem harum,  
 aliquandiu meum Auditorem & Discipulum,  
 Excell. Tuæ de meliori nota commendo. Vale  
 Vir Excellentiss. ac favere perge Tuo

Gröningæ  
 Pridie. Cal. Jul.  
 1663.

Excell. Tuæ  
 omni studio & affectu  
 deditissimo  
 Ant. Deusiglio mm.  
 EPIST.

## EPIST. LXXXI.

*De Uteri ruptura, & innocentia  
Sylvii.*

ANTONIO DEUSINGIO Gröningam.

**S**egnior sum in respondendo quam vel humanitas Tua, vel sincera, quæ inter nos viget amicitia, exposcit. Culpam igitur deprecor, quod officio meo defuerim, negotiisq; impeditus subinde urbe abfuerim, nec ad gratissimas tuas responderim. Noli credere alium mihi interea fuisse animum, quam Tibi addictum, quem amare omni jure debui voluiq; Medicæ Reipubl. ingens ornamentum, & primum in amicitia. Amplissimas ago gratias quod ea facilitate publicè privatimq; exceperis quæ de *Hepate Defuncto* commentatus sum, ut in sententiarum diversitate, amicus tamen animus conspiret amicissimè, & tam rationibus eruditissimis quam affectu prolixo & sincera voluntate mecum certes. Certè quanquā antiquum Hepatis munus amplecterer, volupe tamen foret dissentire, ut promptam tuam & eruditam pennam in Naturæ augmentum mutuiq; amoris stabilimentum provocarem. Non possum non felicitatem meam agnoscere, quod tam benevolum adversarium nactus sim,

qvi,



qui, ne rationibus quidem inferior, superior  
tamen est humanitate. Rem ipsam inter nos  
controversam in præsentem non tangam, par-  
tim quod per alia negotia non liceat, partim  
quod nolim Te tuasq; cogitationes aliis, ut vi-  
deo destinatas, divertere, nec consultum ducō  
istam ferram reciprocare, ne propter argu-  
menti affinitatem *Blottelandæ* partibus immi-  
sceat. Statenim sententia omnia quidem pro  
Hepatis jure experiri, sed sine tuis ingratiis.  
Dabitur forsan alias occasio [NB.] ceptam te-  
lā pertexendi, si quando ad experimenta otium  
perduxerit. Quando id futurum sit, Deus no-  
vit. Vitæ enim summa brevis spem me vetat  
inchoare longam, ut imposterum malim alios  
eruditiores de his aliisq; differentes audire, quā  
scenæ interesse. Tempori aliquid dandum, ut  
tanquam ex specula prospiciamus quid alio-  
rum ab incude hac recentium observatio pro  
controversiis his illustrandis contulerit. Tuam  
interim ingenii promptitudinem admiror,  
quod ubiq; per amplum medicinæ campum  
pari felicitate progrediaris, excutiasq; accu-  
ratè quicquid sub calamus venerit. Multum  
Tibi debet Ingeræ nostræ Partus mirabilis,  
quem diffusa Tua eruditione clariorem reddi-  
disti; multum Tibi & ego debeo, cujus præci-  
bus

bus inductus occasionem dedisti curiosis in partus insoliti arcana penetrandi, ut evidenti testimonio constet, quantum facilitas Tua & humanitas, Naturæ mihiq; indulgeat. In Resolutione Tua doctissima nihil fere omissum quod ad rem faciat nam

dicenda tacendaq; calles.

Non ita pridem Dissertationem conscripsi *De Insolitis Partus humani Viis*, in qua accuratius Ingeræ nostræ historiam expendi, Fervebat illa sub prælo quum Tua Resolutio ad manus meas perveniret, gavisusq; sum impensè quod conjecturæ nostræ passim à Te probarentur, quæquam locorum distantia impeditus, nec penam ego tuam, nec tu meam potueris vellere. In uno tamen textu dissensus quidam est, ut in epistola responsoria monui, quam Te non accepisse reor, sed prorsus amicus, sicut inter amicos decet. Existimavi ego gemellos extinctos, in utero hæsisse donec apostemate rupto per partes excernerentur, quod fusè ibi probare mihi visus sum. At aliam video esse tuam conjecturam, æque quidem probabilem, sed dubiis nonnullis involutam. Credis infantes validiores perrupisse ipsum uterum atq; in abdomen proruisse, ibidemq; extinctos in putrilaginem temporis tractu abiisse. Dubito ta-

men

men de uteri ruptura violenta, cujus nulla indicia urgentia invenio, neq; enim symptomata observata fuerunt quæ vulneratum uterū comitari solent, à *Celso* l. 5. c. 26. notata; neq; uterus rumpi debuit, quia satis adhuc capax pro retinendis gemellis mortuis, neq; revera ruptum fuisse, sonus ullus vel crepitus indicavit, imò in utero tot annorum spiramentis hæsisse, aliorum exemplorum fide suspicamur, ut taceam interea nunquam concepisse, quod vacuo utero facilius tentasset Natura, quam oppleto. Nihil tamen horum mordicus tuebor, quia non deest quod responderi possit, pauca tantum pro sententia mea defendenda adduxi, ante à me scripto consignata quam Resolutio Tua adveniret, ne credas dato studio contradicendi me cepisse voluptatem, aut data per uteri rupturam à Te defensam occasione, abrupisse me amicorum animorum concordiam. Quia de hoc argumento ortus sermo, occurrit forte locus *Seneca*, in *Hercul. Oct. Act. 5.*

— nefas est ubera atq; uterum tibi

Laniare, qui me genuit. —

Lugentium morem fuisse ubera laniare, ex antiquitate notum est. Sed uterum an laniaverint, vel laniare potuerint, fateor me ambigere, nisi forsitan uterum hic de veste uteri regio-

regionem tegente acceperit Philoctetes. Ex Troade ejusdem discimus in luctu, utero tenuis patuisse artus, & veste remissa sinus fuisse substrictos. Sed relictis his locis, de quibus sententiam tuam aperies, quando per occupationes licuerit, quibus publicè distringeris: mallem his aliisque eruditum tuum calamus impleri, quam tot Apologiis, quæ à præclaris ingenii monumentis te avocant. Doleo sanè vicem artis nostræ, quod illi pacato animo calamoque vacare non possis. In primis doleo quod inter Te & *Sylvium*, literarium bellum exarserit. Ægerrimè fero tantos Medicinæ Antistites, tantos amicos meos inter se aculeatis scriptis committi. Utinam superesset beatus *Vorstius*, ille pacis amor, ut has inter vos componeret lites. Ego si ad incendium istud restinguendum operam conferre possem, optimè de Republ. Medica me meruisse putarem. Utriusque exacerbatos animos video, & ex suspicionibus infelix odium natum. Quin subinde injusta ab adversario tuo patiaris, nolim dubitare, sed & illi nonnunquam fieri injuriam, patere quæso per amicitiam nostram ut tibi candidè & amicè exprobrem, nulla quidem tua culpa aut malitia, quam à Te abesse dejerarem, sed interpretum, sed dis-

sidia

fidia feminantium , quibus male precor extra  
insulas vestras relegandis. Ita memoria lapsi  
sunt, qui Tibi, in odium forsā *Sylvii*, persua-  
dere conati sunt , primum *Sylvium* non fuisse  
qui *Leidæ* circulationem sanguinis *Harveanā*  
propugnaret. Sanctè testari possum, me *Leidæ*  
præsente, publicè privatimq; *Cl. Sylvium*, etiam  
beato *Waleo* repugnante , motum sanguinis  
circularem per rationes & experimenta ur-  
sisse, donec eundem etiam *Waleus*, veritati ex-  
perimentorum cedens, publicè defenderet.  
Non eo animo hæc dicta volo, ut Te amicis-  
simum irriterem, quem æqui veriq; constans  
amor semper commendavit; sed ut candidum  
animum erga amicum utrumq;, quem nol-  
lem ulla parte offendere, apertè videas, si-  
mulq; detesteris illorum studia, qui non satis  
sibi cognita pro certis verisq; Tibi narrarunt.  
Perspecta mihi est Tua prudentia, quam ita  
etiam justissimæ iræ attemperabis ne ex in-  
genti magnorum virorum dissidio *Respublica*  
*Medica* capiat detrimentum. Meo consilio  
non eges, quia ea sapientia pectus eruditum  
instruxisti, ut monitore opus non sit, amici  
tamen tui, quo es candore, voluntatem æsti-  
mabis Tibi amicisq; communibus addictam.  
Si injurias passus es, passus forsā & ille est,  
sed

sed neutri imputandum quod mente non mala, animo non malo commissum. Litis tamen arbitrium in me non suscipio, ne in me fabudatur. Utrique tantum in memoriam revocet illud *Juvenalis* Sat. 13.

\_\_\_\_\_ minuti  
Semper & infirmi est animi, exiguique  
voluptas

Ultio \_\_\_\_\_

Dum inter homines sumus, colamus humanitatem, non timori cuiquam, non periculo sumus: detrimenta, injurias, convicia, vellationes contemnamus, & magno animo breviter feramus incommoda. Quo sapientis *Senecæ* consilio, ne longior sim, finio, Teque, magne *Deusingi*, in plusculos annos felicissime vivere & valere opto; qui Te serio amat æstimatque;

Hafn. XX. Novemb.

clb Ibc LXIII.

T. T.

Th. Bartholinus,

[NB.] Cl. *Deusingii* argumentis Hepati Defuncto in Disquisitione Ulteriori oppositis responsum deinde fuit à me in Concertatione De Hepatis Exautorati Desperata Causa Sect. I, edit, Hafniæ 1666.

dd

EPIST.

## EPIST. LXXXII.

*Commendatio amici.*

CAROLO DATI

Florentiam.

**N**unquam alacrius mihi calamus decurrit, quam cum Tibi scribendum, adeò pro nam mentem manumq; experior ubi tuorum meritorum recordor. Quamquam pauci effluerint menses, ex quo literulas ad Te misi; tanto tamen libentius calamum resumo, quanto carior est is, qui repetitæ scriptionis autor est, ad vos iturus Nobiliss. Frid. à Lente, Musarum delictum. Dudum ille & patriæ nostræ & Magno Parenti, Serenissimi Regis nostri Cancellario & Consiliario intimo, dedit generosæ indolis spem, quam curiosa jam peregrinatione per meliores Europæ partes, inprimis Italiam vestram, meliorum familiaritate, augere constituit & ad summum perducere. Nihil ad præclaros conatus sibi defuturum sperat, si tua accesserit amicitia, de qua ipsum securum esse iussi. Patre natus est, in quem virtus & fortuna omnia munera sua effuderunt, & ipsi filio, quia virtute comite ad vos progreditur, tutum erit, quod ex animo opto, omne vestigium. Quod si igitur primum in amicitia locum huic concesseris, nihil à solito candore alienum

alienum facies, & me Tibi porro ad quævis amici obsequia obstringes. Vale, Vir Illustris, & me quod facis, amicumq; quem jam tuo favori infinuo, amare perge. Hafniæ X. Jul. clc Idc LXXIII.

T. T.

Th. Bartholinus.

## EPIST. LXXXIII.

*De experimentis Bilfianis dubitatio.*

THOMÆ BARTHOLINO Hafniam.

Commendari Vestræ Excellentie à me quoq; petiit juvenis hic, qui hasce deferret, Ulricus ab Elten, Auricæ in Frisiâ Orientali oriundus, & antehac Academiæ Julæ, nunc verò ab aliquo tempore Nostræ Civis, moribus cultus & eruditus. Ego qui Excell. Vestræ sincerum mentis candidæ Cultum, quo erga Celeberrimum Bartholini Nomen feror, dudum pandere desideravi; ut hujus Juvenis desiderio deesse nolui, ita avidè hanc Clarit. Vestram compellendi occasionem arripui. Itaq; uti hunc Medicinæ Studiosum de modestiæ ac fiteris melioribus Vestræ Excell. favori & benevolentie commendare haud immeritò possum, & vestrâ gratiâ non indignum coram se



exhibiturum confido, sic & Ego indubitata mei  
 erga Excell. Vestram Cultus documenta per  
 hæcce literulas exhibere laboro. Sanè à quo tem-  
 pore vel prima emendatæ Rei Anatomicae ac  
 Medicæ Specimina, ac iteratâ reformatarum  
 ac illustratarum illarum Artium eruditissima Ex-  
 cell. Vestra monumenta mihi licuit pervolvere  
 ac studiis usibusq; meis applicare; indefessos  
 Clarit. Vestrae pro Republ. Literariâ, ac speci-  
 atim Medicâ, labores, stupendam Eruditio-  
 nem, illustresq; Virtutes infucatâ admiratus  
 sum veneratione, ac constanti etiamnum vene-  
 rarum admiratione. At postquam Excell. Ve-  
 stra placuit me vel ore Amicorum, vel literis  
 ad Cl. D. Deusingium, Collegam meum, da-  
 tis, amicâ dignari salute; lætatus sum ex ani-  
 mo, gratulatusq; mihi maximopere, humi  
 adhuc repentem Nominis mei famam ad tantæ  
 Celebritatis tantiq; fastigii Virum pervenisse.  
 Unde cum persuadere mihi vix ausim, meam  
 circa Infantum Ossa infantiam, aut informe  
 de Fœtu Mussipontano *εὐβρωτον*, &c. Excell.  
 Vestrae fuisse lecta aut examinata probatave;  
 credere malim, solennem generosarum ac eru-  
 ditarum Mentium ergà quoslibet erudiri aut  
 erudire cupientes propensionem, aut speciatim  
 quantumcunq; de meo erga Rem Anatomicam

Studio

Studio rumorem, hæc benevolentia Vestra  
 expressisse indicia. Me quod attinet, ut grato  
 eadem amplexus sum animo, ita perenni eo-  
 rundem recordabor voluptate. Interim si mea  
 quæliacumq; opuscula vel superficiali lectione,  
 vel pressiore Examine aliquando non dedigna-  
 tam, fuisse Excell. Vestram compefero, non  
 tantum memet audebo plusculum tollere hu-  
 mo, sed etiam sublimi me vertice vel ipsa fe-  
 rire sidera existimabo; ac ad amicam aliorum  
 iusto ac sapienti vestro iudicio submittendo-  
 rum excitabor audaciam. Imò illam jam ani-  
 mo meo confidentiam conciliavit Benevolen-  
 tia Vestra fiducia, ut vel aliquam meæ spei  
 spem Vestra facere Clarit. audeam; nempe  
 palmarium Bilsi Bilsonianumq; pro Hepate  
 redivivo, Chyliq; ad illud motu experimentum  
 ac argumentum, quod necdum mihi desit esse  
 suspectum ac invalidum, certiori me *avvizia*  
 fallaciæ (ne dicam, falsitatis) convicturum, si-  
 mul-ac post depositum Recturæ Academicæ  
 onus, intermissis aliquandiu extispiciis me li-  
 cuerit reddere liberius. Utinam saltem felici-  
 ori spem meam bearet eventus Deus! Utinam,  
 quod mox à primâ Bilsi experimenti notitiâ,  
 mentis percepi oculis, tandem oculatis confir-  
 mare manibus, & aliorum soli fortè rationi

nimum tribuentium aut fallacibus experimen-  
tis Hominis illiterati nimis facile credentium  
oculis palam possem exhibere ! Sed quorū  
me rapit Veritatis inqvirendæ Zelus ? Hæc tam  
arrogantis audaciæ temeritas Virum gravem  
ac modestum ab incepto arceret amore. Excu-  
sabit tamen illam, ut confido, Excell. Vestra,  
calamiq; mei libertatem pro innatâ sibi erga  
Veri sectatores benevolentia benignè inter-  
pretabitur. Hæc spe plenus, desino in sincere  
ad Deum opt. Max. voto, ut Te, Celeber-  
rime Vir, Reipubl. Literariæ, Medicæ ac Ana-  
tomicæ superesse cum gloria velit diutissimè;  
Teq; obnixè rogo, ut hanc Cultus erga Te  
mei contestationem ex candido profectam  
esse pectore Tibi persvadeas. Vale, Decus  
Orbis, nec favore Tuo dedignare

Celeberr. Vestra Excell.

Cultorem & Amicum

Dabam raptim die

4. Julii, ft. Jul.

Anni 1663.

Henricum Eyssonium,  
Med. Doct. & Prof.  
ord. in Acad. patr.  
Gron. & Oml.

EPIST.

## EPIST. LXXXIV.

*Anatomica exercitationis laus.*

HENRICO EYSSONIO Gröningam.

Impensè mihi gratulor, quod me Tibi amicum volueris, cujus amicitiam diu tacitè optavi. Neq; enim per amicos tantum meos rescivi, sed ex scriptis Tuis didici, quantum sibi de Te Respublica Medica promittere possit, gratulatusq; sum Arti nostræ, quod ad illam operas tuas omni laude dignas contuleris. Certè illud seculum terimus, quo medicæ artis incrementa lentè exeunt; festinatur in damnum, & quod dolendum, inter placidissima terror existit, & mala unde minimè expectabantur, erumpunt. Deo sit laus, qui præclara ingenia ad artis nostræ subsidium animat, excitatq; ad experimenta. Quod tuum quoq; Vir Clarissime, esse institutum, gaudeo, & eruditæ monumentis publicis De Ossibus Infantum, De foetu Mussipontano, & in Collegio Anatomico non ita pridem testatus es. Quo nomine quoq; data occasione magnum tuum in Anatome studium publicè laudare non desinam. Nihil tamen æqvè, ut cum *Seneca* loquar, oblectaverit animum, quam fidelis amicitia, quam Tibi sincero animo repromitto,

& quia præparata jam sunt pectora, eandem strenuè exerceamus. Utinam ad extispicia revertaris, ut sensuum fide de experimento Bilsiano constare queat. Ego his vacare non possum, & rude jam videor donatus, aliorum tamen labores, tuosq; inter primos, avidissimè expeto & expecto. Doleo quod publicum dissidium ortum sit inter Magnum vestrum *Densingham* & Celeberrimum *Sylvium*. Quia utriq; amicus, vellem inter eos amicitiaè reintegrationem, etiam publico nomine. Tu suggerere consilia, quæ es prudentia, ut benè de Medica Republica merearis. Tentavi ego non nihil, sed quo successu, videbimus. Stoicorum Principis præceptum memini, ut Princeps non tantum salutis, sed etiam honestæ cicatricis curam agat. Quod irritatis doctissimorum horum Virorum animis ingerendum: nam, quod de Civili bello *Lucanus* dixit:

Bella gerunt nullo habitura triumphos.

Tu, Vir Excellentissime, interea optime Vale cum tuis, & me porrò ama. Raptim Hafniæ  
XXI. Nov. clc Ixc L XIII.

T. T.

Th. Bartholinus.

EPIST.

## EPIST. LXXXV.

*Institutum Rhodii in edendo Celso.*

CAROLO OFFREDO.

Patavium.

**Q**Uanquam multas alias ad Te scribendi causas habeam, si veteris amicitiae memoriam recolo & inusitatam tuam humanitatem; unius tamen amici Nobilissimi, quem vides, amor paucas has ad Te lineas expedit. Generoso & vere nobili imperu Frid. Lente, ad magna natus, Italiam vestram invisere constituit, ut hausta domi à Magno Parente omnis virtutis semina ad maturitatem perducatur. Nihil verò sibi antiquius putavit, quam ut Clarissimis Orbis vestri & Lycæi luminibus innotesceret, inprimis incomparabili *Octavio Ferrario*, in cujus laudes quævis ingenia recta se ferunt. Facile exorabis Virum Magnum, ut etiam mei causa, laudatum nostrum *Lente*, haud lento gradu in virtutis stadio pergentem, intimiori amicitia dignetur. Frustra essem si Te, amicissime Offrede, pluribus exorarem, qui nos nostrosque quasi connatâ quadam voluntate amare soles. Quicquid officii in hunc hominem contuleris, mihi in solidum imputabo. De Celso verò Rhodiano quid suades? In manus meas incidit. An manu mittendus

fit, apud me deliberabo. Verbo monebis, si præter Varias Lectiones & Lexicon, beatus Rhodius Emendationes, ad quas nonnunquam provocat, ullo scripto consignarit, & an ulla spes esse possit eas videndi. Nam in schedis meis nusquam comparent. Instituti verò ejus rationes circa editionem *Celsi*, si supervixisset, has invenio sparsim signatas.

1. Universi operis *Argumentum* breviter consignandum, redditâ ubivis ratione Connectionis, ut methodi artificium eluceat.
2. Capitum index ab Aldo petendus.
3. Variis Lectionibus juxta fidem Codd. M. SS. quorum unde viginti lecti, & excus. subjiciantur Hypercritica, ceu receptæ lectionis Vindiciæ.
4. Obscura brevibus Notis explicentur. Ommissa ex opt. scriptoribus supplenda. Rectè tradita Medicorum consensu roborentur.
5. Illustrium locorum cum Hipp. Harmonia ubiq; ad libri oras ponenda, ut autor in suis quasi fontes derivetur, pariter cum Galeno, ad veritatis dogmaticæ illustrationem.
6. Sententiarum Index methodicus secundum Artis Capita præmittatur, additis libro & Capit.
7. Subjiciantur bini Tractatus: Prior de Autoris Vita, instituto & stylo; Alter, de Mensuris ac Ponderibus vett. Med. Rom.
8. Indices sepa-

separatim concinnentur. 1. Celsi, juxta libb.  
seriem, capp. & Rerum Alphabet. item Verbo-  
rum & Locutionum cum Glossis. 2. Annota-  
tionum Alphab. quibus præmittatur peculiaris  
eorum Syllabus, qui citantur. Utinam susce-  
ptum opus ipse perficere potuisset optimus  
*Rhedi*, nec publicam expectationem morte  
sua destituisset. Confusa jam omnia reperio,  
& perpauca quæ ad rationes supradictas exigi  
possint. Plura non addo, ne animum tuum  
avocem, quem integrum Lentio nostro devo-  
vebis. Vale, & magnum *Ferrarium* ex me sa-  
luta, uti & *Cl. Molinettam*. Salutant Te *Fra-  
tres* & Consobrinus *Fuiren*. Hafniæ XXIX.  
Jul, c1o 1o c LXIII.

T. T.

Th. Bartholinus.

EPIST. LXXXVI.

*Octo Observationes Practica. De Carni-  
bus Lucentibus questio.*

THOMÆ BARTHOLINO

Hafniam.

**Q**Uam ad te scribendi denuo, jam à longo  
tempore quærebā opportunam occasio-  
nem, cum Serenissimi Principis Daniæ hac  
trans-



transeuntis in patriam reditus, & Clarissimæ  
 Viri Dni de Legard, Serenissimi Principis Me-  
 dici Comitis mihi obtulit, qui literas, quas ad  
 te vellem scribere, tuto deferendas se curaturum  
 pollicitus est, imò se illas in manus tibi tra-  
 dendi spem mihi fecit, quem favorem, idè  
 ambivi quod longissima diffici locorum inter-  
 capedine, mutuo literarum prohibemur com-  
 mercio, & ideo an literas, quas via ordinaria  
 decem abhinc annis aut circiter ad te scripse-  
 ram, receperis nec ne, me fugit, quibus non  
 solum quod me olim, dum Monspelii dege-  
 bam, in amicitiam tuam recipere non dedig-  
 natus fueras, sed insuper me tibi non parum  
 obstrictum confitebar, quod benevoli tui erga  
 me affectus publica monumenta extare volue-  
 ris in lucidissimo illo tuo *De Luce animalium* li-  
 bro consignata, qui admirandis quidem histo-  
 riis refertus est, sed magis admirandus est non  
 tantum ob masculinum illum & nervosum sty-  
 lum quo totus contextus est, sed potissimum,  
 ob rationes illi sane novas, qui alienà quadrà  
 tantum norunt sapere, Magistri alicujus au-  
 thoritati velut ad Cippum alligati, apud alios,  
 qui veritatis nucleum & intima essentia rerum  
 viscera perscrutantur, iudicio meo antiquissi-  
 mas, cum suam veritati, quæ ipsa est antiquis-  
 sima,

lima, originem acceptam referre debeant, &  
 ut de me loquar, apud me, cæteris omnibus  
 quas unquam conceperim, antiquiores. Sed  
 si forsan superiores illæ meæ literæ ad Te scrip-  
 tæ interciderint, ideo ne, malo fato, tibi siam  
 ego ignotus, quæ me, aut saltem nomen meum  
 omnibus qui doctissimum tuum librum lege-  
 rint, toti inquam orbi literato, notum volui-  
 sti, & illis ornasti, aut potius onerasti præco-  
 niis, quæ cruda adhuc & imperfecta studia,  
 cum vix adhuc à limine Apollinis sana salutas-  
 sem, nec sustinebant, nec merebantur, post-  
 quam me examinum aleam subeuntem in Ce-  
 leberrima Monspeliensium Medicorum Aca-  
 demia, præsentia Tua cohonestare haud fue-  
 ras dedignatus, quam studiorum meorum ju-  
 veniliū honorificam mentionem, ex affectu  
 potius Tuo, quam effectu aliquo vero dum  
 metior, me tibi vel eo nomine devinctissimum  
 esse, & maximas debere gratias, confiteri te-  
 neor, unde etiam, altius ita inclytitui no-  
 minis animo meo hæsit memoria, ut nulla vel  
 locorum vel temporū distantia potuerit obli-  
 terari, etiamsi, quod facis, singulis veluti die-  
 bus, oculis nostris, vel potius toti orbi lite-  
 rato, non illuxisses doctissimis tuis scriptis,  
 Cedro dignis & ære pereannioribus, & nemini  
 nisi

nisi in Rep. literaria omnino sit peregrinus, non dictus fuisses Magni Parentis Major filius, qui illustris nominis hereditatem à parentibus corrivatam illustriorem quotidie & auctiorem facis. Si verò aves quædam, quæ nocte volant seroque trahunt à tempore nomen, nocturnis & conniventibus oculis, tuo nomini ferendo non sint, sed instar canum ad splendidissimi syderis radios oblatrent, dum se produnt, fulgorem tuum magis ac magis vel inde probant. Sed ex diverticulo in viam. Ad te scribendi liber tuus doctissimus (De Luce Animalium) causam & occasionem mihi suppeditaverat, partim ut tibi gratias agerem, ob honorificam in libro illo nominis mei, infantia inquam mea & balbutientium studiorum meorum mentionem, partim ut sententiam meam, tuæ conformem, de re admirandâ, cujus ego fueram testis oculatus, tibi aperirem: nam cum pro ratione muneris professorii in philosophicis, quod in Academia patria nactus sum exornandum, agitanda mihi esset quæstio Philosophica pro more solita, dum agerentur anniversaria nostra solennia Academica coram Magnificis Consulibus & Senatoribus, Venerando Synedrio, Viris aliis Doctis, in magno auditorum ut solet fieri tunc tem-

temporis concursu, nec dignius occurreret argumentum, quam carnes illæ agninæ in macello Mospeliensi vanales, noctu lucentes, & illius materiæ tractationem suscepissent, commodum advenit, ut paucis diebus ante sciverim, Tractatum super hoc argumento, à Te fuisse adornatum, & in lucem editum, quem cum sedulo quærerem, forte fortunâ *iudæmorum* unicum exemplar superstes & vanales in officina cujusdam Bibliopolæ reperi, ex cujus attenta lectione doctior evasi & summa voluptate me inde perfusum sensi quod tecum conformiter in pluribus sentirem, ut idè tui pro honore debito crebram mentionem fecerim. Quid super hâc re conceperim & collegerim ad te mitto, ut quædam quæ tua sunt agnoscas. Multa tamen ex illo tempore de natura lucis in mentem meam venerunt, peculiarem esse dispositionem agnoscendam puto in corpore quod luminosum dicitur, quanquam nullum luminosum nisi virtualiter agnoscam, cum ita dicendum putem nisi quatenus ex certa partium dispositione oculos nostros & nervos opticos ad recipiendam ejusmodi impressionem dispositos faciunt corpuscula illa virtualiter luminosa & actualiter lumen ex oculis nostris & aliis organis visoriis  
**expri-**

experimentia. Quidni E. ejusmodi & cognata in corporibus lucidis in carnibus lucentibus & aliis partium dari potest dispositio ob quam radios ejusmodi de se mittant unde certo modo organa visoria feriunt & inde lux sentiatur & fiat corpus luminosum. Sed quid ludicris nostris lusibus te moror? qui talem dispositionem nactus es ut in æternum illustrissimum nomen tuum & splendidissimum toti orbi literato illucere debeat. Deum supplex veneror ut tu diu nobis illuceas, nomen enim tuum jam æternitati consecratum est.

Sed à philosophicis ad Medica. Rariora quædam, quæ mihi Medicam artem exercenti observanda contigerunt, pauca tamen pro temporis angustia, ad Te mittere consilium est.

1. Mulier quædam octogenaria, à duobus circiter annis, menstruas purgationes patitur *ἀνίατος* cum sanitatis commodo & *ἐσφορία*.

2. Observati sunt infantes aliqui, quos in utero materno febricitasse, certissima erant *πυμία*, demortuorum totius corporis habitus, maculis quibusdam rubris & lividis distinctus erat, unum in utero vagientem Mater distinctissimè audiverat octo ante partum diebus.

3. Pater

3. Pater meus octo ab hinc annis tum septuaginta quatuor annos natus erat, ex altiori loco decidit in caput, & gravissimam cerebri commotionem passus est, cui utriusque brachii fugax paralytis statim successit, ex perturbato spirituum animalium motu, paulo post in vomitum & *λειποψυχία* incidit, quam excepit febris continua gravissimis stipata symptomatibus cum lingvæ nigredine, universalibus partitis remediis, & ad affectus dictos aptatis, indefinente applicatione pullorum columbinorum & gallinaceorum, & pulmonum calentium è vervecibus recenter & ad lectum ægri jugulatis, 2. adhibitis occipitio cucurbitulis, quod remedium dolorificum est admodum, & ideò multis nominibus laudandum in Apoplexia, tertio applicitis toti capiti raso vesicatoriis & ulcera diu aperta servando, continuato situ basiliconis cum certa proportionem cantharidum, veluti ex orci faucibus ereptus fuit, paulatimq; convaleuit, & prospera utitur valetudine, nisi quod inde auditus gravitatem, & majorem ac majorem visus hebetudinem, ac tantum non cæcitatem jam patitur. Cæterum valens est & robustus.

4. Paucis abhinc septimanis septuagenario Seni Medicas manus attuli, sanguinem me-

e e

jenti,

jenti, nullum dolorem nisi in renibus sed admodum obtusum & levem sentit, corpus facillime in omnem partem flectit & incurvat, nulla tentatur nausea vel vomitu, neutrum crus stupore afficitur, gravia corporis subit exercitia, is uncias tres ad minimum caruncularum & membranularum simul cum urina cruenta minxit, cum dysuria, vix enim exibant carunculæ, & ægrè ibat lotium, nullum unquam pus observatum fuit, in renibus tamen vel in altero saltem rene ulcus judico, dolorem graviolem in lumbis anteqvam urina fieret cruenta expertus est, urina meo quidem iudicio, continuo præterlabens, non patitur materiam subsistere, ut in pus mutetur, ad id siquidem requiritur *μεγαμὴν*.

5. Anno proximè præterito, mercator hujus urbis temperamento bilioso in melancholicum & adustione bilis degenerante donatus, ictero sæpius & tandem gravissime laboravit, varias febris *ὀμσεφὰς* sæpius passus, & in tabem fere deductus est, tandem verò cum de ipso omnino conclamatum esset, & nulla videretur affulgere salutis spes, vésicas & cystides sibi invicem connexas & concatenatas humore quodam pultaceo repletas ovi columbini magnitudinem æqvantes, majores quasdam, alias

alias minores, tanta copia certis tamen intervallis per alvum excrevit, ut implendæ pelvi sufficere potuissent; cujusdam ignari svasu usus fuerat sale tamarisci &, renuentibus Medicis, potionibus vulnerariis. Excretis illis sacculis, ab ictero & febrium subinde recurrentium insultibus liber evasit, & à febre lenta qua sensim conficiebatur & contabescebat, jam sanus degit.

6. Paucissimis ab hinc diebus vocatus fui ad oppidum vicinū Duillion ut inviserem ægrum febre continua decumbentem, quem leipothymia graviter vexatum, hinc inde sese jactantem cum dyspnœa & facie hyppocratica reperi, eum in periculosissimo statu statim judicavi & attentius omnia pensiculando maximum in præcordiis ardorem observavi, potissimum è regione umbilici quæsi vi an aliquod pondus sentiret, annuit æger, jussi ut corpus in alterum latus verteret & observaret an non aliquod pondus cum corpore simul devolutum sentiret, ægre corpus suum vertit æger, & pondus illud ut dixeram manifestissimè expertus est, judicavi inflammationem ibi subesse, & humorum putrescentium & inflammationem facientium πυρροφλόγῳ, σφαχασμὸν probavit eventus, applicatione fortium emollientium & fre-



quentibus enematribus injectis, & aliis præstitis remediis succēssit tanta foetidissimi puris per alvum excretio ut fidem superet, intra tres septimanas integrè inde convaluit continuato usu potionum traumaticarum quæ apud nos celebres sunt.

7. Expertum est nobis remedium, Crudus Mercurius sine metu propinandus ad laboriosum partum, nisi malus infantis situs laboris sit causa, miror! cum si non venenatus sit, vim habeat catharticam, & diarrhæa puerperis perniciofa & plerumq; lethalis sit: attamen de experientia mihi notissima loquor, & sine noxa sed cum felicissimo successu semper exhibitum.

8. Laudani illius sine opio roties & tantis virtutibus præditi & tot laudibus à Qvercetano decantari potissimum in hoc pro nobili virgine consilio descriptionem ex propriis auctoris manuscriptis habeo. Præparatio impensas exigit & laborem, cui vacare per otium non licuit.

Paucula hæc ad te scribere vix potui. Utinam animum erga Te meum æque ex effectu atq; ex affectu contestari, & tibi probare possem. Faxit Deus ut diu & per diu in Reip. literariæ commoda, cujus singulare & illustre decus

cus es & ornamentum, vivas. Vices meas doleo quod tanto locorum, diffitus sum intervallo. Si quidam, vestrates aut amici huc veniant peregrinandi causa, potissimum si aliquandiu hic sint commoraturi, ut sæpe fit, & illos velis mihi commendatos, omnibus meis obsequiis & officiis experientur quanti Te faciam, qui si nil aliud possim, saltem virtutum tuarum & laudum me habebis, etsi invitus, habebis tamen præconem. *Ἐπίφων.* Dabam Genevæ 5, Julii anno 1663,

Tuus totus & ad omnia obsequia,  
paratissimus, & ubiq; devotissimus.

Daniel Puerarius.

## EPIST. LXXXVII.

*De Lucis in animalibus causa. Observationes Medice aliis observationibus, illustrantur.*

DANIELI PUERARIO,

Genevam,

**A**Ntiquum obtines, mi Puerari, & post tot Annorum lapsum nihil à modestia solita, nec ab amore quo olim me prosequutus es, nec ab humanitate propria remittis. Eruditione autem & matura de rebus arduis judicandi

promptitudine & ætatem semper & nomen superasti. Benè tibi sit & omnia prospera eveniant, quod veteris amicitiae memoriam repetas. Mala autem internuncio illi precabor, qui priores ante decem annos scriptas literas ad me non pertulit. Felici jam auspicio in comitatu Augusti Principis nostri, gentis nostrae delicii, Doctissimo Legario fauore, Tuae exoptatissimae afferuntur, lucis plenae & medicae experientiae. Amo Te multum, quod ea quae de Luce Animantium olim conscripsi, & laudaveris in publico Magnorum Reipublicae vestrae florentissimae Virorum Confessu, & sequutus sis, ingenioque Tuo & eruditione illustraveris. Splendorem lumini meo addidisti, ut Te inter splendidissimos assereres, & famae meae laborumque fautores. Lucem animalibus esse insitam asserere ausus sum, nec sententiae poenitet. Faces fascesque virgarum cornibus bouum praeligabat olim Annibal ad frustrandum hostem. Natura verò nobis faces aethereas sive lucem intimis visceribus iniecit, quae tuum demum emicat clarius quando per putredinem vel aliam corporis resolutionem ruptis quasi repagulis se exserit, & diffundit, quod in agnina carne Monspeliensi & Fatavina, in piscibus putridis & lignis liquere potest.

Ita

Ita aromata pleraq; inprimis piper, nec sapor-  
 rem sui nec odoris præstantiam exserunt, nisi  
 contundantur. universa compage dissolutâ.  
 Nec ligna, nec cespites bituminosi, nec stram-  
 ina lucent, nisi accendantur, adeoq; sub-  
 stantia dissolvatur solida quæ lucem tegebat.  
 Illustrant hanc rem cadavera nonnullorum  
 gratum odorem spirantia, qui in vivis non  
 sentiebatur. Insita enim principia, per putre-  
 dinem è carcere suo liberata, suam virtutem  
 produnt. Exempla hujus odoris grati summi-  
 nistrant *Leonardus Donatus* Venetorum Dux,  
*Wilhelmus* Episcopus Roëschildensis, *Olavus* Rex  
 Norwagiæ, aliiq; de quibus *Maurocenus*, *Saxo*  
*Grammaticus* noster & *Snerro Sturlejus*. Hinc car-  
 nes animalium ita lucentes plerumq; contagiosi  
 morbi insequuntur, quia putredini obnoxia  
 corpora. Et quotiescunq; splendores similes  
 vel oculis obversantur vel ex capillis profiliunt,  
 in propinquo esse ægritudines constat, de qua  
 re plura non proferam, quia alibi justa dili-  
 gentia omnia absolvi. Injurius tamen videris  
 in Floram Gallicam, quæ in tractu Narbonensi  
 plena manu opes suas campis eliminat, & ro-  
 rem marinum, thymum, salviam, pulegium,  
 aliasq; præstantissimas herbas agnis pro esca  
 exponit, quasi harum plantarum elu inflam-

mentur animalia, lucisq; igneæ occasio emergat. Enimverò tantum abest in detrimentum animalium cedant herbæ istæ campestræ, ut delicatissimæ potius exinde carnes mensis civium inferantur & sapore & præstantia sanitati proficuæ. Sunt præterea ex illo genere, quæ putredinem arcent magis quam promoveant, adeoq; quanquam calorem intus augent, impediunt tamen ne in flammam seu apertum lumen per putredinem erumpat. Posteriores tuæ de Luce cogitationes ingeniosæ sunt: an veræ, nescio. Dispositionem in objecto facilis concedo, neq; enim quævis corpora vel lucida vel ad lucendum apta. Illa tamen dispositio internum lucis principium supponit, sine quo ad lucendum neutiquam disponi potest. Id docet lapis Bononiensis, qui calcinatione disponitur ad recipiendum lumen, idq; sulfuris innati beneficio, quò alii lapides simili modo calcinatione dispositi, vel ipse hic Bononiensis inveteratus, si careant, quamvis dispositionem habere videantur, ad lumen tamen recipiendum & diffundendum inepti sunt. Ita stellæ ad lumen dispositæ sunt, quia luminosæ actualiter sunt. Lucret. l. 5.

Largus item liquidi fons luminis æthereus sol  
Inrigat assidue cœlum candore recenti,

Suppe-

Suppeditatq; novo confestim lumen. Ab oculis ea dependere non possunt, quia exinde tantum luminis exprimi nequit, & qualescunq; sint oculi, qualisq; nervorum optico-  
rum, in variis dispositio semper eadem facie lux & color apparet in objectis. A mille observatus Mars singulis rutilus videtur, quanquam eandem singulis oculorum dispositionem esse, vix credi possit. Unde rectius laudatus ante *Lucretius* l. 4.

Esse in imaginibus quæ propter causâ videtur  
Cernendi, neq; posse sine his res ulla videri.  
Quod de luce partibus insita, realiter, non  
virtualiter lucentibus quoq; dixerim. Quam  
lucem realiter inesse corporibus, etiam Deo  
creatori credimus, cujus oraculum est *Gen.*  
*1. 14.* Fiat lux, rebus scilicet insita, non ex  
oculorum arbitrio dependens, sed revera exi-  
stens. Hujus varia indicia dedi in *Libris De*  
*Luce Animalium*, passim in variis elucetia. In  
*Anatome Reformata* lib. 2. c. 6. magnum illius  
usum esse credidi in cordis motu promovendo.  
Quo conspirant recentiorum nonnulli, qui  
de flamma cordis commentantur. Certè ma-  
gnum argumentum præbent cicindela, qua-  
rum pars posterior, ubi cor situm, sola splen-  
det simul & palpitat. Sed lucem hanc tuæ in-  
dustriæ

dultriæ relinqvam, quia claro ingenio fulges, neq; nebulas illi dubitationes meæ, quæ ad istam lucem non assurgunt, offundent, quia de luce ista mea vix cogitavi ex quo in lucem publicam Liber ille meus prodiit, neq; jam ad calamum revocassem, nisi occasionem dedisses elegantissima Tua de eodem argumento Dissertatione, quam cum literis exoptatissimis mittere placuit: Ab hac luce digressus Medicis observationibus clariorem epistolam reddis, meq; beas. Redderem Tibi similia, quæ passim multorum annorum experienciâ collegi, nisi publicè in Historiis, in Epistolis, in Opusculis variis, hætenus editis, legerentur, & jam ad plenam Epistolam impleta esset penna. Percurram amico oculo historias tuas, ut illustrentur, ne materia amico Tibi respondendi defit.

1. Plethoricas feminas ordinarium menstrui fluxus tempus aut anteverte, aut protrahere experientia nos docet, si nempe sanguis calidior vel serosior exitum urgeat. Puellis antequam decimum fluxisse, inter exempla memini, quæ eapropter ante tempus viro maturæ videbantur. Incertum quoq; est tempus, quo cessare menstrua illa evacuatio solet, pro varia sanguinis urgentis qualitate & viarum aptitudine.

Hinc

Hinc etiam post sexagesimum annum genuisse quasdam, exemplis probat *Schenckius*, Observationum rararum Oceanus. Fieri id naturæ solatio, si abundet sangvis, inde scimus, quod alias vias quærat si ordinaria desit. Hinc bonum est sangvinem è naribus profluere. *s. Aph. 33.* quod de alia quacunque via rectè explicat *Galenus*, & de sudoribus, oculis, ore, hæmorrhoidibus, aliisque exempla novi. Ad octogesimum tamen annum rarissimè vel sangvis abundat, vel viæ in senibus patent, ipsa Saræ confessione *Gen. XVIII. 11.* ut adeò divini aliquid subesse debuerit quod conceptio fœtusque ea ætate successerit. Et quanquam ætas illa sanguine nonnunquam luxuriat, ut in historia tua, tamen ineptus censetur ille, nisi miraculum accesserit, quæ fœtum alat conformetve. Diversitas tamen temperamentorum hic exceptionem admittit, ut in re dissimili, non præter rem olim *Cato* dixisse fertur, nullam legem satis commodam esse omnibus. An autem fidem mereatur *Valesius de Taranta*, qui *K. 6. c. 12.* de curand. morb. de Priorissa narrat in monasterio Monvero, quod in senectute menstrua receperit, abundè ut in juvenibus fluentia, mamillas elevatas, nigros capillos, dentes molares, faciemque pulcram,

mei



mei arbitrii non est decernere. Similis certe esset hæc Priorissa tuæ vetulæ, quia utraq; bene ex fluxu illo habuisse dicitur: & auguror, quia *εὐτάκτως*, & cum *εὐφροῦν* fuit, longiorē ad huc ætatem.

2. Consensu & incommodo morborum, matris in utero, foetum affici, ejusdem inordinato motu in gravidis observavi. Nec mirum, quia à matre nutrimentum haurit, calore febrili accensum. Vidiq; exclusos foetus à matre febricitante debiles, & universo corpusculo quasi excoriatos. Quibus injuriis in utero expositi si vagiant subinde, mirum non est, & hujus vagitus alia exempla adduxi *Cent. 1. Hist. Anat. Rar. 1.*

3. Pater Tuus Paralyticus ex casu, sanitatem suam nativo robori & tuorum remediorum felicitati debet. Solent enim esse hujusmodi casus periculosi, etiam in junioribus. Causam aperit *Valleriola* qui de Paralyfi cruris dextri & brachii sinistri post vulnus capitis levidense, sine cranii fractura aut rima orta, *l. 3. Obs. 1.* narrat, è regione partis vulneratæ inter cranium & duram meningem pus non quidem copiosum sed lividum & foetens inventum. A commoto tamen sero ventriculis & principio nervorum incumbente, verius reso-

resolutionem istam deduxerim, quia copiosior in senibus ejusdem feri proventus, & hanc Paralyseos causam frequentior defunctorum sectio aperuit. Curatio quoque tua per vesicatoria confirmat. Timendum tamen seni ab Apoplexia, si serum universa organa sensus motusque interiora inundaverit, quemadmodum in nervis auditoriis & visoriis occipit. Forsan tamen ex casu illo corpora striata medullae oblongatae concussu valido oblitterata sunt, quam paralytis causam saepius in cadaveribus invenit *Willisius* ingeniosus, in nuperissima Cerebri & exacta Anatome c. 13.

4. Septuagenarii senis sangvinem & carunculas mejentis historia lucem mutuatur ab *Hippocrate* 4. Aph. 75. 76. utriusque enim affectus sedes & causa in renibus quaerenda. In Aphorismo vero 76, delenda omnino disjunctiva particula ἢ, quicquid hic praeter mentem *Coi* moliatur *Galenus* in Commento. Jungit enim *Hippocrates* l. De Nat. Hum. sine disjunctione, ἀρτία μὲν τῶν τευχόδεα, carunculæ velut pili. Talesque se quoque vidisse testantur *Thriverius* Com. ad Aph. *Hollerius* in Schol. l. l. cap. 52. Morb. intern. De pure quæ addis, clara sunt.

5. Obstructionem mesenterii globuli, quos excretos vidisti, sæpe inducunt, varia materia repleti. In mesaraicis eos in ictero observavit *Helmontius* in *Sextup. Digest. n. 56.* ut alios taceam, Atrophiam quoque ex aliquot mille verrucis circa epas, mesenterium & intestina enatis vidit *Ph. Salmuth* *Cent. 1. Observ. 5.* Tuæ observationi, quæ est inter rariores numeranda, respondet niger ille servus laqueos suspensus, apud *J. Phil. Ingrasiam* lib. de *Tum.* tr. 1. cap. 1. in cujus mesenterio strumæ circiter LXX. visæ, præter quas in glandulis existentes, totidem ferè externè intestinorum crassorum tunicæ adhærentes tumores propria membranula vesiculæ instar contenti cernebantur, utriusque autem generis tumores, varia quantitate, & magni & parvi erant, atque inter extremos qui ad ovi gallinacei magnitudinem pervenirent; & minimi ciceris parvitate quamplurimi intermediæ quantitatis gradatim visi, qui singuli dissecti, nonnulli lapideum gypsum, nonnulli verò glutinosam mucosamque materiam, & interim liquidam quandam substantiam continebant, ut postremo ac novissimè genitus tumor liquidiorem, antiquior verò solidiorem substantiam præ se ferret. Quem autem locum in mesen-

mesenterio occuparint sacculi illi tui, vel quo modo abrumpi & excerni potuerint, Oedipo non Davo opus erit. Vero simile fit, quia ad tabem vergebat mercator, venas lacteas mesenterii istis vesiculis fuisse obstructas, & deinde vel naturæ conatu vel alio irritamento abruptas & expulsas. Refert enim *Hildanus* Cent. 1. Obs. 70. in puellæ tabe extenuatæ cadavere, mesenterium undiq; refertum tumoribus duris, scirrhis atq; steatomatibus, præcipuè circa vasa & venas, quæ ad venam portam protenduntur. Mesenterii quoq; obstructionem ictero generando sufficere, ossæ ejusdem constitutio apud *Jo. Rhodium* nostrum Cent. 2. Obs. 96. fidem facit: sine dubio, quia sanguis per portam hepatis inferendus, ibidemq; à bile purgandus à suscepto itinere avertitur, restitatq; eo impedimento bilis ne ad percolatorium suum perveniat. Infestari his globulis actionem fermenti fellis, *Helmontio* linquo & explicandum & defendendum.

6. Dejectiones purulentæ vel à superioribus proveniunt, vel ipso abdomine. A thorace pus in pleuritide & phthisi per alvum expurgatur, quod non semel observavi. Ex læsis inflammatisq; artubus idem advertit *Paræus* l. 10. c. 12. & l. 16. c. 49. Solet & interdum putris

tris sanies profluere in Dysenteria, quia intus intestina exulcerantur *Celso* l. 4. c. 15. quem fluxum saniei continuum triennio observavit in Aretino quodam *Benivenius* Obs. c. 96. Pus istud in involucris intestinorum acervatum vidit *Hollerius* in Schol. l. 1. c. 43. & in solo recto intestino cæteris illæsis *Jo. de Lamoniere* c. 7. de flux. Dysent. Internam faciem ita affecti hominis detexit in Anatome Dysenterici beatus *Falioburgius*, præceptor in hoc studiorum genere olim noster. In intestino colo & recto apostemata hinc inde aderant, quædam rupta, ubi & lacerata intestina. In mesenterio glandulæ nonnullæ tumidæ pomi instar, quæ apertæ pus expuebant foetidum, quale ex Dysenterico vivo prodierat. Hinc sciri potest, unde pus in intestinis sine illorum læsione coacervatum fuerit, apud *Hollerium* & *Lamonierum*. Observavi in generoso Viro puris profluvium quotidianum, quo tandem macie confectus obiit. Historiam ejus pertexui *Cent. 4. Hist. 96*. Quanquam per sectionem non patuerit pars affecta, suspicatus tamen sum vel mesenterium vel pancreas ulcere putrido corruptum fuisse, quale annotavit *Jac. Aubertus* Exerc. 44. in Fern. nec absimile *Highmorus* l. 1. p. 2. Disq. Anat. c. 8. In tuo ægro puris fluxu decubente, exi-

te, existimo in hepate fuisse abscessum seu vomicam pure plenam, unde elevatis vaporibus putridis vel inquinato sanguine in corde calor p. n. accensus, & leipothymia inducta, & à tumore diaphragma premente dyspnœa. Locus umbilici id confirmat, & pondus quod sentit, & ardor in ista regione molestus. Tuæ verò solerti arti & industriæ ascribendum quod rupta vomica & expurgato pure convalescit. Gallum Tibi Æsculapio suo debebit, si gratus esse velit. Solent enim hujusmodi abscessus nobiliorum viscerum jugulare, sicut alias observavi, & in Romano vidit *Panarolus* Pent. 1. Obs. 37. qui inflammatione hepatis laborans post XV. dies magna puris graveolentis copia per alvum excreta paulò post expiravit, & vomicam in hepate cum maxima puris coacervatione dissectori Larcheo, Chirurgo perito, monstravit. De purulentis fluxibus, ne longior sim, satis dixi.

7. Crudus Mercurius tam pellere fœrum potest, quam lumbricos, quia naturæ nostræ adversus, & vi exitiali præditus auctore *Dioscorid.* lib. 5. cap. 70. partes ad expulsionem irritat. Tutum tamen non omnibus censeo, imprimis debilioribus. At robustiores Mercurio duce non indigent ad

ff

Luci-

Lucinæ labores, nisi alia pro matre spes evadendi nulla supersit, etiam fœtus detrimento. Sed tuæ experientiæ non diffido, quia nec mihi nec publico imponis, & idem facitare obstetrices. Goritienſes narrat *Matthiolus* in *Diosc.* l. c.

8. *Quercetani* *Laudanum* tot encomiis laudatum, si ex schedis authoris genuinum nobis dederis, laudem quidem majorem mereberis à me, quam ipse *Quercetanus*, quia pro palas amico, quod omnibus occultum ille voluit, more sectæ, cui addictus erat. Verè cum *P. Monavio* Epist. 238. apud *Scoltzium* dixerim: *Quercetani* oracula aut ænigmata non intelligo, nec scrupulosè inquirō. Sino mortuos sepelire suos mortuos. Te verò, mi *Puerari*, veteri amicitia colende, laudare non desinam & amare, quod officia tua amicis tam benevolo animo offeras. Captabo occasionem, ne de voluntate tua videar dubitare, vel certè in filiorum tandem adventum differam. Interea vale, & longiori epistolio ignosce, quo testari volui, quam prolixo obsequio Tibi velim esse obstrictus, cui à tot annis benè precatus sum. Tuus esse non desinam, quanquam frequentiora literarum commercia cessent. Scripsi Hafn. XIV. Mart. clō Iac LXIV.

T. T. Bartholinus.

## EPIST. LXXXVIII.

*De impostura Lithotomi Raouli.*

THOMÆ BARTHOLINO

Hafniam.

**A**Ureæ nostræ Messi multa interseritur  
Zizania, fucorum quippe omnia plena;  
imposuit nobis in Anatomia Bilsius, in Medi-  
cina abituriens hinc Burrus, in Chirurgia  
Lithotomus Gallus Raoulx, cujus Diabolicas  
artes ex adjunctis vides; quem nominant, Ipe-  
larium Juvenem Amstelodamensem, vel manu  
tangere nolebat priusquā ipsi solvisset fl. 2500.  
id est mille imperiales. Digna sunt ut nobilis-  
simo genere & virtute Viro Dn. Hugoni Lutzō  
communicentur; ejus calculum putatitium,  
silicem esse, evidentissima probant signa; quod  
post subitaneum ejus discessum Medicis &  
Chirurgis nostris indicavi; nolebam autem  
afflicto proboq; Heroi addere afflictionem,  
sperans istum nebulonem calculum quidem  
extraxisse, sed magnum pro parvo supposuisse;  
talem enim, parvum scilicet, ipsum judicavit  
& adhuc dum judicat indies in arte sua incre-  
mentum sumens Lithotomus noster Harlemen-  
sis Salomon Verkaemer. Non potui hæc Tibi  
strenue veritatis indagatori non significare.  
Age quæso gratias Dn. Pauli pro docto suo



libello; in plerisq; omnibus rem acu tetigit, paucissima sunt quæ aliter nobis hic videmur observasse. Vale & redama Te semper magnifacitum amaturumq;

Amstelodami 14. Aug.

1663.

Paulum Barbette.

## EPIST. LXXXIX.

*Dubitationes de Lithotomi ejusdem arte,*

PAULO BARBETTE Amstelodamum.

**Q**Uæ binis literis de Lithotomi Galli impostura scripsisti, mira nobis visa sunt. Quum primum ad nos ex itinere redux esset Nobilissimus Lutzovius noster, varia expertus est judicia de calculo quem exsectum monstravit, plerisq; in aula pro fictitio traducentibus. Certè non ovum ovo similis, quam iste calculus est pyriti, adeò ut & scintillæ exinde eliceantur, & cotis vice esse possit. Rogatus ego sententiam pro supposititio habere primâ fronte ausus non sum, quia similem prorsus calculum in Musæo servarem ab homine exsectum, si vera narravit amicus, qui illum mihi olim dederat, meminerimq; me legisse apud Schenckium calculum filicis duritie alicui fuisse

fuisse extractum. Augebat fidem ægri nobilissimi confessio, quod peracta sectione magnum levamen senserit & longum iter sine magno impedimento perfecerit; præterea comites illius affirmabant, vidisse se factam sectionem. Dubius exinde fui propter insolitam calculi substantiam, nec satis assequi potui, quæ Naturæ arte in corpore humano silices durissimi possint concreescere, nisi ad monstra in Medicina confugiendum. Non ita pridem calculi complures satis magni & duri, saxo simillimi, ad Serenissimam Regiam Majestatem missi sunt ex Cimbria, qui excreti dicebantur ex puero, quia fidem superabant calculi, jussu Regio puer ipse adducitur & arcta custodia in arce alitur. Sed quanquam ita edoctus puer aliquoties convulsiones simularet prævias, nihil tamen successit, nec ullum calculum excrevit, quia remotis amicis suis custodiebatur. Hinc cognita imposturâ, singulari Serenissimi Regis Clementia puer innocens demissus & artificio honesto traditus. Ita sæpe spe lucri illudunt nobis mortales. An idem de Calculo Lutzoviano judicandum, dies docebit. Ipse certè Lutzovius constans adhuc est in ea sententia, dolum malum abesse, quanquam isdem jam molestiis vexetur, quibus olim ante sectionem,

quod in residuum calculum refert, quia duplicem illi antea vester, nisi fallor Harlemensis Lithotomus prædixerat. Ut adeò si fraus ulla subsit, negligentia Lithotomi vel avaritiæ potius adscribendum, quod alterum in vesica calculum una eademq; opera non extraxerit. Fallaciâ in operatione non subfuisse duplici argumento sibi Lutzovius persvadet, quod calculum vesicæ digitis primum ad vesicæ collium protruserit Raoulx, deinde per mediam horam obambulare siverit. Ad hæc si astu aliquo filicem per intestinum rectum ad locum sectionis protruserit, vulnusq; per intestinum rectum transierit, mirum esse cur nullus sanguis prædierit, cur tam cito vulneratum intestinum consolidatum fuerit? Hæ sunt rationes quibus permotus Nobilissimus Lutzow non audenti dexteritati Raoulx diffidere, à cuius solertia novam salutem adhuc sperat. Utinam voti fiat compos! Interea dum ipse Raoulx præsentibus arbitris in arte exercitatis artis suæ dexteritatem & sinceritatem dederit, quod propediem faciurum fama fert, meum de eo iudicium suspendam, memor Senecæ l. 2. de Ira cap. 22: *Quædam falsa, Veri speciem ferunt. Dandum semper est tempus, Veritatem enim, dies aperit.* Successum solitâ tuâ humanitate ad me quæso per-

perferibe, ut confidentius Tuae sententiae, quae  
 raro fallere solet, subscribam, & me porro  
 Tibi addictum amare perge. Vale, Vir Eru-  
 ditissime, & publicae artis nostrae bono pe-  
 renna feliciter. Scripsi raptim Hafniae XXI.  
 Augusti cl. loc. LXIII.

T. T.

Th. Bartholinus

EPIST. XC.

*Impostura Lithotomi Raousi  
 confirmatio*

THOMAE BARTHOLINO Hafniam.

**N**isi, Vir Magne, iudicio Tuo magna sem-  
 per tribuissem, restantæ sequelæ nunquam  
 tantâ fiduciâ ei subjecissem: nec tam credulus,  
 crede, sum, ut incompetis velim subscribere;  
 nec tam parum fido bonis bonorum Invento-  
 ribus, ut ut Novatoribus, quin ipsis tribuenda  
 tribuam decenter. Annus est, & longè ultra  
 (tantum dabam laudato à bonis, sed simpli-  
 cioribus, Artifici:) quo ego non Lithotomus  
 anxie sudavi, quâ meliori & huc usq; nobis  
 incognita sectione Raousiano modo possemus  
 miseros nostros ægros calculo liberare; cuius

meæ curæ testes possideo varia scripta & responsa, sed non poteram mihi indè vel Anatomicus vel Practicus satisfacere. Dei tamen providentiâ factum ut hac nostra solitudine malo Raousiano in bonum ægrotorum mutato, melius nunc à Lithotomo Haerlemmensi. secentur Calculosi, (Apparatu sc: semper minore, majorem enim quamdiu vixero, concedam nulli) quam unquam sciam audiverimq; hac in urbe factum à quocunq;: quod alibi probandum, à Te vero nunc non quæritur. Nobilissimum autem Lutzovium cum aliis multis deceptum, qui prioribus Banningii non credit, facile credit Heuschii ad fratrem suum, primarium hac in urbe mercatorem, litèris. Nebulonem Raoulx tanti fecerat noster Heuschius ut se itineri fastidiosissimo, pessimæq; arti Raousianæ commisisset, nisi frater homini Luretia Parisi ubique præsens, nequitiam ejus divulgasset. Ante octiduum legeram quod Gallicè scriptum mitto Extractum, abhinc scribit Banningius ipsum Raoulx in salutato hospite discessisse. Quæ pius Lutzovius infert, parum nos morantur: Primum ejus argumentum mihi, non ipsi favet; Calculi enim in collum vesicæ protrusio difficilior, imò potissima totius operationis pars est, & tunc Lithotomi, præcipue

puè in adultis, sibi valdè metuunt à laborantis motu, resilit enim illicò; à Sphynctere verò intestini recti etiam ambulando retinetur facile, in quem protrusus erat, loco. 2. Scribunt Galli Raoulx inversos primum digitos in anum immittere, & contorsione postmodum sic extendere vel inflectere membranas ut interiores non amplius corresponsdeant exterioribus, ut nec cuti: sic facile curatur vulnus & pauca sit sanguinis effusio. In fistulis ani manuum operâ curandis non semel vidi nec dimidium sanguinis cochleare effusum, curatum autem vulnus 10. in aliis 14. die; quod non mirum; mirum autem vulnus colli vesicæ urina semper madidum, intra octiduum ita consolidari posse ut nullum postea sequatur vesicæ collive ejus ulcus. Nosti insuper deceptores vario modo decipere varios; dolores vero calculosorum cum non sint continui facile credunt ad tempus se levatos ægri, ut sic non sensus, sed circa sensus erret ratio. Doleo hæc tam veta; crede mecum tempori, credeq; mecum Virum prudentem esse Vatem. Scribat Schenckius quicquid, sedulus reverà Scriptor, volet: in corpore humano Lapides per laminas, & nullo alio concrescunt vel augentur modo; neq; lapsum ferunt ex alto;

durities vero & pondus falsitatem semper detegent cuius tecum omnia accuratius observanti; priora nostris sæcula nec malitiâ nec simplicitate peccantibus caruere. Summas interim pro Humanissimis Tuis habe gratias, quibus revera me Tibi magis, si quid superesse potuit, obstrinxisti; quæ tam occupato Tibi, digna imposterum videbuntur scribi, semper calami mei arcebut segnitiam. Vale interim & animitus salve. Dabam Amstelodami XV. Septemb. M. DC. LXIII.

Celeberrimi Nominis Tui

Devotus Cultor

Paulus Barbette Medicus.

## EPIST. XCI.

*De asthmatico Sene responsum.*

FRIDERICO HAMMERICO Elſingorani.

**R**everſo ex itinere offeruntur literæ Tuæ optatiſſimæ, quibus ſtatim ægri optimi exponis. Contuli conſilia cum Excellentiffimo noſtro D. Morbio, qui Te humaniſſimis verbis reſalutat. *Riverii* Obſervatio 2 I. Cent. 3. utriq; lecta eſt, & quia *Looch* ſuum tantis laudibus effert in aſthmate ſenis ſeptuagenarii, non poſſu-

possumus illius usum, spe alicujus levaminis, dissuadere. Duplam vero dosin præscripsimus:

R. Radic. enul. camp. sacch. cond. Drach. vj  
 Sacch. cand. Unc. j.  
 Syr. de hyssop. Unc. iv.  
 Gumm. Ammoniac. aq. Vit. dissol. Dr. j.  
 m. f. Looch.  
 Sign. Brustsaft.

Cæterum quæ de pedum sudore refert inter-nuncia, non displicent, credimusq; dissi-pari bono omine & evacuari serum ad par-tes illas decumbens. Qui naturæ conatus si vel promoveatur culcitris commodis pedibus circumvolutis, vel saltem non impediatur, speramus nullum majus damnum imminere ex decubitu illo molesto. Cætera tuæ pru-dentiæ committimus, & cum optimo agro, salvere Te jubemus & valere. Hafniæ IV. Aug. c1o 1oc LXIII.

T. T.

Th. Bartholinus.

EPIST.



## EPIST. XCII.

*Observationes varie curiose in itinere Anglico.*

THOMÆ BARTHOLINÆ.      Hafniam.

**Q**Uanquam, ambulatoria magnam partem vita mea, ex quo ultimas Lugduno Bat. ad Te transmissi, non indulerit literis aliis vel tempus, vel adeo materiem satis, meo iudicio, dignam, quæ Musas Tuas interpellaret, officii tamen mei erit, ne hîc quidem interquiescere, occurrentibus præsertim nonnullis, quæ si nil novi Tibi apportent, vetera tamen in memoriam revocabunt. Atq; , ut inde ducam exordia, Lovanii relatum mihi, proximis mensibus laudabili conditione vocandum eò Dn. Bilsum, ut Academiam illustrem secandi arte reddat illustriorem; emeruisse hanc Spartam dextris aliquot coram Dn. Marchione de Caracena sectionibus in vivis bestiis administratis; neq; tamen ideo patefactum iri secreta ejus omnia omnibus, sed revelanda duntaxat Dn. Gurschovio loci Anatomico, ea lege, ut is vivo Bilso artem non profanet revelando. Sunt qui existiment thesauros illos in carbones tandem abituros esse, ego rem in suspensio relinqvam. In Arce Lovaniensi tamdiu, illustri Putcano habi-

habitata profundissimus quidam puteus oculos, auresque nostras morabatur, ut qui non distinctissimam duntaxat echo voces quaslibet etiam polysyllabas redderet, sed & immisos lapillos, qui inter lapsus initia sine strepitu deferrebantur, ubi ad profunda ventum, eo fragore exciperet, ut tonitruum reboantium stridorem imitarentur. Bruxellis apud Patres Societatis Jesu aurum potabile nobis conspectum, Verlarii opus, non ignobile. In horto Varandæ inusitatae magnitudinis Struthio occurrebat, qui sicubi caput attolleret, virum mediocri insidentem caballo (quod *Plinio* olim notatum) proceritate æquabat non difficulter. Nec inter vulgata numerabamus echus Bruxellensis artificium, quippe decies & eò amplius vocem spiritu virili prolatam recantans. Gandavi Pater à S. Vincentio, jam octogenario major, sed adhuc vegetus colloquio nos suo beavit, etiam hac ætate in Mathematicis plura & præclariora minatus. Brugis ossa Caroli Boni, quem Danici sanguinis Principem ibi inter sanctos retulere, quo decuit, honore venerabamur. Ostendæ, Neoporti, Dynokerkæ, Caleti, in illâ Martis palæstrâ, quid admodum spectaremus præter munimenta, milites, arenas? Grave-sandæ in Angliæ pomœriis, cum aliud forte non

non esset, quod agerem, occurrentem suo in-  
fortunio talpam ferro destinavi, in quâ istæ  
notata: 1. lobi pulmonis quinque; aderant.  
2. ventriculus intersectionibus albicantibus  
distinctus. 3. lien immediatè ventriculo ad-  
hærens, similis canino. 4. hepar subpallidum  
puncticulis luridis respersum. 5. lobi hepa-  
tis quinque. 6. vesicula felle conspicua, felle  
tamen vacua. 7. renes succenturiati minuti,  
albicantes. 8. testiculi intra corpus abscon-  
diti. 9. pedes anteriores glabri, humanæ ma-  
nus æmuli, quinque; digitis, ungribusque totidem  
acutissimis, quibus terram effodit, armati; po-  
steriores pedes priorum quidem similes, sed  
longè minores. 10. lingua quasi cyprini no-  
bilis. 11. dentes acuti. 12. rostrum suillum.  
13. sed quod primum, oculorum in externâ  
capitis parte vestigium nullum (unde forsan ini-  
tium fabulæ, quæ talpis visum denegat) in  
interiori tamen, remotâ pelle, duo visi rotun-  
di globuli nigrantes cum appendiculâ nerveâ  
in cerebrum eunte, cujus beneficio globi illi  
extra pellem facile poterant exseri, retrahique  
pro arbitrio, namque foramina intuserant con-  
spicua satis, extra pilis intermicantibus, per-  
functorie spectantium aciem non difficulter  
eludunt; in illis oculorum globulis humor  
aqueus

aqueus copiosè satis natabat, cæterorum non nisi tenue vestigium. Londini conspecta nobis *Anna Macallane* pæne sexagenaria, si propriis ipsius verbis fides habenda; nondum quinquagenaria, si picturæ ejus, quam mitto, credendum, quanquam ego fæminæ ipsi, ut jam canescenti potius crediderim, quam Pictori quidlibet audenti. Hæc ergo canâ & plenâ barba virum plane mentiebatur. Nasci cœperat ea barba ab anno ætatis tricesimo; interea duos enixa fuit infantes: menstrua non nisi ante hos decem annos substitere. Mammæ ei vastæ, sed mamillarum dextra subarida, quæ vix infantem nutrierat unquam. Vox illi audax & virilis, lingua Scotica. Meruit rei novitas oculis quoque Regis, Ducisq; Eboracensis subjici. Viltoniæ apud illustrem Pembrokianam arcem hospitæ nostræ nondum quinquagenariæ mystax creverat nigricans adeo copiosè, ut nisi vestimenta muliebria dissuasissent, virum esse omnes existimasset. Sed antequam Londino exeamus, expendenda venit amplissima quædam viri pauperculi hernia, quæ spectata commiseratione movit & pæne stuporem. Namq; modio nostrate vel duplo majus scrotum omnia viscera cum ventriculo simul videbatur in se continere; quæ etiam moles,

verè

veretri pellem infernam ita secum in consensum raptaverat, ut vix leve ejus vestigium appareret partis, quā vir erat. Venæ cœruleæ per informem illam molem discurrentes pollice meo ampliores erant, & nutrimentum corpori debitum in suos convertebant usus. Nihilominus aliquot annos miser ita traxerat à 13. jam annis solo potu victitans, facies interea nec cadaverosa, nec flaccida; sed videtur imminens gangræna malo & vitæ brevi colophonem impositura. Monstrabatur & nobis gallina viva tribus pedibus horridula. Vidi-  
mus tangentem 230. hominum strumas Regem; eventum Medicus nobis astans ominabatur felicem, quod rara Sereniss. huic Regi in curando isto malo sit dexteritas. Illustris *Boyleus* nullo fatigatus sive labore, sive sumptu alacriter pergit, nec dubito quin si centum haberemus Boyleos, totam Naturam brevi videremus patefactam. Observavit ille non ita pridem varia, quorum gustum aliquem hic præbebo: 1. magnetis incandescentis, & post refrigerati facile esse polos invertere, adeo ut quæ pars ante quadrantem horæ se in Austrum vertebat, post spectet Septentrionem, & è contrario; quod an cum Cartesii meditationibus ad amissim conveniat, alii viderint,

2. Si usu gannanaperidis non omnes sanentur quartanarii, in Medico propināte veriùs quàm in medicamine hærere culpam. 3. cani se præsente, à D. D. Jolivio, exsectum lienem, eo successu, ut saluberrimè post vivat. 4. Viperarum sanguinem & cor, etiam dum vivunt, esse verè frigida, hinc suspicionem nasci, utrum respiratio præcise ad refrigerandum cordis & sanguinis fervorem conferat, an secus. 5. Ranam post ablatum cor, integram adhuc horam vixisse & in aquis discursasse; eandem nullo modo ferre exemptionem cerebri, simul enim cum cerebro vitam ei auferri. Contrarium in calidioribus animalibus contingere; pulli enim gallinacei jam in plumas induti, atq; ita ovo exempti cor integram horam palpitare manifesto motu, post caput forfice præcisum; hinc nasci dubium, an motus animalium à cerebro dependeat &c. 6. Muscas majores bombycinas non modò post ablatum caput vivere, & volare, sed & generare: marem quidem post truncatum caput sæminam comprimere non posse, sæminam tamen decollatam alacriter marem admittere, & aliquot post horis ova confertim parere. 7. In littore Hybernix piscẽ observari magnitudine scombri, cujus cor inversæ figuræ; apicem enim (cui annectitur

arteria magna) spectare caput, basin vergere deorsum. 8. liqorem lymphaticum, calore per speculum causticum immisso, in consistentiam transire inæqualem, singularis odoris, solere etiam strepitum edere exsiccato humore. 9. propinatam cani eam opii dosin, ex quâ homo subito obiisset, nec ullum evidens attulisse corpori detrimentum: eandem feli propinatam, biliosum animal egisse in rabiem. 10. Viperarum fel, caput, viscera à cane hausta esse sine omni noxa. 11. Post infusam in arteriam canis opii tincturam, illum mox in vertiginem, & post paulo in soporem incidisse, paulatimq; ex eo tempore mirum in modum cœpisse pingvescere. In alterius molossi arteriam infusum crocum metallorum minutâ quantitate nil invexisse damni; cum autem dosis ad unc. ij adaugeretur, miserum simul evo-  
muisse animam & omnia. 12. In mammis fœminarum exulceratis (non autem cancerosis) in fistulis toto corpore sparsis, in catarrhactæ malo nihil felicius propinari, quam succum, decoctumve millepedum. 13. Calculum humanum urinam & sudores promptè exigere, quin & in peste excellentioris esse usus, quam decantatum illum Bezoardicum lapidem. 14. Veram plantarum (ceu vocant) essentiam, si as-  
suma-

sumatur aliquot vicibus, efficere ut ungues manuum, pedumq; excidant, sine dolore; ut gallinis plumæ veteres delabantur, renascentibus novis; ut vetulis menstrua post diuturnam stationem, iterum profluant. 15. In desperatâ hæmorrhoidum exulceratione nihil esse præsentius auro fulminante (postquam cum fl. Sulphuris iterum, iterumq; exarsit prius) si cum Ol. amygd. dulc. illinatur. 16. In exulceratâ vesicâ multum præsidii sperari meritò posse ab illo Vitrioli sympathico pulvere, si saniosa urinæ eo aspergantur, & convenienter tractentur. Lætas agnorum ungulas etiam sanari unguento armario. 17. Qvendam famulum suum quando cultros acuit, ob ingratum illum in aëre stridorem, cruentari gingivis, atq; sanguinem inde profundere. In dysenteria statuumendum, in sellâ ægrum, supposito thuribulo, quod accensum recipiat Zingiberi, malumque cessaturum. In colicâ præsentissimum auxilium reponendum in clysteribus ex fumo tabaci immixtis. 18. Diuturnam cæcitatem centurionis Batteville plenè sublatam fuisse ptarmico Mercuriali ad granum j. per nares quotidie assumpto. Ptarmici præparatio hæc erat. Rec. Mercuriū vulg. fiat per Ol. Vitrioli efficacissimū præcipitatio, unde spiritus vini semper re-



cens, vicijs quinqvies destillatione evocandus. Eodem modo cancrum mammæ famineæ percuratum. Sed nimis sum, & publico jam istæ cum pluribus Dn. Boylaus, sed Anglicanâ lingvâ communicat. Rarum illud Tradeſcantinum Muſcum inſpexi, quod jam ob mortem poſſeſſoris ſenſim obſoleſcit, nec cum Wormiano conferri meretur. Nihil ibi rariuſ dracone ſeptem capitibus inſigni. Dn. Pellium Londini conveni beato Longomontano olim ſcriptis inſeſtum cum Amſtelredami viveret; nunc Eccleſiaſten. Medicorum hîc numeroſiſſimus proventus; maxime dolet irrepere hîc quoq; in eadem ſacra imperitiſſimum quemq; , idq; impune. Narravit D. D. Mōſeler inſignis & Medicus, & in Orientalibus literator, frequentari magis quendam nuperum ex cerdone Medicum; quam erudiſſimos quosq; & experientiſſimos practicos; ea ſcilicet ubiq; delirantis vulgi inſcitia eſt. In cervina porticu Hamptoncourtii monſtroſum caput nobis conſpectum, alterâ ſui parte bovem referens, alterâ quaſi cervum, cornu etiam dextrum â ſiniſtro diverſiſſimum; diu tamen vixiſſe horribile animal biceps præmonſtrator noſter aſſeverabat. Vindeſoriæ inter excelloſos illos ordinis aureæ perifcelidis Equites inſignia ſacra-

sacratissimi Principis nostri latè præfulgebant. In Oxoniæ vicinis ad vias nihil frequentius carduo cruciato, cypero triangulari, dipsaco, scandice, consolidâ majori &c. sponte nascentibus. Sed quod novum, in collegio Corp. Christi Oxoniæ taxus nascitur, quercum rigidam amplitudine æquans, cujus fructum se comedisse narrabat Mag. Parry sine ullo valetudinis dispendio. Alioquin res Botanica apud Oxonienses remissius tractatur, nisi quod *Robertus* quidam in horto olim Regio Hafniensi olitor, horum ibi Physicum excolendo (sic Botanicum appellant) spartam hanc utcunq; tueatur. Illi in protegendis à frigoris injuriâ plantis familiare est capacibus vitreis campanis herbarum delicatiores supponere, non ut nostri tectis fenestrarum more plumbo intercurrente junctis subjiciunt, adeoq; frigus plumbi cum calore solis simul communicant. Illius in horto rosa mundi, sc. bicolor illa, & deniq; petroselinæ vites largo proventu surgebant. Quod ad Chemica, multum in iis profecere Oxonienses, præsertim ex quo *Sthalius* Germanus eam artem publicè ibi tradere cœpit. Vulgata tamen pleraq; sunt, si unos *D.D. Willisii* (qui de cerebro nunc commentatur) & *D.D. Dichisohnii* labores exceperis. Ferrum in

sua principia levi methodo ita dissolvit D. D. Willis, ut omni liq̃vori vim suam statim communicet, id quod me quoq; præsentē in aquâ simplici non infelicitè attentavit, recepit enim statim aqua vim acidulis non absimilem, quāquam sine omni corrosivo ferrum prius à se dissolvi constanter asseveret. Sed ne cogitemus solum Bilium sibi sua reservare arcana, etiam hoc in secretis retinet Willis, nec ulli hactenus sustinuit revelare, lucri haud dubiè inde emergentis odore illectus. D. D. Dichsfohn strenuè se in illa exercet palæstrâ. Salem mineralem gustandum mihi obtulit sacchari dulcedine æmulum, sine ulla mixturæ Saturninæ suspicione, à quibus tamen ille natalibus profectus sit, non difficile videtur ex arte conjicere. Notum illi quoq; ceu narrat, totam aquæ vulgaris substantiam, sed non nisi longo tempore, in terram calci similem commutare. In calculi affectibus laudabat ceu decantatissimum remedium, aquas antinephriticarum herbarum aliquandiu cum calce ovorum bene calcinatâ excoctas. Laboratorium Regium, quod Londini mihi patuit, illustre est, moderatore Dn. Le Febure animatum, in quo tamen præcipue placuit novum pro igne lampadis conservando instrumentum æreum. D. Wallisius

Hic Mathem. Oxon. raro invento surdos lo-  
qui docet, imò & mutos, duobus jam experi-  
mentis inclarescens. Visus mihi apud ipsum  
nobilis juvenis, qui nescio quo infelici calu-  
anno ætatis quinto surdus redditus est, & post  
sex ex eo menses mutus, jamq; totis viginti  
annis ne verbum quidem potuit pronuciare.  
Huic D. Wallisius in schedula literas sylla-  
basq; præscribit; hinc recitat ipse, ad motum  
similem in altetius lingvâ provocans: nec o-  
pinione suâ frustratus juvenem hunc nunc eò  
quoq; redegit, ut quædam satis distinctè elo-  
qvatur, licet nec dum audiat. Simile quiddam  
ab Hispano olim Medico factitarum memini  
me jam ante legisse in *Fr. Wallesii* scripto de  
sacrâ philosophiâ. Bibliotheca Oxoniensis  
publica jam luculentè eminet, ex quo Selde-  
niana adjuncta est. In Catalogo conficiendo  
laboratur, sed opus longi laboris erit, & plu-  
rium annorum. Inter rariora bibliothecæ ni-  
hil tam me affecit, quàm rariora illa Britan-  
norum numismata, quibus Haraldî, Canutiq;  
nostratium, tum quoq; harum insularum Re-  
gum nomina impressa exstabant. Theatrum  
Anatomicum cum Lugduno-batavò nequa-  
quam conferendum. Merebantur aspici  
duo vasti crocodili, alter ex Nilo, ex Jamaicâ  
gg 4 alter,

alter, allati. Item cranium humanum ex Hybernâ allatum, totumq; usneâ scatens. Ostendebatur quoq; calculus humanus magnitudine capitis annui pueri; item cauda Vaccæ Indicæ alba, setosa instar eqvinæ, eaq; duplo major; Item cranium humanum in anteriori parte quatuor tuberculis eminens, iisq; pertusis largo foramine. Cæteroquin nihil in Anatomis observare licuit Oxonii novum aut hætenus inauditum. Extra urbem per chivum rivulus decurrit, crustâ lapideâ ramos arborum injectos obducens; neq; enim, quod aliis visum, lignum vertit in lapidem, sed, quod evidenter animadverti, ligna primùm obtegit lapideâ membranâ, hinc ligno sensim putrescente, & abeunte in limo similem massam, lapidea illa crusta paulatim arctiùs coit, & cavum jam ante ligno oppletum sua mole infarcit. Ad pagum Inlton senex nobis adfuit centum & quinque annorum, pedibus adhuc expeditus. Ibidem in nativâ ex saxo cavernâ (grottam nuncupant) boleti minuti ex solido saxo molari pronascebantur, sine ullâ notabili rimâ, cui radices infigerent. Sed quia præter institutum scribendi haud scio an cacoëthes, me in obvia & avia rapit, addendum & istud censui: relatum mihi nuper à Medico ex Jamaicâ reverso, Iliacam passi-

passionem malum illic endemium crudeliter regnare, seq; in aliquot subjectis, quæ ista lues confecerat, à morte cultro apertis, observâsse, intestina non in se invicem spiræ modo contorta arctari, cæterum duplicata in se involvi, haud aliter ac gladius vaginæ inseritur aut vitrum angustius capaciore solet includi. Obiit superiori mense obstetrix post plurimos in illo artificio tritos annos, atq; à pollinetricibus deprehensa est non faminæ, sed viri arma gerere. Superiori hebdomade Oxonii magnifico funere elatus est D. D. Juxon, Archiepiscopus Cantuariensis; præferebantur vexilla plura insignibus demortui inscripta, haud secus ac seculari Principi; sed nobis nil jucundius, quam 82. decrepitos rusticos funus antecedentes spectare, (totidem enim vitæ annos numerabat) qui omnes lugubri syrmati involuti & capitis tegmine in acumen tenuissimum, acutissimumq; desinente superbientes novi generis Capucinos mentiebantur. Comitia Oxoniensia (ita dies honoribus Academicis distribuendis destinatos appellant) magno apparatu celebrata; Doctores in omnibus facultatibus, etiam in Musicâ, (soli Medici hac vice præter consuetudinem inhonori) rarissimo in aliis Regionibus exemplo creati; nec à terræ

filiis ( id est duobus morum censoribus ad hoc munus electis ) cessatum; in omnes præsertim Docentes liberrimâ grassabantur lingvâ, & levissimum quodq; superiori anno admissum erratum falsis arrodebant moribus, ne ipso quidem Cancellarii Vicario Blamfortio, cum præsens esset, intacto. Ea gentis consuetudo est. Sed linqvenda Oxonii palatia. Per campestria Glocestriæ cum illumi & pluvia nocte iter institueremus, lampyridum fulgor oculos nostros ad se pertraxit, idq; non sine aliquo profectus incremento; nam ubi collectas aliquot ejusmodi bestiolas in proximâ casulâ attentius specularer, hæ mihi natæ observatiunculæ: 1. Magnitudo & forma lampyridi pænè eadem, quæ vulgari apiculæ, nec color diversus; alæ tamen desiderantur. 2. Sex ei pedes, & duo versatilia cornicula, quæ cochleæ, quibus iter prætentat; caput ceu muscis orbiculatum. 3. Corpus ei ex octo squammosis coneretum annulis; soli duo extremi annuli, qui caudam constituunt, infernâ parte albicant, ex quibus tota illa & admirabilis lux proficiscitur, ad quam in tenebris quoq; literas non difficulter legebamus: quid quod chartæ puræ inclusa lampyris per mediam chartam lumen spargeret, ac si candelam chartulæ inclusam vidis-



vidisses. 4. Adhæret noctu foliolis graminum,  
posticâ & internâ corporis parte aëri obversa.  
Lux illi quasi flammæ subviridis, quæ in liberâ  
luculentior, quàm captivâ. Hæc an cum Al-  
drovando, Mouffetto, Jonstonoq; convenient,  
ignorare jam cogor hbris destitutus, cum ve-  
ritate congruere oculi mihi fidem fecere.  
Glocestriæ in æde sacrâ marmoreum mor-  
tarium capiti statuz Equitis Britanni jam  
diu extincti suppositum mirabar stre-  
pitum continuè ebullientis leniter aquæ  
imitari. Sciscitatus causam ab ædituo  
responsum tuli, equitem dictum, dum in vivis  
esset, adversus pauperes liberalissimum, con-  
suevisse in eâ, quam appellabat, ollâ cibos  
percoquere pauperibus gratis offerendos, hinc  
strepitum illum in miraculis habendum. Ego  
licet plenam ebullitionis causam non proti-  
nus caperem, ad miracula tamen in talibus  
confugere indoctus, existimavi aërem, dum  
in acuto mortarii apice vicinoq; ei canaliculo  
aëri pervio rotatur, in se velut collidi, fervo-  
risq; imagine credulis illudere. In Monume-  
theni Comitatu, qui Walliæ, seu Cambro-  
britanniæ pars est, divites ferri venæ nobis  
conspectæ; ad Savum flumen albi marmoris.  
In propinquis Savo montibus, mensarum  
saxæ.



saxearum infinita multitudo, à naturâ ita ex-  
politarum, ut ars melius non possit; alterni  
menfarum lecti, alterni argillæ, iterum, ter-  
tioq; mensæ, iterum argilla, jucundo admo-  
dum spectaculo. Bristoliæ thermas bibimus,  
sed eæ non nisi tepentes æstate, hyeme fer-  
vidiores; ad calculi mala & scabiem laudant,  
& usurpant incolæ. In rupibus proximis ada-  
mantes, amethysti, aliæq; gemmæ, sed si cum  
orientalibus conferantur, adulterinæ. Flumen  
quod Bristoliam alluit quindecim solidis ulnis  
nostratibus ad accessum, recessumq; maris,  
quotidie attollitur, & rursus descendit, raro  
naturæ impulsu. Bathoniæ thermæ nobis in-  
tratae; satis eæ fervidæ, sed cum Aquisgra-  
nensibus tamen calore non certantes. Fre-  
quentantur magno Britannorum concursu,  
nec minus emolumento. Vis medicatrix illa-  
rum in sulphure, nitro & bitumine potissi-  
mum residet. Limus thermarum luridus quod-  
vis argentum tersum, mundumq; si affrices,  
colore aureo tingit, non admodum fugaci.  
Sunt mihi, quos curiositas mea ibi inauravit,  
nummi, faciem auri adhuc retinentes, sine illis  
livoris ingrati notis, quas aliàs sulphurea af-  
fricta solent aspergere. Ad Vellensem urbem  
horrendum specus, sed nativum ingressi  
(inco-

(incolæ Ukis-hole nuncupant, ego Ugartio-  
lochiano illi apud *Saxonem* nostrum similem  
speluncam arbitror) aquam puram & insipi-  
dam lentè destillantem sensim in saxum verti  
observavimus, dependebantq; Saxeæ illæ sti-  
riæ (quarum aliquas retineo) glacialibus si-  
millimæ per omnes pæne rupis horridæ rimas.  
Comitum aliis præ horrore loci, capilli sur-  
gebant, aliis fluebat toto corpore sudor, licet  
omnia alioquin ibi satis frigida, mediis tan-  
tum frigoribus incalescere antrum dictabant  
accolæ. Rogati anne calculi dolores sentirent  
vicini, quòd rivus mediam illam rupem subter-  
labens potum ministret incolis, responderunt  
multo se minus affligi calculo, quam quamvis  
aliam in Angliâ gentem. Quin imò sustinent  
affirmare, illam ipsam antri hujus Trophonia,  
ni lympham, si potetur, calculos & præsertim  
arenulas largiter exigere, in stranguriâ autem  
non ea aliud præsentius esse remedium. Paries  
ibi unus, nec is procul à januâ speluncæ, præ-  
sertim admirabilis, quasi infinitis adamantibus  
distinctus ob intermicantes spathii (ita metal-  
lurgi hoc genus splendentis Saxi appellant) an-  
gulos, quibus hinc inde sparsim adhærebant  
lapideæ stiriæ, non informes illæ sed aliæ trian-  
gulares, nonnullæ laterum quatuor, quædam  
iterum

iterum hexagonæ; nitri massas dixisses, nisi sapor vetaret: erantq; illæ stiriacæ adhuc fragiles & subaqueæ, quamdiu rupi adhærebant, sed à nobis in aërem translatae post aliquot horas in solidum saxum obdurabantur. In jugo Mendippeo non tam me oblectavit fodinarum plumbi copia, quam quod spectare liceret antiquam quandam molybdænam jam ante centum annos excoctam, exhaustamq; nunc iterum à metallurgis ad novos ignes cum insigni fructu vocari. Relictæ enim ab antiquis post exustionem scoriarum annorum tractu iterum se veste plumbeâ induerant, incursu aëris, particularumq; in eo natantium, uti suspicor, efficaciam redditæ prægnantes; id quod terris nitrosis, post extractum salem omnem, paulatim contingere, nulli obscurum est; bismutho idem in Misniâ accidere, ut, cum effossa vena nil argenti contineat, post decursum annorum aliquot, si aëri, ut arceatur pluvia, relinquatur in commodis vasis, argentum excoctoribus reddat non minima copiam testis est *Petr. Albinus* eruditus *Chronic. Misnensium Mineral. Auctor.* Cæterum ne miraculum à gente nostrâ jam olim in Angliâ relictum transiremus, in planitie Salisburiensi ingens Danorum monumentum, ex saxis vastissimis templi ferè

ferè rotundi mote erectum oculis lustravimus, cum Britannis omnibus mirati, quo artificio Saxa illa viginti octo pedes alta, crassissima quoq; & ex artis lege secta potuerint illic loci statui, cum nec in totâ viciniâ ad milliaria aliquot Saxa inveniantur nisi minuta, nec *Vitruvii*, *Fontaneve* machinæ videantur corporibus vastissimis vehendis, transferendisve suffectura. Molis auctores alii hæcenus fecere alios; fuere qui Romanis tribuerent, & nescio quod Dianæ templum (quod rectius in Sylvâ Dianæ in Monumethensi comitatu, ab incolis *Forest of Deane* appellatâ, quam & nos peragravimus, quævisissent) animo figurarent. *Inigo Jones* scriptor luculentus tempore Constantini Magni erectam opinatur in honorem Dei Coeli. Verum *D. Gualth. Charleton* Medicus Regius opere, quod hoc primum anno prædiit, insigni, nostratibus tam nobile opus ingeniosis argumentis motus asserit, Wormianis, Stephaniq; monumentis similibus roboratus. Titulus libri: *Chorea Gigantum, or the most famous Antiquity of Great Britain, vulgarly called Stoneheng, standing on Salisbury plain, restored to the DANES*. In Arce Comitum Pembrokiani, Wiltoniæ, Musicam hydraulicam audire contigit, multarum avicularum minurientium concen-  
tū

tui simillimam; Salisburiae in templo totâ Britannia splendidissimo (in quo tot marmoris grisei inquilini columnas numerare licet, quot horas numerat solidus annus) spectatum nobis cadaver marmoreum Doctorem Salisburiensem, haud scio an Medicum, referens, qui cum infortunato conatu quadraginta dierum in ediam, quâ Salvator noster inclaruit, imitari frustra instituisset, decimo septimo abstinentiae die succumbens hæredibus id dedit negotii,

Ut sua marmoreo signarent fata sepulchro.

Sed ut ex diverticulo Londinum revertar, D.D. *Gu. Charleton* aliud adhuc & luculentius Danicæ Antiquitatis monumentum in Comitatu Viltoniensi observavit, alteri Salisburiensi pæne gemellum, sed gigantei magis laboris, in quo erecta saxa ad 36. pedes in altitudinem porriguntur, quoddam etiam ad 40, cui Kong-Stool nomenclatura, plane ad genium lingvæ nostræ. Topographiam mihi ostendit. Stant in orbem dispositæ cautes (Ætneæ fratres dices) sed certa lege, circulus minor majori inclusus, in quo Regum nostrorum quendam tumulatum suspicabatur Vir ingeniosus: Multa ille adhuc in re Medica molitur, quæ affecta mihi monstravit, librum de  
structu-

structura Musculorum; de sectione artificiosa Musculorum; de Respiratione piscium; de adulteriis Vinorum ordinariis, eorumq; remediis, &c. Inprimis plena ingenii sunt quæ de piscium Respiratione commentatur non tam rationibus, quàm experimentis edoctus. Liennem ante sex jam annos cani exsecuit, adhuc valido & Bathoniæ bellè viventi, nisi quod ex intervallo in maciem quandam tenuetur, & subito iterum pingvescat. In Collegio Medico statua Dn. Harveo ex albo marmore surgit, titulis honoratis circum fulgentibus; In podio hæc leguntur: *Gulielmo Harveo, Viro monumentis suis immortalis hoc insuper Coll. Medic. Lond. posuit, qui enim sanguini motum, ut & animalibus ortum dedit, meruit esse* STATOR PERPETUUS. Collegii inspector D.D. Merret, ut vir doctus, curiosusq; est, ita balsamis corporum Bilsianorum parum tribuit, ratus nec sibi adeo defuturum tale artificium, si mereri laborem res videretur; id quod ne gratis locutum arbitrarer, in medium produxit viscera omnia felis excrementis adhuc suis turgidula, & annorum jam aliquot decursu ab omni corruptione levi suo artificio defensa. Sed cum de cerebri, pulmonumq; &c. conservatione quiddam obducerem, non visus mihi

h h

fuit

fuit experiētiā viscerum omnium corporis satis præmunitus; nihilominus in phialâ hermeticè clausâ embryonem masculum ostendit, qui jam ab anno 1656. in liqore certo incorruptus natavit; magnitudo illi, quæ pollicem meum medium vix æquaret, sexus adhuc discrimen conspicuum; caput toti pæne reliquo corpori mole par, & oculi tertiæ capitis parti. Collegium (aut, si mavis, Academia virtuosorum, quo jam titulo honorantur, scepro quoq; insigniti) Naturæ socios circiter centum jam numerat, omnes eruditos, & experiētiæ deditos, Comites, Barones &c. Rex ipse Præsidis nomen amat. Sociorum nemo posthac quicquam in lucem emittet, nisi prius communi suffragio approbatum, ne aliorum, præsertim vitiligatorum ungves reformidet. Diebus Mercurii convenitur, disputatur familiariter, conferuntur experimenta, fit decretum, quod Protocollo inscribitur, proditurum foras, si iterata lima anni unius, alteriusvè prius attriverit. Secretarius Collegii est *D. Oldenburg*, Germanus, vir eruditus. De frigoris naturâ quædam jam commentatur ex consilio Collegii *Dn. Boyleus*, exquisita haud dubiè, quæ viri generosissimi dexteritas est. Smicroscopicas etiam adjunget observationes figuris magnitu-

titudinem animalium, qualem ostendit Smi-  
 croscopium, examuffim repræsentantes. Hinc  
 conspecta musca oculorum multitudine Ar-  
 gum referebat, cynips cornutum aprum, pe-  
 diculus parum abest quin vastam aliquam ex  
 Africae desertis testudinem, ita squammis lori-  
 catus apparebat. Dn. D. Wilkins ex sociis  
 quoq; Collegii Alphabetum nobis Generale,  
 sive, ut amabat loqui, characterem Philosophi-  
 cum ostendebat, inventum suum, cujus be-  
 neficio viri docti, labore non multo concep-  
 tus suos invicem communicare valeant, sine  
 ullo addiscendarum lingvarum variarum tor-  
 mento. Quo sinu excipiat inventum illud à  
 publico, si prodierit, solus eventus docebit.  
 Ea sanè visa est mihi sagacitas inesse iis, quos  
 ego familiariter cognovi, Collegii illius sociis,  
 Dn. Cancellario *Digbæo*, Dn. *Boyleo*, D. D.  
*Wilkinsio*, D. D. *Charletono* &c. ut nisi à trans-  
 marinis ingeniis summâ diligentia obviam ea-  
 tur, Britanni posthac omnibus palmam dubi-  
 am faciant, non paucis eripiant. Dn. *Boyle*,  
 & Dn. *Charleton* de T. Exc. perhonorifice sen-  
 tiunt, meoq; calamo officiosam Tibi denunci-  
 ari cupiunt salutem. Sed ne illud negligam,  
 oberrat jam per plateas Londinenses miles, qui  
 cum annis abhinc septendecim in sinistro hy-



pochondrio supra inguen globo trajectus fuerit, colo dilacerato inferna intestini illius portio in tantum coaluit, ut pòst semper per hypochondrii dicti hiatum excrementa reddat, redditisq; iis, fasciâ propendentem exterius coli portionem compescat, donec iterum stimulantibus aliis fecibus viam remotâ fasciâ permittat. Ita lacero colo 17. totos annos vivendo complevit, valetudinario propior, sed nondum tamen viribus defectus, licet cruentam illam coli portionem quotidie invitus aspiciat. Visus hîc alioquin apud Agyptam anser quadrupes, novo luxuriantis Naturæ instituto. Sed excedo Epistolæ modum, & restabant nihilominus addenda quædam, de quibus forsan coram. Tu vero, Experientissime Collega, ex his animum metire hominis inter quotidianas occupationes & jactationem itinerum distracti, faveq; , uti soles,

Virtut. Tu: & Exc.

veneratori, atq; Amico

Londini 10. Aug.

A. 1663.

Olao Borrichio.

EPIST.

## EPIST. XCIII.

*De causis Iliaca passionis, & Anatome  
nova ex cadaveribus morbidis.*

OLAO BORRICHIO, Londinum.

**P**RONUM Tuum affectum exosculor, tot documentis mihi perspectum. Utinam parem rependere possem. Certè nunquam parem voluntatem & benè merendi conatum apud me desiderabis. Saluum Te cum Comitibus in Britanniam, felicem illam, meliorum ingeniorum insulam, pervenisse, gaudeo. Multum Tibi debeo, quod itineri me quoque interesse volueris, adeò jucundo, adeò utili, dum ea amico calamo ad me perscribis, quæ curiosis oculis ibidem lustrasti, Boylei in primis illustres observationes perplacent, tanto naturæ interprete dignæ. Charletoni quoque Clarissimi in patriam nostram candorem laudo, quod ad authores suos antiqua illa campi Salisburiensis & Wiltoniensis monumenta retulerit. Optarem ut promissam Pathologiam ea dexteritate absolveret, quæ incepit felicitate, cujus perficiendæ Tu illi author sis, si adhuc apud Londinenses moraris. Quæ in lampyridibus observasti planè veritati sunt consentanea, similiaque prorsus vidi in lampyridibus

in Provincia Narbonensi. Barbatae illius feminae icon, quam misisti, externâ facie sexum splendide mentitur. De simili barbata, ex Hallandia huc advecta, jam ante scripsisse memini, utriusque sexus insignibus ornata, quamquam propriè femina sit, quippe clitoris ad penis virilis longitudinem excrevit, cetera quoque similis illi, si perforata esset. Iliaci affectus ratio à Medico ex Jamaica reverso in dissec-tis observata placet & vera est, sed non sola. Vera est & aliorum observationibus consona. *Columbus* enim l. XV. de Rar. in Anat. animadvertit intestinorum tenuium mutuum ingressum spatio ampliore, quam sit digiti longitudo in nonnullis quos dolor iliacus encaverat. Dissecuit quoque *Plempius* Fund. Med. ult. edit. c. de Mes. quandam volvulo denatam, cujus superior intestini pars in inferiorem inferebatur. Eodem modo intestinum in cavitate intestini descendisse in Iliaci Anatome invenit *Panarolus* Pent. 1. Obs. 56. Coecum verò, una parte impervium, ileo insertum, obstructionis hujus princeps causa est. Debemus hanc observationem *Hildano* diligentissimo, qui Cent. 1. Obs. Chir. 61. invenit in aperto pueri ileo defuncti corpore intestinum coecum contractum, in intestinum ileum sese insinu-

sinuasse; idq; opplevisse adeò ut nihil ex superioribus intestinis ad colon permeare posset. Monetq; idem, in omnibus, quæ rei hujus indagandæ causa inspexit, hætenus se observasse, principium & originem hujus morbi fuisse circa intestinum coecum. Modus, quem sibi concipit, ibidem legatur. Sed solam hanc intestini ab alio intestino obstructionem pro causa volvuli admittere non possumus. Spiræ enim modo intorta, aliorum fide dignissimorum diligentia notavit. *Riolani* summi Professoris est experimentum revolvendi in iliaca passione intestinum instar digiti chirothecæ reduplicati. Videndæ Animadversiones ejus ad *Veslingium*. Clarior est experientia *Henrici ab Heer* Obs. Spad. 24. in puella ileosa. Invenit in fine ilei quinque intestini complicationes maximas, ita ut ad longitudinem ejus digiti, in qualibet complicationum, ileum convolutum esset, quodq; pessimum erat, hic infernè sursum repetebat; alibi supernè deorsum implicabatur. *Panarolus* l. c. secundam hanc volvuli speciem constituit, cum intestina aliquo modo connectantur, ut observavit ipse, tanquam in fune madefacto, qui postmodum convolvitur. Tertia his addenda, nempe intestinorum totalis obstructio à flatibus, vel

alia materia quæ, velut farcimen, farciat, & prorsus transitum obturet. Tantaq; subinde fit intestinorum distensio, ut in amplissimam molem dilatata rumpantur, fæcesq; in abdominis cavitatem effundant. Ultramq; hanc speciem conjunctam viderunt *Platerus* & *Rivierius*. Ille l. 3. *Observ.* in puero XVII. annos nato refert, intestina tantopere distenta fuisse, ut femoris crassitiem certis in locis adæquare viderentur, atq; ex compressione disrumperentur, aliis verò locis adeò convoluta, intorta & implexa, ut nulla illic nec excrementis nec flatibus deorsum pateret via. Apud *Rivierium* Cent. 3. Obs. 26. in cadavere *Guiljelmi* Patris inventum memoratur intestinum ileon tribus complicationibus convolutum, & quasi compactum in unam massam circa finem illius: reliqua intestina amplissima brachii magnitudine; præterea intestinum gangræna affectum supra complicationem perforatum, ex quo tota excrementorum colluvies in abdomen effluxit. Fissura hæc intestinorum in duobus iliis notatur *Benivenio* Obs. c. 76. ex quorum uno recentes uræ proruperunt, foedumq; lectu est quod prodit *Henricus ab Heer* *Observ.* Spad. 2. intestina brachii crassitie sponte crepuisse, anatomicumq; & viciniore tantâ alvina.

alvinarum fecum mole obruisse, ut vestes illorum nemo adstantium internosceret. De flatu quoque testatur *Dodonæus* Obs. Med. c. 37. Induratas faeces caloreque compactas addit *Panarolus* Pent. 3. Obs. 29. quibus intestinum in plures partes divisum tubera æmulabatur. Consentit *Hippolitus Boscus* Lect. 1. de Fac. Anatom. in materia assata & quasi lapidescente, & inter mali causas numerat tumorem vesicæ inclusum cum materia sebacea intestino recto, & scirrhosum colo adnatum. Ultima species causam enterocelen agnoscit ileo in scrotum descendente, cujus exemplum recitat in Jo. le Charron. *Ballonius* l. 2. Consil. Med. 24. in Annot. & fusius describitur à *Formio* Chirurgo Monspeliensi Obs. 15. ad *Riverium*. Omphalocelen ad hanc quoque classem refert *Platerus* l. 3. Observ. Plures igitur sunt causæ volvuli, quam Medicus ille Doctissimus ex Jamaica redux sibi persvasit. Quod ille prodidit, in cadaveribus observavit eo morbo defunctis. Omnia quoque exempla à me adducta ex eodem fonte manarunt, quem in locis affectis cognoscendis consulendum svadeo. Hæc enim sacra securius apud dissectiones cadaverum peraguntur, quam in cerebro Medicorum. Diu talem Anatomen ex cadaveribus morbo

defunctis meditatus sum. Forſan tamen illa  
 mecum morietur. *Harvejo* ſimile opus in men-  
 tem venerat, uti teſtatur Exercit. I. ad Riol.  
 Sed nihil tale in publicum emiſit, quod dolen-  
 dum, fortasſe cum aliis lucubrationibus Cedro  
 dignis furto ſurreptum. Optandum ſeriò ut  
 ad hanc curam ſe Proſectorum induſtria demit-  
 teret, quibus in Noſocomiis cadaverum copia  
 ſuppetit. Hujus Anatomies auſpiciũ ſibi ju-  
 niori optavit *B. Euſtachius* de Ren. Adm. c. 45.  
 & laudes recitat *Al. Deodatus* Valetudin. p. 117.  
 ſed addit: aliquem Medicum cui talia curæ  
 ſint, reperiri non eſſe hujus ſeculi dotem. Ego  
 certè unam hanc Anatomem pluris facerem  
 quam centum alias. Ad quam operam No-  
 ſocomiorum Medicos & Chirurgoſ, qui plu-  
 res illiq; in arte exercitati ſunt Londini, Pari-  
 ſiis, Romæ, Neapoli, quando itineris ratio  
 Te, amice exoptatiſſime, illuc perduxerit,  
 animare ne ceſſes. Fama ad nos pertulit,  
 vanas eſſe Lithotomi Galli *Roux* artes, adeoq;  
 calculum potius ſupponere, quam excin-  
 dere. Induci tamen non poteſt Nobiliſſimus  
 Lutzovius, ut impoſturam credat, quanquam  
 eiſdem calculi difficultatibus adhuc prematur,  
 quas ante ſectionem paſſus eſt, ut illum revi-  
 dendĩ ſpem habeat pro iterata ſectione. Ubi  
 Lute-

Lutetiam perveneris, in rei veritatem inquires accuratius, & nisi grave fuerit, salutabis officiosè Clarissimos Medicos *Guidonem Patinum*, ejusdem filios, & *Jacobum Mentelium*. Dissertatio mea De Infolitis Partus Viis tardo gradu apud Typographum nostrum procedit, quia iisdem typis excubitur Pars altera Commentariorum in Danielem Archi Episcopi nostri Eminentissimi D. *Johannis Svaningi*. Multum Tibi debemus, quod Nepotis mei Mathiadis curam amicam geras, quam satis deprædicare non potest. Erimus debendi rei. Hisce vale, mi *Borrichi*, & diu feliciter vive, ut patriæ redditus, publicam spem expleas. Salutant Te Collegæ omnes. Raptim Hafniæ III. Sept. c1616 c LXIII

T. T.

Th. Bartholinus.

## EPIST. XCIV.

*Ad oppugnandum Hippocratem  
exhortatio.*

THOMÆ BARTHOLINO

Hafniam.

**E**X diuturnâ ac variâ lectione, Democriteâ  
Etiam contemplatione animadverto, plu-  
res



res Aphorismos Hippocratis: à particularibus  
experientiis collectis; curationibus, juxta pri-  
scam Medendi Methodum, ac validiora pur-  
gantia institutis; judicationibus similiter se-  
cundum symptomatum supervenientium con-  
siderationem perperam pronunciatis: fuisse  
exortos, atq; digestos in regulas quasi univer-  
sales ad morem receptum veterum. Cum itaq;  
hujusmodi aphorismos Medici curiosi & lyn-  
cei in dubium vocarunt, & impugnarunt; cre-  
duli verò Hippocratis affectæ illos semper & u-  
biq; pro veris agnoverunt: à tot retrò seculis  
usq; ad hæc tempora, Medicorum Practico-  
rum perpetuæ & infames sæpe rixæ exortæ  
sunt, non citra Artis Medicæ extremum con-  
temptum, atq; multorum ægrorum incompa-  
rabile, vitæ miserè finitæ, dispendium.

Rem ita se habere, Archiattrorum pro-  
priis verbis demonstrabo. Quod si Excellen-  
tia Tua instituto meo annuerit, veritati adstite-  
rit, mortalitatis commoda promovere studue-  
rit, hunc meum laborem publicis typis ex-  
scribi curabo, in boni publici promovendi  
gratiam: ne decipiatur posteritas, æger peri-  
re permittatur, atq; præproperè præcipitetur  
pulverem in ultimum. Salve, Vir honora-  
tissi-

tissime, surge ad divina in summaria causa  
veritatis.

21. Augusti 1663. Exc. T. studiosiss.  
Lubecæ.

Georgius-Fridericus Laurentius D.

## EPIST. XCV.

### *Hippocratis Defensio.*

GEORGIO FRID. LAURENTIO Lubecam,

**P**Ræclara tua in Rempublicam Medicam  
merita dudum orbi literato innotuerunt,  
meq; in tui venerationem pertraxerunt. Ingens  
jam onus in Te suscepisse ex humanissimis lite-  
ris & jam olim ex Exercitationibus eruditissi-  
mis intellexi; nempe ut Magnum Medicinæ  
Magistrum *Hippocratem* in Aphorismis à via  
aberrasse ostendas: meq; iccirco hortaris ut  
instituto tuo annuam. Quamquam verò is non  
sim qvi institutis tuis ad seculi utilitatem sus-  
ceptis remoram injicere præsumam; tamen  
quia communis præceptoris reverentia nos ad  
illius defensionem quasi lege obstringit, amice  
exorandus es, ut mitius cum Divinis Viri  
Manibus agas, quem antiquitas tota suspexit,  
qvique

quiq; teste *Galeno* l. de Atr. Bil. c. 7. honestus fuit ac probus, neq; ambitionis aut gloriæ sed veritatis amator. Huic igitur divino auctori, sicut inculcat *M. Cordæus* Com. 7. in l. 1. Hipp. de Muliebr. non nisi iniquo maximè animo injuriam inferri unquam, quisquis est veritatis amator, patietur, quum in ejus scriptis nondum errorem ullum, etsi obscura pleraq; animadvertant pleriq; omnes. Fulmen est *Vallesii* in Comm. Progn. *Pereat, qui Hippocratis oracula perstrinxerit.* Non dubito multa illum ignorasse, quod sæculo imputandum, nec nego nonnulla videri veritati minus consentanea, quæ emollienda, ne pereat Viri autoritas, adeoq; universa Ars Medica malè audiat. Excusandi sunt illius errores, potius quam incusandi. Aphorismos quod spectat, quanquam *Thessalus* olim librum composuerit, quo falsi eos convinceret, & *Julianus* 48. volumina scripserit, ut *Pseudis* eos ostenderet; tamen sola auctoris autoritate se hætenus ab invidia tutati sunt. Sed qui moderatiores esse voluerunt, ut plurimum esse veros concesserunt. In quam sententiam ipse *Galenus* benignè interpretatur enunciationis Hippocraticæ perpetuitatem, Comm. 6. Aph. 58. si dictionis formam spectemus, quamvis non semper res ipsæ simi-

similiter, sed aliquando aliter etiam licet raro eveniant. Benignius est iudicium nuperi Explanatoris Romani *Matthiæ Naldii* Medici Cubicularii Pont. *Alex. VII.* cuius consilium est in opere Romæ 1657. edito demonstrare, *Hippocratis* sententias, quas Aphorismos appellant, non ad Medicos erudiendos esse scriptos, sed ad instruendos quos Medico absente, vicaria illius opera officioq; fungi necesse est, id quod ex singulis Aphorismis Sect. 1. probat. Si forsitan liber iste ad manus tuas nondum pervenit, mitto explicationem Aphorismi 11. in quem Exercit. 20. doctissimè ipse commentatus es. Tuis tamen laboribus demorsos ungues sapientibus nihil derogo, quibus solidâ ratione & invictâ posteriorum temporum experientiâ Aphorismos *Hippocratis* magis illustrare in Te suscepisti, quam morosè refutare: ideoq; qui jam alter seculi nostri censeris *Hippocrates*, rogandus es publico nomine ut doctas tuas in *Hippocratem* lucubrationes eo applausu typis committas; quo hætenus oracula tui Hippocratis, orbis consensum meruerunt. Sic Te Deus publico bono, cui natus es, diutissimè florente senectâ servet. Vale & me ama. Hafniæ Cal. Dec. c1o c1o LXIII.

T. T. Th. Bartholinus;  
EPIST.

## EPIST. XCVI.

*Fermentatio ventriculi impugnatur.*

THOMÆ BARTHOLINO

Hafniam.

SI veneranda antiquitas, illis, qui nimium  
 laudabantur, cum ratione metuere potuerit  
 à fascino; næ literæ vestræ, singularem bene-  
 volentiam spirantes, hominem hunc & scri-  
 ptorem proletarium illi obnoxium reddere  
 quiverint. Fascinum licet eludere nos docue-  
 rit Philosophia sanior, illiusq; quàm securos  
 reddiderit ratione verborum, inculpato animo  
 prolatorum; tenuitatis tamen & infantiae con-  
 scientia trepidare nos compellit. Tu quidem  
 Vir Excell. (paucā commodato accipiam à  
 Sidonio Apollinari lib. 8. ep. 10.) *Ingentes præ-  
 coniorum titulos moribus meis adplicas. Sed si  
 pudoris nostri fecisses utcunq; rationem. Simma-  
 chianum illud te cogitare par fuerat: ut vera laus  
 ornat; ita falsa castigat.* Conor multa, & ad  
 quæcunq; animum applicui, penitissimè co-  
 gnoscere anhelō: sed obstat ut plurimum rei  
 non modo cognoscendæ difficultas, sed & in-  
 genii hebetudo, quæ quòd non juvetur aut à  
 mutis magistris, aut per liquida experimenta;  
 (libri apud me cum trissyllabici jam diu sint,  
 non permittunt aut ingredi officinas librarias,  
 aut

aut experimentis vacare) animo veri studioso non modo dolor, sed subinde quoque obvenit desperatio, conando tamen aliquid, quod & pulchrum sit aliquo prodire tenus, probare me laboro vobis Vir Excell. & paucis aliis hoc seculo, quibus ex prima cavea datum est intueri & discutere illa, quæ nos, nimis quam audaces, perituræ chartæ illinere audemus. En vero musteum, conatum in verecundorum fatum numerum! qui si ab Excell. vestra tollatur, Deo Nixio gratulabor, ut mea patior à quovis discuti, ausus fui liberè aliorum opiniones examinare de operatione, quæ non tam meretur ad naturæ arcana referri, quam ad chymicorum fornaces, qui cum viderentur in sua Fermentatione *révéler* invenisse, per hanc (si Deo placet!) Jovis machinam, secretissimas Naturæ operationes explicare sustinuerunt. Ex amicis in Gallia didici D. Galateau magnæ famæ Medicum Burdigalensem pariter patrio idiomate instituisse discutere scriptum. D. Willis de Fermentatione, librum nondum accepi, si alicubi consentiamus, non tam mihi, quam veritati gratulabor. Ad coronidem vergit Tractatus de Sternutatione, juxta novas observationes Dn. Sneideri adornatus, omniaque complectens, quæ ad materiam hanc pertinent:

itemq; tractatus de Butyro, quod licet ad res  
obvias pertinet, singulares tamen difficultates  
omnia curiosius ruspanti procuravit. Simul  
iterato prodibant Exercitationes Sacrae, suis &  
vindictis munitæ, & altera parte auctiores.  
Audebo propedem hæc scripta Excell. V. of-  
ferre, ut hominis, ferme ad dispendium vale-  
tutinis laboriosi, ineptiis se oblectet. An pro-  
avi Observationes dias oras seculi hujus deli-  
cati mereantur subire, Excell. V. judicare  
poterit ex tribus, quatuorve, quarum, occa-  
sione eorum, quæ circa Fermentationem se  
offerebant, mentionem feci. Duas propemo-  
dum Centurias hujus commatis exhibere pos-  
sem. Tandem, ut dubio procul Excell. V.  
innotuit, contigit τὸν πᾶν Sylvium quoq;  
committi cum nostro Collega Medico, præ-  
video multa, nos tamen vix hiscere audemus,  
assuefacti à multis annis præfinitò loqui. Ho-  
mo imperitus, superbus, & cui δεινὰ χολὰ  
ἐνὶ ῥινὶ κέθηται, quid non audet? Vellem lice-  
ret ex mutuis his Eristicis scriptis, nobis (qui  
sumus Φιλομαθῆς) proficere: quemadmo-  
dum à scriptis Excel. V. semper doctiores di-  
scedimus. Deploro hominum pertinaciam,  
quod in gratiam cujusdam Bilsii, hominis  
ἐπιδά-

*Indarū*, nunquam visi, sed cæco animi impetu, ad commendationem hominis Politici, mente haud semper constantis, æstimati, tantum strepitum excitent; ut malint universam remp. literariam turbare, quam errorem fateri. Deus talibus saniozem mentem largiatur: simul Excell. V. bono communium studiorum longum fospiter, & vel parte annorum meorum beet. Vale, & salve, Vir summe, ab eo qui perpetuo manet

Excell. V. cultor sincere  
devotissimus  
Oecysime Grö-  
ningæ Mart. Schoockius.

1663.

## EPIST. XCVII.

*Fermentatio ventriculi ex Hippocrate  
defenditur.*

MARTINO SCHOOCKIO Gröningæ.

**F**ermentationem Tuam oppidò eruditam accepi, & pro ea gratias ago, non tantum quod ingenio magno & promptissimo ingeniis aliorum nimium fermentationi tribuentium occurreris strenuè, sed quod bene-



volum tuum animum & affectum in tanto disputationis fervore integrum mihi conservaveris & illibatum. Quamquam vero rem in plerisque acutis tetigisse videris; tamen eam fermentationem à chylicatione prorsus excludas, causam nullam video, præsertim si ea temperantia adhibeatur, quam in *Reformata Anatomia* nos adduxisse ipse, Vir Magne, probe monuisti; nempe quod coctionem ciborum præcedat, adeoque facilius aptaque reddat alimenta ingesta ad concoctinem. Ex chymicis inductus fui in hanc suspensionem, putredini & fermentationi herbas exponunt, ut exinde, quia per minima resolutæ sunt particulæ, spiritus efficacior igne eliciatur. *Hippocratem* pro ea sententia laudavi ex libro *de Veteri Medicina*, nec adhuc video, alium ex illo sensum posse elici. Credit tamen, Vir eruditissime, Medicæ familiæ principem loco dicto, de ventriculo noxia aliqua qualitate affecto sermonem habere, adeoque ex eo non procedere argumentum ad ventriculum integrum sanumque. Sed pace tua, mi *Schoocki*, Hippocrates de sanis loquitur, illorumque ventriculo, sicut manifestè indicant textus præcedentes: Inquit enim: Quod non minores afflictiones ab intempestiva vacuatione, quam à repletione hominibus contingant, probe disc-

discemus, si in sanis (ὁμαλινόμενος) rem expendamus. Declaraturus enim, ut explicatione *P. Martiani* utar, Hippocrates hoc axioma, non minus ægrotantes ab intempestiva evacuatione lædi, quam ab incongrua repletione, illud sanorum exemplo demonstrat, qui si à consveta diæta recedant, manifestè læduntur, tam scilicet qui plus solito assumunt, quam qui minus. Igitur de sano ventriculo loquitur *Cons* noster, ut ex illo argumentari possit ad ægrotum. Nec mens *Hippocratis* est, ventriculum male affici, quod sit ἐζυμώμενη, sed quod fermentato, h. e. in actione fermentationis nativa naturaliter occupato, cibo novus priore nondum concocto superaddatur. Naturalis enim illi est fermentatio & effervescentia, sed præter naturam & ventriculi etiam commodum, repletio nimia, vel inanitio. Ita & Interpretes omnes mecum sentiunt. Doctissimus *Zuingerus* in Notis, læsiones ventriculo sano accidere docet, non ob fermentum, sed vel repletionem, quia cibo priore nondum concocto alium superingessit, vel inanitionem, quia cibo priore jam absumpto, alimentum corpori non suppeditavit. Supra laudatus *Martianus* pro *Hippocratis* hoc controverso loco illustrando, hanc conclusionem deducit:

Consuetæ diætæ permutatio homines sanos lædit, Ergo multò magis ægrotantes. Consequentia probatur: Sanorum hominum, qui à præfata mutatione læduntur, si magis offenduntur, qui debiles sunt, quam robusti, sed ægrotantes proximiores sunt debiliorib9 corporibus, Ergò hi etiam magis offenduntur, &c. Ut constet communi consensu apud *Hippocratem* ventriculos sanos dici fermentatos, hoc est fermentantes, ut explicat *Foesius*, quo etiam iudice, fermentari cibi dicuntur, qui ad concoctionem præparantur & subiguntur, dum calore agitantur, & permixta multa materia flatuosa attolluntur ac intumescunt. Hunc & mihi & ex parte quoq; Tibi faventem ideo adduco, ut fermentationis necessitatem ex *Hippocrate* à me defensam videas, & fermentationis explicationem sine fermento pro Te interpretèris. Reliqua non vacat expendere quæ rara eruditione de Fermentatione immortalibus chartis consignasti: Solo *Hippocrate* jam ergo contentus, & tua amicitia, quæ sincera est prorsus sine fermento sine bile. Non dubito quin videris quæ nuper de Fermentatione Wutebergæ edidit *Martinus Kergerus* Medicus Lignicensis eruditus. De Sternatione & Butyro quæ promittis, avidè expecta-

precāmus, ubiq; enim Polyhistor regnas.  
Vive igitur diutissime, Reip. literariæ emolu-  
mento, meq; amare ne cesses, qui Totus  
sum Tuus.

Hasn. XXI. Nov.

clō Ibc LXIII.

Th. Bartholinus.

## EPIST. XCVIII.

*De curatione fædi profluvii alv.*

THOMÆ BARTHOLINO

Hafniam.

**P**ostremam tuam accepi propria manu no-  
stri D. Biermanni, cui paucis ecce respon-  
deo. Laus sit Deo Opt. Max. quod vivas &  
valeas: utinam in multos annos. Febrifugus  
ille pulvis multos fefellit, nec vera esse possunt  
quæ de illo mentiuntur & impune fingunt tot  
nebulones mercurio addicti, nempo Seplasi-  
arii, pharmacopœi, chymistæ, Loiolitæ, &  
alii lucripetæ, qui hoc unum agunt & student,  
ut aliquem decipiant novitatis suæ studio, &  
rem agant pro modulo virium: mihi tamen  
nunquam imposuit istud figmentum, utpote  
qui à novitatibus abhorreo, æquè ac à fraudi-  
bus & imposturis Artis, quæ sunt hodie multi-

plices. Hic habemus novum ac eruditum librum Cl. Viri *Sam. Bacharti*, de Animantibus sacrae scripturae: intra mensem, alterum speramus æquè bonum, nempe *Diogenem Laërtium* cum notis & Commentariis Variorum eruditorum. Hic habemus nobilem Danum D. *de Roscrantz* periculosè decumbentem, ex diaphthora pulmonis & atonia hepatis, cum feodo & foetido alvi profluvio, lentaq; febre, quæ vires ejus ex diuturni morbi contumacia languidas miserè atterunt: ex arte & methodo multa illi fuerunt adhibita remedia: sed *nihil author Apollo subvenit*. Consultores habui viros peritissimos *Petrum Hommets* & *Paulum Courtois*, nec quidquam profecimus:

*Cessere Magistri,*

*Phyllirides Chiron, Amythaoniusq; Melampus.*  
Vale & me ama. Amicos omnes tuos resaluto.  
Parisiis die 13. Aug. 1662.

Tuus ad omnia

Guido Patin.

**I**terum ad Te scribo, ut scias D. Vestrum *Roscrantz*, melius habere. Ex consilio optimorum virorum, quos mecum ad ejus curationem adhibui, nempe P. *Hommets*, & P. *Courtois*, utitur lacteasinino horis matutinis, & bellè procedit:

cedit: exquisitam servat victus legem; aliquando repurgatur ex decocto cichorac. cum paucis foliis & Syr. de Cichorio compos. cum rheo: facilius capit somnum, dejectiones crassescunt, melius quam antehac se habet ad ea quæ offeruntur: Collegæ mei, ambo peritissimi, de morbo melius sperant: libere dicam & verè: *Si Pergama dextra defendi possent, etiam hac defensa fuissent.*

Tandem igitur convalescit Dei Opt. Max. opera, cum Hippocrat. & Galeno, manu Medica, Phœbiq; potentibus herbis: per aphorismos Hippocratis, & divinam Galeni methodum. Fuit illi secta vena, fuit repurgatum corpus sæpiuscule, usus est lacte asinino & caprillo. Hesternæ die illi valedixi, proximè rus abituro ad neoterismum sibi procurandum, per aëris & loci mutationem: quod illi spero summè profuturum. Utinam per Te habeamus *Corn. Celsum Jo. Rhodii*: age igitur & seriò cogita de ejus editione, ad quam seriò suscipiendam Te supplex invito, & hortor ex animo. Utinam Deus opt. Max. ad hoc Tibi firmam valetudinem & animum idoneum indulgeat. Adhuc expecto *Th. Fienum* de signis Morborum Lugduni nuper editum. Tuos Fratres, Te & Tuam saluto, cum liberis, si qui  
ii f sint,

sint. Vale igitur Vir. Cl. & me quod facis, amare perge. Optimum Virum saluto, Cognatum tuum, D. Wormium, cui utinam aliquo modo utilis esse possim. Parisiis die Veneris 7. Sept. 1663.

Tuus ex animo

Gvido Patino.

## EPIST. XCIX.

*De Thoracis & abdominis communione.*

GVIDONI PATINO

Parisiis.

**R**ECTÈ tuas suavissimas literas tradidit Amplissimus D. Biemannus, cum fasciculo librorum selectissimorum, pro quo & Tibi & filiis Tuis Clarissimis, inprimis Dn. Carolæ Patino, quem olim in Collegio Præleo Bellovacæ juvenem audiavi ingeniosè disputantem, sicut *Cent. 1. Epist. 37. ad Walaum* scripsi, gratias ago amplissimas. Felicem Te prædico, Vir Magne, quod & propria & Clarissimorum filiorum famâ inclarescas. Ne ingratulus sim remitto pro libris libros, nec mole tamen, nec precio pares, tales tamen, qui ex officina

ficina nostra non ita pridem prodierunt, Epi-  
 stolarum mearum Centurias duas primas, dia-  
 triben de Pulmonibus, *Bagnii* nostri coelum  
 Orientis, *Vindingii* pariter nostri Diatriben de  
 Lingg. Græc. & Ægypt. affinitate, *Jac. Henr.*  
*Pauli* Anat. Professoris Anatomiam Bilbianam,  
 & alia, quæ æqui boniq; consules, ab amico  
 animo & grato profecta. Gaudeo quod Artis  
 divinæ felicitate Nobilissimum *Rosencranzium*  
 ex orci faucibus eripueris, cui ea propter ut  
 altero Æsculapio gallus debetur. Quomodo  
 pulmonibus abdominis vitia communicentur  
 ex Te malim discere quam arbolari. Commu-  
 nes vias novi. De alia *Συρροία* an sit cogitan-  
 dum, nescire cogor. *Merletus* vester, puris in-  
 ruffientibus excreatum ex inferioribus dedu-  
 cit, sed vias ignorat. In avibus res esset expe-  
 dita, in quibus pervius commeatus inter tho-  
 racem infimum patet. An similis in homine  
 fit, Deus novit. Necdum enim hæc sacra tra-  
 dita sunt. Eleusis servat, quod ostendat revi-  
 sentibus. Dysenteriam cum febre & marcore  
 vidit *Ballonius* vester l. 2. Eph. sed sanare non  
 potuit. Et in *Ludovico XIII.* Rege vestro  
 Christianissimo, fluxu purulento tabescente,  
 observavit *Lyonnetus* de Morb. Hæred. p. 72.  
 pul-



pulmonem in purulentiam abiisse, hepar ex-  
succum, mesenterium & cœcum pure diffuisse.  
Felicius cum Rosencranzio nostro actum gau-  
dea, nec mitari possum, quia Te Medico usus  
est, cui tot in orbe salutem suam debent morta-  
les. Deus tantum nobis orbiq; diu seruet Æscu-  
lapium. Illustris Parens Rosencranzius, Musarum  
Fautor & Amor, renatus sibi videtur, quia  
à limine mortis revocatum filium paternæ in-  
dolis & virtutis, tua opera lætus intellexit.  
Hicce vale, Vir summe, & me semper tuum,  
semper ama. Officiosè saluto Clarissimos Tuos  
filios, & Collegas. Raptim Hafniæ 30. Sept.  
cdo lœc LXIII.

T. T.

Th. Bartholinus.

## EPIST. C.

*De calculi sectione ficta & vera.*

CHRISTIANO FOSSIO

Lundinum.

CONvenerat ita nuper inter nos, cum ju-  
cundo sermone in ædibus utriusq; affinis  
Scavenii jungeremur, ut Raousi Lithotomi Ca-  
tastro-

Catastrophen Tibi per literas indicarem. Stabo promissis, & quia multis nominibus Tibi obstrictum me fateor, rem totam enarrabo. Nobilissimus noster *Hugo Lutzow* è Gallia redux & à Lithotomo *Raoux*, quem fama sparsa commendaverat, sectus, calculum secum, exsectum nobis attulit, qui ovi gallinacei ferè æquabat magnitudinem. Hic verò reapse prorsus silex erat, è quo scintillæ excutiebantur, ut cotis vice esse potuerit. Unde non injuria dubitatum à multis, an supposititius esset, astu sectoris substitutus, quod impossibile sit talem in homine lapidem generari. Augebat suspicionem, quod adhuc calculum in vesica habeat, molestiamq; aliquam sentiat. Ipsi tamen ægro nobilissimo persuaderi non potuit supposititium esse, quia lithotomum pro Viro bono æstimabat, & ipsi comites amici præsentés fuerant sectioni, levamenque statim finita sectione sentiit, quanquam jam alter calculus (quia duos calculos in vesica antea Lithotomus Amstelodamensis prædixerat) molestus sit, quem forsan majoris lucri spe in aliam occasionem reservaverit Raousius. Ita sibi blandiri volens æger pro Lithotomi fide pugnabat, miramq; hujus  
in

in secundo dexteritatem deprædicabat, quod  
 celerrimè sine apparatu majore sectionem  
 perfecit. Ego monitus à Medico Amste-  
 lodamensi exercitato & erudito *Paulo Barbette*,  
 facum subesse, & impostorem *Raoux* alios  
 eodem modo delusisse, leviq; vulnere ad os  
 pubis inflictio calculum supposuisse, judicium  
 distuli, donec Medicis & Chirurgis Pari-  
 sienſibus artis suæ dexteritatem in aliis cal-  
 culosis probasset. Habebam quidem simi-  
 lis duritiei calculum, in Museo ex vesica  
 humana sectum, sed an hic quoq; fallus sit,  
 pro certo affirmare non potui. In his e-  
 nim aliisque stamus donantium fide & re-  
 latione, quam sine offensa in dubium vo-  
 care non audemus. Hinc quanquam ad exa-  
 men rigidius exigamus, verè tamen Stoicorum  
 Princeps, nunquam apertius quam coram Ca-  
 tone peccatum esse. Interea certa documenta  
 Parisios afferuntur, *Raoux*sum artis suæ diffi-  
 dentia, ut publicum supplicium evitaret, clam  
 se subduxisse, & peccata artisartifici fuisse pu-  
 dori. Tandem igitur reapse edoctus nobilissi-  
 mus æger noster, aucto in dies singulos vesicæ  
 calculo, qui exemptus credebatur, relicta de  
*Raoux* anteriori spe, Parisiis Chirurgo & Litho-

homo solertissimo *Francisco Collett* se commisit, qui sine fūco duos calculos, diversæ à Raousianis consistentiæ, felici sectione extraxit, quorum major Uncias duas & drachmas septem, minor duas Uncias & totidem drachmas pendebat. Hujus nuntii læti per Generosum *Lutzovii* socerum Dn. *Georgium Rosencrantzium* Regiæ Academiæ Soranæ Præsidem mihi allati Te participem facere volui, ut mecum imposturas Artis detesteris, & impensè gaudeas optimum ægrum torturam & calculi & impostoris evasisse. Scripsit ad me laudatus supra *Barbetti*, posse eos, quorum interest, Regiâ cæprimis intercedente Auctoritate, de recuperandis nummis cogitare, & horrendam hominis malitiam refrenare. Cæterum, quia clanculum se subduxit, erroremq; fuga falsus est, ignominia ipsum se mulctavit, & bonæ fortunæ auxilio pœna, neutiquam metu liberatus. Mala quippe facinora hujusmodi medentium, conscientiam flagellantur, qui in eo maximè miseri sunt, quod sponsoribus securitatis suæ non possint credere. Ita splendidus ille Cystotomus abiit, excessit, evasit, erupit. An postliminio rediturus, dies docebit. Utinam cordatis Medicis & bonis

nis Viris majus statuerent pretium mortales,  
 qui bonâ conscientia tuti, prodire volunt &  
 conspici. Alia in arte nostra curiosa recen-  
 sere nolo, ne Tibi in medicina magno,  
 etiamsi maximis comparemus, sim molestus.  
 Alias ad hæc quoque excurram, quæ utri-  
 usque otii oblectamenta sunt. Vale, mi Af-  
 finis, cum lectissima Coniuge, & in artis  
 gloriam feliciter vive. Hafn. XX.

Jul. clb lbc LXIV.

T. T.

Th. Bartholinus.

INDEX

# INDEX RERUM RARIORUM

in

## Centuria Quarta Epistolarum.

A.

- |   |  |
|---|--|
| <p><b>A</b> Bdominis vitia thoraci communicata. <span style="color: blue;">563.</span></p> <p>Acicula per scrotum exiens. <span style="color: blue;">191.</span></p> <p>Acidulae Swalbacenses refrigerant 28. Ripidavienfes lienem minuunt 49. Spadanae contra calculum. <span style="color: blue;">223.</span> &amp; phrenesin. ibd. lagenis afferuntur <span style="color: blue;">232.</span> Islandicae <span style="color: blue;">231.</span></p> <p>Aeliani de Animalibus Mistum 216. Varia Schefferi <span style="color: blue;">248.</span> locus de Pygmæis expensus. <span style="color: blue;">243.</span></p> <p>ex Aere extrahi Sulphur &amp; salem. <span style="color: blue;">221.</span></p> <p>Aerem in cor penetrare. <span style="color: blue;">448.</span> folle sin-</p> | <p>gulari à Squammerdamio probatum <span style="color: blue;">448.</span></p> <p>Agyrtæ Aubrii vita <span style="color: blue;">87.</span> seq. <span style="color: blue;">91. 207.</span></p> <p>Allantoïdes in brutis contra Harveum. <span style="color: blue;">337. 342.</span></p> <p>Alhi vis lithontriptica 222. 230.</p> <p>Alphabetum Generale. <span style="color: blue;">539.</span></p> <p>Ampelographia Sachsi <span style="color: blue;">61. 64.</span> 211. 212.</p> <p>Anastomosis venarum mesenterii. <span style="color: blue;">9.</span></p> <p>Anatome Autoris quartum Reformata. 45. <span style="color: blue;">121.</span></p> <p>Anatome nova ex cadaveribus morbofis <span style="color: blue;">546.</span></p> <p>Aneurismatis dissectio. <span style="color: blue;">29.</span></p> <p style="text-align: right;">kk Anti-</p> |
|---|--|

# INDEX.

- |  |  |
|--|--|
| <p><b>Antimonium</b> crudum<br/>purgans innoxium 343.</p> <p><b>A</b> particula quid apud<br/>Celsum 303. quid<br/>Dorè 303.</p> <p><b>Apoplexiæ</b> senilis cu-<br/>ratio. 489. causa ex<br/>fero. 500. 501.</p> <p><b>Apoplexia</b> ex deambu-<br/>latione. 237.</p> <p><b>Aqua</b> calcis vivæ sol-<br/>vit calculum. 451.</p> <p><b>ex Aqua</b> Cephalica<br/>mors. 29.</p> <p><b>Aqua</b> fontana colicam<br/>inducit. 49.</p> <p><b>Aqua</b> in lienosis. 52. 55.</p> <p><b>Aquam</b> in calcem<br/>commutare. 526.</p> <p><b>Aqua</b> petrificata. 533.</p> <p><b>Aquea</b> vesica lienis. 55.</p> <p><b>Aquis</b> suffocatus Medi-<br/>cus. 29.</p> <p><b>Aggros</b> quid Medicis<br/>256.</p> <p><b>Arteria</b> cœliaca inflata</p> | <p>quæ partes intume-<br/>scant. 75. 219.</p> <p><b>Aspera</b> arteria testudi-<br/>nis ad renes proten-<br/>sa. 365.</p> <p><b>Astacus.</b> Vide Cancer.</p> <p><b>Asthmatici</b> senis reme-<br/>dium. 514. sudor<br/>pedum salutaris. 515.</p> <p><b>Atrophia</b> in spinæ tor-<br/>sione unde. 398.</p> <p><b>Avicennæ</b> laus. 318.</p> <p><b>Auri</b> mineræ Norwe-<br/>gicæ. 444.</p> <p><b>Aurum</b> potabile, 517.</p> <p style="text-align: center;"><b>A.</b></p> <p><b>Bellona</b> Medicis favet.<br/>200.</p> <p><b>Bibliothecæ</b> Lindani<br/>errores. 378.</p> <p><b>Bibliotheca</b> Oxonien-<br/>sis 527.</p> <p><b>Bibliotheca</b> Regia. 24.<br/>45. Fureniana. 45.</p> <p><b>Biliorum</b> vasorum<br/>insertiones variæ in<br/>avibus. 107.</p> <p style="text-align: right;">Bilfia-</p> |
|--|--|

# INDEX.

Biliana experimenta  
in dubium vocan-  
tur. 477.

Bismuthū Misniæ. 534.  
in Blottesandæum in-  
vectiva. 32. ejusdem  
excusatio. 35. ejus  
autor quis. 71. 226.

Bononiæ laus. 409.

Bullæ in torqvibus quid  
215. quotuplices. 241

filo inter se conser-  
tæ. 242. lunari for-  
ma in sacris. 251.

pueriles Rom. 250.

de Burrho judicium.  
279.

## C.

Cæcitas ptarmico Mer-  
curiali sanata. 523.

Calculi extractio ex  
vulnere parvo peri-  
culosa. 85.

Calculi humani vis  
præstantior bezoar-  
tico. 522.

Calculi sectio cum ap-

paratum minori quan-  
do peragitur. 85. de  
ea Celsi conditiones.

85. Hildano proba-  
tæ. 91. peruncum &  
tenacula non sem-  
per sufficienter fit.

85. in pube admini-  
strata 86. infeliciter

89. à Pietræo com-  
mendata. 89.

Calculi sectio ex Eunu-  
cho. 77.

Calculi sectio solis di-  
gitis non fit. 84. 85.

Calculi silicis duritiei.  
259.

in Calculosis hemicra-  
nea ejusdem lateris.

27.

Calculus annui pueri  
capitis magnitudine.  
528.

Calculus ex urethra se-  
ctus. 22. in poro pro-  
statae natus 23. 26. in  
urethra genitus. 25.

kk 2

Cal-



# INDEX.

- Calculus in testiculo. 26.  
 Calculus siliceus in corpore suppositivus. 339. 451.  
 Camelus à Dromade diversus 338. in Dania pariens. 339.  
 Cancelli in conchis an generentur vel purpuras pellant. 66. 67. duorum generum sunt auctori. 67.  
 Cancellus magnus in concha turbinata. 212.  
 Cancer ex cineribus an & quomodo resurgat 68.  
 Cancris difficile concoquuntur 64. asthmaticis profunt 64. alimentum præbent 64. cur in aqua dulci cocti ventrem comprimant. 64. ad canum morsus 65. cur rubent cocti 66. 384 in scorpiones non mutantur 68. cur ulceribus pulmonum profint, vesicæ obfint 69.  
 Cancrorum antipathia cum sue 65. cosmeticum 65. chelæ monstrosæ 66. oculi in aceto circumrotati, 69.  
 Cantharides vesicam petunt 400.  
 Cantharidum infusum ad gonorrhœam 343. ischuriam 93. 346. quæ cautione. 346. 400.  
 Caput aqua plenum in vertigine. 228.  
 Caput monstrosum. 524.  
 Cartesius de lacrymis deferitur 6. de Homine liber ex cerebro natus 113. 120. 209. 358. 366. 430. Car-

# INDEX.

- C**artilaginis mucronatæ prolapsus [456](#).  
 ejus curatio. *ibid.*  
 de Carunculis Hippocrates vindicatur [500](#).  
**C**asus insperati [42](#). [45](#).  
**C**elsus à Rhodio edendus [203](#). [482](#). quid de eo sit apud autorem [208](#). [378](#).  
 sine Cerebro pullus vivere potest [521](#).  
 & muscæ generare. [521](#).  
**C**hinæ chinæ arbor [321](#). effectus [379](#). [521](#).  
**C**horion aqua carere [332](#).  
**C**hyli cisterna duplex [330](#).  
**C**hyliferi ductus in cuniculis [324](#). an nutritioni inserviant. [325](#).  
**C**hylus quomodo dici possit ad Hepar ire [327](#).  
**C**ibo sumpto mors [391](#). [397](#).  
**C**lysteres ex tabaco. [523](#).  
**C**œcitas sorditatis remedium [235](#). [238](#).  
**C**œcum intestinum maculosum [337](#). unde maculas habeat [337](#). an flatuum sedes [337](#).  
**C**œli unicum esse motum [279](#).  
**C**ollegia quomodo instituenda. [63](#).  
**C**ollegium Nat. cur. in Anglia [63381](#). ejus leges [538](#). encomium [539](#).  
**C**ollegii Naturæ Curiosorum in Germania institutum [60](#). [61](#). [212](#). Collega Sachsius [61](#). [210](#).  
**C**omi-

# INDEX.

- Comitialis morbus ex  
 suffitu succini 283.  
 Commendatio amici  
 474. 481.  
 in Conario arenulæ  
367.  
 Conarium nigricans in  
 eqvo 358. qvo mo-  
 do Cartesium con-  
 firmer 360. 366.  
 Conceptio in vetulis  
 miraculosa. 499.  
 Consensus in morbis  
 unde pendeat 397.  
 Controversia de saliva  
 superioris inven-  
 tione 3. 18 103. 116.  
356. 366. 420.  
 Convulsio ex vesica  
 unde 27.  
 Convulsio in urinæ  
 suppressione 80. 93.  
 Cor corvo vegetam  
108. ranis 447.  
 de Corde Libera Hippo-  
 cratis 426.  
 sine Corde rana vivere  
 potest. 521.
- Cordis *ἀπαισιμασία*  
 defenditur 37. 45.  
 Cordis fibras esse unius  
 generis 417. 424.  
425. figuræ autho-  
 ris defensæ 418. 426.  
 conum densissimum  
 non esse. ib. septum  
 imperium esse ibid.  
427. motum facili-  
 orem cochlea fieri.  
424.  
 Cordis motus à muscu-  
 lorum diversus 425.  
 fibræ diversæ. ib.  
 Cordis Polypus 40. 43.  
76.  
 Cor esse musculum.  
417. 424. qvomo-  
 modo Hippocrati  
426.  
 Cor pure fluens 330.  
 Cor scombri inver-  
 sum 521.  
 in Corvo aquatico ob-  
 servationes 107.  
108. 109.  
 Cor-

# INDEX.

- Corvus ingratus** [116.](#) **Dejectiones** cruentæ  
**Crocus** metallorum indemnes [208.](#)  
canibus infusus no-  
xius. [§ 22.](#) **Dextræ partes** sinistris  
**CrySTALLINI** humoris an fortiores [122. 127.](#)  
mutatio unde [7.](#) **de Deusingio** iudicium  
**Crystalli** pro adaman-  
te, [442. 445.](#) **durius** [71. 104 341.](#)  
**ex Crystallis** candela-  
[394. 405.](#) **mitius**  
[118. 468. 471.](#)  
**bra.** [442. 445.](#) **Duretica** ex lapidibus  
**Crystalli** usus in feбри-  
bus. [446.](#) **cautè** exhibenda in  
**Cultri** in vulneribus **Diureticorum** defectus  
per abscessum par-  
tium aliarum prode-  
untes. [191. 192.](#) **§ 2. § 6.**  
**in Cuniculis** observa-  
tiones de motu cavæ  
[110. 111. 112.](#) **Draco** septem capiti-  
**Cutis** alia natura est à  
vesica. [450.](#) **bus.** [§ 24.](#)  
**Cygni** coronati [347.](#) **Ductus** pervius ex tho-  
**in Cygno** observa-  
tiones [334. 342. 357.](#) **race** in abdomen, [440.](#)  
**D.** **Dysenteria** effectus va-  
**Danorum** monumenta  
in Anglia [527. 535. 536.](#) **rius** [203. 205.](#) cura-  
tio [204. 205.](#) anatome  
[208.](#) excrementorum  
varietas [208.](#)  
**Dysenteria** remedium  
[§ 23.](#)  
**kk** 4 **Dy-**

# INDEX.

Dysenterici Anatome.	Febris incipit à rigore
504.	re <u>274.</u> loco tantum
E.	à rigore differt <u>279.</u>
Echo putei Lovanien-	Febris occulta <u>313.</u>
sis § <u>17.</u> Bruxellen-	quando & quomo-
sis, § <u>17.</u>	do fiat. <u>316.</u>
Elephantiaci pruritus	Febris partem esse ri-
285.	gorem ex Celso <u>295.</u>
Embryo in liquore	Hippocrate <u>292.</u>
conservatus <u>338.</u>	aliisq; <u>303.</u> ex Fon-
Epilepsia certis anno-	tano <u>316.</u>
rum periodis redi-	Febris signum non esse
ens <u>237.</u> vitio u-	simpliciter calorem
teri. <u>237.</u>	auctum <u>284.</u>
Excrefcentia carnea in	Februm essentia in ca-
osse sacro <u>232.</u>	lore ex Hippocrate
Experimentorum uti-	<u>263.</u> & Galeno <u>265.</u>
litas <u>63. 212. 326.</u>	<u>305.</u> dissentiente Wa-
F.	læo <u>267.</u> & Sylvio
in Fele observationes. 333	<u>293.</u> & Helmontio
Febricitantis Anatome.	<u>315.</u> quia calor tan-
310.	tum effectus <u>317.</u>
Febrilem rigorem esse	Felis Mumia <u>357.</u>
à flatibus <u>269.</u> quo-	Fellis folliculi defectus
modo explicandum	in monstro <u>124.</u>
<u>311.</u>	Fellis folliculus in qui-
Febris & icteri causa	bus deest <u>342.</u> ductu
vesiculæ <u>491. 503.</u>	alio

# INDEX.

alio compensatur.	plura hoc seculo
<u>342.</u>	257.
Fellis vesicula corvi	Fœtus in membranis
non accumbit he-	exclusus 32.
pati <u>108. 115.</u> 355.	Fœtus Mussipontanus
ejus ramulitres <u>108.</u>	fictus <u>330. 368.</u>
ad crebras alvi de-	Fœtus prægnantes <u>384.</u>
jectiones sollicitat.	<u>386.</u>
<u>116. 356.</u>	Fragorum esus præg-
Fæminæ an gestentur	nantibus damnosus.
quibus indiciis scia-	13. colicam excitat.
tur. <u>16.</u>	ibid.
Fermentatio impugna	Fungi boleti in hydro-
ta 553. ex Hippo-	pe <u>371.</u>
crate defensa <u>556.</u>	G.
seq.	Galenicæ medicinæ
Ferrum in sua princi-	laus <u>376.</u>
pia resolvere <u>526.</u>	Gallina tripes 520.
Fibræ lienis in aqua di-	Gammarus. Vide Can-
latantur 51. in hepate	cer, <del>Gammarus</del>
uterino 51. illarum	Gemelli ex umbilico
usus 51. laxatæ scir-	per partes aliquot
rhum gignunt 54.	annorū spatio pro-
Flatus ex hypochon-	<u>deuntes 99. 121. 125.</u>
driis ad thoracem	de iis Resolutio Deu-
adscendere 435. 436.	singii 125. seq. Res-
Fœtus humani ostenta	ponsio Autoris <u>125.</u>
	k k 5. & à

# INDEX.

- & à Deusingio dis-  
fensus 198. 469. seq.  
horum comparatio  
cum Mussipontano  
192.
- Gemelli quibus signis  
indidentur. 125.  
195. 196.
- Gingivarum cruenta-  
tio ex cultri strido-  
re 523.
- ex Glaciato vino fe-  
bris 47.
- Glandulæ omenti in  
hydrope tumidæ  
370. lymphæ plenæ  
370. scirrhosæ 371.
- Glandulæ subcærulæ  
in pulmonibus 76.  
an Whartono co-  
gnitæ 82 220. Rud-  
beckio visæ 220.  
an humectationi in-  
serviant 82. vel fer-  
mentū addant lym-  
phæ 220. 230.
- Gonorrhææ remedia.  
343. 346.
- Gravidis menses fluen-  
tes 48.
- Graviditatis impeditæ  
signa. 196. 197.
- Graviditas diuturna à  
flatibus 186. 187.  
197. vel fermenta-  
tione 198.
- G.
- Hæmorrhagia narium  
in spleneticis 42.  
55. in suppressione  
urinæ 93.
- Hæmorrhoidum reme-  
dium 523.
- Harvei monumentum  
537.
- Hæctica febris non  
datur 268.
- Hepar cordi vicinum  
in corvo 115. 355.
- Hepar defunctum Au-  
toris 30. 35. ab illo  
dissensus Deusingii.  
31. 123. ab autore  
defensum. 468.  
473.
- Hepar

# INDEX.

- Hepar per monstrum** defenditur 105, malè  
45. 98.
- Hepar quomodo ad** sanguificationem in Hydrope flatu di-  
conferat. 328. stendi intestina. 401
- Hepatis munus an sit** bilis separatio, 124. 202.
- Hepatis vomica.** 505. **Hydrops ex suppressi-**  
periculosa. one urinæ. 76.
- Hernia ingens.** 519. **Hydrops nodosus.** 369.
- Hernia inguinalis in** **Hypochondriaco scor-**  
adultis quando cu- butici curatio. 372.  
rabilis 96. quomodo 411.
- curetur, 97. **Hypochondrii sinistri**  
**Hippocratis Aphoris-** tumor. 47. in gra-  
mi impugnati, 548. vida persistens 48.  
defensi & excusati. 49. in puerpera ad  
550. quibus scripti, pubem. 49.
551. **ex Hypochondrio alvi**  
**Hippocratis liber de** dejectio. 540.  
Flatibus an genui- L  
nus. 269. 310.
- Hollerii editio nova.** 319. opuscula. 320.
374. **Icterus spleneticis su-**  
**Hydatides magnæ in** perveniens bonus,  
crure. 126. 54.
- Jeju-



# INDEX.

Jejunium Medici in fau- stum. <a href="#">§ 36.</a>	Lacrymæ an per mem- branas oculorum fluant. <a href="#">6.</a>
Jenensis Academiae sta- tus. <a href="#">117. 118.</a>	Lactæa venæ ad mam- mas. <a href="#">114.</a> <a href="#">353.</a> seq. & uterum.
Iliaca passio apud Ja- maicos. <a href="#">§ 28.</a> dupli- cata ibi esse intesti- na. <a href="#">§ 29.</a>	Lactea gelatina in ab- domine. <a href="#">9.</a>
Iliacæ passionis varia species ex anatome defunctorum <a href="#">§ 42.</a> seq.	Lactea vasa ad testes non ire. <a href="#">106.</a> de Lacteis & Lympha- ticis dubia <a href="#">387.</a> seq. Responsiones. <a href="#">395.</a> seq.
Infantes in utero feбри- citantes & vagien- tes. <a href="#">488.</a> <a href="#">500.</a>	Lactei thoracici. du- plex insertio. <a href="#">449.</a>
Inguinis tumor in gra- vidis. <a href="#">196.</a>	Lacteus thoracicus in- tumescit ex coelia- ca <a href="#">75.</a> lymphæ quo- que destinatus. <a href="#">81.</a>
Instauratio partium re- alis. <a href="#">389.</a> cita <a href="#">396.</a>	Lampyridum. descri- ptio. <a href="#">§ 30.</a>
Instrumentū pro igne lampadis. <a href="#">§ 26.</a>	Laudanum sine opio Quercetani. <a href="#">492.</a> <a href="#">506.</a>
Intestinorum gangræ- na. <a href="#">122.</a>	Laryngis convulsio rara. <a href="#">454.</a> <a href="#">455.</a>
L. Labyrinthi Bilisiani re- formatio. <a href="#">121.</a> <a href="#">337.</a> <a href="#">366.</a> <a href="#">449.</a>	

Leo

# INDEX.

Leo Americanus mitior. 452.

Librarium munus. 15.  
ex liene tumido deglutitio sublata. 54.

Lien felis longus. 333.

ad Lienem liquidorem sanguinem & chylum ferri. 55.

in Liene vesica aquea 55.

Lienis exsectio in homine canibusq; 55.  
278. 537.

Lienis magni Anatomie. 50. 51. 54. ejus fibræ seroso sanguine plenæ. 51. curatio. 52. 56. 57.

Lienis tunica corio bubulo similis. 54.

Lien magn9 Comitissæ 49. 50. in Borea frequentior. 51. non à melancholia. 52. quot modis augeatur. 53. imprægnati-

nem non impedit. 54. ictero & evacuatione biliola detumuit. 54. vomitus cruoris imminutus.

54.

Lienosi cur interdum sicco ore. 55.

Lien quartanarii phlegmonosus. 55.

Lien utero adnatus. 56.

Lignum in petram mutatum. 528.

Limoniū prægnans. 385.

Lithontripticon Americani an periculosum. 95. unde confectum. 96.

Lithontripticon singulare. 526.

Lithopædii durities saxea. 259.

Lithotomi Amstelodamensis felicitas. 77.

Harlemensis. 512.

Castrensis sectio supra os pubis. 77. in

# INDEX.

- in perinao solis di-  
gitis. 82. 207. 222.  
frustranea. 84. im  
postura. 507. 512.
- Lithotomi Parienses  
quomodo secant.  
89.
- Lithotomi Raoufi im-  
postura. 507. 546.  
ejusdem confirma-  
tio. 511. de eadubi-  
tationes. 508.
- de Luce autoris liber. 510.
- Lucis natura. 486. 494.  
487. 496.  
407.
- Lumbricorum reme-  
dium, 347.
- Lumen intensum cur  
oculis noceat. 11.
- Lustratio cadaveris.  
121.
- Lux insita animalibus  
quomodo provoce-  
tur. 404. 495.
- Lympha copiosa ex  
ore profiliens. 116.  
ex auribus. 116.  
mammis. 117.
- Lymphatica ad lienes  
magnos conferunt.  
53. ab autore inven-  
ta. 59. incredulis de-  
monstrata. 224.
- Lymphatica ex arteriis  
lympham trahere.  
81.
- Lymphatica excreto-  
ria narium. 4. 6.
- Lymphatica in cuni-  
culis. 106.
- Lymphatica in fauci-  
bus, palato, nari-  
bus, gutture &c.  
430. 431. pulmonibus.  
434.
- Lymphatici liquoris  
consistitia inæqua-  
lis. 522.
- Lymphaticorum syna-  
nastomosis cum ve-  
nis hepatis. 75. 218.
- Lympha Trophoniana  
COR-

# INDEX.

contra calculum.	<u>492. 506. qva</u> cau-
<u>533.</u>	tione. <u>505.</u>
M.	Mesenterii gangrana-
Macrocephalus <u>puer.</u>	<u>122.</u>
<u>457.</u>	Mesenterium tumori-
Magnes incandescens	bus plenum, <u>503.</u>
polos invertit. <u>520.</u>	Meseraicæ simul in-
Mammæ tres in femi.	flantur omnes. <u>76.</u>
na ejusq; filia. <u>226.</u>	Metastasis humorum
<u>452.</u>	per qvas vias. <u>365.</u>
Maniacus an febrici-	Mictio cruenta ex re-
tans. <u>286.</u>	ne <u>ulcerato. 490. 501.</u>
Medicina Apodictica.	Mictio periodica puer-
<u>323. 326.</u>	peræ. <u>361.</u>
Menses junioribus &	Millepedum decoctum
senioribus fluentes.	ad fistulas, catara-
<u>498. 499.</u>	ctam, <u>522.</u>
Mercurii oleum ad ex-	Molybdæna Mendip-
terna. <u>74.</u>	pea. <u>534.</u>
Mercurii vis in cœci-	Monstrum sine corde
tate <u>523. cancro, 524.</u>	& cerebro pro he-
Mercurio præcipitato	pate nihil probat,
cautè utendum <u>74.</u>	<u>45. 98. 105. 114. 124.</u>
febrem curavit mu-	Mortarium miraculo-
lier. <u>74.</u>	sum. <u>531.</u>
Mercurius crudus ad	Mulier barbata Angli-
partum laboriosum.	ca. <u>519. Danica. 542.</u>
	Mulier

# INDEX.

- |   |  |
|---|--|
| <p>Mulier octogenaria<br/>menstruata <span style="color: blue;">448.</span><br/><span style="color: blue;">400.</span></p> <p>Mumia Hildani <span style="color: blue;">37.</span></p> <p>Mures in utero <span style="color: blue;">marris</span><br/>esse pręgnantes 260.</p> <p>in Mure observationes<br/><span style="color: blue;">333.</span></p> <p>Murium fecunditas<br/><span style="color: blue;">386.</span> unde <span style="color: blue;">361.</span></p> <p>Muscę sine capite vi-<br/>vunt &amp; generant<br/>521. qvales in mi-<br/>croscopio <span style="color: blue;">539.</span></p> <p>Musculi compositi.<br/><span style="color: blue;">416.</span></p> <p>Musculi fabrica nova<br/><span style="color: blue;">414.</span> membrana.<br/><span style="color: blue;">416.</span></p> <p>Myopes respicientes<br/>emendantur <span style="color: blue;">7.</span></p> <p style="text-align: center;">N.</p> <p>Nęvi puerilis curatio.<br/><span style="color: blue;">413.</span></p> <p>Narium canalis. <span style="color: blue;">4.</span></p> <p>Nasturtium pellere cal-<br/>culum. <span style="color: blue;">21.</span></p> | <p>Nicotiana qvomodo<br/>humores ex oculis<br/>trahat. <span style="color: blue;">4.</span> <span style="color: blue;">5.</span> <span style="color: blue;">6.</span> <span style="color: blue;">7.</span> 11.<br/>O.</p> <p>Observationes Bogda-<br/>ni. <span style="color: blue;">36.</span> <span style="color: blue;">44.</span> Wepferi.<br/><span style="color: blue;">57.</span> Scipperii. 554.</p> <p>Observationes Tycho-<br/>nis. 20. per Erasmi.<br/>Bartholinum eden-<br/>dę. <span style="color: blue;">24.</span></p> <p>Obsidio Hafniensis<br/>Beringi. <span style="color: blue;">322.</span></p> <p>Obstetricis imperitia.<br/><span style="color: blue;">13.</span></p> <p>Obstetrix hermaphro-<br/>dita. <span style="color: blue;">529.</span></p> <p>Octoginta annis gra-<br/>vida. <span style="color: blue;">186.</span></p> <p>Ocularis liqvor Burrhi-<br/>anus <span style="color: blue;">73.</span> an ex liqvo-<br/>ribus oculorũ prę-<br/>paretur <span style="color: blue;">73.</span></p> <p>Oculi laborantes spon-<br/>te convalescunt <span style="color: blue;">74.</span></p> <p>Oculi humor aqueus<br/>subsalsus. <span style="color: blue;">333.</span><br/>in</p> |
|---|--|

# INDEX.

- in Oculis rerum ima-  
gines remanentes, 8. 9. 12.  
Oculorum fulgores 11.  
495. imbecillitas in  
senibus unde 239. ex  
nervo attenuato 239.  
Oculorum liquores de-  
perditi quomodo re-  
stituendi 73. 278.  
Oleum & sal ex ignean  
vere extrahatur 72.  
Onirocrotalus iracun-  
dus 338.  
Ononidis Radix ad  
Sarcocelen. 52. 57.  
Opium cani innoxium,  
feli damnosum 522.  
arteriis canis infusū  
soporem infert 522.  
Officula infantum ex  
umbilico exeuntia  
99. 125. 188. 192. 233.  
367. per lotium 188.  
alvum 190.  
P.  
Panis buccellati & ca-  
stensis differentia 253.  
254. alia species 255.  
Panis ~~mis~~ qualis &  
quomodo coqueba-  
tur 254. unde di-  
ctus 255.  
Panis pinlandi varii  
furni 254. 255.  
Pancreatis ductus in-  
sertio in avibus 107.  
usus Riolani confir-  
matur 114.  
Pancreatis ductus du-  
plex 330. 342.  
Paralysis ex colica bi-  
liosa 238. 397. post  
largum potum 398.  
Paralysis scorbutica in-  
feriorum partiū 79.  
Partus tempus in cer-  
tum quomodo 182.  
183. post undeci-  
mum vix extenditur  
184. 186. 197.  
Pedes in puero inversi  
232.  
Pede sauciato cōvulsio  
maxillæ 390. unde 397.  
11. Pedes

# INDEX.

- Pedes phitifici variè tumentes [379.](#)  
 Pedum & ventris scirrhusa durities in [hydropse.](#) [201. 202.](#)  
 Pedum inflatio in gravidis [196. nigredo](#) [197.](#)  
 Penis brevitās an impediāt conceptum [97.](#)  
 Petechiæ cum fluxu cruento. [81.](#)  
 Pilorum ejusdem coloris sympathia [261.](#)  
 Pilorum robur. [452.](#)  
 Plātarū essētiæ virtus [523.](#)  
 Pleura pulmōni adhærens. [39.](#)  
[Pleuriticorum](#) expurgatio. [365.](#)  
 Pleuritis alvi fluxu liberata. [365.](#)  
 Pleuropneumoniæ [Anatomie](#) [39. 41. 42. 43.](#)  
 Plexus choroides in quarto ventriculō. [331. 358.](#)  
 Plinii lectio defenditur. [196.](#)  
 Portæ vena in febre obstructa. [310.](#)  
 Prædictio de sexu in utero [16.](#)  
 Profluvii fædi alvi curatio [559.](#) seq.  
 in Profluvio purulento pulmonem affici. [563. 564.](#)  
 Puerperæ mors repentina [13.](#) fragæ noxiæ ib.  
 Pugnus pectori inflictus an causa mortis sit [43.](#)  
 Pulmōnes an ex vesiculis consistant [201. 349.](#)  
[350. 369.](#)  
 cuniculi quales [350.](#)  
 Pulmōn. cur pervii [435.](#)  
 Pulmōnes integri in phitificis [436.](#) sicci in metallurgis [437.](#) affecti in vera phitifi [439.](#)  
 Pulmōnis ulus an ad miscelam [364.](#) tubulus ad abdomen [365.](#)  
 Pulmōnum cavernæ [431.](#) origo an ex sanguine [432.](#) ru-

# INDEX.

- bor, in adultis unde  
1432. macula nigrae  
 unde 433.  
 Pulmonū substantia ex  
 vesiculis 45.82.120.  
 aëris promptuarium  
221.  
 Pulmonum vesiculæ in  
 tabidis 434.  
 Pulmo variegatus &  
 siccus in vulnerato 39  
 Pulsus an febris sit, si-  
 gnum 280.282.  
 Pulvis sympatheticus  
 ad vesicæ ulcera 523.  
 impugnatus 71.  
 Puris excretio febrici-  
 tantis 492.  
 Purulenti fluxus varii  
 503. 504. 505.  
 Pygmæi an fabulosi  
216. 248. de iis  
 sententia H. Vossii  
218. occasione si-  
 miarum an excogi-  
 tati 245. 252. non  
 sunt spectra mon-  
 tana 248.
- R.  
 Ranarum pulmones &  
 vesica urinaria 447.  
 Rene alterutro obstru-  
 cto an à calculo sup-  
 primatur lotium 229.  
 Renes quomodo affe-  
 cti in obstructione  
 urinæ 228. 229.  
 in Renis parenchyma-  
 te arenae 331.  
 Ren putridus per vesicæ  
 cam excretus. 76.  
 Respiratione attrahi  
 Sulphur & salem. 221.  
 in Respiratione experi-  
 menta. 351.352.448.  
 Rhodii institutum in  
 edendo Celso. 482.  
 Rigorem esse ex causa  
 calida. 305. 307. &  
 bile. 306. non à fri-  
 gore. 308. 309. 317.  
318. à sole. 308. à  
 tenui & mordaci  
 materia. 309.  
 Rigor febrilis à flatibus  
 112 270.



# INDEX.

270. & à frigida cau-  
sa. 271. 272. 273.  
quo modo accipi-  
endum. 312. an fe-  
paretur à febre. 270.  
274. 279.
- Rigor febris initium &  
pars. 295. 299. seq. cō-  
tra Augēnii rationes  
probatur. 296. seq. in  
declinatione. 301.
- Rigor febrilis quo mo-  
do fiat ex Altimaro.  
313. 314. & Fon-  
tano, qui Helmon-  
tium impugnāt. 315.  
ex autore. 316.
- Rigor sine febre. 287.  
302. à calore distin-  
guitur Hippoc. 289.
- Ruffi Ephesi Ms. 37.  
45. editiones. 45.
- Rustici ex pugno mor-  
tui casus 38. anato-  
me. 39. de eo qvæstio.  
40. Responsio. 41.
- Sal aëris. 221. therma-  
rum qvale. 224. 225.
- Salivalis ductus in ore  
manifestus. 116.
- Salivaliū ductuū inven-  
tio antiquis nota. 18.
- Sal mineralis. 526.
- Sal volatile penetrare  
vitrum. 72.
- Sanguis actu frigidus  
observatus. 310.
- in Sanguine species ho-  
minis visa. 101.
- Sanguis Scorbutico-  
rum varius. 101.
- Sanguis variorum spi-  
rituum affusione im-  
mutatus. 342.
- Scorbuti remedia. 57.
- Scrofulæ colli cū me-  
senterio strumoso.  
398. à lymphaticis  
colli dependent. 399.
- Sectio Cæsarea. 207.  
epilepsiæ causa non  
est. 237.
- Secundinæ cum foetu  
prodeuntes. 13.
- Seni-

# INDEX.

- Senibus cur imbecillis  
visus. [239.](#)
- Silices an in corpore  
nostro generentur.  
[508. 509. 513.](#)
- Specus Ugartilochi  
[533.](#)
- Spleneticum empla-  
strū ex cicuta. [52. 57.](#)
- Sputa phtisi corum an  
ex [ventriculo. 436.](#)  
[439.](#) seq.
- Sputū phisicæ sine tussi  
in ore collectū. [439.](#)
- Sulphur aëris. [221.](#)  
thermarum. [224.](#)
- Sulphur vitrioli quo-  
modo fiat. [344.](#)
- Superfoetatio an dupli-  
cem uterum requi-  
rat. [188.](#)
- Superfoetatio rara. [360.](#)
- Surditas cœcitati suc-  
cedens. [234. 238.](#)
- Surdos loquelam do-  
cere. [527.](#)
- Sylva Epithalamica  
Dati. [102.](#)
- in Sylviū Deusingius in-  
vehitur. [465.](#) seq.
- Sylvii innocentia. [472.](#)  
T.
- Talpæ Anatome. [518.](#)  
oculi. [518.](#)
- Terebinthus lumbrici-  
corum [remediū. 347.](#)
- Terra Danica medica-  
ta. [444.](#)
- Terra solaris Silesiæ.  
[384. 442.](#) Ungari-  
æ. [386. 442. 445.](#)
- Tincturæ Amelungi  
damnum [95.](#) abusus  
[95.](#) compositio. [96.](#)
- Torques Borealiū. [215.](#)  
Frothonis ibd. [241.](#)  
quomodo à vulgari-  
bus differunt. [243.](#)
- Translatio materiæ à  
venis ad nervos [236.](#)  
à nervis ad nervos  
facilior [238.](#)
- Thermæ Britannicæ [532.](#)
- Thermæ Emserianæ [28.](#)
- Aquisgranenses [224.](#)  
Islan

# INDEX

- Islandiæ 231. Arti-  
 ficiales 225. 231. 232.  
 Helveticæ 49.  
 Tubæ uteri nervæ 331.  
 Tuberc. in cranio. 528.  
 V.  
 Valvulæ in nervis 430.  
 Vapores an nutriât 396.  
 Vascula flexilia; ex ce-  
 dro 339.  
 Vena cava prope cor  
 ultimū moriens 109.  
 110. 333. quare 116.  
 ejus motus à corde  
 diversus ib. infra su-  
 praq; 116.  
 Venæ cavæ fibrarum  
 intumescencia varia  
 110. 111. 112. car-  
 neæ. circa cor 115.  
 Venæ coronariæ cordis  
 osculis hiant 75. 219.  
 valvulis carent. 25.  
 Venæ inspiratione de-  
 plentur 352. 353.  
 cur 359. 419.  
 Ventrículi gangræna  
 122.  
 Ventrículus in medio  
 angustus 330.  
 Ventrículus quomodo  
 in phthisi affectus,  
 439. 440.  
 Vesica acidis vel salsis  
 oleosis in cocta quo-  
 modo muretur 450.  
 Vesicæ defectus in her-  
 maphrodito 2263.  
 Vesicæ variorum  
 morborum causæ  
 502. tabis 503.  
 Vesicæ sectio ad pu-  
 bem 206. ficta &  
 vera 565. seq.  
 Vesicæ sphincter in fe-  
 mina fibras lōgas ha-  
 bet 332. exterius cir-  
 culares 332. in Viro  
 semi obliqvas 332.  
 quales in sue 332.  
 Vesicæ tunicæ plures  
 343. 450. interiores  
 exesæ in mictione pu-  
 rulenta ib. fibræ cor-  
 ruptæ 456.  
 Vesicæ; in omēto. 370

# INDEX.

- Viperarum** cor & sanguis frigidus § 21. canis innoxia § 22.
- Visus** acumen unde 333.
- Vitæ** eruditorum Crassus, 320. 322.
- Vitul.** biceps sex ped. 78
- Ulcera** ulthrae 21. 26.
- Umbilicales** funiculi brutorum novi unde & quomodo curadi 362.
- Ungues** an excrementitii 260. præsecandi in læsione digitorum 260. in leprosis crassiores 261.
- Ungulae** equorum rasae 260. agninae § 23.
- Vorstii** Theophrastus 406. 463. mors 407. 461. encomium 461. 462.
- Ureterum** foramina triangularia 331
- Urethrae** obstructio à calculo 21. sectio 22. an vitiosa conformatio 23. 25.
- Urinae** nigrae in spleneticis salutare § 6.
- Urinae** suppressio ad 14. diem 80. 92. sine dolore 93. ad varios dies, menses & annos protracta 94. ex atonia renum 228. ejusdè anatome 228. 229.
- Urinae** stillicidium 21. 25. per ulcus apertum 21. 26. ex tumidis prostaticis 260.
- in Uteri** cornibus conceptus 127.
- Uteri** ruptura ex foetu 187. 189. 199. ejus signa an in gemellis nostris 198. ulcera 198.
- ex Utero** ranarum canalis ad fauces 447.
- Uterum** laniare apud Senecam quid 470.
- Uvae** foraminis mutatio. 7. 8.
- Zinziberis** usq in oculis §. in Dysenteria § 23.

*Errata Typographica nonnulla  
ita corrigenda.*

Pag. 20. l. 12. quotidie, p. 22. l. 2. necessariam  
p. 27. l. 2. viis p. 35. l. 10. in opin. p. 68. l. 5.  
Mouffetus p. 69. l. 24. stellaris p. 72. l. 17.  
facile p. 74. l. 14. præcipitato p. 84. l. 13.  
periculosum p. 86. l. 11. potest carnifex p. 94.  
l. 1. serum eliminari. p. 96. l. pen. imperfecta  
p. 98. l. 16. amicitiam p. 112. l. 24. moriente  
p. 113. l. 15. Cartesii p. 115. l. 12. non accubuerit  
p. 121. l. 9. decursu p. 122. l. 19. LXIII.  
p. 201. l. 25. consuetam p. 212. l. 10. pluscula  
p. 215. l. 14. Viriis p. 218. l. 14. suppressionem  
p. 221. l. 25. aere p. 228. l. 6. Avun-  
culo p. 237. l. 2. venenata l. 4. convellitur  
p. 242. l. 20. interius p. 302. l. 12. forma  
p. 324. l. 11. virum p. 327. l. 9. faciant  
p. 329. l. 11. famæ p. 337. l. 19. Esse  
p. 363. l. 10. cum p. 382. l. 13. focco l. 14.  
tenui p. 391. l. ant. Medioburgensis p. 394.  
l. 12. chylum p. 397. l. 4. dele in p. 404.  
l. 21. Amavi l. 23. amari p. 418. l. 24. Tabula  
p. 447. l. 4. Arctoi p. 448. l. 21. ob p. 499.  
l. 17. qvi p. 504. l. 10. Falcoburgius.

Sunt certè & alia, quæ annotare non va-  
cat, benevolo Lectoris judicio relinqvenda.  
Nam aliud est Epistolam amico, aliud omni-  
bus scribere.

